



22526

Mag. St. Dr.



Z. IV. 51

l. 8. 1/2.



Hist. 4096.

J. J. Bandtlin.

V. a. 17.  
Z. IV. 51.



*histona*





De raritate hujus libri vid. Freytag in analecti-  
de libris rarioribus p. 1008.





THOMÆ TRETERI  
CVSTODIS CANONICI VARMIENSIS  
DE  
EPISCOPATV & EPISCOPIS  
ECCLESIAE VARMIENSIS.

OPVS POSTHYMVM  
Nunc primum curâ & impensis

MATTHIAE à Lubomierz TRETERI S. R. M. S.


Vsui Publico  
D A T V M.

CRACOVIAE, Typis Francisci Cezary S. R. M. Nec  
non Illustr. ac Reu. Episcopi Crac. Ducis  
Seueriz Typ. A. D. 1685.





IN GENTILITIVM INSIGNE  
Illustrissimi & Reuerēdissimi Præfulis ac Principis.



22526 III

*In Calis Agnus radiat, qui vellera quondam  
Aurea, de Phrygio viscere nata tulit.  
In terris Agnus rutilat, qui viscera magni  
Præfulis, ex Regum Sanguine ducta gerit.  
Dignior hic Astris, decorat quem Varmia gemmis;  
Aureus ille homini, gemmeus iste DEO.*



SIMON ALEXIVS TRETERVS  
Præbendarius Otuinouiensis.



ILLVSTRISSIMO & REVERENDISSIMO DOMINO,  
**D. MICHAELI**  
**STEPHANO,**

COMITI in RADZIEIOWICE & KRYLOW.

DEI & Apostolicæ Sedis gratiâ,

**EPISCOPO**

**VARMIE NSI & SAMBIENSI,**

REGNI POLONIÆ PROCANCELLARIO,

Sacri Romani Imperij Principi,

Domino & Patrono amplissimo.



*Excessisse is mihi, humanam mortalium sortem videtur; qui angusto circumscripta ævo viuendi spatia, magno ad posteros transmissio spiritu, monumentisque literarum extendit. Illustrissime & Reuerendissime PRINCEPS. Ingenio quippe etiam contra Lybitinæ iura uiuitur: solaq; ex mortalibus intelligentias reddit, vis illa mentium; quæ se victuris à calamo sæculis infundit, vindicans à morte partem hominis nobilissimam, cui ut origo Cælestis, sic & immortalitas debetur. Quanquam verò dignas Cedris perennibus curas; quæ orbi pro antecedentium temporum vindiciis laborant; sæpè in ipso pulcherrimi operis vestibulo, aut inter egregios conatus, adhuc sub limâ hærentes, mors ultima rerum linea soluat: Non ideo tamen, totus hic Parcarum est triumphus; cum supersit gratæ posteritati modus; quo ex cineribus suis, in posthumo opere vindicati, prodeant vitales animorum, ceu Phœnicis partus. Quinimò & ipsa Cælestis prouidentia admiranda series, hoc agit; ut quæ vsui publico meditata sunt, etiam mortali profundo hausta, redeant iterum, ceu felices*



*Polycratis gemmæ ; quas non Argus quidem centoculus, sed per-  
uigil ex alto custodia, ut lucem aliquando videant, opportuno tem-  
pori seruat. Actum id quoque cum posthumo Opere Patruī olim  
mei, Thomæ Treteri Custodis Canonici Varmiensis ; cuius de  
Episcopatu & Episcopis Varmiensibus bono publico su-  
sceptæ curæ, & in manuscriptis, post ultima fata relictæ, cum ad  
manus Celsissimi olim Præsulis & Principis, Andreæ Olze-  
wski Episcopi sub id tempus Culmensis & Procancellarij Regni, post  
Archiepiscopi Gnesnensis & Primatis Regni, summi & amplissimi  
Patroni mei, non sine arcano superum nutu deuenissent ; pro illa  
æstimatione, & digna principe ingeniorum gratiâ, quâ ipse quoscunq;  
animorum partus, tenere fouit, & Orbi seruandos censuit ; Hanc  
quoq; Patruī mei operam, tametsi necdum plenè digestam, & morte  
interruptam, dum conseruat ; in pignus tandem propensi in me af-  
fectus, & humanissimæ illius, quâ apud eum fruebar gratiæ, dono  
mibi datam, ut Iuris publici fieret, ceu digito intendit. Excepi  
munus, à tanti Principis manu, & à sanguinis mei calamo, gra-  
tum, animo sanè libenti ; atque ut bono publico prodire posset,  
dum mente agito ; impulsere huc pronam meam voluntatem tan-  
tò efficacius, aliqui ex Prælatiſ Canonici Varmiensibus, sum-  
mæ virtutis & Authoritatis Viri ; quibus Frauenburgi cum essem,  
factâ propositi mei communicatione, placuere curæ huiusmodi ; ad  
easq; seriò & accuratè promouendas, operam suam polliciti, magno  
affectu & felici euentu præstiterunt. Prodit igitur usque ad co-  
ronidem suam deductum, posthumum hoc Patruī mei Opus, pluri-  
ma, ex prisco & recentiori æuo, de Episcopatu & Episcopis  
Varmiensibus, posteris memoranda complectens ; Quod ut  
Celsissimo Nomini Tuo, Illustrissime & Reuerendissime  
Princeps, in authoramentum debitæ venerationis meæ conse-  
crarem, & summa Dignitas Tua, & Ius omne poposcit. Tibi quip-  
pe Magno Præsuli, & Principi debetur, Quicquid in Antecesso-  
ribus I uis, ætas illa dignum immortalitate suspexit ; Quicquid ab*



ijs in rem Ecclesiæ, & in exemplum omnis æui, præclarè gestum  
 est. Cum Te eum nunc Varmia Præsulem habeat, in cuius sa-  
 cro pectore, viuax omnium Virtus, & verè Pastoralis pro Eccle-  
 sia Dei Zelus, viuacissimo spiritu perennat. Gentilitia quidem  
 Iunofij Stemmatis decora, usq; ad augustum sanguinem Regium,  
 purpuratosq; Natalium gradus, auito splendore Tibi excreuerunt;  
 Sed nihil Tibi augustius est; quàm pro Regis Regum Sponsa,  
 Ecclesiæ Tuæ, Regio planè spiritu zelare: atque inter heterodo-  
 xorum spinas, illibatâ Orthodoxæ Religionis sic plantare vireta;  
 ut Tuus, mille Gratijs dignus, verè pascatur inter purissima Ro-  
 manæ Fidei Lilia Agnus. Sæcula Tibi Radzieiouianæ pro-  
 paginis, & gloriæ, laborârunt in decus eximium; tot Senatoriis Cu-  
 rulibus, domesticâ purpurâ Tuâ promicantibus, usque ad magnum  
 Auum Tuum Stanislaum Radzieiouium Palatinum Lan-  
 censem; Qui Senatoriæ dignitatis, natiuos splendores, ductâ in  
 Matrimonium Catharina Sobiescia, Marci Sobieski  
 Palatini Lublinensis Filiâ, Regum sanguini inseruit. Cuius Cel-  
 sistima propago, Parens olim Tuus desideratissimus, Hierony-  
 mus Radzieiowski Procancellarius Regni, Magno Of-  
 folinio suppar, eo usque augusto eloquio processit; ut Oracula  
 Regum Orbi dicaret; & apud Portam Othomanicam, summi  
 nominis Legatus, Heroem illum spiritum; quo altitudinem hono-  
 rum, & fortunam omnem supergressus fuerat, Patriæ in victi-  
 mam daret. Hoc Tu, Illustrissime Princeps, sanguine,  
 inter splendidissima Comitum de Tarnow maternæ claritu-  
 dinis lydera ortus; Serenissimi quoque & Inuictissimi  
**IOANNIS III.** Regis Poloniæ, Triumphatoris ex Ori-  
 ente maximi, Consobrini vinculi Maiestate decoratus; Excel-  
 sis animi Tui dotibus, per cultissimas Europæ nationes, ad summam  
 elegantiam deductis; conquisitisq; in Sole publico, tot magnæ pru-  
 dentiae experimentis, Serenissimi Principis Nostri bellorum, &  
 Victoriarum Comes, cum ad vitam Spiritualem amplectendam ani-  
 mum adiecisses; à minoribus Sacerdotijs sanctè & innocenter pro-  
 gressus



gressus ; à Rege tandem illo ; cui triumphalium in Orbe Christiano coronarum, lus maximum est ; Præsuleà & Principe Varmienſi Mitrà, coronari meruiſti. Felix profectò Cathedra hæc Te Præsule ; qui Ouli Tuo, Agnus & Pastor amantiſſimus es ; ſed à verà Religione diſſidentibus, Leonem Te inuictum præſtas ; Sponſamq; Tuam ſine rugà & maculà, quàm ornaſſimam eſſe cupis ; Inducto in eam Sacramentorum ritu, Romanæ Eccleſiæ uſitato, totquè iam exactè inſtitutis ſacris Eccleſiarum Viſitationibus ; quas in ipſo Hereſeos meditullio, inſigni Paſtoralis Vigilantiæ exemplo, & Catholicorum ſolatio perfeciſti. Ita Præsuleum onus, Angelicis etiam humeris formidandum, exporrecta immortalium geſtorum magnitudine, mentequè virtutum omnium capaciſſimà ſuſtinens ; dum in Athlantem Eccleſiæ DEI, ex Agno miſiſſimo, aſſurgis ; maioraquè in dies pro decore Domus Domini, & Eccleſiaſtica diſciplinæ obſervantiâ meditaris : Occurrunt Tibi in hoc poſthumo Opere Antecellores Tui ; ut videant in Te, & ament, viuam animorum ſuorum Imaginem ; Exemplaq; ſua in Te vno mirentur ; quorum ab aureo æuo deductam, & in Te vno, ad ætatis noſtræ delictum abſolutam, epitomen feciſti. Hanc in Te Veneratio publica dum extollit, Senatusque Tibi Eccleſiaſtici purpurata decora vouet ; Mibi quoque, dum hanc Operam Celſiſſimo Nomini Tuo inſcribo, non aliud votum eſt ; niſi ut Antifex, Princeps, Senator, qui animum & Sanguinem Regium ſortitus es ; Annis, Meritis, Honoribus, quæ Te præceſſerunt ſæcula vincas ; & immenſo gloriæ tractu, omnia retrò ſecutura coronas. Ita vouet & precatur.

Illuſtriſſimæ & Reuerendiſſimæ

Celſitudinis, Veſtræ

Humillimus, Seruus

MATTHIAS à Lubomicz TRETERVS S. R. M. Secretarius



## APPROBATIO.

**O**pus posthumum, de Vitis Episcoporum & Ecclesiâ Varmiensi, ante annos septuaginta. Ex germanicis scriptis collectum, & in ordinem reductum, latinitateq; donatum & auctum à THOMA TRETERO olim Custode Canonico Varmieni, pio & docto Prælato, Magni STANISLAI HOSII S. R. E. Cardinalis Amici intimi, cum nihil fidei sacrosanctæ Catholicæ, moribusq; bonis dissonum contineat, imò Ecclesiasticæ antiquitatis cognitionem, & in his oris, Religionis Christi propagationis notitiam contineat, permitto ex vi Officij mei vt imprimatur & fiat Iuris publici. Dabamus ad Ecclesiam Cathedralem Varmiensem die 20. Octobris. 1680.

ADAMVS SIGISMVNDVS KONARSKI,  
Præpositus Varmien. ac ejusdem Episcopatus Sede vacante Administrator, Cantor Płoczn. mp.





## Lectori Beneuolo S. D.

**Q**uemadmodum ijs, qui ad gubernandum aliquam Rempub. accedunt, historiae illius Prouinciæ cognitio, ad munus suum, maiore cum fructu ac delectatione explendum, plurimum lucis adferre solet; ita & illi, qui in Sacerdotio constituti, Ecclesiæ alicui sunt adscripti, perfectam commodorum eius curam gerere non possunt, nisi prius rerum Ecclesiæ suæ, augmentum vel decrementum, damna illius vel comoda, quæ temporum vicissitudo, in rebus humanis adferre solet, notitiâ vberiore fuerint consequuti. Quamobrem cum Româ reuersus, apud Ecclesiam hanc nostram Varmiensensem, anno proximo superiore, manere, Deoque & officio meo Sacerdotali vacare constituissem, nihil antiquius habui, quàm vt ea, quæ ad eius primam foundationem, vt Episcoporum sibi succedentium seriem pertinerent, studiosè diligenterq; inuestigarem. Dumq; in ijs rebus cum Rñdis Dominis Canonicis Confratribus meis, sæpius conferrem, Reuerendus Dominus Ioannes Cretzmerus, Vir Optimus, & sollicitus Ecclesiæ Nostræ Decanus, meiq; amantissimus, obtulit mihi suum manuscriptum, Germanicâ linguâ ex Annalibus Archiui Heilsbergensis ante aliquot annos collectum, qui quidem labor ipsius, studium illud meum ita auxit & inflammavit, quin scriptum ipsum è Germanicâ in Latinam linguam illicò transferrem. In versione autem, non tam verba verbis reddere, quam sensum, etiam ex aliorum scriptis, & præfati Archiui Heilsbergensis annalibus, & alijs scripturis, petitum, exprimere, & nouum quoddam Opus, aggredi conatus sum. Arma seu insignia Episcoporum propria, suis locis appinxi: quatuor tamen primis Episcopis, de quorum insignijs, certi nihil assequi potui, veluti symbola quædam, addidi; quæ res eorum gestas, notis quibusdam adumbrarent. His exiguis laboribus nostris, Amice Lector, fruiere; dum maiora, quæ ad huius Ecclesiæ, dilectissimæ Sponsæ Nostræ, ornamenta spectant, animo concipimus. Vale. Apud Ecclesiam Varmieñ. Kalend. Maij Anno Dñi M. D. XC. V.

THOMAS TRETERVS *Canonicus Varmieñ.*



# LIBER DE EPISCOPATV ET EPISCOPIS ECCLESIAE VARMIENSIS.



Nno à Natiuitate IESV CHRIS-  
TI Quingentesimo Septuagesimo Ter-  
tio, cum *Videruutus* Prussiae Rex Magni-  
ficus, in Centesimo decimo sexto suae aeta-  
tis anno constitutus, in languorem inci-  
disset; duodecimq; filios haberet supersti-  
tes & adultos, inter quos de successione in Regnum pater-  
num, dissensiones plurimum vigeabant; ad eas tollendas, utq;  
inter Fratres amor & vnitas coalesceret, Terras Prussiae in  
Duodecim partes seu Principatus diuisit, cuilibet filiorum,  
vnam partem post obitum suum assignando. Vnde eius  
filio *Varmo* obtigit ea pars, quae ad fluuios *Narum* & *Bas-  
sarum* posita, ab eius nomine *Varmia* vocatur. Is aedifica-  
uit statim amplas munitiones, ab ipso vocatas *Telo*. Non  
diu tamen superuixit, Patrisq; obitum anteceffit; Vidua v-  
xore relicta, quae *Erma* dicebatur, cum aliquot liberis impu-  
beribus. Haec ditionem mariti in statu viduitatis, maxima  
cum laude multis annis administravit, subditisq; se aequabi-  
lem praebuit; à qua *Ermelandt* in hodiernum diem denomi-  
nationem accepit. Haec eadē ex deuictis *Massouijs*, longē la-  
teq; magnū sibi nomen acquisiuit: Nam postea quam *Lotko*  
*Massouiorum* Dux, *Pomesonis*, qui *Erma* Mariti frater erat,  
oras hostiliter inuaserat, *Pomesoneq;* cum sex Filijs capto, eos  
paulo post (ipso Patre fugā elapso) trucidauerat; ipsa vt in-  
juriam tantam vlcisceretur, collecto exercitu, auxiliaribusq;  
Affinis sui copijs, in *Masouiam* personaliter irrupit: req; fe-  
liciter gesta, *Lotkonem* superauit; & in conspectu suo, cum  
vxoribus & liberis, quorum ad viginti sex erant, occidi prae-  
cepit: atq; ita Victoria celebri reportatā triumphans do-

Videruutus  
Prussiae Rex  
annorum 116.

Inter 12. Fili-  
os Regnum  
diuisit.

Varmo Filio  
ea pars obti-  
git, quae ab il-  
lo Varmia nū-  
cupatur.  
Mortuo Var-  
mo Vxor eius  
Erma Ditiones  
mariti admi-  
nistrat.

Lotko Mase-  
uorum Dux  
Pomesonem,  
fratrem Var-  
monis cum 6.  
filijs invadit.  
& filios capit.

Erma vlcisci-  
tur injuriā Fra-  
tris mariti sui,  
Masouiam ir-  
rupit.  
Lotko ab Er-  
ma cum vxore  
& 26. filijs oc-  
ciditur.



Erma à Puella  
adamata per fi-  
lium suū no-  
qu clam inter-  
imitur.

mum redijt. Postea verò cum nullâ ratione p̄mittere vel-  
let, vt Filius Puellam ex eius gyneco, quam vehementer a-  
damauerat, Vxorem duceret, ab eadem puellâ insidijs petita,  
& tandem noctu, clam miserè interemta decessit.

## F V N D A T I O EPISCOPATVS VARMIENSIS.

Bellum Sacri  
cōtra Pruthe-  
nos promul-  
gatur.

Anno 1225.

Conradus Ma-  
souiurum Dux  
auxilia prabet  
Similiter La-  
conogus Ma-  
ioris Poloniæ.  
Semonius Cu-  
iauiensium.  
Lesko Craco-  
uiensis.  
Henricus Le-  
gnicensis.  
Casimirus Gne-  
sensis.  
Suantopelcus  
& Samborius  
Pomeraniæ  
Duces.  
Hermannus Bal-  
ke Magistro.  
Progreduuntur  
cōtra Prussos.

Prussi ad Slemum Christi-  
anos expectant  
eos adiunguntur.

Bugna ingens.

Prutheni Vi-  
ci.

**C**Rucigeri quos Conradus Masouiurum  
Dux, in Terra Culmensi collocauerat, cum Viribus  
Pruthenorum pares non essent, *Innocentius Pontifex Maxi-*  
*mus*, ad instantiam dicti Conradi, contra infideles *Pruthe-*  
*nos*, Sacrum bellum Crucis, per vniuersam *Germaniam & Po-*  
*loniam* promulgari fecit: cui pro obedientiâ, innumera ho-  
minum multitudo, ex Germaniâ Poloniâ cæterisq; nationi-  
bus conflata, nomina dedit, Anno Domini 1225. quo tem-  
pore ad diem *Sanctæ Lucie* apud *Breslno* digni laude Princi-  
pes Poloni, Vires suas in vnum congregarunt, nempe Opti-  
mus Masouiurum Dux Conradus, Fratrum Teutonicorum  
Culmensium Patronus, adfuit cum Quatuor millibus Maso-  
uiorum; *Laskonogus* Maioris Poloniæ Dux, cum mille du-  
centis; *Semonitus* Cuiuiensium Dux cum duobus millibus;  
*Lesko* Cracouiensis cum duobus millibus; *Henricus* Legni-  
censis *Sanctæ Hedwigis* filius, cum tribus millibus; *Casimi-*  
*rus Gnesensis* cum mille quingentis; *Suantopelcus* & *Sambo-*  
*rius* frater, *Pomeraniæ* Duces cum quinque millibus. Hi Prin-  
cipes cum *Hermannus Balke* Magistro, & viginti octo fratri-  
bus Teutonicis, ac centum eorum Peditibus, instructo exer-  
citu, progressi sunt die SS. *Simonis & Iudæ* ad locum *Vogelsan-*  
*ge* supra *Vistulam* fluium, qui frigore constiterat; & perue-  
nerunt ad *Slemum Pruthenorum* munitionem, quæ nunc  
*Garfa* cognominatur: Vbi Infideles magnis viribus coa-  
ctis, Christianos summo impetu sunt adorti. Certatum est  
verinque ingentibus animis totâ die, vt riui sanguinis niuib.  
permisit per campos largissime defluerent. Nocte tamen in-  
gruente, vbi se multa virorum millia amisisse Prutheni didi-  
cerunt, ad fugam conuersi sunt; quibus *Suantopelcus* cum  
suis agminibus occurrens, eos ad vnum interfecit. Quod  
cum Prutheni animaduertissent, ac Christianos vltra quàm

cogita-



cogitabant, eorum oram flammâ ferroq; vastare vidissent, *Darsgotum* cum præcipuis ex nobilitate obuiam Christianis miserunt, humiliter orantes, ut à cædibus & vastatione abstererent; se in illorum potestatem concessuros. Ibi tum die *Sancti Martini* pax his conditionibus confecta fuit; ut *Prutheni* deinceps Principibus fideles & tributarij essent; Teutonici fratribus subditi forent, ab ipsisq; in Christianâ fide se instrui paterentur. Porro Christiani Principes supradicti, re feliciter contra barbaros gesta, Terras *Prussia* Pontifici *Maximo*, cuius nutu & auspicijs Victoria parta est, obtulerunt & dediderunt; orantes & obsecrantes, modos ut omnes & rationes perquireret, quibus Christiana Fides, in partibus hisce plantari & deinceps propagari posset.

Pacem petunt

Conditiones  
Pacis.

Principes su-  
dicti Terras  
Prussiz Pon-  
tifici dedide-  
runt.



**I**NNOCENTIVS igitur IV. præter alios pios & doctos religiosos ac Sacerdotes, quatuor infra scriptos ad

Aa

novum



Pontifex Qua-  
tuor Viros do-  
ctos in Prussi-  
am mittit.

Per Prussiam  
seminant ver-  
bum DEI.

Pontifex in  
Prussiam Le-  
gatum misit.

Synodus Tho-  
run: celebra-  
tur.

Diuisio Prus-  
siae in tres par-  
tes.  
Cuiuslibet par-  
tis, tertia pars  
pro fundatio-  
ne Episcopatu-  
um assignatur.  
Reliquae duae  
Crucigeris o-  
blatae.

Episcopatus  
fundatur qui-  
bus quatuor  
illi Apostoli  
pro Episcopis  
consecrantur.  
1242 Mense  
Aprili Dñica  
Quasimodo-  
geniti.

Varmiensis E-  
piscopatus e-  
minencia.

nouum *Torunense* Monasterium misit, qui in Christianâ Fi-  
de populos erudirent; nempe Doctorem *Henricum Cano-*  
*nicum Brunensem* in *Moraviâ*, Fratrem *Henricum* Ordinis  
*Predicatorum*, Fratrem *Anselmum* ex Ordine *S. Francisci*,  
Fratrem *Ernestum* Ordinis *Predicatorum*; qui hinc inde per  
Pruthenos pias conciones faciendo, ad dilatationem cogni-  
tionis veri DEI plurimum vtilitatis attulerunt. Vt autem  
certa ratio & modus iniretur, quâ Prouincia hæc, in augmen-  
to Diuini cultus facilius regi & contineri posset, supra nomi-  
natus Pontifex Anno Dñi. 1241. Legatum suum in *Prussiam*  
misit, Reuerendissimum in Christo Patrem Dominum *Vil-*  
*helmum* Episcopum *Mutinensem*; qui *Thorunium* pro festo  
Natiuitatis Dñi. veniens, ibidem in Monasterio Beatissimæ  
Virginis apud *Franciscanos*, Dominicâ *Quasimodogeniti*,  
Synodum celebrauit; cui interfuere Archiepiscopus *Gnesnen-*  
*sis*, *Plocensis*, *Vladislauiensis*, *Vratislauiensis* Episcopi, pluri-  
miq; alij Ecclesiarum Prælati, Abbates ac Sacerdotes. In  
ea, inter cætera, constitutum fuit & hoc, vt *Prussia* in tres  
partes diuideretur: cuiuslibet autem partis. Pars tertia, cum  
omnibus præminentijs & Regalibus pro fundatione Epi-  
scopatuum conuerteretur: duæ autem reliquæ partes, *Cruc-*  
*igeris* cederent, vt onera belli sufferre, securitatemq; *Pro-*  
*uinciæ* præstare possent; in quibus etiam Domini Episcopi  
suam Iurisdictionem exercere deberent: utq; Ecclesia quæ-  
libet, post obitum primi Episcopi, liberam electionem habe-  
ret, nulliq; Domino præterquam Pontifici Maximo imme-  
diatè subiecta esset. In eadem quoq; Synodo, Episcopa-  
tus in *Prussia* fundati, & supra nominati quatuor Apostoli,  
per Legatum Pontificis, in Episcopos ordinati consecratiq;  
fuere: & Doctor quidem *Henricus* in *Culmensi*, Frater *Erne-*  
*stus* in *Pomesaniensi*, Frater *Anselmus* in *Varmienfi*, Frater  
*Henricus* in *Sambienfi* sede collocatus est. Quamuis autem  
*Cruciferi*, procedente tempore *Culmensem*, *Sambiensem* &  
*Pomesaniensem* Episcopatum sæpè varieq; ita affligerunt, vt  
à primariâ fundatione recedere, illisq; subijci necesse habe-  
rent; jugum tamen hoc Ecclesiæ *Varmienfi* imponere nun-  
quam potuerunt. Sed Dñi. Episcopi, vnâ cum Venerabili  
Capitulo, ita lus suum egregiè tutati sunt, vt Regalia sua salua  
& integra conseruauerint. Eccle-



Ecclesia *Varmiensis Beatissima Virginis MARIÆ & Sancti Andree Apostoli* titulo est decorata: Ciuitates habet, Frauenburgum, Brunsbergam, Melsacum, Vormditum, Guttstadum, Scheburgum, Heilspergam, Vartemburgum, Bispurgum, Tolkemitum, & Resselium, cum omnib<sup>9</sup> Villis & pertinētis.

Titulus Ecclesie  
sive Varmien-  
sis.  
Eius Ciuitates

Limites eius Diœceseos pertingunt vsq; *Regi montem ad Pragelam*, ad Episcopatum *Vilnensem*; meridiem versus vsq; ad Episcopatum *Plocensem*, ad lacum *Drausem* & *Habum*.

Diœcesis.

### M O N A S T E R I A.

In Episcopatu *Varmienſi* sunt etiam Monasteria Mendicantium; Prædicatorū duo, vnum *Elbingæ*, *Girdauij* alterum, quæ ob Lutheranismum sunt desolata. Eremitarum Sancti *Augustini* tria, vnum *Resselij*, alterum *Patollij*, vbi quoddam idolum ab infidelibus *Pruthenis* summâ religione colebatur; tertium *Heilgenbeili*, quod per Lutheranos deuastatum est. Fratrum Minorum Quatuor, vnum *Brunſpergæ*, alterum *Vartemburgi*, duo reliqua *Velauij*; quorum vnum Bernardinorum extra ciuitatem positum, tempore belli dirutum est; alterū verò Martinianorum Lutherana impietas destruxit. Hæc Monasteriorum desolatio procurata est, à prætenſo Episcopo *Georgio Sambienſi*.

Monasteria.

*Elbingæ* est S. Brigittæ Monasterium, vbi est per ampla area, ad instar arcis cum quatuor turribus, & fossis muro cinctis, & antiquitus erat ibi Horreum arcis. Hoc loco quondam hospitabatur S. Brigitta; & Fratrum Teutonicorum vitâ & mores diligenter considerans, summis precibus à Christo Domino contendebat, vt sibi reuelare dignaretur, quid in posterū de Ordine hoc futurū esset? Reuelatum est, eum interiturū. Cum autem *Elbingenses* sensim experirentur, vaticinium illud suū effectū sortiturū, in eo loco vbi ipsimet Crucigeri morabantur, constituerunt Virginum & Virorū Monasteriū dicti Ordinis S. Brigittæ; illudq; vberimis prouentib<sup>9</sup> annuis egregiè dotârunt. Sed nec illud postea cōstitit: Nam ad vltimum ita decreuit Anno 1521. vt non nisi vna Monialis, & vnicus Monachus superesset; nunc verò est planè desolatum. *Gedani* tamen ædificatum est aliud S. Brigittæ Monasterium, quod Regia Maiestas & pij Ciues amplissimis redditibus locupletârunt, qui *Elbingensis* Monasterij esse debebant.

S. Brigitta *Elbingæ* hospitabatur.  
Mores Crucigerorum considerat.  
Petit à D E O sibi reuelari quid futurū esset de hoc Ordine  
Interiturum didicit.

Monasterium *Elbingæ* S. Brigittæ interijt.

*Gedani* Monasterium S. Brigittæ.



V I T Æ  
EPISCOPORVM  
VARMIIENSIVM.

Primus Episcopus,  
ANSELMVS.



Ic vt nonnulli volunt, Misnensis fuit, & ad conuer-  
tendos *Pruthenos*, ab INNOCENTIO III. Pon-  
tifice Maximo, cum alijs eiusdem ordinis Fratribus  
*Franciscanis*, in hanc Prouinciam missus est: quam-  
uis nonnulli, quod Crucifer fuerit, inde probant,  
quòd ipsemet in priuilegio huius Episcopatus se vo-  
cat Fra-



## De Ecclesia Varmienſi & Episcopis.

1.

cat Fratrem Anſelmum Ordinis Hoſpitalis Sanctæ MARIÆ Hieroſolymitani. Poſtquam *Prutheni*, poſt ſecundam rebellionem, operâ & auxilio *Germanorum* Principum & Episcoporum, ad obedientiam reducti fuere; Reuerendiſſimus Dominus *Bruno* Episcopus Olomucenſis qui expeditioni huic præſens interfuera, *Anſelmo* munitionem & Ciuitatem ad *Paſſeriam* fluuium *Serge* quondam vocatum ædificauit Anno 1255. à quoq; nomine *Brunonis* montem appellauit, quæ nunc *Brunſberga* vocatur. In ea prædictus Episcopus *Anſelmus* Eccleſiam Cathedralem, ſub inuocatione Sancti Andree Apoſtoli pro Sexdecim Canonicis, & Quatuor Prælatiſ fundauit; pro ut latius in literiſ dictæ Foundationiſ & Erektioniſ continetur. A Primis aliquot Annis cum Septem tantum Canonicis, in Eccleſia Cathedrali, (cuius adhuc in turri Arciſ *Brunſbergenſiſ* exſtant veſtigia) horas Canonicas quotidie decantauit: cum toto triennio vnâ cum ſuiſ Canonicis alioſ nullos reddituſ haberet, præterquam vnâ marcâ argenti, ex molendino *Crauſemülle*, quod in diſtrictu *Guſtatenſi* poſitum eſt: nam & Prouincia propter continuum bellum, fere deſolata, & ex incolis *Prutheniſ* plurimi adhuc Idolatræ fuerunt, qui Episcopum pro Domino & animarum curatore nolebant agnoſcere. Poſtea tamen, ubi operâ & diligentia Episcopi fidem receperunt, multas hinc inde in ſua Diœceſi Parochiales Eccleſiaſ fundauit & conſtituit.

Bruno Episcopus Olomucenſiſ contra Pruthenoiſ.

Anſelmo Munitionem ciuitatē ædificat. Anſelmus Cathedralē Eccleſiam cum 16 Canonicis & 4 Prælatiſ fundat

Horas Canonicas decantat. Per triennium reddituſ Episcopi cum Canonicis vnâ marcâ.

Eccleſiaſ Parochiales prælat.

Porro inter egregia facinora, quæ optimuſ hic Episcopus in plantandâ & propagandâ Chriſtianâ Religione designauit, illud non poſtremum fuit, quod Idololatriam cum inſigni turpitudine coniunctâ, quam *Prutheni* Deo CVRKONI exhibebant penitus proſtigauerit & exterminauerit: Nam in eo loco, ubi nunc oppidum *Heiligenbeil* ſitum eſt, fuit ingenuſ quercuſ, quæ non minus æſtate quam hyeme (operâ proculdubio diaboli) aſſiduè virebat. in ea Vastæ magnitudiniſ Idolum CVRKO dictum poſitum erat, cui Diuini honoreſ exhibebantur, & quotanniſ Menſe Auguſto primitiæ frugum eidem offerebantur & adolebantur. Lingua eorum vocabatur locuſ hic SWENTE MESTE, id eſt Sacer locuſ. Contra hanc execrandâ Idololatriam *Anſelmus*, multiſ & erudiſ conſcionibuſ, acriter inuehebatur; quibuſ cum nihil apud duræ ceruiciſ *Pruthenoiſ* proficeret, & impiam hanc ſuperſtitionem in ſua Diœceſi vigere, moleſtiſſimè ferret, præcepit ad extremum, vt Quercuſ illa excinderetur: Cumq; ad rem deuentum eſſet, & quidam arbori ſecurim admouiſſet, illa reperiſſa conuerſo ictu ferientem grauiſ in pede vulnerauit, vt in terram illicò proſterneretur: vnde Chriſtianis terror iniectuſ, vt arborem attingere nulluſ auderet; Infideleſ autem iſta cum incredibili gaudio & voluptate ſpectabant. Quæ reſ cum Episcopum vehementeſ affligeret, plenuſ Spiritu & Diuini

Idololatriam Curkonis exterminauit. Quercuſ etiam hyeme vireneſ receptaculuſ Curconiaſ.

Contra quam Episcopus inuehebatur.

Quercuſ excindi mandatuſ.

Casuſ circa exciſionem aſſuſ Diaboli.



Episcop⁹ ma-  
nu propriâ ex-  
cudit Quercū.

Eandem com-  
burit.

Securim Pru-  
theni pro infi-  
gni reliquia,  
venerantur.

Prutheni ter-  
tio deſciſcunt  
à fide.

Templa diru-  
unt Parochos  
trucidant E-  
piſcopum ob-  
ſident.

Curconis iniu-  
riam vindicat.  
Braunſperga.  
opē Chriſtia-  
norū itrenue  
deſenditur.

Prutheni ſol-  
uunt obſidio-  
nem.

Episcop⁹ El-  
bingam migrat

Moritur El-  
bingæ.

Diuini honoris zelo, proceſſit eo ipſemet, & acceptâ ſecuri ingens foramen in quercu effecit, cæteri autem Chriſtiani, eo iubente, ignem ſubijcientes eam totam combuſſerunt, & Idolum ad nihilum redegerunt. *Prutheni* nihilominus, cum ſecuris illa diligenter con- quiſita, in manus illorum perueniſſet, eam in eo loco, vbi nunc *Hei- ligenbeil* oppidum ſitum eſt, ab illâq; nomen retinet pro inſigni re- liquiâ venerati, in ſacello aſſeruabant.

Non multò poſt cum Tartari in *Poloniam* & *Sileſiam* incurſi- onem feciſſent, *Germaniaq;* tantum terrorem incurriſſet, vt Prin- cipes rerum ſuarum curam gerere potiùs, quàm Cruciferis opem & auxilium ferre cogerentur, eam opportunitatem *Prutheni* ſibi non prætermittendam exiſtimantes, tertio à Fide, (quæ Apoſtaſia ſeptem annis durauit,) deſciuerunt; & junctis ſimul Viribus, non ſolum pa- gos & villas, templis dirutis & Parochis trucidatis, deuſtârunt; ſed & ipſum Episcopū in ciuitate *Braunſpergenſi* obſederūt, illatâ per illū Deo G V R K O N I iniuriam vindicare cupientes. Quamuis au- tem tunc temporis *Brunſberga* minus eſſet munita, vt quæ lignea tantum ædificia luto illita haberet, Ciues tamen Chriſtiani, D E O, adiuuante, qui ſuos nunquam derelinquit, illis adeò reſtiterunt, op- pidumq; ita tutati ſunt, vt ad extremum re infectâ, Infideles *Pru- theni* obſidionem ſoluere & recedere coacti fuerint. Cæterum cum Episcop⁹ ſi quæ maior Barbarorum vis ingrueret, ſuam & ſu- orum ſalutem, Oppido parum munito coneredere non auderet, illud incendit, & *Elbingam*, ſecuritatis cauſa, commigravit; vbi in ſene- ctute bonâ, ab Idololatriſ plurima perpeſſus, feliciter in Domino quieuit, Anno 1262. 20. Maij, ibidemq; in Arce in Capella Sanctæ Annæ honorificè ſepultus eſt.

## DE PATOLLI IDOLO.

IN vltiore parte *Bartſleini* ad viam publicam verſus, vbi diru- tum Sanctiſſimæ Trinitatis Monasterium cernitur, fuit altâ & va- ſta Quercus, æſtate & hyeme operâ Diaboli proculdubio ſemper virens, adeò latis & denſis folijs, vt nullâ imbrum vi penetrari po- tuerit. Hæc cortinis & velarijs elegantibus vndiq; cingebatur, vt ad eam nemini ingreſſus pateret, præterquam eorum Antiftiti *Kir- uaito*, & præcipuis Sacerdotibus qui *Vandalotti* vocabantur. Quod ſi quis ad eam deuotionis cauſâ accedebat, ei per Sacerdotes vela- riâ ſubducebantur. Porro Quercus hæc in tres æquales partes di- uidebatur, in quarum vnaquaq; ſpatium in modum fenestræ conti- nebatur, in quo Idolum cum proprio inſigni, erat poſitum. Vna pars continebat imaginem P E R K V N I, antè quam die noctuq; ignis, ex quercinis lignis perpetuò accendebatur; quem ſi incuriâ aut negligentia alicuius è *Vandalotti* extingui contigiſſet, ſtatim is

ante

Quercus hye-  
me & æſtate  
virens Idolum  
Patolli.

Deſcriptio  
Quercus ſem-  
per virentis.

Diuiſio eius.



ante Idolum comburebatur; ubi etiam Sacrificia offerrebantur. Altera pars habebat imaginem PETR V NEPI, quæ pro insigni ingentem anguem fouebat, cui Vas lactis à *Vandalottis* ad lambendum proponebatur, illiq; sæpissime hoc modo sacrificabatur. Tertia pars continebat imaginem PATOLLI cum humano, Equino & bouino capite, ante quam erat appensa lampas, quæ festiuis diebus accendebatur; circum circa erant constructæ mansiones, quas *Vandalotti* Sacerdotes Idolorum inhabitabant.

Hæc tria Idola Cimbri quondam in Prussiam detulerunt, cum primum eam incolere cæpissent; quibus Anno Christi 500. *Vidouutus* Pruthenorum Regulus, vnâ cum fratre *Brutteno* Flamine seu *Kirwayto* solenni ritu sacrificauit, & cantilenas concinendo in regum se iniecit, atq; ita combustus est.

Idola hæc Cimbri in Prussiam inducere Quibus qualiter sacrificauit Vidouutus.

Contra huiusmodi turpissimas abominationes, & execranda Sacrificia, optimus Episcopus *Anselmus*, in concionibus sæpissimè inuehebatur; sed propter malignitatem temporum efficere nihil potuit. De quo Episcopus, loci illius, post modum Senator primus, sicut & de sequentibus, ita cecinit.

Contra hanc idololatriam fortissime inuehebatur Episcopus. Eius Mors.

*Ordine primus erat, Clausurali ex Ordine, nullas  
Hic inuenit opes sed opus, namq; unica totus  
Marca fuit reditus. Cathedram fundauit in Vrbe  
Braunspergâ. euertit Quercum statuazq; Deorum.*





## HENRICVS I.



Anselmus E-  
lectus restau-  
rat. Episcopa-  
tum.

Ius Lubecense  
acceptat.

Illustris Vidua  
omnia sua bo-  
na Ecclesie ad-  
scribit.



ENRICVS Decanus *Braunspergensis* à Capitulo elo-  
ctus Episcopus, delatum superiorum temporum iniu-  
riâ Episcopatum, Villis fundatis instruxit, Dioecesim Ec-  
clesijs ædificatis restituit; *Braunspergam* in eum in quo  
nunc sita est locum transtulit (nam antea longius ab *Habo* dista-  
bat) quo etiam magna quantitas *Lubecensium* & *Hamburgensium*  
navium confluebat, unde Ius *Lubecense* acceptavit & retinet. *Vorm-  
diti* & *Gustadij* hoc tempore aliquot ædificia consurrexerant.

His temporibus floruit Illustris Vidua *Souyna*, ex antiqua *Pru-  
thenorum* nobilitate oriunda, diuitijs potens, fundi ad duo milliaria  
parentis, ubi nunc *Frauenburgum* est, *Domina*; quæ ab Episcopo  
*Anselmo*



& *Episcopis.*

*Anselmo* ad fidem conuersa, cum nullos haberet Hæredes, ad Religionis Diuinæ; cultûs augmentum, vniuersa bona sua, Episcopo *Henrico*, eiusq; Capitulo perpetuò possidenda donauit & tradidit: qui dimidio ab eius Domina curia milhari, supra montem versus *Habum*, Ecclesiam & mansionem Canoniorum ex ædificauit, & de eius Domina *Soupnæ* nomine *Frauenburgum* appellauit; quam Matrem omnium Episcopatus totius Ecclesiarum constituit, eamq; in honorem Beatissimæ *MARIE* Virginis & *S. Andreæ* Apostoli, dedicauit, & latinè *Varmiam* nominauit. Mortuus est viribus & senio confectus Anno 1300. sedit annis fere 40. & in Ecclesia Cathedrali sepultus, cui idem Senator.

*Frauenberga*  
vnde dicta.

Moritur Anselmus.

*Prussica Germanos inducit ad Arua Colonos,*  
*Hinc aucti reditus; Viduæ donata fauore*  
*Iugera Fraumburgum vocat; atq; ibi condidit urbem,*  
*Et mox Brunspergâ Cathedram transportat ibidem.*





## EBERHARDVS.



Eberhardus e-  
ligitur.  
Ciuitates fun-  
dat.



Bona Ecclesie  
recuperat.

X Canonico Varmienſi, Episcopus legitime à Capitulo electus, & à Sede Apostolicâ confirmatus, *Vormditum, Gutſtadium & Heiſſpergam*, Ciuitates fundauit, & Iuri *Culmenſi* ſubiecit. Eius tempore Cruciferi, nonnulla bona ad Episcopatum *Varmienſem* pertinentia ſibi uſurparunt, præcipuè *Barſteinium & Schippenpilum*, quæ ab Ordinis Magistro *Siffrido Fuchtwangen* in Ordine XII. miſſâ legatione ſplendidâ, Episcopus repetiuit; à quo cum durum & minus ciuile reſponſum accepisset, coactus fuit de toto negotio ad ſummum Pontificem referre; à quo ad Ordinis Magiſtrum Monitorium obtinuit, quo illi mandabatur, vt bonis in diuiſione attributis, Episcopo cederet, ſub  
anſiſio-



amissione omnium Priuilegiorum Ordini à Sede Apostolicâ concessorum. Vnde coactus fuit Magister Bona sic vsurpata Episcopo restituere; qui necesse quoq; habuit, vnum ex Dominis Cruciferis Generalem Episcopatus Aduocatum constituere, quæ consuetudo postmodum durauit, vsq; ad res Ordinis Teutonicorum inclinatas, annis ferè nonaginta aliquot, ad Episcopatum Varmiensem *Francisci Kueschmaltz*, qui iugum, hoc pretio ab Ordine redemit. Porro *Eberhardus* in summâ senectute diem clausit extremam, die octauâ Iunij, Anno 1326. & Varmia sepultus quiescit.

Aduocatum Episcopatus ex Ordine acceptauit coactus.

Quod Iugum multis annis Episcopatus sustinuit.

*Condidit Heilsbergam Vormatum Gustadiumq;  
An non hoc satius est dixisse?*

IV.

JORDANVS.



**A**ntea Canonicus Varmienfis, postea in Episcopum à Capitulo concordibus suffragijs electus, Magistro pro tunc Ordinis Teu-

Jordanus eligi-  
tur.

Bj

thonici



Sed iam Senex

Mortuus

thonici Generali, Ordinem suum regente, *Wernero de Orselen*. Vir apprimè eruditus & egregijs virtutibus adornatus. Ætate admodum prouectâ, ob idq; valde debilis duos tantum annos cum dimidio *Varmieni* præfuit Ecclesiæ. Obijt *Heilsbergæ* in Choro *Varmien*sis Ecclesiæ Anno 1328. die 6. Calend. Decembr. tumulatus.

*Iam Depontanus senio confectus & ager,  
Vix binos Cathedræ Varmieni præfuit annos.*

V.

## HENRICVS II.



Henricus Re-  
giomontanus  
eligitur.

**H**ENRICVS II. VAGENAX cognominatus, *Regio-*  
*monti in Prussia* natus, concordibus Capitularium votis, in  
Episcopum *Varmiensem* electus; cum autem Canonicus esset,  
incidit



incidit in Episcopatum valde desolatum, à Pruthenis flammâ ferroq; deuastatum: quem vt incolis cultiorem redderet, ijs qui domicilia figere vellent, annos quindecim, ab omnibus subeundis oneribus, liberos concessit.

Incolis libertatem dat.

Cum Malefactor quidam *Brunssperga* ex conniuentiâ (vt supponitur) *Brunsbergensium*, Monasterium Fratrum Minorum, paulò ante, igni admoto exussisset, occultatus in Monasterio primùm. deinde profugus, ipsam etiam Ciuitatem exusserat; Episcopus alium locum Fratribus ad ædificandum nouum Monasterium concessit, prout & alia multa pia opera reliquit. Tandem in vltima senectute, fractus Curis sui Episcopatus Anno 1334. 9. Aprilis defunctus est; ac cæteris suis Ordinis Patribus in Ecclesia Varmienſi appositus est.

Nebulo quidâ Monasterium incendit.

Similiter Braunsbergam Episcopus pro Monasterio nouum locum assignat. Mors Episcopi.

*Regiomontanus, meritis venerandus & Annis  
Diuini Eloquio verbis facundus, & ardens  
Quindenos censum cunctis indulsit in annos,  
Vt restaurarent vastatos cladibus agros.*

## Schisma in Ecclesia Varmienſi,

Quod octo Annis durauit,

Sub prætensionis Episcopis

IACOBO videlicet MICHAELE  
& HENEMANNO.

Acceptâ notitiâ de morte Henrici Episcopi Varmienſis D. *Wernerus* de *Orselen* Supremus Ordinis Fratrum Teuthonicorum Magister, plurimos Canonicos Ecclesiæ Varmienſis ad se euocauit, qui ad commendationem ipsius, ab Episcopis Varmienſibus in Sacrum Ecclesiæ Varmienſis Collegium adscripti fuerant. Hi vt Magistro rem gratam facerent, ad petitionem eius *Iacobum* Virum eruditum & eloquentem ex Ordine Crucigerorum, in Episcopum elegerunt; quo tempore Crucigeri, Episcopatum Varmienſem, in potestatem suam redigere, omnibus modis vehementer cupiebant. Altera autem Canoniorum pars, qui norant, quàm bene rebus Ecclesiarum sub dicto ordine consultum erat? quòd bonis Ecclesiasticis vehementer inhiarent, elegerunt D. *Michaëlem* Iuris vtriusq; Doctorem; Porro vterq; electus vt lus suum tueretur *Romam* primùm profectus, deinde *Auenionem* Pontificem Maximum sequutus est. Cumq; *Iacobus* Iuri suo diffideret, *Michaëli* aduersario Venenum propinari procurauit, ex quo etiam mortuus est, Quod cum Pontifex intellexisset, *Iacobum* omni Episcopatus Iure, quod prætendebat priuauit; qui paulò post etiam mortuus repertus est.

Nouum Schisma,  
Vernerus Magister Ordinis immiscet se electioni.

Iacobum præponit suæ factionis Virum à certis Canonis eligitur.

Melius sentientes eligunt Michaëlem.

Michael Veneno suffocatur.



Magiſter Henemannus ſine electione Epiſcopatû conſert.

Capitulares Româ appel- larunt.

Henemannus reiectus Ro- mæ. Offenſi Cruci- geri. Schiſma octo annis durat.

Ciuitates fun- dantur.

nec cauſa ſcitur, niſi forte ob magnam animi anguſtiam. Quod cum ad Magiſtrum Ordinis perlatum fuiſſet, ſtatim is, antequam Capitulum ad electionem deſcendiſſet, Epiſcopatum vigore iuris- patronatûs Cancellario ſuo *Henemann* Viro docto, ob ſeruitia fide- liter præſtita contulit, eumq; cum Præſentatione *Romam* ad Ponti- ficem miſit. Sed Domini Capitulares, miſſis quoq; *Romam* Nun- tijs, luſ ſuum egregiè tutati ſunt; & veris rationibus comprobarunt, indebitè & injuſtè, Magiſtrum & Ordinem Theuthonicum Iuſpatro- natûs ſuper Epiſcopatu Varmienſi ſibi uſurpare voluiſſe: Ita *Henemannus* rebus infectis domum redijt; quæ res ad eò Crucigeros malè habuit, vt inuicem coniurauerint, nullum alium ad Epiſcopatum Var- mienſem admittere. Hæc controuerſia ad annos octo eſt protra- cta, quo tempore Adminiſtratio totius Epiſcopatûs penes Vene- rabile Capitulum fuit, & Ciuitates *Reſſel*, *Melſack* & *Allenſtein* per illud fundatæ ac Iuri Culmenſi adſcriptæ ſunt.

## VI.

## HERMANNVS.

Conſilium. Ca- nonicorum de Epiſcopo fu- turo.

**H**ERMANNVS. de *Praga*, Regni Bohemiæ Metropoli, di- ctus, Dominus in *Libenſtein* in Morauia ſito; Vir præſtans & eruditus *Ioannis* ſui Bohemiæ Regis, Orator & vnicus in gra- uioribus Conſiliarius fuit. Cum modus & ratio non facile reperire- tur, quâ contra Fratrum Teutonicorum potentiam, aliquis Epiſco- pus eligi, & in ſua ſede collocari tutò poſſet, oblatum fuit Venera- bili Capitulo ſanum & ſalubre conſilium, vt Benedicto XII. Pon- tifici Maximo clam ſuggereretur, vellet ad ſe cum primis Eruditum & præſtantem Virum Doctorem *Hermannum* euocare, illiq; de Epi- ſcopatu *Varmienſi*, tot annis vacante providere: facturum procul- dubiò Bohemorum Regem, rationesq; omnes perueſtigaturum, vt Familiarem & Conſiliarium ſuum, in Patrocinium & Deſenſionem ſuſcipiens, eum contra quorumuis potentiam in ſede collocaret.

Conſilium, fe- licem exitum ſortitur. Hermannus Epiſcopus, cõ- ſecratus.

Res felicem exitum eſt conſequuta: nam Bohemiæ Rex *Her- mannus* in Urbem miſit, vbi à Pontifice, *Varmienſis* Epiſcopus con- ſecratus fuit, quem poſtea idem Rex, egregio comitatu inſtructum, in Pruſſiam miſit, cum Magiſtro Curix & præcipuis Nobilibus de- ducente. Ita frementibus & fruſtra renitentibus Crucigeris, *Her- mannus* pacificam Epiſcopatûs poſſeſſionem adeptus eſt. Ad hu- ius Epiſcopi tempora, Venerabile Capitulum, cenſuum & Redituû Epiſcopatus curam habuit, duas partes Epiſcopo, tertiam ſibi attribu- endo. Sed cum diuiſionis huius occasione, diſſenſiones & iurgia in- ter Epiſcopum & Capitulares ſæpius exorirentur, & Aduocatus Epi- ſcopi



scopatus qui ex Ordine Fratrum Theutonicorum assumebatur, aliquot etiam millia Marcarum sibi usurparet. Episcopus autem vnâ cum Capitulo, tunc temporis in redditibus annuis vix ad sexaginta duo millia Marcarum haberet; visum fuit ad partitionem & diuisionem Bonorum, Commissarios deputare; qui Bona ita partiti sunt vt Episcopo duæ partes, Tertia Capitulo obueniret. Episcopus ex diuisione hac accepit *Braunspergam, Wormditum, Gutstadium, Heil-*

Bona Episcopatus diuidi curat, Quorum duæ partes Episcopo. Tertia Canonici.



*spergam, Resselium, Wartenburgum, Barsteinum, & Schipenpil. Capitulum verò Frauenburgum, Passenheimum, Melsackum, & Allensteinum. Hic Episcopus ædificauit Scheburgum, Bischteinum & nouam ciuitatem ad Braunspergam. Tandem fractus curis & senio Anno 1350. obdormiuit in Domino Heilspergæ, sepultus in Ecclesia Cathedrali Varmiensi.*

Ciuitates ædificat.

Mors Episcopi.

*Varmia continuos octo viduata per annos  
Præsule, Romanâ missum suscepit ab Vrbe  
Hermannum; Hic Morauâ fuerat de gente, Senator  
Bohemia, Auditor Rota, Vir gratus in Aulis.*



## IOANNES I.



Ioannes Mi-  
niensis eligitur.

Ecclesia Var-  
miensis imme-  
diatè Papæ  
subest.

**I**OANNES Primus ex *Misnia* oriundus, cum esset Decanus *Varmienſis*, Vir prudens, Magnanimus, & in summis rebus versatus, à Capitulo concordì calculo in Episcopum electus est; Nec impedire potuit Ordinis Teutonici Magister, Dominus *Luderus* è familiâ Ducum *Brunſuicensium*, quominus Episcopatus possessionem adiret. Is obtinuit à Pontifice ut Ecclesia *Varmienſis* nemini esset subiecta, præterquam immediatè Sedi Apostolicæ, à qua primùm erecta, fundata, & dotata fuit. Quæ res non minus Ordinis Magistro supra dicto, quàm Archiepiscopo *Rigenſi* planè contra voluntatem accidit.

Superiùs cum vitam *Anselmi* Episcopi describeremus dictum est,



est, quàm horrendam Idololatriam Prutheni Infideles, apud *Quercum* & tria Idola *Patolli* (à quo non longè eorum Cathedra quam *Rickoyott* vocabant) exercebant. Ea Quercus adhuc Episcopi tempora permansit: quamvis Prutheni metu Magistratûs, ad eam nonnisi clam accedebant, & sua execrabilia sacra peragebant. Hæc ut vna cum tribus Idolis, à Magistro Ordinis Vinrico à *Kniprode* qui *Ludero* successerat, per Fratrem *Heningum Schindelkopff* excinderetur, & penitus exterminaretur, auctor fuit hic Episcopus, qui in sua Diocesi tantum facinus pati non potuit. Postea verò in eodem loco, Vir optimus *Petrus Nagel* de *Sehr*, non absq; ope & auxilio Episcopi, Monasterium Augustinianorum cum eleganti Ecclesia construxit; quam idem Episcopus in honorem Sanctissimæ Trinitatis dedicavit & consecrauit.

Quercus semper virens. Idolum Patolli hucusq; duravit.

Auctor Episcopus ut excinderetur,

In loco hoc Monasterium S. Augustini fundatur.

Hic Episcopus cum Venerabili Capitulo, diligentius considerare & perpendere cepit, quàm periculosum sit, non minus suis quàm Capitularibus Vasallis, quoties bellici furores emergunt, nullas in Prouincia Munitiones habere, ad quas necessitatis tempore confugere, & inde hostiles impetus retundere ipsisliceret: quas si Prædecessores habuissent, nunquam in extremas angustias, & se & subditos coniecissent; ut exemplum optimi illius Episcopi *Anselmi* edocuit; quem cum vnâ cum Canonicis, plurimisq; alijs vtriusq; status Ecclesiastici & sæcularis personis, in tertiâ Apostasiâ infideles Prutheni, *Auctomo* & *Glappo* eorum ducibus, ingentibus copijs in Ciuitate *Braunspergensis*, durâ obsidione cinxissent; oppugnationem aliquoties aggressi, non absq; magnâ suorum clade; Ciuium virtute reiecti, repulsiq; turpiter fuerunt. Cumq; animaduertissent hostes rem minus feliciter succedere, obsidionem soluerunt, & in vicinas densiores sylvas se abdiderunt. Porro Ciues nihil insidiarum suspicati, cum hostes planè abscessisse persuasum haberent, & magnâ victus inopiâ, obsidionis diuturnitate contractâ, premerentur; ad Vicinos pagos pabulatum cum aliquot centenarijs egressi, in Pruthenos in insidijs collocatos inciderunt, & ab illis omnes ad vnum miserè trucidati sunt. Tantam suorum stragem cum *Anselmus* animaduertisset, & omnem reliquam sese tuendi spem sibi præcisam vidisset, cum clero, primarijsq; viris & fæmineo sexu, clam noctu *Elbingam* concessit; & *Braunspergam* ne hostium direptioni pateret, & in domicilium cederet incendit. Cæterum parùm gratus *Elbingensibus* hospes aduenit, partim ob metum terroremq; Barbarorum, ne Episcopum in Ciuitate quærere vellent; partim quòd cum hostes proximis superioribus diebus, *Elbingam* itidem obsidione premerent, Episcopus nulla, illis petentibus, præsidia mittere voluerit. Quamobrem non admissus, in suburbij aliquot diebus manere coactus est.

De Munitione aliqua meditatur.

Edoctus male aliorum.



Obsidio Elbin-  
ga.

Excursio felici  
successu.

Hostes profligati  
miraculo-  
se.

Visio cælestis  
in pugna.

Visio altera cir-  
ca Heilsbergâ.

Obsessi Elbin-  
gam elabuntur

Heilsberga à  
Barbaris com-  
buntur.

Constituuntur  
aliquot Arces  
erigendæ.

Fortalitium  
Heilsbergenſe  
excitatur.

Arx Reſſelen-  
ſis, Schebur-  
genſis  
Eccleſia Var-  
mienſis ædifi-  
cari cæpit.

Non multò poſt ſupra nominati Barbarorum Duces cum numeroſo Exercitu ſuperuenerunt, & *Elbingam* obſederunt: cùmq; obſidio diutius protraheretur, & Commeatus ſubinde deficeret, Crucigeri cum Ciuibus acie benè inſtructâ in Pruthenos excuſſionem fecerunt; ad quos antequam perueniſſent, primæ hoſtium Cohortes miraculo quodam proſtrata ceciderunt, reliqui in fugam verſi, à Chriſtianis inſequentibus, partim cæſi, partim capti, cum opima præda in Ciuitatem abducti fuere. Quæſitum à Captiuis quid cauſæ fuerit, quòd antequam ad conflictum cum noſtris deueniret, Barbari tantâ clade attriti eſſent? reſponſum eſt, delapſos aliquot viros de cælo, pallijs albis indutos & cruce nigrâ ſignatos, viſos fuiſſe, qui igneis gladijs Hoſtes conficiebant & occidebant; Multi opinati ſunt, quòd Episcopus *Anſelmus*, cum alias eſſet Vir magnæ Sanctimonix, cum ſuo Clero, ardentiffimis precibus, quas & priuatim, & in publicis ſupplicationibus, quamuis ſemper, ſed præcipuè in hac obſidione effundebat, mirabilem hanc & inſignem victoriam à Deo impetrauerit.

Postmodum Prutheni *Heilsbergam* mouerunt, & reſcollectis viribus eandem obſederunt. Erat in Ciuitate non contemnenda militum manus, qui eam egregiè tuebantur: Quodam tempore cum in hoſtes erupiſſent, apparuit viſibiliter Angelus Domini, qui pro Chriſtianis dimicans, Pruthenos cæcitate percuffit, vt paſſim omnes in fugam verterentur, multi autem in *Allam* fluuium lapſi, demergerentur. Neq; tamen hoc miraculo territi, ab obſidione diſcedere voluerunt; cùmq; incluſi, fame coacti, etiam equos abuſumpſiſſent; ne in Barbarorum manus deuenirent, nocturnas vigilias prætergreſſi, occultioribus ſemitis *Elbingam* vſq; fugâ elapſi ſunt; Atq; ita *Heilsberga* in Barbarorum manus venit, quam incenſam à fundamentis euerterunt, vt nulla deinceps in Episcopatu Munitione reliqua foret, ad quam Episcopus cum ſuis tempore periculi, confugere poſſet.

Quoniam autem veriſimile videbatur, Ordinis Teutonici viros, id tot conſtructis Arcibus & munitionibus erectis, agere, vt Episcopatum jugo ſuo ſubmittere poſſent, qui eorum operâ, totis octo annis, Episcopo caruit; conſtitutum eſt contra ejuſmodi pericula, vt aliquot arces in Episcopatu erigerentur; quam ad rem Vaſalli quoq; ſe opem auxiliumq; collaturos vltro obtulerunt.

Hic itaq; Episcopus Arcis *Heilsbergenſis* fundamenta excitare, muros erigere, & propugnacula congeſtâ terrâ ſtatuerè cæpit; quæ eo viuente, altius aſſurgere viſa fuerunt.

Ad eundem quoq; modum Arx *Reſſelenſis*, *Scheburgenſis*, & Cathedralis Eccleſia *Varmienſis*, quæ tunc ſimplicem ſtructuram habebat ædificari cæpere. Ædificia hæc ne excitarentur, libenter



ter admodum Magister & Ordo Teutonicorum impediisset, sed quâ ratione id faciendum esset, non videbat; maximè quòd per vniuersam Germaniam, Ordo vniuersus hoc nomine, malè audiebat, quòd bonis Ecclesiasticis vehementer inhiaret.

Cæterùm antequam supra nominata ædificia absoluta fuissent, Episcopus *Ioannes*, Vir sempiternâ memoriâ & laude dignus, qui Patris Patriæ nomen promeruerat, in Domino obdormiuit; & in Ecclesia *Varmiensi* sepultus, resurrectionem mortuorum expectat. Obiit autem Anno salutis 1355.

Moritur Episcopus.

*Artibus ingenuis famosus, & arcibus iste,  
Resseli, Heilsbergæ, Scheburgi condidit Arces;  
Et Frauenburgi Templum, sed raptus iniquo  
Fatorum furto, capta imperfecta reliquit.*

# VIII.

## IOANNES II.

**I**OANNES Secundus *Streiffrock* cognominatus, Lipsiensis cuiusdam Ciuis filius, primò Canonicus *Varmiensis*, deinde à Capitularibus electus fuit Episcopus, Vir singulari rerum usu, doctrinâ virtuteq; conspicuus. Hic à primâ sui electione, Arces paulò ante per Antecessorem suum ædificari captas, continuauit; *Vartemburgensem* ciuitatem ædificauit; Episcopatus Bona, Colonorum frequentia ita auxit, & cultiora reddidit, vt in florenti cum primis statu constituta esse viderentur: vndiq; etenim ad eum homines confluebant, & libenter aliundè commigrabant, quòd erga pauperes munificus haberetur, & quòd impotentem Teutonicorum militum dominatum, oneraq; grauias quibus ferendis pares non essent, plurimi diutiùs sustinere, recusarent. Ea res ingentem Episcopo inuidiam apud Ordinem Teutonicum peperit, maximè verò quòd is, quem Magister Ordinis ad Episcopatum, summâ contentione promouebat, electus non fuerit; quam vt illi videbatur, injuriam vlcisci cupiens, multa damna per incendia statui Ecclesiastico intulit, vt ab eius insolentia nemo tutus videretur. Ad extremum Episcopum accusauit, quasi vltra limites antiquitatis constitutos, non contemnendam fundi & agrorum partem, Ordini suo ademerit. Ad eam controuersiam dirimendam, ad fines reuidentos Episcopus deuenit, cum Fratre *Siffrido de Hatzenbach* Comendatore *Balgensi*. Quamuis autem Dominus Episcopus productis centum fide dignis, & in ætate senili constitutis testibus, ve-

Ioannes eligitur.

Arces cõtinuauit,

Vartemburgæ ædificauit.

Munificus in Pauperes.

Magister Ordinis Statui Ecclesiastico damna inferit.

Reuissio Bonorum apertissima pro Episcopo.



Multa Bona E-  
piscopo eripi-  
untur.

ros limites, quibus Bona Episcopatus, à Bonis Cruciferorum, antecessoris sui Episcopi *Eberhardi* tempore, distinguebantur, apertissime & euidentissimis documentis demonstraret, nihil tamen eum hoc iuuat; sed Episcopo *Bartsteinum* cum sexcentis Mansis *Rastenburgum* & *Schuppenpilum* cum viginti octo pagis, magnis lacubus, & circiter octingentis mansis, & *Passenbeim* cum attinentiis, per summam injuriam ademptum, ac Ordini adjudicatum fuit,



Qui statim in Possessionem prædictorum, cum maximo & inestimabili Ecclesiæ damno, inuolauit.

Conqueritur  
Episcopus de  
illata sibi inju-  
ria  
Coram Papa &  
Imperatore.  
Moneur Ma-  
gister Ordinis,

De hac tam intigni injuriâ, & vi illatâ, Episcopus cum Capitulo, grauissimè coram Pontifice, ac Romanorum Imperatore, missis ad verumq; literis, conquestus est; Obtinuitq; ut vterq; per Epistolam, *Vinricum* Ordinis Magistrum grauissimè admoneret, ne is Ecclesiæ *Varmiensis* jura violaret, Bonaq; ejus imminueret; alioquin se factu-



se facturos, quod causæ æquitas Officij; sui ratio postuaret. Ea res offendit vehementer Magistrum, & vniuersum Teutonicorum Ordinem; adeoq; animos eorum exacerbauit, vt pleriq; Fratrum, ad eos qui in regionibus exteris versabantur scribentes, se Ecclesiastico Ordini esse Inimicos, profiterentur; eosq; monerent vt idem quoq; & ipsi facerent. Postea constituta fuit dies Sancti Iohannis Baptistæ, ad quam in Villâ *Neükirche* Episcopus cum Capitulo, & Magister Ordinis pro colloquio conuenirent, quod etiam factum est; cumq; congressi essent, primùm cæpit Magister petulantibus verbis, in Episcopum tanquam in Proditorem acriter insurgere, quod apud Exteros Principes famam ejus scripto lacerauerit, tanquam Dominus ejus esset, multaq; in eam sententiam concitatus dixit. Cui respondit Episcopus, me (inquit) summa necessitas, & Episcopalis officij ratio coegit, vt de vi summâq; injuriâ Ecclesiæ meæ illatâ, conqueri necesse habuerim, quod ita esse, re & veritate comprobare paratus sum. Ad hæc verba excandescens Magister Ordinis *Vinricus*, protensâq; manu; vidē (inquit) sacrificule, malum malo repellitur; vos sacricolæ vitam insolentem ducitis in bonis, quæ proprio sanguine parta, Meus Ordo, vt DEO seruiretis, vobis contulit; sed breui scietis, vos eos Mansos qui per limites adempti sunt, nunquam ampliùs recuperaturos, etiamsi omnes sacricolæ, insanire & in furias verti deberent. Tum Episcopus, cum tempus loquendi paulisper expectasset, summâ cum modestiâ, in hæc verba prorupit; Quod nos mali simus; quis etiam inter Nos aut Vos melior sit; & vter Ordo rectiùs vitam instituat? DEVS scit. Illud certè parùm Christianè & iniquè fit, quod Nostra Nobis inauditis adimuntur, nullaq; causa producit, cur adimi debeant. Quod ad Prussiam attinet, cuius esse debeat, certè in Priuilegijs, & antiquis scripturarum documentis reperio, Ordinem vestrum suo sanguine, ne tantillum nobis contulisse, quod vnius Oboli pretio æstimari possit. Hic interrumpens Magister; si vos inquit sacrificuli, unum Obolum haberetis, vnius Oboli pretio Vos æstimari conueniet. Tum Episcopus; Minimus (inquit) ex meis Presbyteris est pretiosior, quàm vniuersa Prussia, quæ nostri causâ, vobis est attributa. Hic conuersus Magister ad suos inquit, Talia verba nequam istos canes, in *Rigenses* nostros incitârunt, illosq; in angustias redegerunt; sed ne idem in *Prussiâ* fiat, maturè prouidebo. Tum exerto gladio, Episcopum adoriri cæpit; sed *Elbingensis* Commendator, statim retraxit Episcopum, & alij Proceres sese medios interponentes, illos ab inuicem segregârunt.

Episcopus *Varmiam* reuersus Capitulum celebrauit, & assumpto Domino *Ioanne* Cantore & Canonico, nocte insequenti clam profectus est nauigio *Gedanum*; inde verò, acceptis Ecclesiæ Priuilegijs,

Constituatur  
dies Colloquij  
ad Neükirche.

Inuehitur petu-  
lantibus verbis  
Magister in E-  
piscopum.

Responsio E-  
piscopi.

Excandescit  
Magister irâ  
potenti.

Modestè re-  
plicat Episco-  
pus.

Cuius esse de-  
beat Prussia  
deducit.

Quantæ æsti-  
mationis sit  
Clerus apud  
Magistrum.

Excandescens  
Magister exer-  
to gladio Epi-  
scopum adori-  
tur.

Episcopus cū  
Canonico ad  
Papam profi-  
citur.



De abreptis  
bonis litigat.

Moritur Aue-  
nionē.

Eccleſia Var-  
mienſis impe-  
rio incorpo-  
ratur.

legijs, ad Pontificem Maximum *Auenionem* peruenerunt: ubi occa-  
ſione ademptorum Bonorum, Iure per totum triennium diſceptâ-  
runt, & in fauorem tres conformes Sententias obtinuerunt; à qui-  
bus Magiſter Ordinis Romam appellauit, quòd tunc temporis Schi-  
ſma in Eccleſiâ vigeret. Interea *Ioannes Optimus & Vigilans* Epi-  
ſcopus *Auenione* mortuus eſt Anno 1372. 1. Septembr. Sepultus ibi-  
dem in Monasterio Fratrum Prædicatorum. Dominus verò *Ioan-  
nes* Cantor ſupra nominatus cauſam proſequutus eſt, quæ effectum  
non habuit. Negotium tamen apud *Carolum Quartum* Romano-  
rum Imperatorem, eò deduxit, vt Eccleſia *Varmienſis* Sacro Roma-  
no Imperio incorporaretur; cuius præſidio, à vi & Tyrannide Or-  
dinis Teutonici, tuta eſſe poſſet.

*Contra Teutonicos Fratres benè iuratuetur,  
Confineſq; ſuos; hic multis litibus actus  
Aueniona petit, ſacrata ad limina Petri  
Confugiens; ibi mox curis conſumptus obiuit.*

## IX.

## HENRICVS III.

Henricus per  
Gregoriū XI.  
prouidetur &  
conſecratur.

Carolo IV. re-  
commendatur

Imperator ſu-  
ſcipit in Prote-  
ctionem Epi-  
ſcopum.  
Ne à Crucige-  
ris in poſſeſſi-  
one impedia-  
tur ſcribit.

Magiſter Cano-  
nicatum con-  
fert Parocho.

**H**ENRICVS Tertius *Sorbohm* cognominatus, Cuius cuiuſ-  
dam *Elbingenſis*, armis & nobilitate donati filius, *Caroli Quar-  
ti* Cæſaris Secretarius fuit, & eiufdem quoq; *Auenione* Pro-  
curator, in negotio Domini *Ioannis de Eſſen* Cantoris & Canonici  
*Varmienſis*. Hic à Gregorio XI. prouiſus & ab eodem in Epi-  
ſcopum *Varmienſem* conſecratus eſt. Idem Pontifex eum *Carolo*  
*Quarto* commendauit, vt eius fauore & patrociniò, pacificam Epi-  
ſcopatûs ſui Poſſeſſionem, ſi eam *Cruciferi* prohiberent, aſſequi  
poſſet. Quamuis autem *Cruciferi* iure iurando ſe obſtrinxerunt,  
quòd neminem ad Episcopatûm *Varmienſem* admittere vellent, niſi  
qui ex illorum Ordine eſſet: quoniam tamen Imperator hunc *Sor-  
bohm* in protectionem ſuſcipiens, eum per præcipuos ex Nobilita-  
te Bohemicâ Viros, hûc deduci iuſſit; ſimulq; à Cruciferis poſtula-  
uit, ne eius Ius & æquitatem, in legitimè adepto Episcopatu, vllâ  
ratione impedirent, coacti ſunt Imperatoris voluntati morem ge-  
rere; & nouum Episcopum admittere; abſentiâ etenim *Ioannis Streiff-  
rockij*, vacauit Episcopatûs Annis quinq; & medio, quo tempore  
Magiſter Ordinis, cenſus & redditus Episcopatûs ſibi uſurpabat.  
*Conradus Czolner* Supremus dicti Ordinis Magiſter, contulerat Ca-  
nonicatum *Varmienſem* cuidam Parocho in Pruſſicâ *Ilauâ*, cui Ca-  
pitulum



pitulum Possessionem dare noluit, quod Canonicatum huiusmodi conferendi, nullum Ius Magistro asserere competeret. Præbyter hic, fuit quondam in Cancellaria *Heilßpergensis* Scriba, & in libris ac Regestris Episcopatus, magnum vltum & experientiam habebat, immodò vnum ex illis secretò subduxerat. Huius Præbyteri operâ & consilio, factum est, vt Magister Ordinis cum Episcopo, ratione *Wartenburgensis, Allensteinensis & Melsacensis* Cameratus, fines duceret, illiq; quadringentos quinquaginta Mansos ademittit, de meliori & pinguiori fundo, qui isthic habebatur.

Vrgebat præterea Magister Episcopum, vt fructus ex dictis bonis, & alijs quæ ex limitum directione illi obuenerant, planè re-funderet & de plano restitueret. Et licet Episcopus non minus literis, & priuilegijs sigillatis, quam viujs testibus fide dignissimis comprobaret, bona hæc per limites adempta, ad Ecclesiam suam omni jure pertinere, nihil tamen hoc illi apud Ordinis Magistrum profuit: cum hoc tempore, ex diuturnâ pace, ad summam potentiam Ordo prouectus, omnia sibi licere, neminemq; illi resistere posse arbitraretur. Quamobrem *Henricus* Episcopus. iniurias & gra-uamina, quibus opprimebatur Imperatori permisit, qui Negoti-um suscipiens Episcopum *Vratislauensem* in *Prussiam* ablegauit, vt quod cum æquitate coniunctum illi videretur, decerneret. Ibi tum ab vtrâq; parte confinium iudicandorum, Arbitri delecti, con-stitutiq; fuere; in quorum numero erat quoq; ille ipse Parochus ex Prussica Illaua *Ioannes Posilger*, cui fines & limites Episcopatus be-nè noti fuerant, ita vt facile alios in suam sententiam pertrahere posset.

Coram huiusmodi Arbitris Episcopus *Sorbohm*, cum sempiter-nâ sui nominis ignominiâ, & inæstimabili Ecclesiæ damno, ad redi-mendam vexam, facile celsit & renuntiauit tribus conformibus Sen-tentijs à Sede Apostolicâ obtentis, & literis exequutorialibus; quæ omnia gloriosæ memoriæ Antecessor ipsius *Ioannes Streiffrock* Epi-scopus, immensis laboribus, vitæ periculis, & multorum millium impensis. ad veram Iustitiæ & æquitatis normam deduxerat. Eâ ratione supranominatus *Ioannes Posilger* Parochus, repulsam Cano-nicatus *Varmiensis* vltus est. Postea Episcopatus ijs limitibus circumscriptus & definitus est, qui expressi sunt in Bul-

lâ Gregorianâ, quam hic adscribendam putauimus.

Hic Parochus  
quis fuerit an-  
tea.

Huius Presby-  
teri dolo auul-  
sa sunt multa  
Bona ab Epi-  
scopatu.

Non obstanti-  
bus verissimis  
deductionibus

Solâ potentia  
prævalente.

Recurrit Epi-  
scopus ad Im-  
peratorem.  
Committit ne-  
gotium Impe-  
rator Episcopo  
*Vratislauenfi*.  
Arbitri assi-  
gnantur.  
Inter quos per  
Cruciger. Præ-  
byter ille eli-  
gitur.

Victus dolo  
Præbyteri Epi-  
scopus bona  
amissit.

Episcopatus li-  
mitibus circū-  
scribitur.



## Bulla Gregorij Papæ XI.

Nouiſſimè inter Reuerendum in Chriſto Patrem Dominum HENRICVM dictum, SORBOHM Episcopum, & ejus Eccleſiam Varmienſem, ac Ordinem Teutonicorum, Limitum diſtinctionis ratificatoria.



*Gregorius Episcopus Seruus Seruorum Dei. Susceptæ seruitutis officij (quo ad Bonum concordie, inter fideles quoslibet propagandum, & Ecclesiarum ac Ecclesiasticorum locorum, ac Prælatorum & Personarum ipsorum bonum statum, & comoda procuranda sumus, Vniuersaliter obligati) quotidiana Nos cura sollicitat; ut his totis studijs intendamus, & seramus pacis germina inter omnes, & quæ Ecclesiarum, & locorum Ecclesiasticorum, ac Prælatorum ac Personarum ipsarum, tranquillitatem & utilitatem respiciunt, Paternis affectibus exequamur. Sanè dudum per Nos accepto, quòd inter bonæ memoriæ Ioannem Episcopum Varmienſem, & dilectos filios, Præpositum Decanum & Capitulum Ecclesiæ Varmienſis ex parte vnâ, & Magistrum ac Fratres Hospitalis Beata Mariæ Teutonicorum Ierosolimitanorum, super quibusdam terris, possessionibus, & Iuribus ad dictam Eccleſiam ut dicebatur pertinentibus, & nonnullis alijs Articulis, ex alterâ, orta fuerat materia Quæſtionis: Nos ex certis causis, Venerabili Fratri nostro Archiepiscopo Pragensi, Noſtris dedimus literis in mandato, ut partes ipsas ad excipiendum, transigendum, & componendum, super omnibus litibus & controuersijs inter eos vertentibus, coram se euocaret; & super præmissis omnibus quantum posset ad amicabilem concordiam, & compositionem induceret, prout in Noſtris inde confectis literis plenius continetur. Et deinde sicut accepimus, Partes ipsæ quas dictus Archiepiscopus ad suam euocauerat præſentiam, in certos Arbitros, Arbitratores & Amicabiles Compositores, post nonnullos actus, inter partes ipsas habitos, compromittere curarunt; qui æquum Arbitrium tulerunt inter partes, prout in literis authenticis inde manu publicâ confectis, dictorumq; Arbitrorum Arbitratorum seu Amicabilium compositorum, sigillis munitis, quarum tenorem de Verbo ad Verbum, præſentibus inferi fecimus, plenius continetur, ac subsequitur. Cumq; pro parte Venerabilis Fratris Noſtri Henrici Episcopi Varmienſis, de cuius Personâ prædicto Ioanne Episcopo Vitâ functo, dicta Eccleſia prouideramus, ac Præpositi, Decani & Capitularium; ac Magistri & Fratrum prædictorum, nobis fuisset humiliter supplicatum, ut præmissis*



præmissis robur confirmationis adijcere, de benignitate Apostolicâ dignaremur: Nos Venerabili Fratri Nostro Petro Episcopo Portuensi, & dilecto filio Nostro Iacobo Sancti Georgij ad Velum aureum Diacono Cardinali, oraculo viuæ vocis commisimus, ut se de præmissis summarie informare, & quæ super his reperirent, Nobis referre curarent. Qui quidem Petrus Episcopus & Iacobus Cardinalis, super his summaria informatione receptâ, Nobis retulerunt, quod per hoc providebatur utilitati partium prædictarum. Nos igitur huiusmodi supplicationibus inclinati, huiusmodi Arbitrium, & alias per ipsos Arbitros, Arbitratores, & Amicabiles Cõpositores, in præmissis ut præmittitur, Acta rata habentes, atq; grata, illa Authoritate Apostolicâ ex certâ scientiâ, tenore præsentium confirmamus, supplentes omnem defectum, si quis forsân interuenerit in præmissis. Tenor autem dictarum Literarum talis est.

In Nomine Domini Amen. Etsi cuiuslibet conditionis homines, Creatori suo ad salutiferas gratiarum actiones humiliter adstringantur; illi tamen præcipuâ quadam deuotione, ad laudandum Nomen ipsius, & glorificandum obligantur fortius, qui in hac vitâ labili & miserabilis contiguâ in ciuitate, & continuâ cohabitatione & conuersatione iuncti, pacis & tranquillitatis præeminente munere, ipsius clementiâ feliciter perfruuntur. Sanè cum iam dudum alias inter Venerabilem Patrem in Christo & Dominum, Dominum Ioannem bonæ memoriæ Episcopum, & Honorificos Viros Dominos, Præpositum, Decanum, totumq; Capitulum Ecclesiæ Varmiensis ex unâ, & Magnificum ac Religiosum Dominum Winricum Ordinis Beatae MARIE Teutonicorum Magistrum Generalem, ac Præceptores & Fratres dicti Ordinis, ex alterâ parte, super quibusdam Possessionibus, limitibus & terris, se contingentibus, suborta fuisset materia quæstionis; quæ tamen per Sanctissimum in Christo Patrem & Dominum, Dominum Gregorium XI. summum Pontificem, Reuerendissimo in Christo Patri & Domino, Domino Pragensi Archiepiscopo, auctoritate Apostolicâ commissa fuisset, qui virtute commissionis sibi factæ, partes coram ipso legitime euocauit; Tandem comparientibus Partium Procuratoribus, placuit illis de quæstionibus controuersis, & litibus præfatis, se amicabiliter expedire; & sic in Nos Ioannem Decanum Gtougouensem, Iacobum Engilgen Officialem Vratislauensem, Borchardum de Monte Canonicum Paderbornensem, Ioannem de Posilia Plebanum in Ilauâ, Ioannem de Leysa, Ioannem de Heyda & Menczbinum prope Soldaw, Milites & Ioannem Wortmurstein Proconsulem in Elbingo, tanquam Arbitros, Arbitratores, & Amicabiles Compositores, super eadem litibus & controuersijs, sub certis, modo, formâ, ac penâ compromiserunt; prout in literis & instrumentis publicis, de super confectis plenius continetur. Tandem li-

Arbitri.



Telles recepti cet secundum formam compromissi prædicti, receptis testibus, iuramentis & alijs probationibus, quibus tunc partes uti volebant, Terras ipsas de quibus erat contentio, oculis subiecerimus; & plures limites & terrarum distinctiones posuerimus, tamen considerantes, si ulterius limites ponendo, progredi secundum formam & modum compromissi nos contingeret; quod multa nouitates & mutationes subditis partium multum periculosa præuenirent, & firma amicitia ac constans unio inter partes ipsas, & eorum subditos, subsistere non valeret. Demum relaxatis à partibus Nobis iuramentis præstitis in Compromisso, ad bonam Nostram conscientiam, & tollendas difficultates, & incomoda supradicta, Iterum placuit Partibus ipsis, sub penis in compromisso contentis, in Nos compromittere: prout de præmissis, omnibus & singulis sunt certi tenoris litera confecta, ac etiam publica Instrumenta. Nos igitur sinceris affectibus desiderantes perpetuam pacem, & inuiolabilem tranquillitatem inter partes prædictas, in quantum in Nobis est, auctore Domino ordinare; Auctoritate Arbitraria, quâ fungimur in hac parte, multis præhabitis tractatibus. & pluries repetitis, & singulis circumstantiis rite pensatis, quid commodi, quid utilitatis ex concordia? & quid periculi & damni ex dissensione, si causa prædicta sopita non fuerit, posset proculdubio prouenire? Partibusq; in Nostrâ præsentia personaliter constitutis, ac Nostrum Arbitrium seu Nostram Sententiam ferri petentibus, Christi nomine inuocato, pro tribunali sedentes, & solum DEVM præ oculis habentes, voluntate unanimi & concordi, pronuntiamus, decernimus, arbitramur, dicimus, & in his scriptis sententialiter definimus Dominum Episcopum, Capitulum, & ipsam Ecclesiam Varmienſem, permanere debere, iuxta antiquam & pristinam ipsorum Possessionem, videlicet secundum limitationem & distinctionem infraſcriptam. Incipiendo iuxta literam Anselmi, à recenti mari ubi fluuius Rüma influit, idem recens Mare transeundum est ad fossatum, quod à viâ antiquâ incipit, quæ ducit in Villam Rosſienſem, ita quod prædicta & quidquid situm est inter Rünam & Zonam & recens Mare, & prædictam viam ad Ordinem debet pertinere; Et ab inde sequendo fossatum prædictum per viam quæ est inter Brunsperg & Curiam Entidel, vulgari nomine Steinweg nuncupatam, de cuius viâ aggere transeundum est secundum possessionem & limitationem antiquam, usq; ad fluuium qui diuidit villam Rogitem & villam Hamersdorff, eundem fluuium ascendendo, usq; ad graniciem illorum de Grunaw, taliter tamen, quod antiquæ Possessiones, & limitationes obseruentur, & quod villa Rogiten Ecclesiæ, & Hamersdorff Ordini pertinebunt. Deinde ad fluuium Bebir transeundum est, secundum antiquam possessionem, ita quod campus Bebern timer Ecclesiæ, & Villa Sonnerstul Ordini permanebunt. Eundem fluuium Bebir ascendendo usq; ad cam-

Telles recepti

Visio facta.

Sententia proferuntur.

Quidquid situm  
est inter Rünam  
& Zonam ad  
Ordinem per-  
tinere debet.

Adſcribun-  
tur autem.

Rogiten Eccle-  
siæ.

Hamersdorff  
Ordini.

Bebern timer Ec-  
clesiæ.  
Sonnerstul Or-  
dini.



ad campum villæ Blumenberg, & ab inde à fluuiio dicto Bebir ad fluuium dictum Bamaw, ita quod Villa Blumenberg Ecclesiæ, & Villa Breitelinde Ordini remanebunt, secundum limitationem antiquam; Et ab inde eundem fluuium Bamaw ascendendo, usq; ad graniciem Clausitem & Buschenbach diuidentem, ita tamen quod Buschenbach in parte Ordinis, & Clausiten in parte Ecclesiæ remanebunt secundum limitationem antiquam. Deinde transeundo ad graniciem illorum de Peterswalde, quæ est inter Clausiten & Buschenbach situata, ab inde ulterius procedendo ad limitem villæ Ierdow, morè antiquæ Possessionis, ita quod Villa Peterswalde Ecclesiæ remanebit. Demum procedendum est secundum antiquam limitationem & graniciem illorum de Waldaw, ita quod Ierdow Ordini, & Wlaben Ecclesiæ remanebunt, & ab inde iterum procedendum est ad fluuium Warne, ita quod Waldau & Wilkenite cum molendino & agris Molendinatoris in parte Ordinis, & Villa Rosenwald in parte Ecclesiæ permanebunt. Ultra quem fluuium Warne procedendum est ad Quercum signatam iuxta viam, & ab inde ad aliam Quercum quæ est limes acialis, quod dicitur vulgariter Ort grenze, Ciuium Ciuitatis Melsack directè siue diametraliter, ita quod Villa Penczim Ecclesiæ permanebit. Ab inde verò ulterius procedendum est, secundum antiquas limitationes & possessiones usq; ad limitem in campo Pluten, ita quod Nemus ciuitatis Melsack Hegewald vulgariter nuncupatum Ecclesiæ, sed Villa Schoneborn Ordini remanebunt. Vterius verò procedendum est ad limitem villæ Gutfenfeldt, & ab inde ad Quercum inter Bona illorum de Gutfenfeldt, Plutem & Sichfeldt signatam, ita quod Gutfenfeldt Ordini, & Plutem Ecclesiæ remanebunt. A quâ quidem Quercu ad palum prope riuulum Walche positum procedendum est, ita quod Villa Wolckaim Ordini, & Sehfeld Ecclesiæ in suis antiquis limitationibus remanebunt. Deinde procedendum est super quendam montem ad truncum ibidem signatum, ita quod Woppe & Pawlen Ecclesiæ, & Honite & Waldeke Ordini remanebunt. Vterius procedendum est ad Quercum quandam signatam versus lacum Parkune dictum, procedendum demum directè ultra alium lacum Kowtic nuncupatum, ad illum locum ubi fluuius fluit in lacu suprascripto, eundem fluuium descendendo, ad illum locum ubi Villa Koythyr habet limitem ab illis de Staboniten; ita quod Koythyr Ordini & Staboniten Ecclesiæ remanebunt. Et ab eodem fluuiio procedendum est usq; ad limitem Gladiamsdorff; ita quod Gladiamsdorff in parte Ordinis & Staboniten ut præfertur Ecclesiæ remanebunt secundum limitationes antiquas. Deinde procedendum est ad graniciem acialem villæ Gladiamsdorff, quæ diuidit villam Workeim & Gladiamsdorff, & ab inde procedendum est ad limitem acialem Hanneshagen, ita quod Villa eadem Hanneshagen

Blumenberg  
Ecclesiæ.  
Breitelinde Or-  
dini.

Buschenbach  
Ordini.  
Clausiten Ec-  
clesiæ.

Peterswalde  
Ecclesiæ.

Ierdow Ordi-  
nis.  
Wlaben Eccle-  
siæ.  
Waldau Wil-  
kenite Ordinis  
Rosenwald Ec-  
clesiæ.

Penczyn Ec-  
clesiæ.

Nemus Ciuita-  
tis Melsack.  
Hegewald Ec-  
clesiæ.  
Schoneborn  
Ordini.

Gutenfeldt Or-  
dini.  
Pluten Eccle-  
siæ.

Wolckaim Or-  
dini.  
Sehfeld Eccle-  
siæ.  
Pawlen &  
Woppe Eccl.  
Honite &  
Waldeke Ord.

Koythyr Ord.  
Staboniten Ec-  
clesiæ.

Gladiamsdorff  
Ord.

Hanneshagen  
Ord.



Workaym Eccl.

Grossendorff Eccl.  
Rittersdorff  
Nerwikien,  
Rikawesdorff  
Ord.

Szigelkē mō-  
le Ecclesie.  
Borchardis-  
dorff Ord.  
Curia Regosē  
Eccl.

Sotlaukē Ord.  
Catzen Eccl.

Lauterhagen  
Eccl.  
Hermanshaim  
Ord.

Gallekolen,  
Pelapen, Ne-  
mus, Hege-  
wald, Trute-  
nau Ecclesie.  
Craiffshaim,  
Galindē Thun-  
gen Ord.  
Clausborkē &  
Königsdorff  
Ord.  
Wufelacken &  
Plausen Eccl.  
Pakessenum  
Eccl.

Pelinstawke,  
Lauken, Lu-  
czelaukē Ord.  
Sandersdorff  
Ord.

Stormhabel  
Eccl.  
Passyn, Weder-  
kayn Ord.  
Plausen Eccl.  
Stroupen Ord.

Sogatiten Ord.  
Tolnckēdorff  
Eccl.

hagen Ordini, & Workaim Ecclesia remanebunt. Demum proce-  
dendum est ad arborem signatam, quæ arbor vulgariter Hanbucht di-  
citur, quæ distinguit Willekaim & Workaim secundum antiquam  
Possessionem Ecclesia remanebunt. Transiendo ulterius ad riuulum  
Grossendorff & Rittersdorff, & Nerwikien diuidentem, ita quod  
ambæ villa Grossendorff Ecclesia, & Rittersdorff & Nerwikien &  
Rikawensdorff Ordini remanebunt. Ecclesia verò prata sua ultra  
riuulum prædictum usq; ad riuulum Ilme debet, sicut hætenus habu-  
it, ea possidere. Deinde eundem riuulum ascendendo ad limitem stan-  
tem, apud eundem Ilme inter molendinum Szigelken & Ilme, dein-  
de procedendum est, à limite molendinatorum, qui est iuxta fluuium  
Ilme supradictum usq; ad limitem Borchardi de Spirow, ita quod Mo-  
lendum Szigelken mōle nuncupatum cum agris suis Ecclesia, & libe-  
ri seu Vasalli ibi prope morantes, ac Borchardisdorff Ordini, Curia  
verò Regosē Ecclesia remanebunt. Et ab inde procedendum est ad  
granicie villa dicta Catzenum, & ulterius procedendo usq; ad  
campum illorum de Sotlauken, & ab inde ad fluuium Aluan, ita quod  
Sotlauken Ordini, & Catzen Ecclesia, secundum possessiones anti-  
quas remanebunt. Demum Aluan ascendendo, ad illum locum ubi  
Bona villa Lauterhagen terminantur, & Santglobe Vasallus Ordinis,  
eadem bona Lauterhagen contingit, & inde procedendo ad limitem  
Craiffeshaim, Hermanshaim, & Lauterhagen ita quod Lauterhagen  
Ecclesia & Hermanshaim Ordini remanebunt. Et deinde proce-  
dendo ad limitem acialem, Galinden & Trutenau diuidentem, ita  
quod Gallekolen, Palapen, & nemus dictum Hegewaldt & Villa  
Trutenau Ecclesia, & Craiffshaim, Galinden & Thungen Ordini  
iuxta antiquas limitationes, & possessiones remanebunt. Deinde pro-  
cedendum est usq; ad granicie Pelin, ita quod filij Clausborken &  
Königsdorff Ordini, & Wufelauken & Plausen Ecclesia remane-  
bunt. A granicie vero Pelin procedendum est ad limitem acialem, di-  
uidentem Sandendorff & Paluffenum; ita quod Paluffenum Eccle-  
sia, & Pelinstawke, Lauken, & Luczelauken cum suis Possessionibus  
Ordinis remanebunt. Demum procedendum est ad limitem San-  
dersdorff & Stormhabel diuidentem, ita quod Sandersdorff Ordini,  
& Stormhabel Ecclesia remanebunt. Deinde procedendum est  
ad Bona Ioannis Militis dicti Stroupen, secundum possessionem anti-  
quam, ita quod Passyn & Wederkayn Ordini, & Villa Plausen Ec-  
clesia remanebunt. Et ab illo loco ad granicie villa Tolniken pro-  
cedendo secundum possessiones antiquas, ita quod Ioannes Stroupen  
cum bonis suis Ordini, & Villa Plausen ut præfertur Ecclesia rema-  
nebunt. Ulterius verò procedendo ad granicie illorum de Sparwein  
ita quod Sogatiten Ordini, & Tolnckendorff Ecclesia remanebunt.

Deinde



Deinde procedendum est ad limitem diuidentem Tolnckendorff, Warpelanken, & Sparwein, ita quod Tolnckendorff Ecclesia ut praemittitur, & Sparwein Ordini permanebunt. Demum procedendo secundum antiquos limites, ad graniciem signatam, ita quod Babatyn Ordini, & Warpelauken Ecclesiae permanebunt. Item incipiendo à recenti mari versus Elbingam ubi fluuius Narussa influit, Idem recens Mare & ab inde transeundum est ad fluuium dictum Bauda, & à Bauda usq; ad fluuium Passeriam alias Seria nuncupatum, secundum possessiones antiquas & limites. Deinde Seria ascendendo usq; ad ipsius ortum originale, à quo ortu praefata Seriae directe proceditur, ad limitem in campo Korkasadall per Dominum Theodoricum de Aldenburg Generalem Magistrum Ordinis positum; à quo quidem limite, transeundum est secundum diametrum, seu lineam directam, ad syluam Cracotinum ita quod finis miliaris, à Castro Rossel per Nos mensurati seu positi, prope lacum Veder, tangatur diametro supradicto, & in quacunq; parte lacus per diametrum tanguntur, tunc quaelibet pars iuxta lineam directam habeat partem suam, sic similiter fiat in lacubus ubi Passeria influit in eosdem. Sic tamen quod Ecclesia Varmiensis praedicta, suas Villas, videlicet Cathemedien, Ramotenn & Clausdorff integras, & eius dominationem, cum suis agris & possessionibus, debeat obtinere, directo transitu, à fine dicti miliaris prope Weder, ad dictum Nemus Crakoty, non obstante. Item pronuntiamus ac etiam declaramus, quod Recens Mare inter Runam & Narussam usq; ad Nergam, in aequali latitudine utriq; partium praedictarum sit commune; sic & Seria seu Passeria ac alij fluuij bona Ecclesiae & Ordinis diuidentes, similiter utriq; partium sint communes, sicut de recenti mari superius est expressum, cuilibet tamen parti suo litore reseruato. Quicquid infra terminos Nostrae pronuntiationis praescriptae includitur, ad Episcopum Capitulum & Ecclesiam Varmiensensem pro sua parte, siue terrâ suâ Diocesis; quicquid verò extra hos terminos, ad Magistrum Praeceptores & Ordinem debet perpetuis futuris temporibus pertinere: Arbitrantes & pronuntiantes nihilominus, quòd quaelibet pars in suis terminis praescriptis contenta, aliam partem in suis terminis non impediât, sub penis in Compromisso expressatis; reseruatis etiam luribus spiritualibus Domino Episcopo Varmienti praedicto, ac suis Successoribus, qui pro tempore fuerint, prout in literis Papalibus continetur. Quam quidem Pronuntiationem, Laudum, Arbitrium, & Definitionem per Nos Ioannem Decanum Glogouiensem praedictum, de voluntate, iussu, consensu, aliorum meorum Collegarum & Arbitratorum Latis, sententiatis, pronuntiatis, & in scriptis declaratis, Reuerendus in Christo Pater & Dominus Henricus Episcopus, & Honorabiles Viri Dominus Henricus Praepositus, Michael De-

SparweinOrd.

Babecin Ord.  
Warpelauken  
Eccl. de Habo.

Korkasadall  
& limites ibidem.

Cracotin.

Habus,

Recipiunt laudum Partes tresq;



Acta 1374.

el Decanus, & Otto de Rufsibus Canonicus, Procuratores Capituli Ecclesie Varmiensis, pro se & eadem Ecclesia sua; Nec non Magnus & Religiosus Princeps Dominus Frater Winricus de Kniprode Magister Generalis, & Honorabiles ac Religiosi Viri Fratres Wolfferamus de Balderschaim magnus Commendator, Rodigerus de Eluer summus Marschalcus, Vlricus Vlrikke summus Hospitalarius & in Elbingo, Conradus Zolner summus Trapiarius, & in Crisesborg, Theodericus de Budenberg in Thorn, Gotfridus de Lunde in Galga, Guntherus de Hohenstein in Brandenburg, Gerhardus in Ragnitz & Burchardus de Mansfeldt in Osterrode Commendatores & Praeceptores, Ordinis supradicti, pro se & Ordine suo supradicto laudarunt, euulgarunt, & ex certa eorum scientia, per solennes stipulationes approbarunt. Acta sunt hac sub Anno Natiuitatis Domini Millesimo Trecentesimo Septuagesimo quarto, Indictione duodecima, Pontificatus Sanctissimi in Christo Patris & Domini Nostri Domini Gregorii Diuina prouidentia Papae XI. Anno Quarto, Die XXVIII. Mensis Iulij, hora tertiaria, in Castro Elbingensi Varmiensis Diocesis: Praesentibus Honorabilibus & discretis Viris Nicolao de Grotkau, Praeposito in Gutstadt, Petro Damone Canonico Vladislauensi, Alberto de Creutzberg, Ioanne de Rosenberg Altarista Vratislauensis Ecclesiae, Baldouino in Widnole Vratislau. Diocesis, & alijs pluribus fide dignis testibus ad praemissa &c.

Prata penes  
Braunsberg.

Item pronuntiamus, arbitramur, & declaramus, sub penis compromissi, quod prata prope Bebir quae petit Strube in parte Ecclesiae debeant permanere. Item quod Nemus de quo est dissensio, inter Ecclesiam & Nerwiken ad Ecclesiam debeat pertinere. Item quod Tolinne seruitor Commendatoris in Thorn, in nemore prope Catzen decem Mansos a fine versus Radenau mensuratis obtinebit. Ita quod homines qui extirpatione arborum novos agros fecerunt, in eodem nemore per tempus tale quod vulgo dicitur Haynrecht, ad suos habebunt usufructus, reliqua vero portio eiusdem Nemoris in parte Ecclesiae permanebit. Item a limite qui diuidit Galinden, Trutenau, & filios Clausborken, transeundum est usque ad graniciem in Pelicali transitu, sicut Dominus Commendator de Elbingo & Ioannes Miles de Leysa ante aliquot tempora ordinauerunt. Item quod Villa Vorplanken suum limitem, quem dictae villae incolae demonstrarunt, Commendatori in Elbingo, iugiter obtinebunt. Lata est hac Nostra declaratio per nos Ioannem de Ilauia, de consensu, iussu, & mandato aliorum Collegarum & Coarbitrorum Nostrorum, Anno Indictione, Pontificatu, & loco, praemissis die XXIX. Mensis Iulij praedicti, Hora quasi Vesperarum, praesentibus discretis Viris Dominis, Alberto de Creutzburg Altarista Vratislauensi, Nicolao Longi de Fridecke Culmensis Diocesis, Nicolao

Vorplanken.



Nicolaus Iawer, Sambiens. Conrado de Czanis Vladislauien. Diocesis  
sum Presbyterus testibus ad præmissa. Præsentem quoque literas, hoc  
præsens publicum Instrumentum continentes, per Notarios Publi-  
cos infra scribi & publicari mandauimus. Sigillorumque nostrorum  
appensione fecimus muniri, In euident testimonium omnium præ-  
missorum, & constat Notario de interlinealibus descriptionibus, vi-  
delicet secundum antiquos limites inter XLIII. & XLV. lineas,  
à capite instrumenti computando positus, non vitij causâ sed erro-  
ris. Et ego Conradus Sefridi de Toppelwoden Clericus Vra-  
tislauiensis Diocesis, publicus Imperiali Autoritate Notarius, præ-  
missis, Dicto, Laudo, Arbitrio, Sententiæ, Definitioni, Pronuntia-  
tioni, Approbationi cæterisque alijs omnibus superscriptis, unâ cum  
Nicolao Leonis de Bischoffwerde Notario publico infra scripto,  
& testibus superscriptis, dum sic agerentur & fierent, præsens in-  
terfui, eaque sic fieri vidi, & audiui, & ad mandatum dictorum Do-  
minorum Arbitrorum & partium prædictarum, præsens Publicum  
Instrumentum propriâ manu conscripsi, & in hanc publicam formam  
redegi, signo & nomine meis consuetis consignavi, in fidem & omni-  
um præmissorum testimonium. Et ego Nicolaus quondam Petri  
Leonis de Bischoffwerde, Clericus Peshnaniensis Diocesis, Publicus  
Imperiali Autoritate Notarius, præmissis, Dicto, Laudo, Sententiæ,  
Definitioni, Arbitrio, Pronuntiationi cæterisque omnibus alijs supra-  
scriptis unâ cum Conrado de Toppelwoden Notario Publico su-  
per scripto, & testibus superscriptis dum sic agerentur, præsens in-  
terfui, atque sic fieri vidi & audiui, & ad Mandatum dictorum Do-  
minorum Arbitrorum, & requisitionem partium prædictarum, hic  
me subscripsi, & in hanc publicam formam redegi, signo & nomi-  
ne meis solitis consignando, in fidem & testimonium omnium præ-  
missorum. Et constat mihi Notario de Interlinealibus descriptio-  
nibus, videlicet secundum antiquos limites, inter XLIII. & XLV.  
lineas à capite instrumenti positas computando, non vitij causâ sed  
erroris. Nulli ergo omnino hominum liceat hanc paginam Nostræ  
Confirmationis & Commissionis infringere, vel ei ausu temerario  
contraire. Si quis autem hoc attentare præsumpserit, Indignatio-  
nem Omnipotentis DEI, ac Beatorum Petri & Pauli Apostolorum  
eius, se nouerit incursum. Datum Auenione XIV. Calend. Mar-  
tij. Pontificatus Nostri Anno quinto.

Notarius pu-  
blicus Imperi-  
ali Authorita-  
te.

Alter Notari-  
us Publicus.

Auscultata & collationata sunt prænotata Innocentij VI. ex  
Gregorio XI. Bulla, per me Balthasaram Stockfish, Imperiali  
Autoritate Notarium, & concordant cum Originalibus literis,  
quod præsentem manu propriâ attestor, de Verbo ad Verbum. Copia  
verò supra scripta concordia vulgaris, habetur in libro Priuilegio-



rum Eccleſiæ Varmienſis Maiori folio CLXXIX. Bullas autem originales prædictus Reuerendiſſimus in Chriſto Pater & Dominus, D. Nicolaus Episcopus Varmienſis, Anno Domini, M. CD. LXXXII. die Veneris decimâ nonâ Menſis Aprilis apud Eccleſiam prædictam conſtitutus, Capitulo ſuo Venerabili tradidit ad conſeruandum.

Quod tam  
multa bona Ec-  
cleſiæ Episc.  
amiſerit in cō-  
tempu venit.

Etiam Capitu-  
lo ingratū pro-  
pter familiam.

Ad primū re-  
ſponſum.  
Ad ſecundum.

Postquam ergo luce meridianâ clarius omnibus apparet, Episcopum hunc *Henricum* Eccleſiæ ſuæ lura, non eâ diligentiam & ſolicitudine, tutatum fuiſſe, quemadmodum ab eius Antecellore factum fuit, quodq; multa palam ſibi adimi paſſus eſt, dummodo cum Ordine in quiete & amicitia, bonâq; Vicinia viueret, cæpit à multis paſſim contemni, idq; eò magis, quòd in Aula ſua, multam & inutilem familiam, ex nobilitate *Bohemica* aleret, quæ Vaſallis, moleſtias, damna, & iniurias inferebat. Sed nec cum Venerabili Capitulo illi ſatis benè conueniebat, quod abſq; illius ſcitu & conſenſu, ſupradictis tribus conformibus ſententijs, vltro ceſſerit & renuntiauerit. Quamobrem ſæpius cum illo Capitulares expoſtulârunt, eumq; monuerunt, vt ſcandalofam, & ſubditis valdè grauem, & moleſtam familiam, à ſe amoueret. Quo ad primum reſpondere ſolebat, *Præſtat habere il quam nihil.* Quo ad ſecundum morem geſſit Capitulo, & Bohemos ab Aulâ ſuâ oblegauit.

## De Braunsbergienſium Rebellione.

Braunsbergien-  
ſium conſide-  
ratio.

Rebellionem  
concipiunt  
Magiſtro ſe  
tradere volunt

Magiſter re-  
ſpondit eis.

Detegit Ma-  
chinationes e-  
orū Episcopo

Cum *Braunsbergienſes* animaduertiffent, Magiſtrum Ordinis multa Episcopatus bona, cum aliquot oppidis ſibi viſurpâſſe, & Episcopum *Sorbonum*, alij *Sorenbaum* ſcribunt in tuendis luribus Eccleſiæ, Antecellore ſuo longè factum eſſe remiſſiorem; arbitrati ſunt, magis honorificum illis futurum, ſi non Sacerdotum, ſed Magiſtri Teutonicorum potiùs ſubditi eſſent, & vocarentur. Quamobrem miſſâ ad Magiſtrum Legatione, ſe in illius poteſtatem cum bonis omnibus libenter conſeſſuros, ſi eos in fidem reciperet, ac luribus & Libertatibus ſuis vti permetteret; Reſpondit Magiſter, non decere omninò, vt eos pro ſubditis reciperet, qui ſucceſſu temporis, pari leuitate ducti, à ſe quoq; ad alios deficere poſſent; diſcederent itaq; & ipſi ſua potiùs curarent. Re per Magiſtrum Ordinis ad Episcopum delatâ, cùm quid machinarentur *Braunsbergienſes*,



fer? didicisset, statim *Braunsbergam* cum triginta tantum aulicorum comitatu accurrit; Magistratum ad se citatum & comparentem, illi nequitiam, & prodicionis nefariae crimen obijcit; quod cum negare non possent, veniam sibi dari petierunt. Episcopus inuncta eis leui multa, pro facinore tam graui, illos abire iussit: quibus in Prætorium reuersis, cum Populus ex illis scire veller, quid in tanti momenti negotio constituisset Episcopus? illi cum magna querimoniâ, & eiulatu ad vulgum detulerunt, quod Episcopus Ciuitatem destruere, illosq; trucidare decreuisset: quamobrem quicumq; posset, se vitamq; suam quilibet contra Episcopi tyrannidem, defenderet ac tueretur; Datum est deinde signum tumultus campanâ Prætorij: Ciues, plebs, & omnis, incondita multitudo, arreptis gladijs, hastis & fustibus, ad Arcem cucurrit, vt Episcopum occideret; cumq; fossâ ruderibus oppletâ, portam Arcis effregissent, vt se præsentî periculo eriperet Episcopus, per posticum, fune è muro demissus, pedum celeritate salutem quæsiuit. Eam rebellionem vt vlcisceretur Episcopus, & insigne aliquod Exemplum in Braunsbergenses statueret, Ordinis Magister eum diligenter admonuit: qui consilio cum suis communicato secreta, coactisq; nonnullis partim ex Vasallis Ecclesiæ, partim ex amicis, qui rei indignitate commoti sponte confluxerant, equestribus copijs, & aliquot Peditum turmis, *Braunsbergam* perrexit, eamq; obsedit: Interea denuò Braunsbergenses, Magistri Ordinis, in quo spei plurimum collocauerant, opem & auxilium contra Episcopum, supplices implorabant; sed cum ab eo responsum retulissent, quod Proditores iuuare & tueri nollent, sed potius ad eos coërcendos, operâ suâ præstò adesse veller Domino Episcopo, eâ re vehementer exterriti, aliâ ratione rebus suis præsidium quærere constituerunt: Quamobrem ij qui in senatu erant positi, fune ad collum appenso, capite detecto, nudis pedibus, genibus reptantes, extra Ciuitatem ad Episcopum in Castra peruenerunt, sibiq; misericorditer ignosci petierunt; Quod etiam ab Episcopo ijs conditionibus impetrarunt; nempe, vt omnia damna ratione tumultus illata resarcirent. Vt murum iustæ altitudinis, quem diruerant, cum turribus, Ciuitatem versus denuò è solidis lateribus excitarent. Vt Armis quibus contra Dominum suum nefariè sunt abusi, & campanâ Senatoriâ & Prætoriali, quâ Plebem ad seditionem excitauerunt, priuarentur. Ad extremum vt pro expensis belli Domino Episcopo, duo millia florenorum Vngaricorum; vel mille Marcas (nam decem grossi argenti puri vnum Vngari-

Episc. Braunsbergâ accurrit  
Magistratui exprobrat nequitiam.

Magistratus coram populo falsa relatio

Datur signum tumultus.

Aggreditur Popul' arcem

Episcopus fune dimissus fugit.

Ne impune id prætermittat Episc. à Magistro admonetur.

Episc. Braunsbergam obsedit.

Ad Magistrum recurrunt. Respuit eos Magister.

Authores tumultus fune ad collum appenso misericordiam petunt

Dat veniâ Episcopus certis conditionibus Prima.

Secunda.

Tertia.



cum florenum conſtituebant) intra vnius anni terminum perſoluere tenerentur. His conditionibus ſatiſfecerunt Braunsbergenses, atq; ita omnia ſunt ſopita.

Magiſter Val-  
lenrode Dei A-  
micus Cleri I-  
namicus.  
Exactiones  
Cleri,

Eius Bella.

Memel & Ra-  
gnet fortificat.  
Episcopi Va-  
ſallos oppri-  
mit.

Inobedientes  
ſibi, manibus  
pedibusq; trū-  
cat.  
Res. inaudita.

Ob terrorem  
mille Viros ad  
labores affi-  
gnant.

Omnes. iſti  
periere ad Me-  
mellam.

Henrici ædifi-  
cia ædificata.

Collegiata Gu-  
ſtad. & Biſch-  
ſteinen. con-  
ſtructa.

Magnum mi-  
raculum.

Mors Episco-  
pi Henrici.

Huius Episcopi tempore, fuit in Magiſtrum Ordinis ele-  
ctus ſuperbus ac execrabilis Tyrannus *Conradus Valrader* (ali-  
is *Vallenrode*) qui ſe publicè DE I amicum, & totius Cleri ini-  
micum appellabat & profitebatur. Huic quilibet ex Eccleſi-  
aſticis ſui ſtatus, pro honorario Menſæ, triginta plus minus,  
prout ille iudicaret, aureos Rhenenſes, pendere coactus fuit.  
Quanta pecuniæ vis hinc collecta, & in quos vſus conuerſa  
fuerit, copioſius in eius vitæ deſcriptione continetur. Geſſit  
is cum *Samogitis* & *Lithuanis*, qui nondum Chriſto nomina  
dederant, *bella* plurima; vtq; ab eorum excuſſionibus eſſet tu-  
tior, arcem *Memel* & *Ragnet*, foſſis & muris altiffimis munire  
cepit. Ad eas operas præſtandas, Episcopi quoq; Vaſallos  
& Ruſticos cogere inſtituit: cumq; huic eius cupiditati reſiſte-  
ret Episcopus, ille plurimos Equites, in Episcopatus bona im-  
miſit, & ruſticis qui operibus in ſyluis intenti, duris eius man-  
datis parere recuſabant, inaudito crudelitatis genere, manus  
& pedes præcidi iuſſit. Erat horrendum & miſerabile ſpecta-  
culum, videre in ſyluis tot ruſticos, manibus & pedibus am-  
putatis iacentes, & cælum eiulatibus ferientes. Ea res tan-  
tum terrorem miſeris incolis incuſſit; vt quingentos Viros  
proprijs expenſis conductos, *Memelam* verſus, & totidem *Ra-  
gnetam* miſerint, qui operas hæc præſtarent. Cæterum ij  
qui erant ad *Memelam*, cum *Samogita* ex inſidijs in eos irruif-  
ſent, Die Corporis Chriſti, omnes ad vnum interfecti miſe-  
rè perierunt.

Episcopus hic *Henricus*, in interiore Arcis *Heiſſpergenſis*  
parte, curritorium ſeu ambulatorium, teſtudine perfecit &  
conſummavit; Idem *Reſſelij* quoq; & *Seburgi* præſtitit; *Heiſ-  
perga* quoq; aquæ ductus procuravit, & exteriorem partem Ar-  
cis muro cinxit. Ciuitatem *Vartemburgenſem*, *Biſchteinum* mu-  
ro circumdari præcepit. Collegiatam *Guſtadien*. Eccleſiam  
& alias plures ædificauit, inter alias quoq; illam *Biſchſteinen-  
ſem*, quam cum paulò ante obitum ſuum dedicâſſet, & in eâ  
ad Altare, quod in ingreſſu ad ſiniſtram eſt poſitum, Miſſam au-  
dired; in ipſa eleuatione, Sacro Sancta Hoſtiâ, guttas aliquot  
ſanguinis ſtillauit; quam etiam ob Cauſam Altare illud, Sacri  
Sanguinis appellatur, ad quod Miracula multa Diuinitus exhi-  
bebantur. Poſtea in ſequenti Anno qui fuit M. CD. I. idem  
Dominus Episcopus feliciter in Domino obdormiuit *Heiſſperga*,  
die



die 13. Ianuarij, sepultus in Ecclesia Varmienſi, ante Chorum, ſub lapide albo, vnâ cum Fratre præpoſito Varmienſi requieſcit. Hic à Carolo IV. pro ſe & quolibet Epifcopo Varmienſi, accepit titulum Principis Romani Imperij.

*Hic malè partitur Bona: nam ſex millia perdit  
Manſorum, multosq; lacus. Compescit iniquos  
Brunsbergæ motus; nam torto ad colla Rebelles  
Fune, perunt veniam, edocti non temnere Diuos.*

X.  
HENRICVS IV.



**H**ENRICVS IV. dictus Heilsberg de Vogelsang, Iuris  
vtriusq; Doctor, & Canonicus Varmienſis, pacificam E-  
piscopa-



Electio Epi-  
scopi.

Insignis clades  
Crucigerorum  
ad Tanneber-  
gam 15. Iulij,  
1410.

Episcopus sup-  
plicat Regi  
pro se & sub-  
ditis.

Magister Ord.  
Episc. crimen  
Proditoris  
obijcit.

Minatur mor-  
tem Episcopo.

Episc. e mentio  
habitu iram  
Magistri eua-  
dit.

Ad Imperato-  
rem recurrit  
& contra Ma-  
gistrum con-  
queritur.

Magister con-  
demnatus pæ-  
nâ talionis.

Pro fructibus  
acceptis & da-  
mnis illatis Im-  
perator decre-  
tat Magistrum  
50000. Vnga-  
ricorum pænâ

piscopatûs possessionem adeptus, in Parochiali Ecclesiâ *Heilsbergensi* in Episcopum die 26. Martij. Anno 1401. legitime consecratus fuit. Eius tempore Ordo Cruciferorum insignem cladem, apud *Tannebergam* accepit, in qua supremus Magister *Vlricus de Iungingen* die 15. Iulij, Anno 1410. cum Sexcentis Ordinis sui Fratribus, & quadraginta militum millibus occidione deletus est. Partâ adeo memorabili Victoriâ, *Vladislaus Rex Marieburgam* versus, *Vitoudus* autem *Regiomontem* copias movit, in itinere flammâ & ferro passim omnia populatus; qui cum *Varmiensem* tractum attigisset, Episcopus cum aliquot Canonici illi occurrit, petijtq; ut à cæde & vastatione suorum abstineret, qui nullam unquam belli causam præberent. Quod quidem factum est; quanquam à *Vitoudianis* eam pacem, multâ æris, argenti & auri signati quantitate, redimere coactus fuit; ita ut in eum vsum, calices & alia Sacra, Divinoq; cultui dedicata argentea vasa, conflare necesse habuerit. Postea verò cum exercitus è *Prussia* in *Poloniam*, ad auertendas *Sigismundi Hungariæ* Regis excursions, movisset; cepit *Henricus Reuss de Plawen* (qui sibi Magni Magistri munus & auctoritatem usurpauerat) in Episcopum acriter insurgere, illiq; crimen proditoris palam impingere, quòd cum Hoste clanculum conuenerit, ut bonis Episcopatûs intactis, vim omnem ad Ordinis damna & destructionem conuerteret. Quamvis autem Episcopus, de ijs quæ illi obijciebantur, abundè innocentiam suam comprobaret, nullum his tamen Magister, apud se locum dedit, immò denunciari iussit, se eum tanquam Proditorum interfectorum collectisq; viribus Episcopatûs Bonâ, per vim inuasit, oppida & arces diripuit, subditosq; sibi tributarios fecit, ac ne Episcopus elaberetur, sed viuis in potestatem suam veniret, omnes aditus & vias obseruari & præcludi iussit. Cæterum Episcopus habitu pauperis Mercatoris assumpto, exiguâ scaphâ, *Braunsbergâ* *Gedanum*, deinde *Lubecam*, delatus; postea ad Imperatorem *Sigismundum* peruenit; apud quem de summâ vi illatâ grauiter conquestus, litem Magistro per quatuor annos intentauit. Cumq; Magister probare non posset, Episcopum aliquid proditoriè egisse, condemnatus à Cæsare, pænâ talionis fuit; utq; pro quadriennij fructibus perceptis, & damnis Ecclesiæ *Varmiensis* illatis, Episcopo quinquaginta Vngaricorum aureorum millia, vel viginti quinq; Marcarum millia (nam decem grossi puri argenti vnum Vngaricum constituunt) absq; vllâ tergiuersatione numeraret. Atq; ita Episcopus reuersus omnia sua recuperavit, exceptis Quinquaginta Vngaricorum



Corum millibus, quorum solutio executioni mandata non fuit. Magister Ordinis constituerat in Episcopatu Generalem Aduocatam Fratrem *Lucam de Helffstein*, qui Vassallos diuersis mulctarum generibus, adeò emunxit, ut spatio quatuor annorum, ad quinquaginta octo marcarum millia (prout ex rationibus constitit) sibi usurpauerit. Porro Episcopus eodem Anno quo domum reuersus est *Heilsberga* diem extremam clausit, & in Ecclesiâ *Varmiensi* sepultus est, Anno videlicet 1415. Mense Iunio.

Damna illata  
Vassallis.

Mors Episcopi.

Obuius armato Iagelloni atq; Vitoldo,  
Exorat pacem pro se; hinc liuore Magistri  
Theutonici petitur: mentito habitu fugit, Exul  
Litigat, & Victor redit, at mox viuere cessat.

# XI.

## IOANNES III.

IOANNES III. *Abezier* dictus, Patriâ Thorunienfis, I. V. D. Præpositus & Canonicus *Varmiensis*. *Martini V.* Pont: Maximi Camerarius Apostolicus, concordibus Capitularium studijs die 8. Iunii, 1415. electus, & in Constantiensi Concilio, ab Archiepiscopo Rigenfi, Episcopus est consecratus. Huic Concilio, *Vladislaus Rex Poloniae* ex vnâ, & summus Magister, cum suo Teutonicorum Ordine partibus ab alterâ, differentias quas habebant inuicem, decidendas permiserunt. Oratores Poloni, querelam longissimo scripto comprehensam, in medium attulerunt; Contra Magister & Ordo, Reuerendissimum *D. Ioannem Wollenratum* Archiepiscopum *Rigensem*, ut causam illorum in Concilio tueretur, instruxerunt: Qui non solû cõtra Polonorum Querelas, se planè ex aduerso opposuit; sed etiam copiosè enumerauit, varias & multiplices, ac graues iniurias, quas Theutonicus Ordo, indecèti ratione & modo, in *Liunia* exercebat; atq; in eum finem, totius Orationis suæ seriem ordinauerat, ut Orbi Vniuerso persuaderet Teutonicos non solû nō esse Defensores, sed potius magnos Ecclesiastici Ordinis esse Persequutores & Oppressores. *Poloni* contra ea quæ in illos dicebantur, solenni ratione protestati sunt. Responsum datum est Partibus, quatenus quarto die, ad sententiam audien-

Eligitur Ioannes concordibus studijs.  
Concilium Constant.

Differentia inter Regem Pol. & Magistrum Concilio decidenda offeruntur.

Querelæ Polonorum.  
Vicissim Magistri.

Cruciferi demonstrantur Oppressores Ecclesie.

Dilatio ad quartam diem

dam,



Episc Varmi-  
ens. defert Ma-  
gistro in quib⁹  
terminis sint  
res illius.

dam, comparerent. Cæterum nouus Episcopus Varmiensis, cum videret quantum in eo positum esset, si Cruciferos, in quorum viciniâ illi manendum erat, sibi Amicos & Beneuolos redderet, inter alia Officia fecit etiam hoc; vt ad Magistrum Ordinis, per Nuntium magnis itineribus de industriâ missum, de omnibus ijs quam celerrimè referret, quæ ad *Polonorum* Querimonias, ab Archiepiscopo Rigenſi prolata fue-



Magister com-  
mittit illi pro-  
tectione Cau-  
sa suæ.

Suscipit pro-  
tectionem.

runt, & quibus interminis Negotium illorum versaretur? Respondit illi statim Magister, pro tam amico erga se & Ordinem suum Affectu, gratias egit, petijtq; vt deinceps Causam hanc eorum ita promoueret, vt ad optatum exitum deduci posset; se vicissim omnia facturum, quæ ad veræ Amicitiae, bonæq; vicinitatis lura conseruanda pertinerent. Episcopus itaq; Causam Cruciferorum tuendam suscepit, qui apud Pontificem,

tum



tum etiam in Concilio præsentem, gratiâ non parùm valebat, quòd esset *Auditor Rota*, eoq; rem deduxit, vt Pontifex cum Concilio, Negotij huius tractationem suspenderet, donec Commissarij pro diligentiori omnium inuestigatione eò mitterentur. Interea soluto Concilio, Episcopus ad residentiam suam *Heilspergam* veniens, Magnâ Fratrum Teutonicorum lætitiâ beneuolentiâque, ob nauatam illis egregiè operam, exceptus est: Quòd cum vidissent DD. Capitulares, monuerunt sæpiùs Episcopum, vt quinquaginta milliâ Ducatorum Hungaricorum, ad quæ Ecclesiæ *Varmieni*, Decreto *Sigismundi* Cæsaris soluenda tenebantur, ab Ordinis Magistro repeteret. Porro Episcopus, nondùm esse negotij aggrediendi tempus, respondebat, quandoquidem cum *Polonis*, *Teutonicis* bello adhuc implicati essent, nihil ab illis proculdubio obtineri posse; reiiciendum id potiùs in aliud tempus, quo ad Pacem, aut ad aliquam Complanationem deueniretur.

Non multò post Cruciferi ad ingenium & naturam reuersi, cæperunt Episcopum & Ecclesiæ Bona vexare & persequi; conclusum est itaq; consilio Capituli, vt Episcopus ipsemet, ad Pontificem & Cæsarem proficisceretur, ab illisq; contra vim & Potentiam Ordinis, opem & auxilium exposceret, atq; imploreret. Cumq; iam Episcopus se in viam dedisset, & *Thoronium* peruenisset, misit ad eum Ordinis Magister orans, vt à capto desisteret, nullaq; externa prælidia quæreretur, Paratum se esse, ad Negotium hoc amicè componendum, Iustitiâq; administrandam, ne Ordo, quòd Ecclesiasticos persequeretur, in maius odium, & Contemptum, apud Christianos adducatur. His persuasionibus facillè dedit Episcopus locum, & *Heilspergam* reuersus est.

Sub hæc tempora, *Vicleffitarum* nefanda Hæresis in has oras irrupit, multumq; mali & licentiæ inter vulgum disseminauit: Nam plurimi qui huic sectæ nomina dabant, à recto veri Euangelij tramite recedentes, Ecclesias non frequentabant, Sacramenta irridebant & contemnebant, præsertim Sacrosanctum Missæ Sacrificium, in cuius contemptum, manè Dominicis & festiuis diebus surgentes, loco Ecclesiæ, tabernas in quibus Ceuisia vel Mulsu propinatur ingressi, sese ingurgitabant; & sic benè poti, in contemptum DEI, Ecclesiæ, & Sanctorum, cantilenas Hæreticas passim occinebant. Porro vt DEVS omnipotens ostenderet quòd impietatem detestatur, & malos punit, permisit vt Maligni Spiritus multa horrenda, non solum in Castris & Arcibus, spectrorum specie apparentes, perpe-

F

trarent;

Commissarios pro cognitione causæ petiit & obtinuit.

Redux in Episcopatu egregie excipitur à Fratribus Ordinis. Episcopus monetur à Canonicis vt repetat 50000. Aurorum Responsum Episc.

Ingratitudo Crucigerorū.

Suadent Canonici vt Episcopus coqueretur coram Papa. Episcopus accingitur itineri. Prosequitur eum Thoronium Magister omnia se pro libitu eius facturū promittens. Apertitur Episcopus.

Hæresis Vicleffitarū, in Prusiam allabitur.

A multis apprehenditur.

Pæna peccati,



trarent; sed homines quoq; inter edendum & bibendum ingressi, eos mirum in modum cruciarent, vt in rabiem & insaniam versi, more canum per plateas discurrentes, horribili voce inclamarent, *Quod quærebamus inuenimus*. Alij in ignem insilientes cremabantur, alij in flumina & puteos se præcipites dabant, & suffocabantur. In summa, tantus terror hac ultione Diuinâ hominibus est iniectus, vt nemo deinceps non modò ante, sed nec post Missam quidem, cibum vel potum attingere auderet; quòd eiusmodi insanix morbo, inter edendum & bibendum homines corripiebantur.

Synodus Provincialis celebratur.

Antiquissimus vsus aquæ benedictæ & eius effectus.

Huius itaq; Episcopi autoritate, coacta est Synodus Provincialis, cui cæteri quoq; qui sunt in Prussia Episcopi interfuerunt, in qua inter cætera constitutum etiam hoc fuit, vt ne quod ante missæ sacrum diebus festiuis, venale esculentum vel poculentum proponeretur, excepto vsu infirmorum, vel peregrinantium. Item vt singulis Dominicis vel festiuis diebus, Monachi vel Vicarij Sacerdotes, domos obirent circa horam octauam, & aquâ lustrali homines & cibos aspergerent, & modicum benedicti salis, pro ciborum aspersione ibidem relinquerent. Qui id adhibebant, à periculo supradictæ infirmitatis tuti & illæsi reddebantur. Vndè fiebat vt salis & Aquæ exorcisatæ vsus frequenter haberetur, cuius eam quantitatem quilibet Paterfamilias, à Sacerdote, die Dominico benedici procurabat, quæ pro integra Hebdomadâ sufficeret, Sacerdotibus autem qui munus hoc præstabant, eleemosinæ nomine aliquid, ex beneplacito cuiuslibet, conferebatur, Postea tamen id lucri pro sustentatione Ludimagistrorum cessit, qui vicatim & ostiatim incolarum domos aspergentes, obolum emerebantur. Hæc memorabilis, iusta tamen Diuina ultio, plurimos deterruit, ab amplectenda *Vicleffitarum* Hæresi, quâ relictâ ad vnitatem & obedientiam Sanctæ Catholicæ Romanæ Ecclesiæ reuertebantur.

In Arce Christburgensi Dæmones tumultus excitant.

Occasio huius rei.

Eodem quoq; tempore, Dæmones in Arce & munitione *Christburgensi*, adeò horrendos tumultus excitârunt, vt nemo hominum manere isthic posset. Res autem ita se habuit. Cum Crucigeri deliberarent de Prælio Polonis ad *Tannebergam* exhibendo, inter alios, Frater *Albertius Swarczemburgi* Dominus, & Commendator *Christburgensis* (Vir prudens & egregius, nisi nouis exactionibus, contra Prouinciæ Iura subditis nimium grauis fuisset) vehementer dissuadebat, ne huiusmodi bello cum Polonis decerneretur; Fieri quidem posse vt hostem superarent: sin minùs, Prouinciâ hanc illorum in extremum discer-



discrimen adductam iri, multis rationibus ostendebat, melius esse aleam dimicationis non subire; occasionem potius rei bene gerendæ expectandam, domi interea in bona custodia remanendum esse censebat. Sed eius consilium non admittebatur; cumq; indignabundus ad locum Prælij cum supremo Magistro profecturus, equum conscendisset, & interrogaretur à Militiæ Præfecto, cuinam Arcis custodiam relinqueret; Irâ percitus **Tibi inquit & Diabolis** omnibus, tum militiæ Præfectus illicò expiravit, & in Arce horribiles sonitus exaudiri, & spectra apparere talia cæperunt, vt nemo isthic hæere diutius potuerit, his de causis maxime. *Primò* cùm Crucigeri ad sumendum cibum assedissent, statim nescitur vnde, fercula cruore perfusa videbantur, id autem non fiebat, cùm extra Arcem, in Ciuitate cibus ab iisdem fumebatur. *Secundò*. Frater *Gualterius* Commendator *Frauenburgicus*, nocturno tempore in Arcis puteo manibus appensus fuit, vt inde maximo labore vix educi potuerit. *Tertiò*. Commendator Arcis è lectulo correptus, in fastigio altissimæ turris positus, non absq; summo vitæ periculo, inde euasit. *Quartò* eiusdem Commendatoris in hac ipsa Arce, prolixior barba accensa, extingui non potuit, nisi bene combusta, curationem vix demùm admisit, Commendator verò Arce excedēs, eò sibi amplius redeundum non putauit; Perterrant alij mansionem, sed idem omnibus euenit, vt nullus deinceps isthic Commendator constitueretur. *Quintò* Accidit sæpius, vt famuli stabulum ingredi cupientes, in cameram in qua farina seruabatur delati, à stabuli ingressu excluderentur. *Sextò*: sæpius etiam Canum & luporum eiulatus & latratus, ibidem tanto cum terrore auditi, vt multi illicò, timore perterriti expirauerint, Atq; ita insignis illa & benè munita Arx, in hodiernum diem inhabitabilis & desolata remansit. *Ioannes* autem Episcopus plenus dierum *Heilsbergæ* Vitâ functus est, Anno 1424. die 11. Febr. & in Ecclesia Varmiensis honorificè sepultus, quiescit.

Horrenda res.

Fercula cruore perfusa.

In puteo manibus appensus.

Barba accensa extingui non potuit.

Ingressus stabuli denegatus.

Eiulatus Canum luporum exauditi.

Mors Episcopi.

*Causarum Auditor Papæ Cameræq; Minister Martini Quinti, cuius Germania suadam In Constantina Synodo miratur, ibidem Consecratus, Oves exemplo rexit & ore.*



# FRANCISCVS KVHSCHMALTZ.



Eligitur ex Ca-  
nonicis Fran-  
ciscus Episc.

Pater Patriæ  
habitus.

**F**RANCISCVS KVHSCHMALTZ *Rosseliensis* Fa-  
bri ferrarij filius, Præpositus & Canonicus Varmienſis, à  
Capitulo die xiiij. Feb. Anno 1424. electus, à Sede Apoſto-  
licâ confirmatus, in Parochiali Eccleſia *Heiſſpergenſi* ordinatus  
Episcopus fuit. Hic non tam Dominum, quàm Patrem se sub-  
ditis declaravit, cuius rei non obscura argumenta, vel in hoc  
vno egregio facinore edidit. Nam cum integris duobus ab  
assumpto Episcopatu annis, diuinâ quadam ultione in Prussia,  
præfer-



præsertim in ditionibus huic Ecclesiæ subiectis, tabifica quædam lues, equos & iumenta ita absumpsisset, ut equum in partibus his videre, miraculi loco duceretur, è Suecia Sexcenta & ex vicina *Masouia* Noningenta iumenta huiusmodi, sumptibus proprijs adducenda curauit, quæ postea inter miseros colonos, pro paterna charitate liberaliter distribuit.

Equos coemit  
& inter subdi-  
tos distribuit.

Ad Synodum Oecumenicam Constantiensem, quæ contra *Ioannis Hussi* & *Hieronymi Pragensis*, ac alias emergentes Hæreses, indicta & congregata fuit, ab omnibus in Prussia Episcopis, designatus & missus est, cui in sumptus, ab omnibus Episcopis Prusiæ, aliquot marcerum millia collata fuere. *Ioannes Cochleus* Canonicus Vratislaviensis, qui Martinum Lutherum, pestiferum hæresis dogma in Germania spargentem, erudito refutauit calamo, librumq; de Actis, scriptis eiusdem, publici Iuris fecit; in Historia Hussitarum memorat mihi *Lib. 2. Fol. 110.* Cum Ioannes Hussus Bohemus Sacerdos, peruicacissimè in Concilio Constantienti hæresim suam propugnaret, nullatenusq; ad saniolem flecti posset mentem, ut suos errores abiuraret reuocaretq; tandem instaurato contra eum, cui aderat præsens *Sigismundus Imperator* iudicio, damnatus est ad ignem, priusquam huic dederetur noxæ, celebrata est solennis eius degradatio, ad quam à Concilio designatus erat cum alijs Episcopis, *Franciscus* Episcopus Varmiensis.

Ad Synodum  
Constantiensem  
designatur.

Degradationi  
Hussi à Con-  
cilio designatus  
erat Franciscus  
Episc. Varm.

Reuersus è Concilio, ad euulganda eiusdem contra Hussitarum Hæresim decreta, *Heilsperga* Synodum Diocesanam indixit, quod Prælati, Parochi, alijq; Sacerdotes, numero M. CC. XI. conuenire: nam tum in Diocesi Varmiensis, quæ ad Pregelam fluuium, & *Vilnensis* ac *Plocensis* Episcopatus fines protendebatur, circiter Sexcentæ Parochiæ numerabantur. Ad conseruanda mutux amicitix, bonæ vicinitatis lura, sæpius cum Venerabili Capitulo, pro Magistro eiusq; Ordine legationibus perfunctus, parùm inde gratiam retulit: Nam cum Ordinis Magistro *Conrado de Erlichshausen*, tria millia & quingentos Ducatos Hungaricos mutuò dedisset, ille ad malam informationem, à *Nicolao V.* Pontif. Maximo, Bullam obtinuit, per quam Ius illi concedebatur, ut duos Ordinis sui Fratres in Collegium Varmienfe cooptare, & illi aggregare posset. Contra hoc Venerabile Capitulum, solenni protestatione interpositâ, ad Sedem Apostolicam appellauit, Magistrum citauit, qui Causâ cecidit, & supra nominata Bulla cassata & reuocata fuit. In decisione litis huius vtrinq; ad Duodecim millia consumpta fuere. Ab eo tempore, Venerabile Capitulum parùm fidere

Reuersus Sy-  
nodum Heil-  
spergæ indicit  
Cui adfuere  
1211. Sacer-  
dotes.

Pro Magistro  
multas legati-  
ones obiit.  
Magistro Ord.  
3500. Duca-  
tos mutuò  
dat.  
Magister loco  
gratitudinis cõ-  
tra lura Eccle-  
siæ eius, obti-  
nuit Romæ ut  
duos suos Fra-  
tres Canonicos  
Varm. creare  
posset.  
Citatus Româ  
causâ cecidit.  
Diffidentia Ca-  
pituli cum E-  
piscopo.



Admonebatur  
à Capitulo.

cæpit Episcopo, quòd plurimis in rebus, magis Ordinis Magistro, quàm Ecclesiæ commodis, se addictum esse ostenderet. Quamobrem Capitulariter Officij fuit admonitus, ut sibi caueret, ne nimia Magistri familiaritate & amicitia, se Ecclesiamq; suam, in discrimen & periculum adduceret, quam tamen admonitionem non adeò magni facere visus est.

Rebellio Ru-  
sticorum per  
Aduocatum  
factam,

Exercebat tunc temporis Aduocati generalis in Episcopatu Officium, Frater *Gumprechtus de Losenstein* Teutonici Ordinis, qui rusticos *Braunsbergensis* & *Melsacensis* districtus, ad Rebellionem concitauerat, ut nullas deinceps operas rusticas Dominis præstare vellent (*Sonneualde, Gabelin, & Lichtenualde* pagis duntaxat exceptis) palamq; iactarent, se vbi Capitulo dimidiam marcam census persoluissent, ad alia onera subeunda minimè teneri, quam libertatem se breui recuperaturos pollicebantur. Ea rebellio cùm in Annum protracta esset, Episcopus Primores pagorum ad se vocari iussit, & productis Oeconomix libris, quantum soluere, & quas operas præstare deberent, illis apertè demonstrauit. Neq; tamen hoc iuuuit, cumq; eos magis etiam obstinatè agerè videret, præcipuos eorum Duces, capi & comprehendendi præcepit, & ligatos partim *Allesteinum* partim *Scheburgum* carcere & turri coercendos, ablegauit, infimos verò quosq; *Heilsperga* in turrim coniecit, panesq; & aqua duntaxat sustentauit; sic aliquamdiu fame macerati, erga superiores se mitius gerere cæperunt, illisq; deinceps obedire, & officia debita præstare promiserunt. Atq; ita ad nonnullorum preces, dimissi è Carceribus fuerunt. Præcipui tamen Rebellionis Antesignani, exilio mulcati, alij alijs panis affecti, ad officium reducti sunt.

Episc. Primo-  
res Pagorum  
conuocat,

Duces capi &  
comprehendi  
iubet,

Incarcerat &  
solo pane & a-  
qua macerat.

Antesignani  
in exiliu pulſe

Episcopus Aduocatum accu-  
ſat coram Ma-  
gistro quem  
punit.

Libera electio  
Aduocati Epi-  
ſcopo restitu-  
itur in futu-  
rum,

Arx Heilsp-  
ergensis conſa-  
grauit,

Postea Episcopus Aduocatum Episcopatus, tanquam turbarum harum Incentorem & Architectum (quibus nili maturè obuiam itum fuisset, magnum proculdubio Incendium excitari poterat) coram Ordinis Magistro grauiter accusauit; Qui factum hoc Aduocati, adeò ægrè tulit, ut eum non solum ex Officio deposuerit, verum etiam liberam facultatem Episcopo concesserit, impoſterum Aduocatum Episcopatus eum constituendi, quem ipse & Capitulum eligendum existimaret. Insuper & obligationem *Eberhardi* Episcopi, quâ cauebatur, ut Aduocatus eiusmodi, è Cruciferorum Ordine assumeretur, illi restituit. Ab eo tempore Officium hoc, aliquis ex Nobilibus huius Episcopatus gessit & administrauit.

Anno Dñi. M. CD. XLII. Cùm Episcopus *Franciscus* esset in Germania, Arx Heilspergensis conſagravit, & fornices colla-



collapsæ, alias quoq; concamerationes ruderibus & ruinis oppresserunt.

Quandoquidem Episcopus hic, cum Magistro Ordinis Teutonicorum coniunctissimè vivebat, institit sæpius Venerabile Capitulum, ut ab illo vigintiquinq; millia Marcarum, quæ ex decreto Cæsaris, Ecclesiæ Varmiensis soluere debebat, Episcopus repeteret. Sed cum is negotium de die in diem differret, nihil effici potuit; quod Ordinis Fratres offendere nollet.

In huius Episcopi tempora, incidit atrox & immane, quod annis tredecim duravit, bellum, occasione Societatis Nobilium & Ordinum Prusis, qui Cruciferos extirpare, & penitus in nihilum redigere volebant. Et quoniam Episcopus indissolubili quodam amicitie vinculo, Teutonicis Fratribus adhærebat, illisq; vires suas adiungebat, maximum apud Pruthenicam Nobilitatem sibi conflavit odium, palamq; dicebatur, Episcopum propter differentiam, quæ ex occasione cuiusdam lacus, cum *Ioanne de Baisen* Equite intercesserat, præcipuam causam huic bello dedisse. *Ioannes* hic de *Baisen*, filius erat optimi Equitis de *Hantsche*, *Conradi de Zeiligen* appellati, qui post cladem illam *Tannenbergensem*, à Villa *Baisen* Cameratus *Vormditenensis* (quam Episcopus *Henricus* primùm illi aliquot florenum *Rhemensium* millibus oppignorauerat, deinde vendiderat) nomen *Baisensis*, sibi & Successoribus suis, in hunc usq; diem acquisivit. *Ioannes* hic itaq; *Baisensis*, multo tempore seruiuit *Petro Aragonia Regi*, qui tunc temporis, cum *Mauris* atrox bellum gerebat. Accidit semel ut vtrinq; post vehementem & sanguinolentam in acie dimicationem, absq; victoriâ certâ discedendum esset: Quamobrem conuenit inter Exercituum Ducum, ut duo vtrinq; delecti Milites, de summa rerum, singulari certamine dimicarent, si *Christianus* vinceret, *Mauri*, *Aragonum Regi* Tributarij essent, sin *Maurus* victoriam reportasset, *Aragonij*, *Mauris* annuatim tributum penderent. Prodiit è *Maurus* in arenam, Vir animo & robore præstans; cum quo qui congregari vellet, cum è nostris nullus reperiretur, hic ipse *Ioannes Baisensis* descendit in pugnam, & *Maurum* virtute & armorum peritiâ, in eas redegit angustias, ut se illi dedere coactus fuerit. Sic robore vnus præstantissimi huius militis, *Mauri*, *Aragoniorum Regi*, tributarij facti sunt. Ipse *Ioannes* baltheo militari à Rege donatus, magnisq; honoribus & muneribus cumulatus, honorificè dimissus, in Prusiam rediit. Attulit à Rege ad Magistrum Ordinis literas, virtutis suæ, rei q; præclare gestæ testes, *Maurumq;* etiam illum captiuum secum deduxit, illoq; ad extrema

Admonetur Episcopus à Capitulo repetendum 25000. Marcarum.

Bellum Civile in Prussia.

Idq; occasione Ioannis de Baisen. Quis fuerit hic Ioannes de Baisen.

Petro Aragonia Regi contra Mauros seruiuit.

Pactum inter Exercituum Ducum, ut duo de summa rerum dimicarent.

Prodiit in arenam Maurus.

Prodiit & Ioannes Baisensis, Superat Maurum. Ioannes, Mauros tributarios fecit suo Regi. Rex Baltheo militari condecorat Ioannem & magnis muneribus cumulatū in Prusiam dimittit.



Maurum captū  
ſecum deducit  
in Pruſſiam.  
Bona coemit.  
Differentia de  
lacu.

Commiſſarij  
adiudicant La-  
cum Epifcopo

Ioannes appel-  
lat ad Magiſtrū

Iterū appel-  
lat ad Ordines  
Pruſſiæ.

Ordines Pruſ-  
ſiæ caſſatis du-  
abus ſententijs  
decretant pro  
Ioanne.

Non accepta-  
tur Decretum.

Ioannes. per  
Magiſtrū pri-  
uatur omnib⁹  
bonis.

Recurrit ad Re-  
gem Poloniæ.

Suaſit Pruthe-  
nis vt jugum  
ſeruitutis ex-  
cutiant Cruci-  
feris & ſe ſub-  
dent Regi Po-  
loniæ.

Stiborium de  
Baiſen Guber-  
natorem Pruſ-  
ſiæ Rex conſti-  
tuit.

trema uſq; vitæ ſuæ tempora, pro Mancipio uſus eſt. Apud Magiſtrum Ordinis cum plurimum gratiâ & auctoritate polle-  
ret, coemit nonnulla Bona in *Oſterrodenſi* tractu, quæ in *Allen-  
ſteinſem* oram limitibus productis, ampliora reddere, & Ec-  
cleſiam *Varmienſem* piſcoſo lacu vicino priuare, vehementer  
cupiebat. Obſtitit eiſ conatibus vnâ cum Venerabili Capitu-  
lo *Franciſcus* Epifcopus, & eiſ operâ factum eſt, vt designatis  
ad fines regendos Commiſſarijs, Lacus ille, de quo hiſ erat or-  
ta, Eccleſiæ adiudicaretur, Ab hoc Decreto Commiſſariorum  
*Ioannes Baiſenſis* ad Magiſtrum Ordinis appellauit, qui cum ſen-  
tentia Commiſſariorum ſtandum eſſe decreuiſſet, ille denuò ad  
Nobilitatem & Ordines Pruſſiæ prouocauit, allegans Magi-  
ſtrum Iudicem ſuſpectum, cui cum Epifcopo tam arcta Famili-  
aritas & conſuetudo intercederet. Monuit amicè Magiſter  
Ioannem, vt à capto deſiſteret, ſeq; pro vno Lacu, quatuor illi  
daturum pollicebatur. Sed vt erat Vir acer, & feroci obſtina-  
toq; ingenio, acquieſcere noluit, & Cauſam ad Iudicium Ordini-  
um Pruſſiæ deduxit: qui ſententiam contra Epifcopum tuler-  
unt, contra quam proteſtatus eſt Epifcopus, quod nulla eſſet,  
quandoquidem ab ijs lata, quibus Epifcopum iudicandi nullum  
lus competeret, ſe potiùs Commiſſariorum & Magiſtri decreto  
ſtare velle.

Porro cum *Ioannes* de Magiſtro paſſim conquereretur, fa-  
mamq; eiſ & exiſtimationem temerè proſcinderet, ille tan-  
quam Rebellem, bonis omnibus priuauit, Fiſcoq; ea adiudica-  
uit; Quæ res *Ioannem* valde exacerbauit, & ſpe Ordinum Pruſ-  
ſiæ Conſæderatorum, ſe velle experiri comminatus eſt, quiſ-  
nam ad bona alteri adimenda eſſet potentior: Cumq; aliquam-  
diu apud Fratres, *Gabrielem Baiſenſem*, qui in *Riſenburgenſi*, &  
*Stiborium* qui in *Chriſtburgenſi* ora conſederant, verſatus, ad-  
extremum pulſus eſſet, duodecim Equitibus aſſumptis, in Au-  
lam *Casimiri Regis Poloniae* venit, vt Magiſtrum Ordinis occa-  
ſione bonorum ademptorum vlciſceretur, manibus pedibuſq;  
(vt dicitur) id egit, vt Pruthenos contra Ordinis Teutonici  
tyrannidem concitaret, illiſq; perſuaderet, vt ſe liberos Bonaq;  
omnia, Regno Regiq; Poloniae in fidem & tutelam traderent,  
quod etiam factum eſt: Nam Rex non illibenter Prutheno-  
rum deſenſionem ſuſcepit, non cogitans Pacis perpetuæ ſædus  
cum Cruciferis paulò ante conſtitutum; *Stiboriumq;* de *Baiſen*  
ſupranominatum *Ioannis* Fratrem, Pruſſiæ Gubernatorem con-  
ſtituit. Cæterum poſtquam Magiſter Teutonicorum *F. Lu-  
dovicus* de *Erlichſhaufen Conradi* germanus, denunciatas ſibi ini-  
miciti-



micitias publicis Ordinum Prussiae literis accepisset, & *Casimirus Polonia Regem* vindicem & Patronum libertatis, ab illis electum, certis nuntijs didicisset, statim Episcopum *Franciscum* vnâ cum Fratre *Henrico Rauff* de *Plauen*, Commendatore *Elbingense*, in Germaniam ablegauit, conquestum *Friderico* Caesari de hac rebellione, & imploratum eius auxilium, & Decreti prioris contra Confœderatos ab eodem lati, executionem. Sed parùm apud Imperatorem eâ Legatione perfectum est, eò quòd Italico, & Hungarico bello distineretur. Cùm videret autem Episcopus, se non modò Ordinum Prussiae, sed Regis quoq; Poloniae, odium & indignationem incurrisse, quòd à Partibus Teutonicorum Fratrum, contra Confœderatos *Prussiae* staret; animaduertetq; res valdè Cruciferorum inclinatas, quòd illis per Confœderatos, Ciuitates, Oppida & Arces (*Mariebergâ* duntaxat exceptâ) ereptæ ademptaq; essent; pœnitere eum capit consilij, quòd contra mentem Venerabilis Capituli, Legationis munus ad Caesarem suscepisset. Quamobrem in *Prussiam* magnis itineribus contendit, vt Bona sua faciliùs tueri & defendere posset; sed à subditis receptus & admissus non est, quòd ab eius Inimicis, nempe Prussiae Ordinibus Confœderatis, & *Rege Poloniae* prœoccupati essent. Miserunt ei itaq; literas obuiam, quibus eius obedientiae Nuntium remittebant obsignatas sigillo Equitis *Iacobi de Baisen* Capitanei Arcis *Heilspurgensis*, & eiusdem Ciuitatis Secretarij signo etiam munitas, e quibus apertè videbat, eos iam in aliorum fidem & obedientiam concessisse; coactus est itaq; *Marieburgum* ad Magistrum Ordinis redire, cum quo decem & octo Mensium obsidionem, à Rege Poloniae circumseptus, perpeffus est. In Legatione, quâ pro Magistro Ordinis apud Caesarem functus est, consumpsit octo millia Ducatorum Hungaricorum. Porro cùm *Rudolphus* Saxoniae Dux, cum quinq; millibus militum, ex *Germania* in auxilium Crucigeris aduenisset, & superatis ad Coniunum Polonis, *Marieburgum* Anno 1454. nocte diem S. Matthæi Apostoli antecedente, obsidione molestâ & diuturnâ liberasset, *Franciscus* Episcopus Anno insequente, post festa Paschatis, *Marieburgo* relicto, *Vratislauiam* Silesiae Metropolim migravit, vbi censu coempto aliquamdiu vixit, ibidemq; Anno 1457. die 10. Iunij senex admodum, multa & varia perpeffus, vitam cum morte commutauit, & in Sancti Ioannis Ecclesiâ sepultus requiescit.

Cùm Episcopus apud Imperatorem, Magistri Teutonicorum Legatus esset, & futuri belli non leuia apparerent argu-

G

menta,

Mouit actus  
iste Magistrum

Mittit Episcopum cum Henrico Rauff ad Imperatorem.

Pœnitet Episcopus  
Legationis.

Redux in propria non admittitur.

Marieburgum  
reclinat.

In legatione  
quantum consumpsit.

Marieburgo  
relicto. Vratislauiam se contulit.

Mortuus Vratislauia.



Neutralitas V.  
Capituli & sub-  
ditorum tem-  
pore belli.

menta, Venerabile Capitulum, conuocatis omnibus totius Episcopatus Ordinibus, Comitibus habuit, in quibus Fædus quoddam iustum, & jure jurando roboratum fuit, quod in euentu Belli, nemo se vel Cruciferis, vel Confæderatis Prussiæ adiungeret, sed neutri parti adhærens, mediam viam, quæ ad bonum publicum magis accederet, sequeretur. Neq; tamen à subditis, cum maximo eorum damno, seruatum fuit hoc: Nam exorto Bello, multi sese Ciuitatibus primarijs adiunxerunt, & Cruciferis arma intulerunt; vnde tanta vastitas & desolatio huius Episcopatus subsequuta fuit, vt nec in præsentem diem felicitatem pristinam recuperare potuerit.

Pacta sancit Ca-  
pitulum vt bo-  
na conseruare  
possit cum Ma-  
gistro.  
Quibus Con-  
ditionibus.

Cum videret itaq; Capitulum, pessimè miseris Vasallis, inter tantos bellorum tumultus consultum, cum Magistro & Ordine Teutonicorum, ad pacta infrascripta descendit, quæ vtrinq; subscripta & Sigillis munita fuerunt, die Epiphaniæ Anno Dñi. 1455. Magister Ordinis, Bona Venerabilis Capituli in curam acciperet, eaq; tueri & defendere teneretur, in quibus liceret Fratribus manere & hospitari, ita tamen, vt sumptibus proprijs viuerent; Venerabile Capitulum nihilominus in ijs proprietatem, & vt antea Dominium & Iurisdictionem retineret. Pace Prouinciæ restitutâ, eadem Bona integra, absq; vllâ contradictione, Ordo Capitulo reddere & restituere teneretur. Infra vnum mensem, deberet Magister bonum amicum & Vicinum suum, Episcopum *Franciscum* Vratislaviâ reductum restituere, eumq; contra subditorum rebellium insolentiam tueri ac defendere. His Conditionibus Frater *Vilhelmus de Hefenstein*, cum alijs multis Fratribus ac centum Equitibus, in Ciuitatem & Arcem *Albensteinensem* recepti, & admissi fuere. Quam cum in Decem annos frumento, Auenâ, Farinâ, & omnis generis commeatu, copiosè instructam reperissent, bonam eiusmodi commeatus partem, ad oppida & Arces suas conuehere ceperunt, & ciuibus multa onera & violentias intulerunt, ita vt Canonici, qui tunc temporis in arce morabantur, de ijs ad Magistrum referre coacti fuerint, orantes prouidere vellet, ne quid contra Pacta à suis admitteretur. Respondit Magister, se Pactis conuentis stare, eaq; conseruare velle. Sed qui tum erant in Arce Crucigeri, Canonicos apud Magistrum accusarunt, quod *Polonis* Arcem dedere vellent; Quamobrem eos comprehensos, nempe *R. D. Arnoldum Datteln* Præpositum, *Ioannem Plastwig* l. V. Doctorem, *Arnoldum Clinger*, *Nicolaum Vethen* iuris itidem vtriusq; Doctores, Canonicos Varmienses, fustibus percusserunt, & integrum Annum in Carcere deti-

Deditur Alhe-  
steinum. Fra-  
tribus, Comme-  
atu ad decem  
annos refertum.  
Commeatum  
ad proprias ar-  
ces deuehunt.  
Contra pacta.  
Violentias fa-  
ciunt.

Conqueruntur  
Canonici.

Falso inculpa-  
ti incarceran-  
tur.

Cruciferorum  
erga Canoni-  
cos tyrannicum  
facinus.



detinerunt; postremò ligatos *Regiomontem* asseruandos miserunt, & locò gratitudinis, tanquam Proditores, pessimè accepti tractatq; fuerunt.

Pactorum supradictorum, vigore etiam Frater *Henricus Reuss de Plauen* Commendator *Elbingensis*, admissus fuit cum suis *Melsacum, Reselium, Vartemburgum, Bischoffsteinum, Heilspergam, Scheburgum & Gutstadium*, & pro defensione eorum, *Ioannes de Lusianis* septingentos Bohemos aluit. Ceteræ Ciuitates & oppida, Episcopatus *Varmiensis*, in Potestate Regis *Poloniae* fuerunt, opera *Braunsbergensium*, qui ab Episcopatus Dominio auulsi, *Regi Poloniae* sese dediderunt, vt Ecclesiam *Varmensem* persequerentur.

Similiter ceteræ Ciuitates Cruciferis traduntur.

*Armentis infesta lues vitiauerat auras,  
Prosternens pecudes; quingentos mille coemit.  
Tum Franciscus equos, elargiturq; Colonis,  
Silesiam ob motus petit, & decedit ibidem.*

## SCHISMA II.

### In Ecclesia Varmiensis.

**B**ello Ciuili tredecem annis in *Prussia* durante, Mortuo *Francisco* Episcopo, cum DD. Capitulares hinc inde dispersi, pro eligendo Successore, simul congregari non possent; quatuor Canonici, qui vt se incommodis belli subducerent, *Glogouiam Silesiorum* concesserant, elegerunt in Episcopum *Varmensem Aeneam Syluium*, Patriâ *Senensem*, gente *Piccolomineum*. S. R. E. Presbyterum Cardinalem, eo maximè consilio, quòd Virum optimum, gratiâ & auctoritate apud Principes pollentem, ad collapsas Ecclesiæ rationes subleuandas, cum primis idoneum iudicarent. Illi autem Canonici, qui *Albensteino Regiomontem* deducti, in custodia tanquam Proditores tenebantur, in Episcopum R. D. *Arnoldum de Venrade*, Cantorem & Canonicum *Varmien*. Porro Quatuor reliqui, qui *Gedanum* se subduxerant, suffragia sua contulerunt in Regis *Poloniae* Procancellarium, Oratorem ad Pontificem designatum, Dominum *Ioannem Lurconem* Decanum *Gnesnensem*; Omnes itaq; Electi, ad Pontificem *Calixtum III.* Romam miserunt, electionis factæ rationem reddentes, simul orantes,

*Glogouix* degentes eligunt *Aeneam Syluium*.

*Regiomon.* incarcerati *Arnoldum* Cantorem *Varm.*

*Gedani* residentes *Procancellarium* *Polon.*

vt quem è tribus his, magis Ecclesiæ vtilem futurum iudicaret, Auctoritate suâ confirmaret & approbaret.



## Æneas Syluius poſtea Pius Papa II.



Æneas per Pō-  
tificem appro-  
batur.

Adit Poſſeſſi-  
onem per Pro-  
curatores.

**C**ALIXTVS PAPA III. ex tribus diuerſarum parti-  
um, ſtudio electis, vnum delegit & approbavit, is autem  
fuit Reuerendiſſimus in Chriſto Pater Dominus *Æneas*  
*Syluius* S. R. E. tituli *S. Sabinae* Preſbyter Cardinalis, Vir inſi-  
gnis & apprimè eruditus; eum cæteris anteferendum Ponti-  
fex exiſtimauit, quòd à natione Germanicâ plurimum depen-  
deret, & Magnatibus eſſet benè notus. Sed & *Cafimiro* Polo-  
*nia Regi* non ingratus futurus credebatur.

Poſſeſſionem per Procuratores adiit: nam vt ipſemet ac-  
cederet,



cederet, & in medios bellorum tumultus, quibus Vniuersa Prussia deflagrabit, sese conijceret, minùs tutum videbatur. Neq; tamen intermisit Animarum sibi concreditarum, quamuis absens curam agere, partim per submissas personas, partim etiam scriptis eas informando, & in ijs instituendo, quæ ad temporariam hanc, & multò magis, quæ ad æternam salutem pertinere videbantur. Sed quæ erat temporum malignitas, nullam subditorum obedientiam expertus est.

Oues sibi concreditas informat.

Nimis quàm certum est *Æneam Syluium* electum fuisse Episcopum Varmiensem, & à *Calixto III. Papâ* confirmatum. Epistolæ ipsius vetusto impressæ typo Norimbergæ, supra Mille-simum, quadringentesimo septuagesimo sexto, hoc luculenter euincunt, complures ad diuersos scriptæ, inter eas vigesimâ octauâ scribit *Casimiro Regi Poloniae*, significatq; *Capitulum Varmien.* quòd belli furorem declinando, in Prussia concitatum, extra fines Regni, *Maiorem Glogouiam* in Silesia secesserat, se elegisse Episcopum, rogatq; vt capiendæ Episcopatus Possessionis necessarios velit impertiri fauores. Etiam in *Lib. de Europa* cùm *Prussiam* describit, & *Episcopatus*, qui tùm quatuor Sanctæ Romanæ Sedi subiecti extabant, *Varmiensis, Culmensis, Sambien-sis, Pomesaniensis*, (qui duo postremi merù nunc olent sæculum, & Ducalis Prusiæ, Lutheranae hæresis contagione infectæ, fiscum redditumq; augment) memorando hæc scribit; Ad Varmiensem Episcopatum, defuncto *Francisco Episcopo*, paruitatem nostram postulauere Canonici, *Calixtus Pontifex Maximus*, eum Nobis annuente Senatu Apostolico, commendauit. Quominùs tamen adiret Episcopatus Possessionem, *Casimirus Rex* seu liberas Episcoporum electiones, quas primus abrogauit. Iusq; Regiæ nominationis stabilivit, exosus, seu indignè ferens, in *Prussia* quæ jam Corpori Regni se aggregauerat, alienienam, externæq; nationis Episcopum, obicem moramq; ponebat. Sors tamen melior pinguiorq; hanc compensauit repulsam, cùm *Calixto III. P. M.* viuus abeunte, Vniuersalis Ecclesiæ summus audiuit Pontifex. Libet insuper hæc firmare, magni in Ecclesia Antistitis, in Repub. Senatoris *Stanislai Lubinski Episcopi Pto-censis* autoritate, in vitis Episcoporum Pto-censium, *Stiborij II. Pto-censis Episcopi* texendo vitam, hoc addit ijs ferè verbis nempe, Graue jam dudum odium in *Casimirum Regem Pius II. P. M.* conceperat, ob eam causam, quòd ab eo ne Possessionem Episcopatus Varmiensis, quem ardentè concupierat adiret, impeditus & exclusus fuerat, in tantumq; illâ offensione excreuerat, vt in Historia quam de Bohemis scripsit

Casimiro significat se electum esse Episcop. Varmiensem.



(etiam in Europæ descriptione) temperare ſibi non potuerit, quin *Polonum & Lithuanum* nomen, omnibus notauerit probris. *Martinus Cromerus* Episcopus Varmienſis *Lib. III.* de Rebus Polonorum hæc fermè. *Æneas Syluius* Vir quidem ille magnus, ſed Polonis ob negatum Episcopatum Varmienſem, vt aiunt, nimio plùs iniquus.

*Sæpè locum fecit fortunæ liuor, ab iſta  
Excluſus Cathedrâ, ſit Præſul Maximus Orbi.  
Inuide quid fruſtra Fortunam inuertis Amici!  
Perrumpet foſſas, & ab obice fortior ibit.*

## XIV.

PAVLVS de LEGEN-  
DORF.

Idem Pontifex  
côfert Episco-  
patum Varm.  
Paulo Legen-  
dorf.

Episcopatum  
adit & Bona  
recuperat.

Pax concludi-  
tur.  
Vigore cuius  
Episcopatus  
Varm. Regno  
Pol. adneſcitur

**E**cclesiâ Varmienſi, per assumptionem ad ſummi Pontificatus apicem, *Æneæ Syluij*, vacante, cùm propter Bella Ciuilia, Canonici hinc inde diſperſi, ad electionem conuenire non poſſent, idem Pontifex *Pius II.* Veteri ſuo Amico *Paulo Legendorf* Nobili Prutheno, Canonico Varmienſi, Scriptori & demùm Prothonotario Apoſtolico, Episcopatum Varmienſem, pro vno Anno, in Commendam primùm, deinde verò in perpetuum titulum tradidit, eumque *Româ* in *Pruſſiam* miſit, cum literis ad Regem, & Ordinis Magiſtrum, quibus ab eis poſtulabat, vt nouum Episcopum, in Sedem & Bona reſtituerent, ita tamen vt nulli partium, ſub amiſſione Bonorum adhereret. Atq; ita *Paulus Episcopus* Anno 1460. Menſe Maio in Episcopatum ſuum venit, & Bona licet tardè, & non absque maximâ difficultate recuperauit. Poſtea Pacis conſtituendæ gratiâ, multas Legationes, vtrò citròque, quamuis fructu non ita magno, obiuit. Poſtremò habita ſunt in Ciuitate *Elbingenſi* Comitia, in quibus Pax conſecta & ſtabilita fuit, cuius occasione *Paulus Episcopus* ſe & Eccleſiam Varmienſem, *Regi & Regno Polonia*, tanquam Deſenſoribus & Patronis tradidit, prout latius ex pactis perpetuæ pacis, literis Caſimiri Regis confirmatis videre licet. Anno Domini 1464.

Cùm ad Colloquium cum Magiſtro Ordinis, *Bartſteinum* accceſſiſſet.



accessisset, à *Weigelo Leczelt* tibicinâ, qui illi fuit inimicissimus, veneno propinato, in morbum iucidit, atq; ita æger *Braunsbergam* delatus, subitò mortuus est. Et quoniam propter æstiuos calores, fætor cadaueris ferri non poterat, nec propter bellicam rabiem, tutum erat, vt *Varmiam* deduceretur, ibidem *Braunsbergæ* in Parochiali Ecclesia ante maius Altare tu-

Veneno extin-  
guitur.



mulatum est, Anno Domini 1471. circa festum S. Mariæ Magdalenæ.

Sub hoc Episcopo, memorat *Ioannes de Fulsyn Herbortus Castellanus Sanocensis* virtutis doctrinæ, & natalium claritudine Illustris Heros, in sua chronica, seu Polonæ Historiæ compendio, tum & *Salomon Neügebauarus à Cadamo Pruthenus Grandentinus*, non indiligens rerum Polonarum Scriptor, (Vir nisi à Religi-



Pomesanienſis  
Episcopatus hoc  
tēpore perijt.

Paulus Episc.  
Regis Poloniæ  
Protectionem  
accipit.

Religione haud aspernabilis) in ſua Hiſtoria rerum Polonica-  
rum, Marienwerder ſeu Quidzinum, vbi Pomeſanienſis quon-  
dam Cathedralis Eccleſia, ſub titulo *Sancti Ioannis Evan-  
gelistæ* à Cruciferis erecta (ſupra portam templi viſitur  
adhuc Catholicismi veſtigium, effigies *Sancti Ioannis Euange-  
liſtæ* opere muſino, tum in Eccleſia Cleri Catholici, Canonico-  
rum illius Eccleſiæ, lapides ſepulchrales) nunc Cruciferis &  
eorum ſupremo Magiſtro à fide Catholicâ Romanâ deſciſcen-  
tibus, in Lutheranam deformata Synagogam, tum & Frauen-  
burgum, à Polona militia, in Pruſſiam excurrente captū dire-  
ptūq; vnde tam opulentâ prædâ auctus dotatusq; miles, vt du-  
centi floreni in capita cederent; Hoc verò contigit antequam  
*Paulus Episcopus*, deſertis Crucigeris, rebusq; eorum inclinatis,  
partibus *Casimiri Iagellonidis Regis* cum toto ſe adiunxiſſet Epi-  
ſcopatu. Cæterum Cruciferi defectionem hanc Episcopi, a-  
cerbioris animi ſenſu excipiendo, clademq; à Polonis in Po-  
meraniâ illatam ad *Oſiecum* vlcifcendo, *Varmiā* flammâ ferroq;  
deuastant, ſegetes in Agris conculcant, non ſine lachrymis &  
fremitu plebis in Episcopum, quaſi hæc ad partes Regias acceſ-  
ſione, Cruciferorum prouocaſſet immanem rabiem. Porro  
hæc aduerſa, ſecuta in breui cum Cruciferis Pacificatio, operâ  
Nuntij Apoſtolici Rudolphi Lauantini Episcopi conſectâ, le-  
niuit & obliterauit.

*Papa Pius, Paulo ceu ſido imponit Amico  
Varmiacam Mitram, qui ſe Cathedramq; Poloniæ  
ſubdit, non potuit factum hoc tolerare Magiſter  
Ordinis, & Paulo dat, ſerui fraude Venenum.*

## SCHISMA III.

Concurrentibus VINCENTIO KIELBASA &  
ALBERTO OPOROVIO ortum.

Rex Poloniæ  
committit Ad-  
miniſtrationē  
Episcopo Cul-  
menſi.

Spe. obtinendi  
Episcopatus Can-  
onicos reuo-  
cat ab exilio.

**P**aulo Episcopo Vitâ functo, cum Eccleſia *Varmienſis*, ob  
continuas Bellorum tempeſtates, deſolata remaneret; &  
Canonici hinc inde diſperſi, ad noui Episcopi electionem  
faciendam, conuenire non poſſent, *Casimirus Poloniæ Rex*, Ad-  
miniſtrationē Episcopatus *Varm.* Rndiſ. Dño *Vincencio Kielbaſa*  
Episcopo *Culmenſi* & Adminiſtratori *Pomeſanienſi* comiſit, qui cu-  
ram eius in ſe ſuſcepit, dū Rex aliter de eo decerneret. Is valdè ſe  
Amicū & Beneuolū, Canonicis *Varmien.* exhibere cepit, & ope  
auxilioq; ſuo id ad extremū perfecit, vt Canonici è diuerſis parti-  
bus, ad Electionē Canonicè faciendam, conuenirent, credens fu-  
turum, vt ipſemet pro officijs præſtitis eligeretur. Sed contra  
accidit; Nam electus eſt à Canonicis *Nicolaus à Tungen.*



Episcopus.

51.

XV.

# NICOLAUS à TVNGEN.



**N**ICOLAUS à TVNGEN Pago, Districtus Wormdi-  
tensis denominatus, Canonicus Varmiensis, apud Pau-  
lum II. Pontificem Maximum Breuium Apostolicorum  
Scriptor. Is Canonicè in Episcopum electus, Romæ confir-  
matus, & ibidem consecratus est.

Paulò post cùm in grauissimum morbum incidisset, ad Ec-  
clesiam tam citò accedere non potuit. Itaq; Vincentius Kielba-  
sa, cùm se spe Episcopatus frustratum animaduertisset, cepit

Eligitur Cano-  
nice Nicolaus  
à Tungen.

Propter infir-  
mitatē ad Ec-  
clesiam non ac-  
cedit.

H

non



Spe frustratus  
Kietbaſa oppri-  
mit Incolas &  
Canonicos.

Oppreſſi recur-  
runt ad Regē

Priuatur Ad-  
miniſtratione.

Eligitur Pro-  
uiſor.

Cōſpiratio cō-  
tra Kietbaſam

Quam praeue-  
nit ſuo diſceſ-  
ſu.

In recompen-  
ſam Rex con-  
fert Vincentio  
Adminiſtratio-  
nem Episc. Po-  
meſaniae.

Vtrobique gra-  
uis.

Ab omnibus  
excoſus.

Rex confert E-  
piſcopatu Varmien-  
ſi Alberto  
Oporowski.

non magis Canonicos, quàm Ciuitatum etiam Incolas, nouis adinventionibus perſequi & vexare; adeò vt nonnulli ex Ciuibus, in imo turris fundo, duriffimo carcere clauſi, miſerè expirauerint; Alij vxoribus & liberis relictis, fugā ſalutem quærere coacti fuerint; Alij grandi pecuniā collatā vitam redimebant. In tam miſerabili rerum ſtatu, cū toto biennio miſeri ſubditi verſarentur, eò neceſſitatis deuenerunt, vt obedientia dicti *Kietbaſa* renunciantes, de tot grauaminibus apud Regem, per Nuntios conqueſti fuerint, qui datis ad eum literis, præcipit vt vitandi tumultus popularis cauſa, ab Adminiſtratione Bonorum & Ciuitatum, Episcopatus Varmienſis abſtineret, quod fecit. Interim ab Ordinibus Vniuerſi Episcopatus, in Prouiſorem aſſumptus fuit, Circumſpectus & Prouidus Vir Dominus *Michael Ertmannus*, Senator & Conciuiſ Regiæ Ciuitatis Gedanenſis. Cæterum *Vincentius* acceptis Mandatis Regiæ Maieſtatis, cū e Prouinciā tardiùs decederet, Subditiq; eius, pluſquam Moſchouitiæ Tyrannidis Iugum, ampliùs tolerare non poſſent, conſpiratione cum ruſticis factā, eum occidere decreuerunt, niſi maturè ex Episcopatu diſcederet. Quamobrem diutiùs ſibi cunctandam non putauit, & ad ſolitam reſidentiam *Lubauiam* profeſtus eſt.

Quoniam autem Rex, in nouiter adepta Prouinciā, non facilè habebat cui fideret, vt eum ſibi nihilominus deuictum redderet, Episcopatum *Pomeſanienſem* illi regendum tradidit; vtrumq; duriter, acerbè, & paulò imperioſius adminiſtrauit, nihilq; aliud egit, quā vt modò hūc, modò illū, occasione Bonorū, citando, ſubditorum Priuilegia & Libertates imminuendo, nouis ſubinde oneribus & exactionibus, eos obrueret & peſſundaret. Quamobrem omnes eum paſſim, tanquam Auarum & Immitem detestabantur, & quibuſcunq; modis poterant, ſubterfugiebant, adeò vt eius Villæ & Prædia, non ſolum habitatoribus vacua, ſed & ædificijs quoq; quæ ſatis egregia antea conſpiciebantur, planè deſtituta ita redderentur, vt ad priſtinum ſtatum & ſplendorem, reduci facile non potuerint.

Anno Domini 1473. Cū videret *Casimirus Rex* Pruthenos erga *Kietbaſam* valdè exacerbatos, Episcopatum Varmienſem, tanquam Patronus, contulit Secretario ſuo *Alberto Oporowski*, eumq; Pontifici Maximo præſentauit, & confirmari Apoſtolicā auctoritate petiuit. Huic Regiæ nominationi, Procuratores *Nicolaï* vehèmenter contradicebant, certis documentis oſtendentes, *Nicolaum* non modò Canonicè legitimeq; electum, ſed etiam à Pontifice confirmatum, inſuper & ordinatum



tum ac consecratum jam esse Episcopum, ut nec nominationi Regiæ, nec petitioni *Oporouij*, ullus amplius locus relictus videatur, eius nihilominus in Vrbe Procurator, eò rem deduxit per Secretas practicas, ut surreptitias Bullas super prouisione dicti Episcopatus obtentas, ad eum miserit; Quibus acceptis *Oporouius*, rem benè confectam credens, ad *Marieburgensem* Capitaneum profectus, ab eo se petijt, in Possessionem Episcopatus Varmienfis admitti. Respondit Capitaneus se id facere non posse. Præcepisse Regem ut neminem, absq; particulari Mandato, Episcopatum adire permetteret; Interea curam Bonorum & Ciuitatum haberet, quibus nulli cedere, nisi de voluntate Regia plenè constaret, saluâ fide existimationeq; suâ non posset. *Oporouius* contra assererat, se eiusmodi mandata, tam citò habere non posse, quandoquidem Regia Maiestas, longissimis terrarum spatijs dissita, apud *Kijouiam* versaretur.

Contradicitur  
Oporouio.

Dolo obtinet  
Bullas.

Tentat adire  
possessionem,  
sed frustra.

Interea venit *Nicolaus à Tungen* ex Vrbe, & coram Ordinibus & Ciuitatibus *Prussia*, lura & Prouisionem super Episcopatu produxit, rationesq; suas, non solum literis & sigillis authenticis, sed viuis etiam & fide dignis testimonijs, euidentissimè comprobauit. Consiliarij autem Terrarum *Prussia*, cognitionem huius Causæ, ad ipsam Regiam Maiestatem reiecerunt, & Comitia pro Festo S. Ioannis in Ciuitate *Elbingensi* indixerunt, in quibus uterq; Episcopus, Regiæ Maiestatis responsum accepturus esset. Responsum autem tale erat. Consiliarij causam hanc diligenter cognoscerent; Nemini Episcopatus Possessionem adiudicarent, nisi Regi & Regno obedientiam iurejurando polliceretur. Comparuit utraq; Pars in Comitijs die constituto, *Oporouius* productis literis & documentis, assererat se à Regiâ Maiestate, qui Ius Patronatus super Episcopatu Varmienfi haberet, Præsentatum, & à Sede Apostolicâ confirmatum esse, cuius rei testes literas Apostolicas ostendens, se admitti ad Possessionem Episcopatus, vrgebat. Ad hæc *Nicolaus*, Etsi non constaret de Iure Patronatus, Regiæ Maiestatis, tamen in Præsentationis huiusmodi literis, clausulam hanc Regiam Maiestatem apposuisse. Saluis Priuilegijs Saluoq; Iure Ecclesiæ Varmienfis, Valdè absurdum videri, Dominos Capitulares primæuæ foundationi & Priuilegijs suis nuntium remisisse, nec criminis alicuius reos & conuictos fuisse, ut propterea Libertatibus & Priuilegijs, exui & priuari deberent, quibus in suo robore permanentibus, quandoquidem ipse legitimè electus esset Episcopus, dubium non videri, quin ea sit mens & volun-

*Nicolaus à Tungen* producit  
Statibus Prouisionem.

Cuius cognitionem ad Regem  
reiecerunt.

Responsum à  
Rege.

*Oporouius* in  
Comitijs producit lura ad  
Episcopatum.

Idem facit *Nicolaus*.



Falſitatem Cō-  
firmationis li-  
teris Oporoui-  
anis deducit.

Conditionē in  
terponit.

Quam Oporo-  
uius non ad-  
mittit.

Error Romæ  
repertus Bul-  
læ Oporouia-  
næ.

Oporouius nō  
expectatā de-  
ciſione Roma-  
nā militē col-  
ligit.

Qui ingreſſus  
Epiſcopatum  
multas Villas  
depopulat⁹ eſt  
& prædam ac-  
cepit.

Biſchſteinēſes  
eoſdem pro-  
ſigant & Du-  
ces captiuant.

tas Maiestatis Regiæ, vt is pro legitimo Episcopo haberetur, qui à Capitulo Canonice electus, à Sede Apostolicâ confirma- tus & approbatus eſſet: Nam quod ad Confirmationem ipſi- us *Oporouij* attineret, eam falſam & ſubreptitiā eſſe, ſibi cer- tō conſtare, quod vt re & veritate comprobetur, vtriusq; par- tis Confirmationis Literas, ſuis ſumptibus (quos illico depo- ſuit) paratum ſe eſſe in Vrbem mittere dicebat, vt iſthic ex Actis Curia, cuiuſnam literæ veriores eſſent, peti poſſit. Intra Biennium quicunq; lus ſuum clarē & dilucidē demonſtraſſet, is abſq; vllā controuerſia Episcopus conſtitueretur. Eam con- ditionem admittere noluit *Oporouius*, ſed totius cauſæ ſuæ præ- ſidium, in Patrocinio & Auctoritate Maiestatis Regiæ, conſti- tuendum ſibi eſſe exiſtimauit.

Conſiliarij autem terrarum *Pruſſiæ*, cū audiuiſſent quō ſe *Nicolaus* demiferit, poſtulatis eius acquieuerunt, & acceptis Bullis, & pecuniā per eum depoſitā, *Romam* miſerunt, vbi re- pertum eſt, Domini *Nicolai* Bullas veras, *Oporouij* autem falſas & ſubreptitias fuiſſe, vnde Prutheni magis impenſe *Nicolao* quā *Oporouio* fauere ceperunt, & quandoquidem lure potio- ri niteretur, ſe Cauſam illius apud Regiam Maiestatem, ita pro- moturos receperunt, vt Episcopatu potiatur; Interim autem in Res Episcopatus & Iuriſdictionem, ſe nullā ratione ingere- re deberet, quod ſe facturum datā fide promiſit.

Cæterū dum *Romæ* verificatio Bullarum expectatur, & Rex in *Podolia* verſaretur, *Oporouius* armis rem aggredi, & E- piſcopatum per vim occupare conatus, non abſq; ſuorum cæ- de reiectus eſt. Quoniam autem in *Polonia*, propter Familiæ Nobilitatem, multos amicos habebat, collegit ſtatim, tria mil- lia equitum, quibus duos Capitaneos præfecit *Schamnikium* Bo- hemum, & *Schorzium* Morauum, eoſq; ad Bellum Sacerdotale proſequendum, in Episcopatum Varmienſem ſigna inferre præ- cepit, qui cū non paucas Villas depopulati ſunt, & non con- temnendam prædam equorum, armentorum, aliarumq; rerum ex *Biſchſteinēſe* tractu abigerunt. *Biſchſteinēſes* collectā nobi- lium & ignobilium manu, inter *Vuſelacken* & *Biſchſteinum* eos inſequuti, egregiē vlti ſunt, multi cæſi fugatiq; prædā recupe- ratā, vterq; Capitaneus captus, & *Biſchſteinum* deductus eſt. Vnde poſtea datā fide, quōd coram Episcopo quādocunq; viſum eſſet, ſe ſiſtere deberent, diſmiſſi fuerunt. Hos belli Sa- cerdotalis tumultus, egerrimē Conſiliarij & Status terrarum *Pruſſiæ* ferebant: Quamobrem habito *Elbingæ* Conuentu *Opo- rouio* præceperunt, vt ab armis tantisper abſtineret, donec *Roma* re-



ma responsum adferretur, quisnam lure potior esset. Morem illis gessit *Oporouius*, quod amissis copijs vires debilitatas haberet.

*Nicolaus* autem animosior & audacior factus, supramemoratos duos Capitaneos citari fecit, vt datæ fidei satisfaciētes, coram illo personaliter comparerent, decretum audituri. Responderunt, illos ad comparandum coram Episcopo Varmienſi tantum teneri, eum verò nondum pro Episcopo agnoscere, cum decisum non sit, quis legitimus Episcopus esset. Hæc & alia similia, varias *Nicolao* cogitationes ingerebant.

Nicolaus citat Capitaneos ad respondendū.

Se non teneri respondere nisi coram legitimo Episcopo.

Habuit is in Aula, egregium quondam Equitem *Hilritter* dictum; hic quodam tempore alloquens Episcopum, Notum tibi est (inquit) proculdubiò quod *Oporouius*, amisso quem huc miserat milite, nouas practicas in *Polonia* exercet, ac modos & rationes omnes persequitur, vt armata manu Episcopatum tibi eripiat; Quamobrem nisi bono consilio vsus, maturè tuis rebus consulueris, antequam Aduersarius Possessionem adeat. te, tuaq; omnia, in extremum discrimen adduces; Nec est quod in Pruthenorum & subditorum auxilijs, multum spei reponas: Nam si Equestris Ordinis hominibus, & nobilitati non semper fidendum, multò minus Oppidanis & Ciuibus tribuendum est, qui superioribus bellis efferati, facile fidei obliuiscuntur, & nuper etiam hoc vltimo prælio demonstrarunt, non minus eorum consilia stabilia permanere, quàm butyrum solis radijs expositum, Nolit itaq; cum maximo damno, & perpetuâ sui nominis Infamiâ, res suas diutius negligere. His & similibus persuasionibus, *Nicolaus* se adduci passus est, vt clam ad ciues quosdam *Heilsbergenses* amicos suos, literis datis, ab eis auxilium peteret, Arcis aliquâ ratione occupandæ. Sed nullus eorum rem aggredi ausus est.

Hilritter consilium dat Nicolao vt tempestiuè rebus suis consulat.

Acceptat consilium.

Intellexit postremò *Michaëlem Ertmannum* Administratorem, sæpius diebus Dominicis compadres suos in Ciuitate solitum accedere, & cum illis hilariter potitare, Arcis custodiâ neglectâ. Quamobrem *Nicolaus*, vt propior esset, *Gutstadium* venit habitâq; notitia, *Ertmannum* morè solito, die Dominico in Ciuitatem iturum, ipse quoq; sub horam vesperarum ad Arcem *Heilsbergensem* accurrit, quam veluti visitandi gratiâ ingressus, cum luo *Hilrittero*, & nonnullis familiaribus, portas claudi præcepit, *Ertmanno* in Ciuitate, inter Ciues & Mulieres, cum suis hilariter agente, vt qui nullum periculum extimesceret. Postquam id didieit, ad Arcem cum familia properauit; sed à *Nicolao* intromissus non est, qui eius operâ se amplius

Nicolaus Heilsbergam capit.



plius non egere dixit, Custodes jam eſſe Domi qui diligentius Arcem ſeruaturi eſſent, quàm ille feciſſet. Equos nihilominus, Currus & Suppellectilem illi reddi juſſit, qui *Gedanum* eſt reuerſus.

Quo offenſi  
Status Pruſſiæ  
eius amicitia  
renuntiârunt.

Factum hoc *Nicolai*, cùm ex *Hertmanno* Ordines Pruſſiæ cognouiſſent, indignè admodum ferebant, quòd contra fidem datam, Episcopatus Arcem inuaſiſſet, antequam Pontificis declaratio *Romæ* adferretur. Quamobrem cum eo, quòd promiſſis non ſteterit, grauiter expoſtulârunt, & Amicitia eius renuntiauerunt.

Recurrit ad A-  
micitiam Ma-  
giſtri Ordinis.

Ea porro res adegit *Nicolaum*, vt cum Magiſtro Theuto-  
nicorum, Fratre *Martino Truchſio* de *Vetzhausen*, qui recens An-  
no 1475. in Magiſtrum electus *Regiomonti* fuerat, Amicitiam &  
ſocietatem ineundam exiſtimaret, vt eo mediante apud Prin-  
cipes exteros contra Polonos, & Regiarum Partium Pruthe-  
nos, ſibi præſidium facilius comparare poſſet, quòd etiam ſub-  
ſequutum eſt: Nam habitâ ex integro Episcopatus Poſſeſſio-  
ne, & Subditorum obedientiâ, Arces & Oppida egregiè mu-  
niuit, rebusq; neceſſarijs, contra Polonorum inuaſionem inſtru-  
xit, ac ita demum cum Ordinis Magiſtro ſimul conſpirarunt,  
ſe excuſſo *Polonia Regis* jugo, libertates ſuas recuperaturos, e-  
tiam ad ſanguinis effuſionem.

Conſpirat cum  
Magiſtro, ad  
excutiendu Iu-  
gum Polono-  
rum

Conſilium cõ-  
tra Polonos,

Magiſter hic fuit egregius, prudens, & deuotus, fortis e-  
tiam & magnanimus Vir, vt vulgari prouerbio de eo dicere-  
tur, Martinum Monachum egregium, & in Campo Leonem  
eſſe. Quamuis autem Anteceſſores eius, poſt continuum tre-  
decim annorum bellum, pacem perpetuam cum *Casimiro* Re-  
ge compoſuerant, quam Iuramento & ſigillis roborauerant,  
& animo valdè angebatur, quòd eius Ordo, cum perpetuâ  
quadam Infamiâ, meliorem Pruſſiæ partem amiſerit, & Polonis  
ſubijci permiſerit: Quamobrem vias omnes inueſtigare cæ-  
pit, vt Pruſſiam è manibus Polonorum eliberare, & in poteſta-  
tem ſui Ordinis redigere poſſet. Ad hoc tam præclarum faci-  
nus aggrediendum, ſuorum etiam perſuaſionibus incitabatur,  
qui ſapius inconcinne jactabant, eos *Polonis* Bellum omninò  
illaturos, etiamſi extremam Caſci & Panismicam, perdere de-  
berent. Sibi magis glorioſum, qui milites eſſent, nihil accide-  
re poſſe, quàm pro Patria fortiter in bello mori potiùs, quàm  
Inimicis Polonis ſubijci, Deum ipſum, & Vniuerſum Orbem, in  
eorum præſidium præſtò affuturum, qui juſtam cauſam habe-

Idem ſuaдебât  
& Fratres.



rent; Nec eos ad obseruandas perpetuæ pacis condiciones teneri, in quas non liberâ voluntate, sed vi & potentiâ coacti, iurauerunt.

Non teneri ad condiciones pacis.

Ad eos motus concitandos, etiam Astrologi classicum canere videbantur: nam in suis ludiciorum libellis, publicè affirmabant, hoc Anno Theutonicos, Prussiam è manibus Polonorum erepturos. Sed nihil minus est consequutum: Nam non solum à pecunia erant imparati, sed omnia etiam eorum consilia, retrò, more cancri, ferebantur.

Etiam Astrologi suadent bellum aggrediendum.

Sed Vana sine Viator ira.

Non latebant ista terrarum Prussiæ Consiliarios, qui Machinationes istas, dolenter admodum ferebant, quæ si erupissent, maximum Prouinciæ damnum creare potuissent.

His ita se habentibus, allatæ sunt ex vrbe literæ, seu Bullæ Apostolicæ, cum declaratione, quòd non *Oporouius*, sed *Nicolaus* Episcopus Varmienfis, per Sedem Apostolicam approbatus fuerit. Gratum hoc fuit nuntium Consiliarijs Prussiæ, qui vnâ cum Ciuitatum Nuntijs *Ioannem* de *Baisen* miserunt, qui Episcopalem Dignitatem *Nicolao* gratularetur, eumq; certiorum redderet, qualiter eius Antecessor *Paulus* Episcopus Anno 1464. in Conuentu Elbingensi, coram Vniuersis Prussiæ Ordinibus, sese obligauerat, quòd vnâ cum Vasallis *Poloniæ Regi* obediens esset futurus, & cum Ordinis Theutonicorum Magistro, tanquam hoste Patriæ, nullum commercium omninò habiturus. Quamobrem moneret vt Antecessoris sui vestigijs inhæreret Episcopus, alioquin res eius non bono loco futuras. Respondit ille; Episcopatum Varmiensem nunquam ad *Poloniæ* Regnum pertinuisse, nec se facile intelligere, quidnam iuris in illum Rex habere queat: nam licet eius Antecessor, in Conuentu *Elbingensi*, periculosis illis temporibus, promiserit Regi Regnoq; subiectionem, tamen id sub certis conditionibus fieri debebat, nec res ad effectum deducta fuit, quandoquidem non constaret, quòd Rex & Regnum eam obedientiam vnquâ acceptauerit; Sed nec ad eâ rem Venerabilis Capituli consensus accessit, vt eiusmodi obligatio etiam ad Successores transiret. Cùm itaq; temporibus *Ioannis Streiffrockij*, Episcopatus hic Sacro Romano Imperio incorporatus fuerit, nec ab eo discessionem vnquam fecerit, se nullum alium pro Ecclesiæ suæ Patrono, agnoscere præterquam Imperatorem. Et quandoquidem *Poloniæ Rex*, Secretarium suum contra iura & Priuilegia Varmienfis Ecclesiæ, cum maximo damno, Episcopum intruserit, se multò minus etiam eum pro Domino habi-

Bullæ de Vrbe adferuntur pro parte Nicolai.

Ordines Prussiæ gratulatur Nicolao cum admonitione.

Responsum Episcopi.



Idem Nuntij  
descendunt ad  
Magistrum.

turum & accepturum. Porro cum vidissent Nuntij apud Episcopum nullum esse Consiliariorū admonitioni locum, profecti sunt Regiomontem, admonentes itidem Magistrum Ordinis, ut secundum perpetuæ pacis fœdera, per Antecessores eius jurata & stabilita, se in obedientia *Poloniæ Regis* contineret. Sed simile ab eo responsum, quemadmodum ab Episcopo retulerunt, qui etiam verbis petulantibus in *Polonos* inuectus est, quod iniqui, & alieni appetentes essent; oblatam nunc esse egregiam occasionem, Prussiam in Ordinis potestatem redigendi, quandoquidem *Valachico* bello Rex distineretur, quam sibi elabi non facile passurus esset.

Monent Proceres Prussiæ  
Magistrum &  
Episcopum ut  
obedientiæ Re-  
gi præstent.

His actis Consiliarij *Elbingæ* conuentum egerunt, & datis ad Ordinis Magistrum & Episcopum literis, eos denuo monuerunt, ut intra sex mensium spatium, Regiæ Maiestati obedientiam præstarent, alioquin vtrumq; Provinciâ eiectum & deturbatum iri, ut facilius miserorum Incolarum quieti & tranquillitati consuli possit. Regiæ etiam Maiestati, de totius negotij progressu & statu, diligenter perscripturi. Atq; ita miles vtrinq; conscribi, & bellum caput apparari.

Renouatur so-  
cietas belli cū  
Magistro.

Permittit Epi-  
scopus in Mu-  
nitionibus suis  
Præsidia Ma-  
gistri.

Liuoniæ Ma-  
gister ut ad se  
militem mittat

Anno 1476. Cum omni ex parte atrox bellum instrueretur, *Nicolaus* Episcopus de rebus suis sollicitus, ad Ordinis Magistrum accessit, & denuo cum illo societatem Belli, iuramento vtrinq; firmatam iniuit, additâ etiam hac conditione, ut melius Ordinis Magister, Episcopatum tueri & defendere posset, liceret illi, in Oppidis & Munitionibus, Præsidarios milites collocare, cui Conditioni ut quamprimum satisfaceret, dedit ad Prouinciæ *Liuoniæ* Magistrum mandata, ut primo quoq; tempore, tria millia selectorum Militum conscriberet, & ad se in Prussiam transmitteret, quorum Virtute, à Polonorum iugo eliberari, & amicissimum Episcopum, à vi & omni injuriâ illæsum conseruare posset.

Responsū ne-  
gatiuum.

Respondit ille, quod superioribus bellis, cum suo milite, plus præstitisset, quàm teneretur, nunc verò Prouinciâ milite destituere non posset, quandoquidem in dies & horas *Moschouitarum* irruptiones expectaret.

Idem mandat  
Magistro Ger-  
manicæ,

Cum spe frustratus esset, dedit etiam ad Magistrum Prouinciæ in Germania literas, quibus illi injungebat, ut quàm maximum numerum Militum conscribere posset, in Prussiam contra *Polonos*, nullâ morâ longiore interpositâ ad se mitteret. Offendit ea res ipsos Ordinis Fratres, qui questi sunt, quod in prioris Belli apparatus, omnium Bonorum suorum



partem oppignorauerant, partem vendiderant, partem absum-  
pserant; ita vt si noua illis expeditio esset instituenda, ad ex-  
tremam inopiam deueniendum illis esset. Quamobrem nulla  
ab illis præsidia hoc tempore expectaret.

Mādato offen-  
sus denegat.

Cum nec ista ratio congregandi Militis succederet, ex ar-  
culā suā Romanā, septem millia ducatorum deprompsit *Nico-  
laus Episcopus*, addiditq; etiam non contemnendam auri quanti-  
tatem, Ordinis Magister, quam pecuniæ summam, Duci *Ioanni*  
de *Sagen* in *Silesiam* miserunt, obnixè orantes, vt Militem in  
*Bohemia* conscriberet, & inde per *Neūmarckiam* in *Prussiam*,  
deduceret. Fecit ille quod postulabant, & quatuor millia ex  
*Bohemis* & *Silesijs* collegit, quæ vt per *Neūmarckiam* deduce-  
re posset, à *Ioanne Margrabio Brandeburgensi* facultatem sibi  
concedi petiuit. Negauit is se id facturum, illiq; per eam Pro-  
uinciam transitum concessurum, cuius occasione, cum illo non  
ita pridem, bello decertaret, neq; adhuc ea controuersia sopi-  
ta esset. Ægrè tulit repulsam hanc *Ioannes*, significauitque  
*Marchioni*, transitum quem illi denegauit, sibi facile patefa-  
cturum. Pupugit ea res *Marchionem*, quòd *Neūmarckia*, non  
ad eum pertineret sed ad Ordinis Magistrum, qui ratione ex-  
pensarum, quas Pruthenico Bello in gratiam Ordinis fecerat,  
sub titulo pignoris, eam Prouinciam ad certum tempus illi,  
scripto publico obligauerat, tum etiam quòd superiori Anno  
cum *Ioanne Duce*, occasione *Franckforti*, *Crosnæ* & *Drezna*, ali-  
orumq; Bonorum, bello disceptaret, quod nondum sopitum  
& oblitteratum esset. Quamobrem non solum ex vasallis, sed  
etiam ex milite mercenario, collectis copijs, transitum Duci  
*Ioanni* prohibere constitutum habebat. Qui cum Exercitum  
nihilominus per *Neūmarckiam* ducere instituisset, persuasus fu-  
it à *Bohemis* & *Silesijs*, vt ne se in periculum conijceret, sed Pa-  
cem prius cum *Marchione* componeret. At tractationes de  
Pace, adeò in tempus longum protractæ sunt, vt Miles ob vi-  
ciū inopiam, sensim dilaberetur. Ad eum modum Episcopus  
& Ordinis Magister, amissâ pecuniâ, nullo operæ precio facto,  
etiam sumptus, quos in alendum Militem *Ioannes Dux* fecerat,  
refundere coacti fuerunt.

Episcop. 7000  
aureorum dat  
pro milite,

Cōscribitur mi-  
les in Bohemia

Denegatur trá-  
situs per Neu-  
marckiam.

Transitum per  
potentiam sibi  
patefacturū de-  
clarat.

Potentiz po-  
tentiam oppo-  
nere decernit,

Tandem Tra-  
ctatur de libe-  
ro transitu.

Interim miles  
dilabatur & pe-  
cunia data pro  
milite perit.

Cæterum *Casimirus Rex*, posteaquam à Consiliarijs *Prus-  
sia* certior est factus, de nouis hisce motibus, Ordinis Magi-  
strum & Episcopum, de Obedientiâ præstandâ, ad se citari ius-  
sit, qui comparere noluerunt, subinde prouocantes ad *Impera-  
torem*, & *Matthiam Hungaria Regem*, quorum tutelæ & Pa-

Citantur Magi-  
ster & Episco-  
pus.  
Recurrunt ad  
Imperatorem &  
Regem Hun-  
gariz.



Reſponſum  
Regi.

Rex Polonia  
in Pruſſiam E-  
xercitum mit-  
tit.

Pax inter Mar-  
chionē & Du-  
cem de Sagen.

Sileſiorū tria  
millia pro Cru-  
cigeris colle-  
cta.

Per Pomerani-  
am tranſitum  
ſibi patefacere  
minantur.

Sed fruſtra.

Choinitia for-  
ti præſidio mu-  
nitur.

Conſcriptus mi-  
les vacillat.

Monachis non  
fidit cautionē  
vult.

Denegata cau-  
ſione miles ab-  
ſoluitur.

trocinio, contra *Polonorum* potentiam ſe ſubdidiffent. Scripſit itaq; Rex ad vtrumq; ſcire cupiens num Magiſtrum & Epiſcopum in fidem recepiſſent. Reſponſum illi tantum fuit, à Prouinciæ per *Germaniam* Magiſtro, in eam Sententiam. Quæcunq; nunc ſupremus Ordinis Teutonicorum Magiſter ageret, ea contra mentem Ordinis fieri: Nam cum in Magiſtrum Ordinis eligeretur, inter cæteras conditiones, hanc etiam præcipuam fuiſſe, vt Pacem perpetuam cum Regno Poloniae conſtitutam, ſeruaret & Iuramento confirmaret. Ad hoc itaque faciendum, ſe illum exhortaturos; alioquin ſciret ſe ab Officio Magiſtri deſiſſet. Interea *Casimirus* exercitum Equitatu & Peditatu egregiè inſtructum, in *Pruſſiam* mittere decreuit.

Anno inſequenti qui fuit 1477. die Epiphaniæ, inter *Ioannem* Ducem de *Sagen*, & *Ioannem Marchionem Brandeburgenſem*, occasione *Neumarchiæ*, pax conſecta & ſtabilita fuit, etiam cum clauſula, vt per *Neumarchiam* *Ioannes* Dux, in *Pruſſiam* Exercitum, abſq; tamen ſubditorum damno, ducere poſſet: Qui vt fidem ſuam Ordinis Magiſtro, & Epiſcopo comprobareret, Bona ſua apud *Marchionem Vilhelmum de Eichſen*, in non contemnenda pecuniæ ſumma oppignorauit, & tria millia Equitum *Sileſiorum* conſcripſit, & ad Ducem Pomeraniæ pro libero tranſitu miſit, cum interminatione, ſi non concederet, ſibi eum ferro & flammâ patefacturum. *Pomeranus* autem qui *Polonia* Regi, affinitatis vinculo coniunctus erat, tam ſuperbo *Ioannis* Nuntio accepto, collectâ ſuorum manu, ad fines *Prouinciæ* ſuæ tutandos, ſtatim miſit: *Polonia* quoq; Rex eidem miſſo *Choinitiam*, duorum millium Equitum, & ſex millium Peditum Præſidio, celeriter ſuccurrit.

Cæterum cum *Ioannes*, loco moturus eſſet Exercitum, exorta fuit in Caſtris maxima ſeditio; Nec enim Miles progredi volebat, niſi de ſtipendio perſoluendo, bonis aliquibus immobilibus obligatis, illi idoneè caueretur; Alioquin barbaris in *Pruſſia* *Monachis* ſe non ſeruiturum, cum non ignoret qualiter ſtipendia perſoluere ſoleat. Dux verò cum eam cautionem militi dare nolle, res ad extremum eò deducta fuit, vt proclamatum ſit, quicumq; in *Pruſſia* Fortunam experiri vellet, id cuiq; facere liceret. Ita Dux ab expeditione per *Pomeraniam* ſuperfedit, & Bona *Sagen*, quæ *Marchioni Vilhelmo* oppignorauerat, cum eliberare non poſſet, deperdidit.

Rex autem *Casimirus*, cum manifestis argumentis didiciſ-

ſet,



set, rem in rebellionem apertam prorupisse; *Braunsberg* pro Dominica Palmarum, Generalia Prouinciæ Comititia indixit, è quibus splendida Legatio, ad Magistrum & Episcopum missa fuit, quâ amicè admonebantur, vt nisi se suapte omnia deperdita velint, Regi *Polonia* obedientiam præstarent. sed nihil apud obstinatos effici potuit, qui satiùs in sanguine proprio se velle suffocari responderunt, quàm vt *Polonis* subijci deberent. Dixerunt adhæc Legati; Nolunt itaq; vitæ & Fortunarum, miserorum vestrorum subditorum, rationem habere? Ad hæc Magister, omnes inquit subditi, non tanti sunt æstimandi, quantum vnus capillus Dominicorum; Ego me ipsum *Polonis* obijciam, quamobrem me subditis meis parcere aut misereri non conuenit; Me Deus adiuabit, & Inclytus *Hungaria* Rex, totumq; *Romanum Imperium*, sum hac de re securus.

Comitia Braunsbergæ.  
Monetur Magister & Episcopus.

Obstinati ambo.

Et Responsum obstinax.

Paulò post Magister, conuocatis omnibus Dominij sui Vassallis, occasione Belli huius *Regiomonti* Comititia habuit, & Nobilitatem, seu Equestris Ordinis homines, in suas partes facillè pertraxit. Cæterùm Ciuitatum Nuntij, sibi planè constitutum esse responderunt, quòd propter obstinationem Magistri, vitam Fortunasq; amittere nollent; Cogitaret secum, quàm rectè illi, in societatem Belli, contra *Polonia* Regem, venire possent, cui jam fidem suam obstrinxissent, qui nullam illis occasionem belli dederit. Nec Vires eorum tantas esse, vt contra adeò potentem Regem, arma sumere audeant. Quod si aliquis inimicus, in Prouinciam ad eorum interitum, impressionem faceret, tunc se vitam & fortunas, vtrò exposituros, omniaq; facturos, quæ fideles subditos præstare conuenit. Responsum hoc Magistro non placuit, qui acrioribus verbis Nuntios obiurgauit, quòd ab Ordine Equestri dissentirent; deliberarent ampliùs; quam ad rem, mensis vnus spatium, illis concedebat; sed eo elapso in eadem sententia persistebant, quòd ad injustè suscipiendum Bellum, quod solâ obstinatione Magistri conflatur, nullâ ratione teneri volebant.

Comitia Regiomonti Crucigerorum.

Votum Nuntiorum Ciuitatum dissuadet bellum.

Displicuit Magistro sententia Ciuitatum. Vt per mensem deliberet concedit.

Perseuerant in suo proposito

Eodem Anno, mortuus est *Bernardus de Tinnenberg*, qui à Regiâ Maiestate, Bona *Straßburg* & *Altbaus* cum eorum attinentijs, ad suæ & Fratrum suorum vitæ tempora obtinuerat, Eo defuncto, frater statim ad Magistrum scripsit, vt si vellet Bona demortui occuparet, & præsidij firmaret; qui sexcentos eò Milites misit, & Bona in potestatem redegit, deditq; ad suos *Marianos* in *Germania* Fratres, vt eos languentes excitaret, Literas, quibus significabat, se propemodum Vniuersam *Prus-*

Mors Bernardi de Tinnenberg.  
Magister Straßburgi & Altbaus occupat.



Offensa Regis  
Poloniz.  
Bellum Nico-  
lao Episcopo  
denuntiatur.

Bielaius in  
Prussiam cum  
Exercitu mit-  
titur.

Marieuerderu  
expugnatur &  
combustur.

Ecclesia Cathe-  
dralis expugna-  
ri non potuit.

Vartenburg  
Gutstadiu Sche-  
burgum & Res-  
selium simili-  
ter.

Vormdittum  
deditur ultro.  
Melsacum exu-  
stum.

Varmia suba-  
ga & Domus  
Canonicorum  
combusta.

Ecclesia Var-  
miensis in sta-  
bulu conuersa.

Braunsberga  
defensa.

Fraunsbergen-  
ses eruptione  
facta Polonos  
trucidant.

Heilsberga gra-  
ui obsidione  
cingitur.

In arce præsēs  
fuit Nicolaus  
Episcopus.

Magister con-  
gregat Vasa-  
los ad Heili-  
genbeil.

siam breui recuperaturum, cuius rei magna jam essent iacta fundamenta. Eâ res adeò Regem offendit, quod per Episcopum *Cuiuiensem*, tanquam pari dignitate præfulgentem, Episcopo *Nicolao*, Bellum denuntiari iussit; Cæterum quo minus id cum Magistro quoq; faceret, preces Fratrum Teutonicorum in *Germania* effecerant, qui Magistrum Regi obedientem futurum, aut officio exutum iri, vt supra dictum est, promiserant.

Itaq; Rex septem millia electorum Militum, Duce *Bielauio* in *Prussiam* misit, qui vt *Marieuerderum* attigit, petijt sibi liberum transitum concedi, quod haberet in mandatis, ne quid molestiæ, locis Magistro subiectis, inferret. Sed parum illi Ciuitas fidebat & aditu prohibuit. Itaq; Dux Exercitus, ciuitatem & Arcem validâ manu aggressus, vtramq; facile expugnauit & combussit; Cathedralem tamen Ecclesiam, ad elegantiam & munitionem egregiè constructam, occupare non potuit, quod præstantiores robore Viri, illatis eò facultatibus & opibus, suis præclare se tuerentur & defenderent. Inde *Bielaius Vartenburgum, Gutstadium, Scheburgum & Resselium* expugnare aggressus, non absq; suorum clade repulsus fuit, quod oppida hæc, satis benè munita validis præsidijs, optimè defenderentur. *Vormdittum* cum aliquot dierum obsidionem tolerasset, ultro se dedit. *Melsacum* pluribus pilis igneis sæpius petitus, totum deflagrauit. *Frauenberga* siue *Varmia* vim hostium ferre non potuit, qui desolatas Canonicorum hinc inde disperforum, curias exusserunt. Ecclesiâ verò, equis tribus ordinibus dispositis, pro stabulo vsi sunt. Inde *Braunsberga* obsessa, DEI & Diui *Andree* Patroni sui, qui sæpius in aère apparuit, auxilium sensit: Nam Ciues nullo damno accepto, eruptione factâ *Polonos* trucidârunt, & violati ac prophanati ab eis *Varmiensis* templi, iustas pœnas exegerunt.

Alia porro Exercitus *Poloni* pars, *Heilsbergam* obsidione cinxit, Peditatus à regione Arcis, supra montem ab *Alla* vsque ad *Sinsam*, fossam ingentem duxit: Equitatus verò partem Ciuitatis, quæ campos & *Grossendorffum* respicit, ita cinxit vt nemo ingredi vel egredi portas auderet. Superuenit & recens miles, qui rates nonnullas in *Alla* fluuio construxit, è quibus commodè tormenta bellica, ad Arcis expugnationem explodi possent. Erat tum in Arce Episcopus, qui ad obsidionem ferendam, rebus necessarijs satis instructus erat. Magister autem, societatis cum Episcopo initæ memor, vt Amico in obsidione posito, succurreret, omnibus Vasallis præcepit, vt ad



*Heiligenbeil* conuenirent, quorum lustratione factâ, reperta sunt promiscuæ multitudinis, quindecim millia, quæ ut in eodem loco suis sumptibus manerent, mandauit. Interea Exercitus hic, victûs inopiâ pressus, excursions Comitatûs causâ, in Vicinos Pagos & Oppida faciebat, maximo cum Incolarum damno, qui maximo cum eiulatu subinde conquerebantur, se tantis oneribus ferendis, nullâ ratione sufficere. Quamobrem ad persuasionem Fratrum, Magister decreuit, ex Equestri tantum ordine, firmanda Arcium præsidia, ciuibus autem renuntiare iussit, ut quod vellent, etiam in malam rem abirent; Ipse ducentis selectis Equitibus comitatus, *Heilsbergam* ire constituit, ut colloqueretur cum Episcopo: qui cum se spe suâ frustratum, omnibusq; præditijs destitutum animaduertisset, Inducias cum *Polonis* fecerat, ut cum Regia Maiestate de Pace tractationem inire posset. Eum ut à priore consilio discessisset Magister cognouit, renuntiare illi fecit secretò, quod conclusum & deliberatum haberet, ipsemet Arcem suis Præditijs defendere, Episcopum autem securitatis causâ, *Regiomontem* transferre. Sed Episcopus coram cum ipsemet, ad colloquium venire recusauit, dicens se in ardentem febrim incidisse; quamobrem si quid vellet, scripto cum illo ageret. Offendit ea res Magistrum vehementer, quod socium suum parum sibi fidere animaduertisset. Quamobrem videns se à Rege Hungariæ, ab Imperatore, & expectatione eius militis, quem in *Silesia* conscribi iusserat, tum à Vassallis quoq; suis, omni præsidio destitutum; Sociumq; Episcopum Pacem à Rege petere; Consiliarijs *Prussia*, per subditos suos, (non suo tamen nomine) denuntiare fecit, ut ab illis locus, & tempus de tractanda Pace, constitueretur. Indicta sunt itaq; pro festo S. Vrsulæ, in *Elbingensi* Ciuitate Comitata; In quibus subditi Magistri & Episcopi comparuerunt, paratos se ad obedientiam Regiæ Maiestati præstandam asserentes, modò tempus aliud illis constitueretur, quo de ratione totius negotij ad exitum deducendi, certi aliquid concludi & definiri possit. Fisi autem Domini Consiliarij facile videbant, miseros subditos rem suam agere, qui se tot bellis implicari molestè ferebant, dederunt tamen eorum petitioni locum, & alia Comitata pro festo S. *Nicolai Thorunij* indixerunt, in quibus cum nullus nomine Magistri & Episcopi comparuisset, cepit illicò, mandante Rege, miles *Polonus*, qui alioquin sub Inducijs modestè se gerebat, furere & populationibus ac cædibus, miseros colonos vexare, & acriter

Selectis ex Equestri ordine, Ciues abire fecit.

Episcopus Inducias cum *Polonis* sancit.

Episcopus colloquium cum Magistro subter fugit. Destitutus omni præsidio.

Locum tractatum petit.

Comitata *Elbingæ* pro festo S. *Vrsulæ*.

Alia Comitata *Thorunij* pro festo S. *Nicolai*.

In quibus nemo ab Episcopo & Magistro compareret.



Miles Polonus  
vexat non ſo-  
lum Epifcopi  
ſed etiam Ma-  
giſtri ditiones.

Tertio Comi-  
tia assignantur  
pro feſto Epi-  
phaniz.

Tempus refle-  
xionis ad præ-  
ſtandum ho-  
magium.

Sperta bene-  
uolentia excā-  
deſcit.

Magiſter Ordi-  
nibus ſuis ex-  
tremam neceſ-  
ſitatem expo-  
nit.

Reſponſum  
Ordinum.

Reſponſo hoc  
iratus Magi-  
ſter.

*Heilsbergam* oppugnare: In ipſis Epifcopatûs confinijs, etiam Magiſtri Ditionem inuaſit, & circa *Bartſteinum*, *Naydemburgum*, ac *Paſſenbeimum* flammâ ferroq; abſq; vllâ miſericordiâ deſcendit. Hic iterum Coloni tam Magiſtri quàm Epifcopi, calamitates ſuas deplorauere, & magnoperè de Dominis ſuis conquerebantur, quòd nec Pacem conſtituerent, nec ſubditos tuerentur. Petiuerunt denuò Comitia congregari, quæ pro feſto Epiphaniæ *Elbingæ* habita fuerunt. Ibi ſe per Nuntios excuſabant, quòd cum *Hungaria Rex*, cum *Cafimiro Rege Olomucij* in *Morauia*, Pacis tractandæ ſummam in ſe recepiſſet, *Thoronium* ad proximè præterita Comitia, venire non poterant. Reſponſum illis eſt acriter à Dominis Conſiliarijs; Eos non ita obturatas nares habere, vt odorari non poſſint, vnde dilatio- nes iſtæ veniant, quæ tot inſignibus mendaciorum pallijs, ob- teguntur & velantur. Pro vltimâ declaratione, ſebreue tem- pus ad feſtum duntaxat Purificationis, illis concedere, intra quod ſi Homagium Regiæ Maietati non præſtiterint, ſciant in ſe flammâ ferroq; animaduерſum iri. Elapſo tempore, ni- hil eorum quæ debebant, Magiſter & Epifcopus præſtitit, ſed nec facti ſui excuſationem aliquam attulit: Quamobrem ſta- tim per literas, Rex Magiſtro bellum denuntiat, & decem mil- lia Militum in *Pruſſiam* miſit.

Interea Magiſter, conuocatis omnibus Ditionum ſuarum Ordinibus, Literas Regias quibus Bellum illi denuntiabatur, exhibuit, Fidei ac Officij admonuit, vtq; in hac tam extrema neceſſitate, maiorem alacritatem & conſtantiam, quàm hæte- nus feciſſent, illi comprobarent, poſtulauit. Ad ea, habitâ priùs deliberatione, & inter ſe conſultatione, Status reſponde- runt. Nihil cum illis initio de Bello hoc, communicatum fu- iſſe; itaq; nihil etiam nunc de Belli huius ſubſidio, quod pe- teret, illos ſcire velle. Quod ſibi quiſq; intriuit, id comedere. Quandoquidem ipſe abſq; cauſa, cum eorum ſanguinis effuſione, Bello Sacerdotali ſeſe implicauerit, vt eorum clade & interitu, nominis celebritatem acquireret, eos voluntati ſuæ morem gerere, nullâ ratione teneri. Monebant itaq; vt abſq; longiori procrastinatione, juxta condictas perpetuæ Pacis con- ditiones, in verba Regis juraret, & ſic cladem à Vaſallis & Di- tionibus ſuis auerteret. Iratus hoc reſponſo Magiſter, & af- ſumptis non paucis ſui *Mariani* Ordinis Militibus, & Nobili- bus, in Vniuerſum circiter Ducentis Equitibus, cum eis ani- mum, aliquid cum laude aggrediendi, declarafſet, ipſiq; præſto

ſe ſe



se se illi in omnibus, quæ ad nominis eius dignitatem pertinerent, obfuturos pollicerentur, statim *Heilsbergam* contendit, & ex improviso adortos plures *Polonos* interfecit, rateq; supra *Allam* fluuium, cum triginta militibus egregijs, & viginti tormentis bellicis maioribus, quæ mutuo ab *Elbingensibus* & *Gedaniensibus* acceperant, in potestatem reductâ, in sequenti die, tormentis secundo flumine abductis, *Bartsteinum* re feliciter gestâ reuersus est, nec tentandum ampliùs Martis aleam cum *Polonis* arbitrabatur, qui aliquot millia benè instructa habebant.

Aggreditur  
Heilsbergam.

Ratem cum  
tormentis capi-  
pit & abducit.

Poloni cladem  
illatam vici-  
scuntur.

*Poloni* cladem illatam vlturi, eum insequuti sunt, & in fuga plures è *Marianis* militibus interfecerunt.

Tandem cum Rex *Casimirus*, maiora in dies Militum præsidia *Heilsbergam* submitteret, & *Polonus* in Ditionem Magistri, subinde excursionem faceret; Et illi in quorum spem Magister Bellum hoc susceperat, nulla suppeditarent Auxilia, Magister cum Episcopo, ad præstandum Regiæ Maiestati homagium consenserunt, non tamen vt Rex, sed vt ipsi vellent, utq; *Straßburgum* & *Althausum* penes Ordinem remaneret. Ad extremum res eò deducta fuit, vt datis obsidibus, se profesto *S. Ioannis* ad Regni Comitia venturos, & obedientiam Regi præstatu-ros, pollicerentur: Atq; ita Polonica Præsidia, ex Episcopatu deducta, in *Marieburgensi* tractu collocata fuerunt, quæ Colonis cum vastatione agrorum, non leuia damna inferebant.

Ad præstandū  
homagium Ma-  
gister cum E-  
piscopo con-  
sentiunt.  
Dantur obfi-  
des.

Anno Domini 1479. ad diem *S. Ioannis* de mense Iunio, habito saluo conductu Regio, Magister & Episcopus, copioso Comitatu, *Petricouiam* ad Regem simul venerunt. Magister nigro, Episcopus rubeo panno, vestitam familiam habebat. Ad erant quoq; ibidem Regij Terrarum Prussiae Consiliarij. Post aliquot dies, cum Magister & Episcopus in Senatum deducti essent, Rex apertis & disertis verbis, Rebellionem illis exprobrauit, Illi post breuem facti excusationem, Misericordiam Regis implorauere. Oblata demum fuit Magistro formula, in quam jurare deberet; hanc ille acceptare noluit, declarans se non alia vsurum, nisi quam ipsemet conscripisset, eâ condicione abiectâ vt *Straßburgum* & *Althausum* Ordini concederetur, nec eo nomine à quoquam ampliùs molestaretur. Rex eò condescendere nullâ ratione voluit. Eam absq; contradictione acceptauit Episcopus, & procumbens in genua, præeunte Vice Cancellario, verbis conceptis solenniter absoluit. Rex verò statim eum in gratiam recepit, publicèq; promisit, quod

Magister & E-  
piscopus Pe-  
tricouiam ve-  
niunt.

Disputatio cir-  
ca formam lu-  
ramenti cum  
Magistro.

Episc. acceptat  
formâ & exe-  
quitur.  
Rex ei gratiam  
spondet.



exceſſus quicunq; fuerunt, nullum nec illi nec ſuis, perpetuis futuris temporibus, periculum creare deberent. Articuli etiam, ſiue concordata fuerunt conſcripta, qualiter in poſterum ſe gerere teneretur Episcopus.

Vt vidit hæc Magiſter, in admirationem verſus, elatâ voce exclamauit; *O doloſe Iuda quid feciſti!*

Reconciliatus  
Episcop<sup>o</sup> Regi  
Heilsbergæ re-  
dit.

Venit Legatio  
ex Hungaria  
ad Regem,  
Declarat Lega-  
tus ſuum Re-  
gem ne Equum  
quidem ſuppe-  
ditaturum Ma-  
giſtro.

Declaratione  
tantâ perterre-  
factus Magiſter  
acceptat for-  
mam iuramen-  
ti.

Ad instantiam  
Legati Hun-  
garie, admitti-  
tur ad præſtan-  
dum Homagi-  
um Magiſter.

Redit Regio-  
montem,

Inſenſus ſem-  
per Episcopo.

Conſcriptis tandem & obſignatis Concordatorum Articulis, Episcopus *Petriconiâ Heilsbergam* redijt, quem aliquoties Magiſter inuadere tentauit, vt eum manu propriâ, tanquam datæ fidei, minùs tenacem confoderet. Perſtititq; in ſuâ obſtinatione Magiſter, nec aliâ homagij formulâ, niſi quam ipſe confeciſſet, vti voluit; quòd in *Matthia Rege Hungariae* ſpem adhuc repolitam haberet. Interea miſſa cum quadringentis equitibus, ab eodem *Hungariae* Rege, ſplendida Legatio, ad Regem, dum in *Noua Ciuitate* eſſet, ſuperuenit; quæ inter cætera adferebat & hoc. *Regem certò ſibi perſuadere debere, ne vnum quidem Equum, in gratiam Ordinis Teutonicorum Magiſtro, ſellâ inſternere conſtitutum haberet.* Iniecit ea res terrorem Magiſtro, & omnibus Ordinis *Mariani* fratribus, qui in mærore poſiti, coram Rege ſeſe humiliare: & juxta formulæ præſcriptum, obedientiam jurare volebant. Sed Rex non admittebat, vt Aulam eius ſequi cogerentur; ita fiebat, vt in ſumptum equos & currus diſtraherent. Ad extremum tamen *Hungariae* Legatus id effecit, vt Rex à Magiſtro, tanquam obſtinato & inquieto homine, obedientiam homagij acceptaret, qui ſeſe ita obligare coactus fuit, vt *Poloni* volebant.

Inde *Regiomontem*, animo valdè exacerbato redijt Magiſter, ſubditis ad extrema vitæ tempora valde grauis, quòd eius cupiditati in Bello proſequendo, contrarios ſe præbuerunt: Fortunâ ſemper contrariâ uſus. In Episcopum *Nicolaum* valdè inuehebatur, eum proditorem appellabat, ac in Eccleſiaſticâ iuriſdictione, quam ad ipſam vſque *Regiomontanam Ciuitatem* habuit, ſemper impediēbat.

Porro cum Episcopo *Nicolao*, infraſcriptis conditionibus pax conſecta & ſtabilita fuit. *Primò.* Quòd Episcopus *Varmienſis* cum Capitulo, Regem *Poloniae* pro Domino & Protectore, perpetuis temporibus agnoſceret.

*Secundò.* Quòd quilibet Episcopus *Varmienſis*, tertio Menſe ab obſenta confirmatione Sedis Apoſtolicae, perſonaliter coram Regia Maieſtate, ſi in *Prussia* fuerit, ſi minùs in



Arce Marieburgensi, comparere, ibiq; in Ecclesia majori, coram summo Altari, in manibus vnus Episcopi, per Regem deputandi, in præsentia Consulum Ciuitatis *Thoruniensis Elbingensis, Gedanensis*, & Palatini ac Capitanei *Marieburgensis*, Regiæ Maiestati fidem & obedientiam jurare teneatur, quod Fædus & societatem cum nullo Mortalium, absq; scitu & voluntate Regia, quouis prætextu nunquam inibit.

*Tertiò.* Quòd si quis Episcopus homagium tale præstare recusauerit, debent eius subditi à Iuramento Fidelitatis, absoluti, cenferi, & à Rege Poloniae dependere.

*Quartò.* Quòd Omnes Vasalli, coram Commissarijs, Regiæ Maiestati jurare, & singulis decem annis Iuramentum huiusmodi renouare teneantur.

*Quintò.* Quòd Canonici *Varmienses*, & Generalis Aduocatus, post vnus mensis ab assumptione decursum, jurare ibidem sint obligati. Aduocatus autem subditus Regis, aut Bona immobilia in Episcopatu possidens, esse debeat.

*Sextò.* Quòd in Episcopum is eligatur, qui Regiæ Maiestati gratus sit futurus.

*Septimò.* Quòd Ecclesiastici cùm inuestiuntur, Regi jurare teneantur.

*Octauò.* Quòd Vasallis, qui in Iudicijs ab Episcopo se grauos sentiunt, liberum sit ad Regiam Maiestatem prouocare & appellare, & qui causâ ceciderit, victori sumptuum partem refundere teneatur.

In eos Articulos, cùm Episcopus & Nuntij Capitulares jurassent, domum reuersi, ob præterita Bella desolata inuenerunt omnia. Atq; ita sacerdotali bello finis est tandem impositus.

Nimis peruulgatum est, Casimirum Jagellonidem Regem Poloniae, Liberam Episcoporum à Collegijs Canonorum electionem, primùm in Basilica Cathedrali Cracou. à Morte *Thomæ Stzempinij*, acrioribus etiam medijs, nominatione sibi usurpatâ, sustulisse penitusq; extinxisse, quod ad alias in Regno Ecclesias deriuatum. Ius hoc Regium *Varmiensem* Ecclesiam, quæ prisca moris liberam retinebat electionem, complecti censebatur, quæ recenter cum Prussia intolerabile jugum, crudumq; Crucigerorum dominium excutiendo, in ditionem deditio-nemq; Regis Casimiri concesserat, eò iuris quæsitæ colore, *Nicolaus Tungenus* electus à Collegio Canonorum, & à Sede Romanâ confirmatus, inuitus ad Caminen; in Pomerania Ducali

Quando libera Electio Ecclesie Cracou: sublata.



Episcopus re-  
dintegratione  
gratiæ Regis  
obtinet.

Cathedram, quæ nunc Lutherana mephiti oppressa, fiscum auget Electoralem, transferebatur; *Alberto Oporouio* eidem, Rex Successorem designante, impensiusq; promouente. Nihilominus *Nicolaus Tungen* Pontificis summi fultus Patrocinio, tum & fauore Pruthenæ Nobilitatis, quæ ægrè ferebat Polonos, pane pasci Prutheno; Possessionem Varmienfis retinuit Episcopatus. Hinc illæ lacrymæ quod Regi fuerit obliquus, cum Rege Hungariæ *Matthia*, qui cum *Casimiro* apertam exercuit hostilitatem, consilia & armorum aliquam, contra *Casimirum* fouit colligationem. Tandem pacis tractatu inter *Casimirum* & *Matthiam* concluso, *Tungenus* vigore eiusdem, Reconciliationem gratiæq; redintegrationem Regis *Casimiri* obtinuit. Veniens verò Petricouiam, ad pedes Regis prostratus, Regiam placauit indignationem, permissumq; illi retinere Episcopatum Varmiensem, ijs acceptis conditionibus quæ supra positæ sunt; & is in hunc vsq; diem eligitur Episcopus, qui grata Regi persona, Regiâq; Nominatione seu commendatione designatur. Stemmata ipsius in hunc vsq; diem visuntur in fenestris templi, tum in testudine supra maius Altare; Aniuersariumque eius in hunc vsq; diem extat, florenorum sexaginta.

Hic Episcopus *Nicolaus* in maxima rerum varietate, & perturbato statu, multa perpeffus, administrauit Episcopatum vsque ad Annum 1489. Excessit è viuis die 14. Febr. eiusdem Anni. In Ecclesia *Varmienfi* sepultus, vnâ cum alijs quiescit.

*Detrectat Regis Casimiri, agnoscere Sceptra,  
Vnitâq; manu cum Fratribus Ordinis, Arma  
Et parat & sumit, sed Bello lassus adorat  
Regales fascēs, iuratq; in Regia Verba.*

## XVI.

## LVCAS WEISELRODT.

Lucas eligitur  
legitimè à Ca-  
pitulo.

Electio hoc Re-  
gi non gustum  
fuit.

**L**VCAS WEISELRODT alias de *Allen, Thoruniensis*, Iuris Vtriusq; Doctor, Canonicus *Varmienfis*, à Capitulo legitimè electus, *Romæ* confirmatus & consecratus Episcopus, In *Pressiam* veniens, quietam Bonorum Episcopatus Possessionem assequutus est. Rex tamen *Casimirus* nonnullis de causis illi infensus, dignitatem hanc ad eum delatam ægrè ferebat,

& quan-



& quandoquidem pro veteri Priuilegio, nullus in Polonia, absq;  
scitu Regis, in Episcopum promoueri posset, de eo, loco amo-  
uendo valdè cogitabat. Sed quoniam Episcopatus Possessio-  
nem habebat, & Vir doctus, Pius, linguarum peritus, & adeò  
vitæ exemplaris erat, vt eum ridentem nullus vnquam viderit,  
Senatores Prutheni eius defendendi curam susceperant, ne

Lucas Vir pius  
doctus lingua-  
rum peritus.  
Senatores Pruf-  
siae eum defen-  
dunt.



quid Rex in eum durius statueret, qui etiam ætate valetudi-  
neq; fatigatus, eum facile tolerabat. Rege mortuo, Succes-  
sores singulari quadam beneuolentiâ eum prosequabantur. Si-  
gismundus præsertim, qui operâ illius in maximis quibusque  
negotijs libenter utebatur, & Capitaneatus *Starogardensem*,  
*Stumensem*, *Christburgensem* illi locauerat.

A Sigismundo  
Rege adama-  
tur.



Administrator  
tam in spiritua-  
libus quam te-  
poralibus opti-  
mus.

Ecclesiam Varmiensem non minus in spiritualibus quam temporalibus, adeò rectè prudenterq; administravit, ut ex censibus Episcopatus, quindecim marcarum millia, in redditibus annuis habuerit, quam pecuniam non in propinquos & consanguineos, sed in Ecclesiarum necessitates, & Prouinciæ suæ commodum, & vtilitatem liberaliter impendebat: præsertim verò preciosa ornamenta, & sacra vasa plurima, multis Ecclesijs summâ cum alacritate largiebatur. Eius tempore Anno videlicet 1497. Arx *Heilsbergensis* tota conflagrauit, in quam reficiendam plurimum impendit.

Arx Heilsbergensis conflagrauit.

Dissidentia Episcopi cum Teutonicis.

In Comitibus Posnaniæ obstitit se intentionibus Cruciferorum,

Iudicium Episcopi de Crucigeris.

Ad Synodum euocatur.

Dat rationes absentiae.

Mors Lucæ Episcopi.

Monasterium S. Antonij fundat. Wismarie Monachos adducit.

Cum Ordine *Teutonico* in *Prussia* parùm illi conueniebat, Et nisi *Fridericus Saxo* Ordinis Magister, Probus Vir & quietus esset, magnas procul dubio à Fratribus molestias pertulisset Episcopus, qui non minus illis, quam illi ipsi erant infensi, quòd eorum progressus multis in rebus, valde impediret, præsertim in Generalibus Regni Poloniæ Comitibus *Posnaniæ* habitis; vbi Milites *Mariani* congregati ingeniosè supplantare conabantur Regem; Instabant enim mirum in modum apud Regem, ut illis Administrationem totius *Prussiae* concederet, pro annua quinquaginta millium florenorum pensione. Et multi credebant, rem effectum habituram; Cæterùm *Lucas* Episcopus, subornatis Senatoribus, negotium impediēbat, & palam profitebatur, si Ecclesiarum Bona, & res Cleri in *Prussia*, in bono & securo statu constituere vellent, cauere diligenter, ne auari & inquieti homines, denuò potentiâ & viribus augeantur.

Indignati ob hoc Fratres, ut Episcopum vlciscerentur, *Archiepiscopum Rigensem* induxerunt, ut *Lucam* ad Synodum in *Liunioniam* euocaret; sed eò non est profectus Episcopus, & se per literas excusauit, quòd Maioritatis & Exemptionis jure gauderet.

Post modum cum Episcopus, è Nuptijs Regijs, quas *Sigismundus* cum Comitibus *Ciliae* Filia celebrabat, *Cracouiâ* in *Prussiam* reuerteretur, *Thorunij* in Patria sua in grauem morbum incidit, ex quo mortuus est, & *Varmiam* delatus, cæteris Patribus appositus fuit Anno 1512. Dominicâ Iudica.

Hic Episcopus *Lucas*, per Fratrem *Ioannem Symbaliensem Episcopum*, Suffraganeum suum, qui Parochiam in *Kiuiten* obtinebat, Monasterium *S. Antonij Varmiae* fundauit, & obtentis ab eorum Præceptore *Wismarij* sex huius Ordinis Fratribus, eos in illo, rebus omnibus ad necessitatem decenter instructo,

collocat.



collocavit. Inter eos erant præcipui tres pij & eruditi Patres, qui multa bona opera in Prouincia faciebant, assidue pauperum, infirmorum curam gerendo, eos ad benè moriendum præparando, Missas celebrando, Verbum DE I, quocunq; ab Episcopo mitterentur, cum maximo fructu prædicando. Ita fiebat vt Ordo hic nouus, magnam in *Prussia* Sanctitatis opinionem acquireret, & piorum Eleemosinis optimè sustentaretur, & omnibus rebus necessarijs satis abundaret. Cæterum cum illi recessissent, successerunt in eorū locū alij Fratres, longè prioribus dissimiles, qui magis secularia quàm spiritualia curabant, populoq; persuadebant, quòd *Diuis Antonius* eorum Patronus, dominium ignis in cælo obtineret, se non esse Monachos sed Sancti *Antonij* Domnos. Si quis *Diuis Antonio* porcum cum eleemosina offerret, eum in iumentis nullum damnum subiturum; Si qui eorum Porcis (qui pro signo campanellam auri- bus appensam gerebant) coretum frumenti pro pastu offerrent, eos pro quolibet Coreto, quinque annos de Indulgentia, & peccatorum venialium remissione, consequuturos. *Habebant* etiam in *Sulaua Marieburgensi* domicilium. vnde non contemnendam pecuniæ summam, & bonum numerum porcorum acquirebant. Hyeme verò domos obibant pro *Sancti Antonij* porco, dimidiam hordei mensuram exigentes. Qui autem in societatem adscripti essent, ij mensuram integram pendere tenebantur. Hæ & similes exactiones *Albertum* Ordinis Magistrum induxerunt, vt eos Prouinciæ suæ aditu prohiberet, licet antea, vt eius dominia visitarent, annuatim quadraginta *Marcas* illis donare solitus fuerit. Cum ebrietate vitam scandalosam coniunxerant, vnde in contemptum apud homines adeò venerant, vt etiam à rusticis passim Porcorum Papæ, vel Porcini Episcopi, per ignominiam vocarentur. Eos quidam eorum Præceptor, pius & doctus senex, visitaturus aduenerat, vt improbos & à religionis professione alienos eorum mores, emendaret & corrigeret, cumq; eos ebrietatis nomine vehementer obiurgaret, quidam arrepto fuste, eum in capite adeò grauitè percussit, vt in terram decidens, paulò post è vulnere decesserit. Percussor autem fugâ sibi consuluit. Deinde Successor *Luca, Fabianus Episcopus*, voluit eos visitare, sed nullâ ratione id permittere volebant. Interim noua *Lutheri* Hæresis nonnullos inuasit; quamobrem Episcopus *Fabianus* eos ferendos non putauit, & ea quæ à *Luca* prædecessore attributa

Tres eorum magnum fructum prædicando faciunt.

Cum magna opinione sanctitatis.

Successores eorum longe dissimiles.

Domnos se vocant.

Pro Porco emendicant.

Scandalosè viuunt.

Visitatore vulnerant.

Episcopo visitare se non permittunt.



erant, illis ademit. Illi verò locum & hospitale, Venerabili Capitulo reſtituerunt, & abinde reſceſſerunt.

*Hic nunquam ut fertur riſit, tamen omnia lata  
Varmienſi Terra praſtat: Nam pace quietâ  
Floruit, & menſa eſt multis prouentibus aucta,  
Arx Heilsbergendiſ ſlammis abſumpta, renata eſt.*

## XVII.

## FABIANVS.



Fabianus eligi-  
tur in Episco-  
pum tunc sub-  
diaconus.

**F**ABIANVS ex Nobili de *Lufianis*, tractus *Reſſelenſi*  
natus, iuris Vtriuſq; Doctor & Canonicus *Varmienſis*, Vir  
doctus.



Hoſtus & Vrbanus, ſed paulò effaminatior & mollior fuit: nam omnem adminiſtrandi rationem, Matri, quam *Heiſſpergæ* ad latus ſemper habebat, permiferat. Electus à Venerabili Capitulo Episcopus, ad *Regem Sigismundum* ipſemet profectus, eidem homagium, tanquam Domino & Protectori præſtitit, cum tantum Subdiaconus eſſet, à Suffraganeo ſuo Fratre *Ioanne Simbalienſe* Episcopo, in Eccleſia Parochiali *Heiſſpergenſi*, Sacerdos primum ordinatus, deinde Episcopus conſecratus, primum & vltimum Sacrificium Miſſæ celebrauit, nec vnquam in altaris officio, miniſtraſſe viſus eſt.

Post electionem homagiū Regi in persona ſua præſtat.

Ordinatus & Episcopus conſecratus ſemel in vita celebrauit.

Paulò poſt mortuo *Friderico, Georgij Saxonie Ducis* Fratre, electus fuit, Trigefimus quartus Ordinis Teutonicorum Magiſter, *Albertus Marchio de Auſpach* Acolitus & Canonicus *Coloniensis*, viginti quatuor circiter Annorum Adoleſcens, ſed in rebus tractandis ſagax, & adeò magni & excelsi animi, vt parem non facile ferret. Quo tempore in Magiſtrum eligebatur, fuit in Caſtris *Imperatoris Maximiliani*, cum obſidionem *Patauinam* ſolueret. In eo Bello modum oppugnandarum Urbium, & artis militaris rationem didicit. Et quoniam Regis *Sigismundi* ſororis *Sophiæ* filius erat, eò libentius, Fratres Teutonici illum ſibi Principem delegerunt, quòd Ordinem à *Polonorum* iugo liberaturus ſperabatur, quandoquidem aliorum quoq; affinium, vel Conſanguineorum Principum potentia, inniteretur; Pater tamen ipſius *Fridericus Marchio de Auſpach* conſentire noluit, vt filius delatum Magni Magiſtri munus acceptaret, donec ſplendidâ Legatione miſſâ, id ab eo vniuerſus Teutonicorum Ordo impetraret. Sed & *Maximilianus Imperator*, Patre & Filio in conſilium euocato requirebat, vt ne detrectaret. Cum itaque Munus accepisset, Crucigeri cum maximo Triumpho eum, ad Ordinis Ciuitatem *Mergethum* in *Franconia* deduxerunt, vbi Pallium album, nigrâ cruce inſignitum, pro Ordinis veteri inſtituto accepit, & aliquot dierum conſultationem cum Fratribus habuit, quâ ratione pax in perpetuum ſtabilita, infectâ reddi, & *Pruſſia* tota in Ordinis Potestatem redigi poſſet. Iurauit etiam ibidem *Maximiliano* Cæſari, & Imperio Romano fidem & obedientiam. Tandem obtentis Paſſus, quas vocant Literis, vt per *Poloniam* liberè in *Pruſſiam* peruenire poſſet, à Fratre *Marchione Caſimiro*, cum maximo & honorifico nobilium comitatu, in *Pruſſiam* deductus eſt, Anno Dñi. 1512. die 22. Nouemb: Diuæ Cæcilie ſacro. Ingreſſus autem *Regiomontem* cum quadrin-

Albertus Marchio in Ordine 34. Magiſter Anno 1511.

Dum eligebatur in Caſtris fuit.

Sororis Sigismundi Regis Sophiæ filius.

Pater conſentire non vult.

Imperator ſua det.

Introducitur Mergethum. Pallium cum cruce accipit.

Conſultatio de excutiendo lugo.

Iurat Imperio & Imperatori.

In Pruſſiam deducitur. Regiomontem introducitur.



gentis Equitibus, Pallio nigro lugubri vsus est, propter Matris, quæ non ita pridem Vitam cum Morte commutauerat, obitum.

Homagium Re-  
gi & Regno Po-  
loniæ præsta-  
re recusat.

Homines pe-  
tulantes fouet.

Episcopatum  
infestant.

Pagos exurit.

Contra Polo-  
nos fœdus init-  
cum Principi-  
bus.

Prætextu alio.

Nulla securi-  
tas in Episco-  
patu.

Hillebrandus  
Nobilis Ordini  
Teutonici  
pauper quid fa-  
cit.

Canonicos ca-  
ptiuat.

Ab omnibus  
timetur.

Admonitus à Rege *Sigismundo* sæpius, vt iuxta transacti-  
onem cum Prædecessoribus eius factam, Regi & Regno *Polo-  
niæ* homagium præstaret, & in perpetuæ Pacis conditiones ju-  
raret; id facere nullâ ratione volebat, quòd totus in ea ratio-  
ne versabatur, vt amissam *Prussiae* partem, recuperaret, suoq;  
Ordini adiungeret: quam ad rem vt sese maturius præpara-  
ret, perditos quosque homines, qui sibi Nomen Militum vsur-  
pabant, facile tolerabat. Hi non solum vicinos è propinquo  
infestare, sed sæpius etiam in Episcopatum, excursionem factâ  
Parochis & Miseris Colonis, damna inferre, immò & Pagos  
exurere solebant; idq; eo consilio maximè fiebat, vt Rex in-  
jurijs Vassallorum commotus, prior Magistro bellum denuntia-  
ret: qui incredibili quadam pugnandi cupiditate accensus, cum  
nonnullis Principibus contra *Polonos*, societatem & fœdus ini-  
uerat, nempe cum Magno *Moschouiae* Duce, cum Rege *Da-  
niæ*, Magistro *Liunia*, Marchione *Brandeburgensi*, Duce *Brunsvi-  
censi*, Magistro Ordinis per *Germaniam*, Marchione *Casimiro* de  
*Auspach* eius Fratre; Idq; eo prætextu faciebat, quasi à Sacro  
Imperio Romano, post Cæsaris *Maximiliani*, qui jam ad ex-  
tremam senectutem deuenerat, obitum, Generalis Dux Exer-  
citûs constitutus esset.

Hæc magnâ ex parte acta sunt Anno 1516. quo etiam tem-  
pore, Bonorum direptiones, & populationes in Episcopatu  
*Varmienfi*, ita exercebantur, vt non solum foris, sed nec domi  
quidem securè agere cuiquam liceret. Quæ cum per eam  
*Prussiae* partem, quæ ad Regem pertinet, ubiq; sparsa ac diuul-  
gata essent, accidit, quòd Pauper quidam sed animosus Nobi-  
lis, Ordinis Teutonicorum Vassallus, Ciuibus *Elbingensibus*, &  
Canonicis *Varmiensibus*, propter contumeliosa ab ipsis in eum  
prolata verba, fauore & auxilio Fratris *Vilhelmi* Comitis de  
*Eisenberg* fretus, hostiles inimicitias denunciauerit, & merca-  
torum *Elbingensium* Bona, in via publica diripuerit: sed & du-  
os Canonicos, qui *Melsaco*, *Varmiæ* proficiscebantur, in ipso  
*Melsacensi* saltu adortus cepit, & captiuos abduxit: vnde bre-  
ui *Hillebrandus* (hoc enim nomine vocabatur) non conte-  
mnendas opes, tantumq; nomen sibi comparauit, vt ab eo, su-  
isq; omnes sibi passim metuerent. Quamuis autem *Elbingen-  
ses* vnâ cum Capitulo, grauiter de *Hillebrando* eius Domino

(qui



(qui Ordinis Marschalcus erat, & in oppido *Holland* morabatur) conqueſti fuerint, non aliud tamen ab eo reſponſum, reſerre potuerant, quàm vt de eo reconciliando quam primùm laborarent, ne quid deterius poſtea, pati illos contingat.

Nulla de illo  
Iuſtitiæ admi-  
niſtratio.

Sub hoc ipſum tempus, euenit etiam hoc, quòd cùm di-  
ues quidam Mercator *Elbingenſis*, nomine *Nicolaus Tolkemit* ex  
vno nundinarum loco, cum Mercibus ad alium proficiſcens, in  
ſylua *Hollandica*, in *Hillebrandi* ſatellites incidiffet, ab eiſdem,  
& mercibus, & aliquot centenſis marcarum in parata pecunia  
ſpoliatus fuit; qui paulò poſt duos ex dictis latronibus naſtos,  
eos per Magiſtratum publicè capite plecti curauit. Eorum  
mortem quidam Nobilis *Pomeranus Hippolitus Wedil*, vlcifci  
cupiens, quòd eos ſibi ſanguine coniunctos diceret, Inimicum  
ſe *Elbingenſibus* palam profeſus, *Nicola* illi *Tolkemito* diu in-  
fidias ſtruxit. Tandem cùm *Wormdittum Braunsbergam* profici-  
ſceretur, inter *Kirckhaufen* & *Bornitte* pagos, eum cum ſeptem  
benè inſtructis Equitibus adortus, vtràq; manu abſciſſâ, & ali-  
quot vulneribus inſiſtis, pro mortuo reliquit, merces omnes,  
& ſeptingentas paratæ pecuniæ marcas abſtulit; quæ ſpolia vt  
cum ſocijs partiretur, celeriter ad partem *Klefeldtum* verſus  
conceſſit. Interea *Bornitteneſes* ruſtici ſuperuenerunt, & *Nico-  
lao* adhuc ſemiuiuo reperto, eum *Wormdittum* reduxerunt, vbi  
diligenti curâ adhibita, ſanitatem poſtmodum, manibus dun-  
taxat exceptis, recuperauit.

Mercator *El-  
bingenſis* ſpo-  
liatur.

Prædatores  
duo puniuntur.

Horum mor-  
tem vlcifcitur  
*Wedil*.

Porro *Chriſtophorus Pfaff* Burgrabius *Melſacenſis*, cùm de  
latrocinio huiusmodi per ſuos certior eſſet factus, ſtatim ali-  
quot Equitibus comitatus, *Klefeldtum* aduolauit, vbi cùm *Hip-  
politum* prædam diuidentem, & numerandâ pecuniâ occupa-  
tum reperiffet, eundem in poteſtatem redegit, ſamulos autem  
eius, qui ſeſe armis tuebantur, omnes interfecit. *Hippolitus*  
ipſe ſic captus, *Heilsbergam* miſſus, & in carcerem propè Iuni-  
orum Famulorum manſionem, coiectus fuit.

Capitur *Hip-  
politus Wedil*.

In carcerē in-  
truditur.

Offendit ea res Ordinis Teutonici Fratres, adeò vt de-  
nunciatis Epifcopo, & Capitulo palam inimicitijs, multa eorum  
Bona vaſtauerint, Villas & Pagos plurimos exuſſerint. Cumq;  
per literas Epifcopus, apud Magiſtrum perficere non poſſet, vt  
eiufmodi Populationes & incendia prohiberet, ipſemet adex-  
tremum, cum Conſiliarijs, & familiaribus ſuis *Regiomontem* pro-  
fectus, rogauit Magiſtrum, vt eiufmodi furta, rapinas, & da-  
mna, à miſerorum Colonorum ceruicibus auerteret, & Pacis Bo-  
næq; vicinitatis lura, ſanctè coleret, ne iſta ſuorum inſolentia,

Bona Epifco-  
patûs depræ-  
duntur.

Epifcopus *Re-  
giomontē* que-  
ſalaturus ve-  
nit.



Excipitur hu-  
maniter.

Hippolitus è  
carcere dimit-  
titur & mori-  
tur.

Reconciliatio  
Episcopi su-  
specta.

Aggravat. su-  
spicionem in-  
consideratus a-  
gus.

Effectus pessi-  
mus.

Rex bellum  
denunciat Ma-  
gistro.

Firleium Ge-  
neralem Du-  
cem belli insti-  
tuit.

res in deterius ruant. Excepit Magister Episcopum humani-  
ter, & quietem in vicinatu servare promisit, dummodo *Hippo-  
litus* è carcere dimittatur, & quæ illi ablata fuerunt, restituan-  
tur: Quod etiam factum est. Cæterum *Hippolitus* è carcere,  
in quo diu latuit dimissus, aëris repentinam mutationem non  
ferens, altero statim die mortuus est.

Dolenter admodum ferebant *Poloni*, hanc Episcopi cum  
Magistro reconciliationem. Quamobrem Episcopum nomi-  
ne proditoris passim proscindebant: & in posterum parum  
se illi fidere, non obscurè testabantur. Porro ad illam Pacifi-  
cationem non parum ea quoq; res momenti attulit. Immise-  
rat in Episcopatum Rex, non paruum militum numerum, qui  
excursiones & insolentias Teutonicorum auerterent. Hi cum  
*Bartsteinum*, *Schippenpilum*, & *Fridlandum* occupare constitu-  
issent, missa fuit *Bartsteino* Matrona *Romelsche*, quæ coniu-  
ctissimè cum Episcopi Matre, cuius nutu gubernabantur tunc  
omnia, vivebat, ad eam ipsam Matrem, ut ab Episcopo obti-  
neret, ne Militem *Polonum*, in Ditionem Magistri eruptionem  
facere fineret. Res ita per Mulieres acta est, ut *Polonus* ad  
Episcopi persuasionem, à damnis Ordini inferendis abstineret,  
& ad sua reuerteretur: qui statim ut excessit, Ordinis satellit-  
es Episcopatus Bona, adeò flammâ vastauere, ut vix triginta  
villæ, tantam hanc calamitatem potuerint euadere.

Cum itaq; Rex certis & eidentibus, omni ex parte ar-  
gumentis, intellexisset, quòd Magister debitum illi homagi-  
um præstare detrectaret; & quòd cum *Moschouitis*, *Danis* &  
nonnullis *Germania* Principibus, contra *Polonia* Regnum se-  
cretò conspirasset, & morte *Maximiliani* Cæsaris subsequen-  
te, militem per Germaniam conscribi curasset, habitis Regni  
Comitijs, per nonnullos Capitaneos, missis publicis literis,  
eum Hostem Patriæ declaravit, bellumq; illi denunciauit: Ge-  
nerali Exercitûs Duce constituto, Domino Palatino Sandomi-  
riensi *Nicolao Firleio*, cui dedit in mandatis, ut Op-  
pidis & Ciuitatibus Episcopatus *Varmien*, Præsidarios *Polonos*  
Milites imponeret, quò ex propinquo Bellum facilius Ordini  
Ditioni valeret inferre. Non latebant ita Magistrum, qui  
*Firleij* Ducis anteuertenda Consilia ratus, *Braunsbergam* eo ut  
sequitur modo occupauit.

ACTA ANNI 1520.

Magister ut celeritate rebus suis consulere, rumorem

omni-



omnibus sermonibus euulgandum curauit, quasi Regiæ Maiestati præstare homagium constituisset. Et quoniam per Ciuitatem *Braunsbergensem*, iter illi faciendum erat, si *Braunsbergenses* illi transitum liberum denegarent, se culpam omnem homagij non præstiti, in eos reiecturum. Itaq; trecentos Equites egregiè instructos, partim *Heiligenbeilum*, partim *Einsiddelem* pramisit, & hospitia hinc inde, etiam vltra *Braunsbergam*, præparari iussit, quò facilius crederetur, illum omninò ad Regiam Maiestatem profecturum.

Fingit se homagium præstiturum Magister, vt decipiat.

Magistratus autem *Braunsbergensis*, de ijs die *S. Thoma* certior factus, in Prætorio consultationem habuit, num Magister in Ciuitatem admittendus esset, cui Maiestas Regia Belum jam denunciauerat. Nonnulli suadebant stipendiarium Militem, vel *Polonos* ad defensionem Ciuitatis, accersendos. Alij sentiebant *Polonos* nullâ ratione admittendos, quòd insolentes & valdè graues Ciuibus futuri viderentur, Magistro potius liberam facultatem transeundi concedendam. Alij, Magistrum nullâ ratione intromittendum censebant, quem Regia Maiestas pro hoste declarasset, alioquin Proditionis crimen illis obijci posse, & in eos seuerè animaduerti; expectandum potius eorum Dominum *Fabianum* Episcopum, qui pro festo Circumcisionis ex *Elbingensibus* Comitijs, *Braunsbergæ* affuturus esset. Hæc cum non ignoraret Magister, vt sub aduentum Episcopi *Braunsbergæ* compareret, pridie Circumcisionis *Heiligenbeilum* venit, manè autem horâ septimâ per densissimam nebulam, cum trecentis Equitibus, & nonnullis peditibus, *Braunsbergam* per molarem pontem, aduolauit, nemine in custodia turris & portæ comparente, præter *Philippum Tetschner* Consulem, quo conscio hæc acta fuisse ferebantur. Magistri ingressus, arcem seu circulum Ciuitatis occupauit, tympanorum & tubarum sonitu omnia compleuit. Ipse cum aliquot præcipuis, versus Ecclesiam properauit, vbi tunc Processio peragebatur, & Magistratu, & Primoribus communitatis aduocato, iussit vt se in Arcem sequerentur, postulata ipsius audituri. Erat tum in Arce *Fabianus* de *Maulen*, *Varmiensis* Episcopatus Generalis Aduocatus, qui sororem germanam *Fabiani* Episcopi habebat in Matrimonio, & erat Magistri Vasallus. Burgabij autem officium gerebat quidam Sacerdos, nomine *Petrus*, qui tum erat in templo. Cum ad Arcem accessisset Magister, clausam reperit, & inclamauit, *Fabianelle* (inquiens) aperi. *Fabianelle*? Qui statim egressus misericordiam implorauit,

*Braunsbergenses* consultant de transitu concedendo per Ciuitatem Magistrum.

Pro & contra rationes.

Aduentum Episcopi Magister præuenit.

Dolo Ciuitatē ingreditur.

Milites in foro locat.

Ad arcem progreditur.

Aduocatus Arcem tradit.



Adigit Magi-  
stratū & Com-  
munitatem ad  
fidelitatis iura-  
mentum.

Denegant o-  
mnes.

Fictio Magistri  
falsa.

Renunciari Ma-  
gistratui iubet.

Dolo & im-  
posturā decipi-  
untur Cives.

Victi persuasi-  
onibus iurant.

Braunsbergen-  
siū descriptio.

Fabiani Ingra-  
titudo.

Similis Tesch-  
neri gratitudo

Diffidit Civi-  
bus illos disar-  
mat.

& portam Arcis Magistro patefecit. Ille institit, vt Magistratus & Communitas Iuramentum Fidelitatis illi præstaret, id vt facerent, adduci non potuerunt, asserentes, quod pro Domino, Episcopum & Ecclesiam *Varmiensem* agnoscerent; quibus quandoquidem Iuramento essent obstricti, saluā conscientia, in alterius cuiusvis Domini verba, jurare nullā ratione possent. Ad hæc Magister respondit, Concessam sibi esse à Pontifice Maximo facultatem, & ita cum Episcopo eorum Domino conuenisse, vt hanc ipsam, & alias itidem *Varmiensis* Episcopatus Ciuitates, in potestate haberem, easq; à *Polonorum* injurijs defenderem. Quamobrem vel omnino iurandum, vel certè moriendum sibi esse scirent. Illi verò in genua procumbentes, orabant, vt eos liberos abire permitteret, quod concedere noluit; sed accersito *Fabiano* de *Maulen* Aduocato, & *Philippo Teschnero* Proconsule, renunciari Magistratui & Ciuium communitati iussit; Dominum Episcopum cum Magistro, apud *Balcze* ita conuenisse, vt si Belli necessitas incumberet, Magister Oppida Episcopatus occupare, eaq; tueri & defendere, quousq; negotium componatur, posset. Paratum esse Magistrum, Domini Episcopi consensum, super ea rem scriptis, alio tempore Ciuibus exhibere; Nunc verbo Principis illis promittere, quod nec vnus Capilli, nec oboli quidem iacturam subituri essent, si imperata faciant. Quamobrem si sapiunt, & sua illæsa cupiunt, eiusmodi Iuramentum præstare ne detrectarent. His & alijs persuasionibus inducti, ad extremum in verba Magistri iurarunt.

Atq; hi sunt illi *Braunsbergenses*, qui Anno 1459. eruptione facta, tria *Bohemorum* millia ceciderunt: Qui Anno 1588. sacerdotalis Belli tempore, septem millia *Polonorum* dissipauerunt: Nunc verò tam turpiter, ab exiguo hostium numero, se circumueniri passi sunt. Sed & *Fabianus* de *Maulen*, pro tot beneficijs, egregiam Affini suo Episcopo gratiam retulit. *Philippus* quoq; *Teschner*, qui ex quadam Puella nothus *Lucæ* Episcopi, dum olim Ludimagistrum *Thorunæ* ageret, & postmodum, eodem *Lucæ* creato Episcopo, promotore vsus, Diuitis *Braunsbergensis* Ciuis *Czanderti*, Filiam vxorem adeptus, atq; ita sensim, è stercore ad Consulatûs apicem, euectus fuerat, præclaram animi grati, versus Episcopi successorem, testificationem scilicet edidit. Quamuis autem *Braunsbergenses* Magistro Fidelitatem iurassent, quoniam tamen facile videbat, id eos illibenter fecisse, parum illis fidebat, & arma quæcunq;



domi habebant, in Arcem eos deferre iussit, quibus eos se defensurum pollicebatur. Edixit etiam, ut ne Ciues Cætus aut Congregationes vllas facerent. Reuerendum *Petrum* Burgrabij officio priuauit, & in eius locum *F. Bertoldum* de *Altmanshoffen* substituit; Ciuitati Præsidium è centum *Regiomontanis* bene instructis Ciuibus, imposuit; quibus Capitaneum *F. Simonem* de *Dohnen* præfecit; Militem per domos ciuium disposuit, ut iuxta facultatem, duos vel tres quilibet aleret, qui maximam molestiam hospitibus inferebant. Ut Ciues in officio contineret, ingens patibulum, in medio fori iussit erigi, si quis vel minimum rebellionis, aut inobedientiæ signum daret, ut absq; omni Misericordiâ, statim suspenderetur, promulgauit. Præterea, ad septingentos selectiores milites è suis, *Braunsbergam* accersuit, qui tempus & occasionem expectarent, occupandæ Ciuitatis *Elbingensis*.

Porro *Fabianus* Episcopus, bonæ cuiusdam sortis beneficio, propter profundas niues, *Braunsbergam* pridie Circumcisionis venire non potuit, sed *Elbingæ* se continuit. Calendis autem Ianuarij, cum eò proficisceretur, accepit in itinere à *Fabiano* de *Maulen*, & *Philippo Teschnero* literas, quibus illi significabant, Magistrum specie Amicitæ Ciuitatem occupasse. Respondit breuiter Episcopus, illos, quàm rectè hoc fecerint, paulo post intellecturos, & *Elbingam* redijt. Posterâ die *Heilspergam* celeriter accurrit, ubi Magistriliteras, eo die quo *Braunsbergam* in potestatem redegit, valdè humaniter & amicè scriptas reperit; quarum hæc erat summa. Quandoquidem in colloquio vtrinque habito, conclusum & definitum esset, ut necessitate instante, Magister Episcopatum defenderet, idèò *Braunsbergam* se occupasse, ne in ea *Poloni* sedem Belli poneret, & inde damna Episcopatu, & Ordinis ditionibus inferre possent; se orare ut Episcopus locum & tempus assignaret, in quo coram de his & alijs rebus, conferre illis liceret. Excusauit se per literas Episcopus, cur ipse venire non posset, missurum se tamen duos Canonicos *Braunsbergam*, qui cum eius Consiliarijs colloquerentur. Cum venissent *Braunsbergam* Canonici, reppererunt ibi Fratrem *Simonem* Dominum in *Heideck* qui eos (ita fertur) alloquutus: Princeps meus & Dominus Clementissimus, renunciari vobis per me iussit, quòd Pontifex Maximus, eum Protectorem ac Defensorem, Episcopatus & Ecclesiæ *Varmiensis*, constituerit ac deputauerit; quam rem successu temporis, productis suæ Sanctitatis diplomatibus, osten-

Collocutiones vetat.

Burgrabiū instituit.

Militem per domos disponit.

Patibulum in foro erigit.

Occupandæ Elbingæ inhiat.

De occupata Braunsbergæ certior redditur Episcopus

Heilspergæ Episcopus accurrit ubi literas Magistriliteras offendit. Tenor literarū

Responsum Episcopi.

Canonici duo Braunsbergam veniunt.

Quos alloquitur F. Simon facta proponēs



Reſpoſum Ca-  
nonicorum.

Varmia exuri-  
tur.

Præſidarij  
Braunsbergen-  
ſes, Ciues male  
tractant. Con-  
queruntur. a-  
pud Magiſtrū.

Inculpan-  
tur à  
Præſidio.

Comprehēdun-  
tur, Ciues &  
Regionē ſtem  
abducuntur.

Interdicitur v-  
ſus campana-  
rum.

Eccleſia occlu-  
ditur.

dere & comprobare paratus eſſet; Nunc à vobis poſtulat, vt ei, ſubditorum in morem, Fidem & Obedientiam in manibus meis iuretis. Reſponderunt Canonici, ſe quidem hoc tempore præſtare id non poſſe, quandoquidem Domini Capitulares, apud Eccleſiam præſentes non deſſent; daturus ſe operam, vt primo quoque tempore conueniant, & conſultatione factâ, ſe reſponſum allaturos. Ita diſceſſerunt nec amplius reuerſi ſunt. Quamobrem octauo poſt die, miſit Magiſter ſuos Milites *Varmiam*, qui Oppidum & Curias Canoniconum (quorum nonnulli *Allenſteinum*, alij *Elbingam*, alij *Gedanum* conceſſerant) incenderunt & exuſſerunt, Antonianorum Hoſpitali excepto, qui in verba Magiſtri iurauerant. Paulò poſt Rex Eccleſiam Cathedralē, miſſo centum equitum, totidemq; peditum, Præſidio communiuit. Cæterum Miles, quem *Braunsbergæ* Magiſter reliquerat, adeò indignè & malè Ciues tractabat, vt Magiſtratus, de tot iniurijs, apud Magiſtrum grauiter conqueſtus, ab eo humaniter petierit, vt eius inſolentiam compesceret. Hic Miles caput conqueri & iactare, niſi tam ſincere cum Magiſtrato ageret, pridem potuiſſet, Ciuitatem *Chriſtophoro Pfaffio*, Burgrauio & Aduocato *Melfacenſi* tradere, quandoquidem plures claues ad portas Ciuitatis haberet, quàm illi, Capitaneo Magiſtri, conſignaffent. Scripſiſſet etiam vnâ cum *Petro* quondam Burgrauio, ad eundem *Chriſtophorum Pfaffium*, vt *Polonos* accerſeret, quibus Claues Ciuitatis, vt eâ facilius potiretur traditurus eſſet. His cognitis Magiſter, diligentius inquirere cepit; & reperit claues nonnullas, quæ non recens factæ, ſed ab antiquo in Prætorio aſſeruabantur, & eâ re exacerbatus, maximè verò, quod antea *Braunsbergenſes* Militem Præſidarium ciuitate eieciſſent, alium ſuo tempore introducturi; Comprehendi ſtatim omnes Ciuitatis Senatores iuſſit, & fune ligatos, binos & binos *Regiomontem* deduci; in eorum autem locum, nouum Senatum ſubſtituit, qui coactus, obedientiam ei iurauit, neque tamen claues Ciuitatis illi concedidit: vtque tumultus excitandi, omnem amputaret occaſionem, interdixit ne quis vllam campanam, ſiue in turri, ſiue in Eccleſia, attrectare accederet.

Et quoniam intellexerat, Canonicos *Varmienſes*, & nonnullos Rurales Parochos ac Sacerdotes, in Eccleſia Parochiali *Braunsbergenſi*, aliquid pecuniæ & argenti recondidiſſe, iuſſit eam ipſam Eccleſiam occludi, & claues ad aſſeruandum ſibi deferri. Ea res Vicarios & alios Sacerdotes vehementer of-

fendit.



sendit, quòd Officia Diuina exercere non possent, & hinc inde conquerebantur de Magistro, quòd in munus illorum sese ingereret, & campanarum vsum prohiberet. Pleriq; etiam lamentabantur, Fratres suos ligatos *Regiomontem* abductos; tum alios, propè *Liebe* molam, interemptos: Nam isthuc *Braunsbergenses* nonnullos, Magister miserat, vt contra *Polonos* Ciuitatem tuerentur, qui ad vnum omnes interfecti fuerunt. Querele istæ ad Magistri aures delatæ, eum ita exacerbârunt, vt statim *Petrum*, qui antea Burgrauij munus gerebat, comprehendijusserit, & vnâ cum focariâ suâ colligatum, in aliorum Parochorum ruralium & Sacerdotum comitatu, *Heiſſpergam* ad Episcopum, summâ cum ignominia propelli & deduci iusserit. Ne autem *Braunsbergenses* Parocho carerent, *Laurentius Gældria* Dux appellatus, Magistri mandato, è carcere liberatus, & Ecclesiæ Rector constitutus fuit. Hunc Sacerdotem Episcopus ad perpetuos carceres, in aqua mæroris, & pane doloris, sustinendos, condemnauerat, quòd toto triennio ante bellum, cum Magistri satellitibus, latrocinij, cædibus & furtis, per summum scelus, sese contaminauerat. Quamuis autem Sacerdotes, ita vt supra memoratum est, eiectioni fuerant, didicit tamen Magister, quonam loco eorum pecunia defossa, seruarietur.

Sub idem tempus, Magister cum intellexisset ditiores rusticos, è vicinioribus pagis, bona & facultates suas, *Melsacum* comportasse, die 9. Febr. cum suis eo *Braunsbergâ* excurrit, & statim intromissus est, quòd nullis præfidijs Ciuitas teneretur. Inde ducenta vehicula varijs rebus, quas *Coloni* securitatis causâ, in Ciuitatem aduexerant, onerata, *Braunsbergam* abduxit, relictis nonnullis bellicis tormentis, cum iaculandi peritis, qui *Polonos* si superuenirent, à muris arcerent.

Porro Feriâ quintâ ante Dominicam Inuocauit, *Poloni* Duce *Firleio*, *Zaremba* & *Achatio Cema*, apud *Melsacum* compa-ruerunt, & vt in Ciuitatem intromitterentur, institerunt. Responderunt Ciues, se à Magistro præoccupatos, fidem suam illi iuramento obligasse, nec alium Dominum se admittere posse.

Hoc respõso offensi *Poloni*, suburbia Ciuitatis incêderunt, & circûcirca non leuia damna *Coloni* intulerunt, obsessi tormenta bellica, quæ Magister reliquerat, in eos exonerabât, absq; vlllo hostiû detrimento, qui tandè vehementi impressione factâ, ciuibus vltra resistere posse diffidentibus, Ciuitate potiti sunt. Sic *Poloni* Ci-

Diuina cessant

Episcopus mul-  
torum.

Exacerbatus  
Magister.

Sacerdotes li-  
gatos Episco-  
po remittit.

Laurentiû sce-  
lestissimum, s.  
Parochum cõ-  
stituit.

Cõportatas fa-  
cultates Melsa-  
cum, abducit.

Melsacenses cõ-  
tra *Polonos* re-  
lictis tormen-  
tis animat.

Melsacenses *Po-  
lonos* intro-  
mittere nolunt.

*Poloni* subur-  
bia incendunt.

Ciuitate poti-  
untur.

uitatem



uitatem ingressi, omnes ad vnum Ciues trucidare volebant, quod illis resistere ausi fuissent. Sed *Achatius Cema* germanorum Praefectus, parcendum esse miseris, qui à Magistro altu circumuenti essent, facile persuasit, quamuis insolentiam militis ferre necesse habuerunt, quos etiam eò adegerunt *Poloni*, ut denuò Venerabili Capitulo *Varmienfi*, tanquam proprio & naturali Domino, Fidem & Obedientiam iurarent.

*Poloni* Ciuitatis custodia cōcreditā Ciuitate irruunt in Polonia Magistri.

*Tormenta remittunt Magistro, Cines cōtra fidē datum*

*Plectuntur Capite septem.*

Perrò cū omnia *Poloni* in Ciuitate consumpsissent, in Ditionem Magistri impressiōem fecerunt, custodiā Ciuitatis *Melsacensibus* relictā & concreditā. Sed Parochus statim persuadere illis cepit, ut iterū Magistro se dederent, quod à *Polonis* nihil aliud, prāterquam damna habituri viderentur; eius sententiā reclamabant nonnulli, sed plures tamen sequenti Parochum, *Braunsbergam* ad Magistrum tormenta, quae illis mutuò dederat, remisissent. Non multò post Regius miles reuersus, machinas eiusmodi requisivit; cūque rem ut erat acta intellexisset, septem è Magistratu comprehensos, in foro capite plecti iussit, nonnulli per murum elapsi, fugā salutem quæsiuerunt. Postea Ciuitas miserè direpta, Parochus secretò foras abductus; mouit inde Exercitus, duobus Capitaneis cum trecentis militibus relictis.

*Magister recuperat vi Ciuitatem.*

*Cecidit Polonos. Ciuitatem exurit.*

*Septem horis in expugnatione consumptis*

Non multò post venit Magister ante Ciuitatem, & vi tormentorum, pinnas murorum cum turri, versus ortum solis deiecit; Irruptione factā, *Poloni* omnes, qui se egregiè defendebant, interfecti sunt, nec Capitaneis quidem saluis, duo tamen Nobiles, qui ordines ducebant capti, sunt abducti. Cæsis *Polonis* Magister, ciuitatem incendi iussit, quæ vnā cum cadaueribus in cineres redacta, habitatoribus & ædificijs, metu *Polonorum*, vacua & pænè desolata, multo tempore remansit. Magister cū in expugnatione septem horas insumpsisset, egregium & Nobilem Virum *Ioannem de Leiden*, quo in explendis bellicis tormentis, principali artifice utebatur, cum duobus famulis, & quatuor rusticis, globo missili traiectum amisit, multi in ascensu muri vulnerati, ad triginta verò, ex eiusdem Magistri militibus, cæsi fuere.

*Exercitus Polonus Braunsbergam obfidiōne cingit.*

Feriā secundā post Dominicam Cantate, *Firleius & Zarembo* cum Exercitu *Braunsbergam* venerunt, & ex improviso nonam ciuitatem adorti, nonnullos rusticos miseros, cum vxoribus & liberis trucidarunt, Ciuitatem verò ipsam, & vicinam Molam, iniecto igne exusserunt, quo tempore etiam, circiter quadraginta *Poloni*, ictu sclopetorum è Ciuitate veteri petiti,



occisi fuerunt. Inde recedentes, castra propè arborem iaculatoriam posuerunt, & in obsidione Ciuitatis ad aliquot tempus perseuerauerunt, quamuis absque fructu: nam Magister milite, tormentis, & commeatu, Ciuitatem egregiè muniuerat; præsertim verò bonam iumentorum quantitatem, quam ex Episcopatu hinc inde collegerat, inter Ciuitatem & *Passariam*, in campos sub sclopetariorum custodia, emiserat, quam intempestâ nocte *Polonorum* Hussari adorti, abduxerunt; eiacula in eos tormenta, neminem læserunt, præter vnum vitulum. Erumpentes è ciuitate postea centum Equites, eos insequuti, cum illis parùm feliciter decertârunt: nam ex illis circiter quadraginta, ex Hussaris vndecim tantùm, perierunt.

Sed absq; fructu.

Excursio è Ciuitate cæditur

Cùm itaque viderent *Poloni* se apud *Braunsbergam* frustra tempus terere, obsidione solutâ, *Regiomontem* versus commigrarunt. Non multò post vbi Rex accepisset, nullum operæ precium apud *Braunsbergam* factum, arbitratus id culpâ Ducum euenisse, quorum vterque senex & debilis fuerat; vtrumq; *Firleium*, videlicet, & *Zarembam* loco mouit, & *Ianuskium* generalem Capitaneum constituit, adiuncto illi *Koscielecio*, quibus iniunxit, vt denuò *Braunsbergam* obsidione cingerent, quod etiam fecerunt, sed nullo planè vt antea fructu; tormenta bellica, absq; ciuitatis aliquo notabili damno explosuerunt, fastigium tantum turris campanarum, & tectum concusserunt, & campanæ maioris partem, ictu validiore confregerunt. E contra *Braunsbergenses*, è fastigio turris eiusdem in castra *Polonorum* prospectantes, & quæ agerent studiosè obseruantes, exoneratis æneis Machinis, eorum conatus disturbabant, cumque viderent, eos non magnam rerum suarum curam agere, *Petrus de Dohnen* Capitaneus, cum quadraginta Equitibus & centum viginti Peditibus, inopinatò in Castra *Polonorum* erumpens, duos præcipuos *Bobemica* gentis Capitaneos, Dominum *Sutkam* & *Weybersnicki*, ac circiter quingentos milites vallo exturbârunt, vbi in fuga decem Nobiles *Bohemi*, & ex *Polonis* multi perierunt, tormenta rotis imposita in Ciuitatem abducebantur, cùm in castris clamore exorto, Germani velites, nempe *Christophorus Pusch*, *Osualdus Boks* cum cæteris æqualibus (qui ante bellum, propter violentias quasdam, Magistro inimicitias denunciauerant) maximâ celeritate, *Braunsbergenses* prosequuti, tormenta eadem ipsis ademerunt, quadraginta duobus militibus ibidem interfectis, reliqui fugâ elapsi, & in ciuitatem reuersi, intra muros sese continuerunt,

Relictâ obsidione versus *Regiomontem* commigrant.

Reuocatur *Firleius* cum *Zaremba*, *Ianuskus* cum *Koscielecio* substituitur. Iterum *Braunsbergam* obsidione cingitur, nullo itidem fructu.

Excursio è Ciuitate damnū infert.

Sed repulsam cum maiori damno reportauit.



& in castra subindè absque vllâ intermissione, globos ita sa-  
culati sunt, vt inde abscedere *Poloni* coacti fuerint.

Tartari à Ma-  
gistro cædun-  
tur.

Die *Sancti Bartholomæi*, Magister euocato suo milite *Bart-  
steino*, *Schippenpilo*, *Regeno*, *Rastemburgo*, magnâ celeritate vsus,  
die insequentis noctu *Resseliâ* peruenit, vbi in septingentos  
Tartaros incidit, quorum sexcenti sunt interfecti, cum præda  
copiosa etiam sexcentos equos abegit.

Magister Epi-  
scopo hostili-  
tatem denun-  
ciat.

Sub idem tempus Magister, Episcopo *Fabiano*, quod eius  
inimicos in Episcopatu suo foueret, per literas publicas inimi-  
citas denuntiavit, quas ille statim ad *Ianuski Polonicarum Co-  
piarum Ducem*, & ad ipsam Regiam Maiestatem misit, orans  
vt Præsidij *Heilspergam* contra Magistri insultus armarent, qui  
non contemnendam Militum manum, ex *Bohemis Polonis* & *Pru-  
theis* eò celeriter misit.

Heilsperga à  
Magistro ob-  
sidetur.

Ignis pilis af-  
fiduo impeti-  
tur.

Feriâ Sextâ post festum *S. Lucie*, venit Magister *Heilsp-  
gam* cum septem millibus virorum, & tormentis bellicis præ-  
stantioribus, eamque vno & dimidio mense obsedit, singu-  
lis ferè diebus, ad sexcentas igneas pilas emittebat, vt ciuita-  
tem exureret, quæ ita erant piratæ, vt singulis pilis, duode-  
cim bombardæ minores, vnius palmi longitudine, alligerentur;  
cumque eiusmodi pila alicubi decidisset, ardebat, & intra vni-  
us *Aue Maria* moram, minores illas bombardas exonerabant;  
quæ vt absque damno Ciuitatis aliquo extingui possent, *Geor-  
gius Preuckius*, recens totius Episcopatus Aduocatus & Capita-  
neus, ex Curia Marschalco creatus, Vir magnanimus & Miles  
strenuus, feriò præcepit in tectorum canalibus, & superiori æ-  
dium parte, vnusquisque Ciuium quatuor aquæ Vasa, & in  
quolibet vase, corium bouis madefactum haberet, quo proie-  
cto, pilæ igneæ extinguerentur, atq; ita factum est, vt nullum  
damnum globi huiusmodi, ædificijs inferre potuerint, exceptâ  
domo *Knobeldorffij Georgij*, in quam vnus ferreus & candens  
cum decidisset, tecto & tabulato perforato, in vaporarium vsq;  
inferius peruasit; vnus itidem globus similis in Episcopi cubi-  
culum irupit; lactus quilibet eiusmodi globorum, æstimaba-  
tur viginti marcis, ita vt pro comperto haberetur, Magistrum  
machinis huius generis explodendis, apud *Heilspergam* XV.  
Marcarum millia insumpsisse.

Quanti con-  
stent eiusmodi  
explosiones

Muram vi tor-  
mentorum de-  
iecit.

Porro cum videret Magister, quod pilis igneis ciuitatem  
accendere non posset, murum Ciuitatis cum duabus turriculis,  
longitudinis circiter triginta, altitudinis nouem cubitorum se-  
ptemtrionem versus, vi missilium tormentorum deiecit, & mi-



liti statim præcepit, vt in Ciuitatem irrueret, qui etiam si paratus erat, tamen ire recusauit, primò quod ante murum erat fossa, itidem muratæ profunditatis cubitorum viginti; quæ multo labore prius erat complananda, deinde quòd à multis mensibus stipendium non acceperat, nec honorarium expugnationis re-  
tulerat; itaque noluit vt luri militari, aliquod præiudicium in-  
ferretur, quod vsu receptum habet, vt qui in hebdomadam, vnum florenum stipendij percipit, huic antequam ad murum accedat, duo floreni numerentur: & qui plus habent vt Capi-  
tanei, Signiferi, & similes, ij primi ad murum comparere de-  
bent. Quamuis autem verbo Principis, Magister se militi satis-  
facturum polliceretur, nihil tamen iuuit hoc; sed subinde miles  
vociferabatur, pecunia nobis debetur, pecuniam nobis repræ-  
sentent nequam cruce signati Monachi, alioquin nihil faciemus,  
discedemus. Hæc sæpius Magistro renunciari fecerunt, quæ  
Magistrum malè habebant. *Preuckius* autem perforatam &  
deiectam muri partem, statim terrâ & fimo, ita obstrui curauit,  
vt quosuis impetus facilè sustinere posse videretur, muris etiam  
intra ciuitatem fossam altam addidit, & militem expansis signis  
ad conflictum egregiè instructum, à Noua Ciuitate vsque ad  
forum, decenti ordine disposuit, vt hosti obijci statim & resi-  
stere posset.

Ad assaultum  
militem cogit.

Miles ob non  
perfoluta sti-  
pédia recusat.

Nec verbo  
Principis cre-  
dit.

Interim deie-  
cta pars muro-  
rum obualatur

Ordo bonus in  
Ciuitate.

Tertiâ demùm nocte, validus turbo, & tanta tempestas  
aeris repentè exorta est, vt hostibus terra dehiscere videretur.  
Quamobrem summo timore attoniti, hinc inde palantes, di-  
scurrere & versus Regiomontem fugere cæperunt, Curribus,  
lanceis, bombardis, armis & similibus impedimentis relictis,  
immò ollis etiam apud focum, & alijs esculentis ac poculentis.  
Ferebatur tum Magistrum ad *Heilspergam*, ad mille sexcentos  
homines amisisse, quorum maior pars, è summitate altioris  
turris Bohemi pixidarij globis missilibus prostrata fuit, pars  
etiam crebris excursionibus inopinatè, per *Georgium Pruncki-  
um* deleta.

Tempestas in-  
gens miracu-  
lose fugat ho-  
stes.

Numerus ex-  
forum.

Anno 1521. paulò ante carnispruij dies, *Sichauus* acce-  
pto Magistri milite, *Gutstadium* contendit, sperans se Ciuita-  
tem per prodicionem occupaturum. Sed quoniam illic Præsi-  
dia *Polonica* erant, Proditores cogitata perficere non potue-  
runt. Itaque è monte versus *Glottauum*, tormentis muros  
quaterere cæpit, è contra Canonici, præsertim verò *Fabianus  
Emerichus* cum nonnullis, è summitate turris Ecclesiæ, ita pe-  
ritè iaculabatur, vt in monte ad septuaginta duo ex hostibus

Glottauum ob-  
sessum.



perierint. Ipse *Sichavius* grauiter laesus, octauo post die decessit, & *Regiomonti* sepultus est.

Arte & dolo  
occupatur.  
Casi in Ciuitate  
vix non omnes.  
Paucis elapsis.

Canonicus capi-  
tur cum Pri-  
uilegijs Capi-  
tuli.

Porro cum viderent hostes vi Ciuitatem expugnari non posse, clam noctu inter scholam & portam, turrim quandam occuparunt, & inde ex improviso erumpentes, *Polonos* omnes trucidarunt; Insuper rusticos propè quingentos, qui securitatis causâ, cum facultatibus suis ad Ciuitatem confugerant: Ciuues præterea non paucos, ita vt Ciuitas cadaueribus repleretur, multi tunc potuissent per *Wormditem* portam, cladem hanc euadere, si consul *Vngerman* dictus aperi iussisset. Canonici per Molendini portam *Allensteinum* se subdixerunt, *Martino Gross* excepto, quem hostes in potestatem redactum, cum Priuilegijs Capituli, & trecentis Marcis Argenti, *Regiomontem* ablegarunt. Milites tormentorum ictibus, vt supra dictum est, caesos ritu Catholico in Ecclesia sepelierunt, *Polonorum* & rusticorum caesorum cadauera, extra Ciuitatem humari præceperunt.

Wormditum  
oppugnatur.

Deditionem  
facit.

Deditione of-  
fenditur Rex  
proscribit Ca-  
pitaneum.

Scheburgum  
exurit.  
Wartemburgum  
inundatio a-  
quarum saluat

Allensteinij  
Villæ exuruntur.

Fama de Mor-  
bo Magistri.

Feriâ tertiâ ante Festum S. Catharinæ, *Magister* ad Expugnationem *Wormditi* accessit, & cum murum ciuitatis propè balnei piscinam, non mediocriter labefactasset, difficile tamen fuit militi, per aquas ad murum accedere. Non multo post, communicato inuicem consilio, Capitaneus *Polonus* & *Iohannes Gersaw* Consul, deditionem Magistro spontè fecerunt, eâ conditione, vt militibus liberè liceret oppido excedere. Incolis verò nihil damni inferretur. Quod etiam factum est. Deditio hæc adeò Regem offendit, vt Capitaneum illum, Infamem pronunciauerit & proscripserit. *Magister* apud *Gersawium* Consulem hospitatus, gratitudinis ergo, Bona *Stellen* in *Libestaten* tractu, illi concessit & donauit. Ex oppido *Scheburgensi*, *Magister* nihil lucri reportauit, sed illud incendi iussit. *Wartemburgum* propter aquarum copiosam inundationem, oppugnare non potuit, sed tormento semel exploso, num se Incolæ dedere vellent, frustra tentauit. Inde abscedens *Allensteinum* mouit, sed nullum operæ precium fecit, septem tamen villas incendio vastauit.

Sub hoc idem tempus, fama publica percrebuerat, quòd *Magister* Lunaticus euaserat, & non temerè id affirmabatur. Nam quandoque solus, quandoque duobus vel tribus tantum comitatus, pagos incendebat; Præcipuè verò *Scheßlum* solus exussit, ne *Poloni* statua habere isthic possint. Credibile est eiusmodi affectionem illi euenisse, ex animi quadam anxietate,

quòd



quòd necessitatis huiusmodi Bellicæ tempore, nec milite, nec pecuniâ à quoquam ex *Germania* subleuatus fuerit, nec modum & rationem inueniebat, quâ stipendia emerita, quibus debebat persolueret. Quamobrem Principes nonnulli *Germani*, fratres præsertim & affines eius, apud Regem obtinuerunt, vt illi inducias ad quadriennium concederet.

Ex defectu  
nerui bellici.

Indueat ad  
quadriennium

## LV THERANISMI INITIA.

**F**ABIANVS Episcopus, Iurisdictioni Ecclesiasticæ, & Religioni Christianæ, non leue damnum & præiudicium intulit, quòd *Lutherana* pestis initijs non illico sese opposuerat: Nam quòd Episcopus *Varmiensis*, Iurisdictionem quam in Ditionibus Ordinis habebat, amisit, huic Episcopo acceptum ferri debet, qui Hæreticis nec clam nec publicè restitit; Ita vt multi Monachi, Sacerdotes & Laici scandalizarentur; & de Sacrificio Missæ, Sanctis, & cæteris fidei Articulis, peruersè sentirent, immò nonnulli etiam Sacerdotes, Parochi, sub specie Matrimonij, Mulieribus assumptis, sese sacrilego concubitu contaminarent. Eâ de causa fuit Episcopus à Venerabili Capitulo, & alijs pijs admonitus, vt officij sui memor, maturè prouideret, ne DEVS & Sancti, impunè à quoquam blasphemarentur, neue propter scandalosam Parochorum vitam, Religio Catholica detrimentum aliquod acciperet. Sed ad hæc respondebat Episcopus, *Lutherus* inquit, est doctus Monachus, & habet suas opiniones in Scripturis fundatas; si quis tantum habet animi, congregiatur & certet cum illo. Fuerunt deinde oblata Episcopo nonnulla scripta, quibus *Lutheri* errores confutebantur; Episcopus illis inspectis, & isti inquit, suas opiniones habent, quibus etiam credi potest. His & similibus malè prolatis Episcopi verbis, plures etiam ex Ecclesiasticis scandalizabantur, & Religionem Catholicam contemptui habebant. Credibile est, propterea præcipuè, DEVM puniuisse hunc Episcopum, vt & Diocesim suam, bellis mirum in modum vastatam videret, & ipse à morbo correptus, & miserè cruciatus, frustra medicorum opem imploraret; immò quòd plura remedia, ab eius Phycico & Matre adhibebantur, eò peius habebat, adeò vt adextremum etiam pes, quem

Episcopus tepidus in obuiando hæresi.

Admonetur à Capitulo.

Responsio Episcopi tepida

Multi scandalizati Episcopis.

Pœna peccati.



vis morbi ardebat, curationis causa, illi abscissus fuerit, ex qua abscissione sacer ignis irruens, Episcopo postmodum mortem accelerauit, qui penultimâ Ianuarij Anno 1523. *Heilspergæ* mortuus est, quo etiam ferè tempore, *DEVS Heilspergense* Oppidum, ita puniuit vt planè totum incendio conflagraret: Nam Ciuis quidam in domo angulari, in foro eius plateæ, quæ versus Ecclesiam tendit Parochialem, ad leuam, stabulum vt equos viseret ingressus, famulo indignatus, candelam parieti affixisset, & arrepto baculo, agasonem persequeretur, decidente in stramen candelâ, non prius hospes illius recordatus est, quàm cum ignis totum stabulum occupasset: vnde oppidum totum, exceptâ Ecclesiâ, domo Parochi, Scholâ, Hospitali, & ædibus nonnullis coquendæ Ceruisiæ destinatis, quæ ex muro solido constructæ erant omnia, exustum est. Incendium hoc accidit nocte, Dominicam Palmarum præcedente Anno 1522.

Hic Episcopus paucos sibi addictos habuit: Nam & *Sigismundus Rex* illi, offensus erat, quod accepisset, publicè eum iactasse, Etiam si, Magister totum illi Episcopatum ademisset, se nihilo minùs illum, absq; *Poloni Regis* auxilio, recuperaturum. Sed & Capitulum atq; vniuersa Prouincia, parùm itidem illi fauebat, quod *Braunsbergam* sibi tam turpiter eripi, facile tulerit, & multa damna Ditioni suæ hanc ob rem intulerit. Atq; ita hic Episcopus, animo anxio, & Diuinâ punitione visitatus, ab hac luce decessit. Eo mortuo statim Venerabile Capitulum, è medio sui duos Canonicos deputauit *Tidemannum Gistum*, & *Leonardum Niderhoff*, qui iuxta receptam consuetudinem, Ciuitates in potestatem Capituli redigerent, nouo Episcopo asseruandas, quæ postea à *Ioanne de Lusianis* Palatino Culmenfè, qui Fratris mortem ibidem expectabat, *Georgio Preuckio* Aduocato & Capitaneo Episcopatus Generali, *Paulo Schnebeck* Oeconomo, & *Iacobo Glesern* Cancellario receptæ, cum omnibus attinentijs fuerunt. Insequenti die, aduocato, ad se supradictò *Georgio Preuckio*, ab eo postularunt, Quando quidem inter Episcopatus Officiales, primarium locum obtineret. Iuramentum fidelitatis, quod hætenus non fecerat, præstaret. Id ille facere renuit, quod Arcem *Heilspergensem* pro Regia Maiestate obtineret his periculosis belli temporibus, nec id absq; scitu Regis præstare, integrum illi esset. Hunc *Preuckium* Episcopus absq; consilio & consensu Capituli, Aduocatum & Generalem Episcopatus Capitaneum constituerat, & stipendium pro sex Equitibus alendis, à Regia Maiestate illi im-



petrauerat, ipse quoq; sex præstantiores equos, omnibus necessarijs instructos eidem donauerat. Quamobrem eâ ratione fidem suam Regi comprobare voluit, quandoquidem in proximo Bello, egregiam operam præclare gestis præstitisset.

Quoniam autem videbat se, propter denegatum Iuramentum, Canonicis parùm gratum esse, qui Ciuibus in Arcem aduocatis, modum & rationem illis præscripserat, qualiter se, dum nouus Episcopus eligatur, gerere deberent, in suspicionem venit, quasi Canonici & Ciues, de illo ex arce exturbando, consilia communicassent, quæ anteuertenda ratus; *Henrico Ricarbio* Burgrauio curam Castri commisit, ipse verò familiam omnem seriò adhortatus est, vt Canonicos ex Arce expellerent, si sibi præstò adessent, amplam eius rei mercedem se reportaturos, certò sibi persuaderent; Omnes ad id se promptos & alacres obtulerunt; quibus egregiè armatis stipatus, ad conclaue è regione fontis in superiori ambulatione positum processit, & foribus pulsatis clarâ voce edixit, vt statim Canonici arce excederent, nisi interfici illicò vellent. Quid facerent, collectis statim sarcinulis ipsi inermes, inter armatorum Militum globos, castro excedere coacti fuerunt, ipso *Preuckio* exorto gladio, illos ad vltimam Arcis portam comitante. Expulsus est etiam Oeconomus (nam Cancellarius æger decumbebat) & Cadauer Episcopi ante Portam Arcis elatum; Quod acceptum, cum paucorum Ciuium comitatu, *Varmiam* deduxit, vbi absque vlla funeris pompa, aliorum Episcoporum tumulto illatum est. Sic post mortem parùm à Capitulo honoratus fuit, qui in vita Episcopatum minùs rectè administravit. Et fuit res cumprimis admiratione digna, quòd nec Mater, nec filia ex *Venceslao* de *Eilenburg* liberi, nec vllus ex consanguineis qui præsentibus aderant, funus comitatus est, sed & Aulicorum nemo, solus *Ioannes* de *Lusianis* equo insidens, illud extra Ciuitatem deduxit, & postea in Arcem reuersus est.

Eo facto *Preuckius* tantam sibi auctoritatem conciliauit, vt omnium Ciuitatum & Arcium in Episcopatu, Burgrauij, illi tanquam Domino obedirent, quamuis se subditos Capituli & futuri Episcopi professi paulò ante essent. Militem etiam stipendijs Ecclesiæ alendum conscripsit, & pro parte Regis, Oppidis & Arcibus Præsidia imposuit, quibus se ab Ecclesiasticorum potentia tueretur. *Georgium Trosckium* ad Regios in *Prussia* Consiliarios, alium etiam ad Regiam Maiestatem misit,

Cum Canonici malâ fide agerent.

Canonicos pel-  
lit ex arce stri-  
cto gladio.  
Cadauer Epi-  
scopi sine cere-  
monijs extra  
portâ expor-  
tat.  
Deducitur Var-  
miam & sine  
vlla assistentia  
sepelitur.

Nec Mater nec  
affines comita-  
rium sunt ad  
sepulchrum.

*Preuckii* au-  
thoritas.

Militem con-  
scribit.

signi-



Et se fecisse.  
Canonicos Tri-  
butarios Regi  
gloriatu.

Ac suspectos  
Canonicos re-  
bellionis, de-  
fert.

Additur illi  
collega.

Allensteinum  
Canonicis re-  
linquitur.

significans, quòd Capitulares, Regi tributarios fecerit, & quan-  
doquidem ipsum ad iuramentum adigere voluerunt, vt nemi-  
nem ex Regijs in Arces intromitteret, se illos ex Arce expu-  
lisse; Facile persuasit, vt illi fides adhiberetur, & factum a-  
pud Aulam omnium sermonibus celebratum, & res eò addu-  
cta, vt in suspensionem rebellionis, Capitulares apud Regiam  
Maiestatem adducti fuerint; vnde non leuia damna & grau-  
amina Ecclesiastico statui sunt inflicta.

Quoniam autem de voluntate Regia constabat, quòd Ar-  
ces & Oppida, pro nouo Episcopo asseruanda, præsidijs firma-  
re voluerit, obtinuit hoc à Regiâ Maiestate Capitulum, vt  
*Preuckio* qui Indigena esset, nec illi Magnopere fideret, Colle-  
ga adderetur. Is autem fuit *Nicolaus Iskirecki* Capitaneus *Ho-  
bensteinensis*.

*Allensteinensis* Arx, & oppidum Ecclesiæ, liberum remansit,  
reliquæ verò Arces & Oppida, partim à Magistro Teutoni-  
corum, partim à Regijs supra nominatis Capitaneis teneban-  
tur, vsq; ad Episcopi Mauritij approbationem, quæ mandato  
Regio Die decima Iulij *Nicolao Copernico* tanquam Admini-  
stratori, *Ioanni Crapitio* & *Felici Reich*, Episcopi & Capituli  
Nuntijs, post modum restituta fuere.

*Concessit Matri rerum Lusitanus habenas,  
Famineo pendens de nutu, Hunc Marchio stricte  
Obsidet Albertus, sed spe frustratus inani,  
Gangranâ infectus decessit, crure reciso.*

## XVIII.

## MAVRITIVS FERBER.

Natalitium &  
Adolescencia  
Ferberi.

Studia Romæ  
Doctor crea-  
tur.

**M**AVRITIVS FERBER Primarij Ciuis *Gedanensis*  
Filius, Iuris Vtriusq; Doctor, propè Sexagenarius, con-  
sentiente *Sigismundo* Rege, secundum pacta, à Capitu-  
lo electus est Episcopus. Iuuenis mercaturam exercebat, &  
procabatur *Pilmanni* Ciuis *Gedanensis* ditissimi Filiam virginem,  
eamque sibi Matrimonium promississe dicebat, quòd cum illa  
negaret, nec eum maritum habere vellet, ipse *Romam* profe-  
ctus, iure cum ea agere cepit; sed cum probare intentionem  
suam non posset, Virgo alteri matrimonio iuncta fuit: ipse  
verò summum studium in literas contulit, & Iurium Doctor  
creatus



creatus *Leonis X.* Camerarius & Scriptor Apostolicus, ac successu temporis, Custos & Canonicus *Varmiensis, Lubecensis, Revaliensis, Derpatensis,* & Parochus *Gedanensis* ac *Melebacensis* factus fuit. Die 13. Octob. Anni 1523. post Electionem, quæ 14. Aprilis est celebrata, profectus est ad residentiam Episcopalem, *Varmiâ Heilspergam*, Deinde 20. Mensis eiusdem, ad

*Leonis X. Camerarius Custos Varmien.*

Eligitur Episcopus.



requisitionem Regiæ Maiestatis, *Petricouiam* profectus, ibidem debitum Iuramentum præstitit: ubi etiam à *Ioanne de Laske* Archiepiscopo *Gnesnense*, Episcopus consecratus, & solenni epulo, cum inuitatis hospitibus exceptus, ac humanissimè tractatus fuit.

Iurat Regi Poloniz. Petricouiz consecratur.

Adijt Episcopatus Bona, propter Bella valdè desolata, vil-



Oeconomia eius in bonis Episcopatus.

A Preuckio Arces restituntur Episcopo. Per solutis stipendijs Militi de proprio.

Curiam Episcopalem ædificat

Ecclesiam Constitutionibus Prouincialibus corroborat.

Hæresim extirpat.

Pax cum Magistro conclusa.

Ciuitates Regiæ ad rebellionem prona.

las passim ab Ordine *Teutonicorum* exustas, adeò vt ex redditibus annuis, vix mille marcas, Pontificatus assumpti initio habere potuerit; quos postea diligenti curâ ad septem millia reduxit. Arces & oppida, quæ regijs præsidijs tenebantur, iussu Maiestatis Regiæ, à *Preuckio* sunt ei restituta, licet à iumentis & commeatu valde imparata & hausta. Interea suâ & Ecclesiæ pecuniâ, coactus est militibus *Preuckij* & eius Collegæ *Ierski* stipendia soluere.

Episcopus hic, post Dominiorum & Bonorum deuastationem, plurima restaurauit & ædificauit; inter alia egregia eius opera, illud quoq; non postremum censi debet, quod Curiam Episcopalem, amplum & elegans Palatium, apud Cathedralem Ecclesiam, à fundamentis erexit & ædificauit, & muro, ac fossâ pulchri operis ipsam, Ecclesiam cinxit.

Quàm amans Ecclesiæ & Patriæ fuerit, editæ per eum Prouinciales Constitutiones, Statuta Capitularia *Varmiensia* & *Gutstadiensia*, quæ pro Bono vtriusque status promulgauit, satis abundè declarant. Porro quantus fuerit veræ & Catholicæ Religionis Assertor, & Propugnator, vel inde apparet, quod Hæresim quæ Antecessoris negligentia, in Dominia eius irrepserat, non prius persequi destitit, quàm eam penitus profligaret & exterminaret: illam tamen bonam suæ Diocesis partem, quæ sub Ordine Teutonico est constituta, ab eâ peste purgare non potuit, quæ Antecessoris incuriâ, magnas vires acquisuerat, sub *Lutheranis Concionatoribus*, quos *Magister Marchio Albertus* ex *Germania* euocatos, in Ciuitatibus & Oppidis suis collocauerat, qui plurimos peruersâ doctrinâ infecerunt.

Anno 1525. Circa Festum Paschatis, perpetua Pax inter Maiestatem Regiam, & Ordinis *Magistrum Cracouiæ* fuit conclusa & stabilita, eo modo & ratione prout in Pactis desuper confectis videre licet. Multi mirabantur, quod Pius, Catholicus, & Orthodoxus *Sigismundus Rex*, in Pactis eiusmodi, multa concesserit, quæ cum Religionis & Episcopalis iurisdictionis, non leui detrimento coniuncta fuere. Excusabatur tamen à pluribus, quod licet inuitus, necessariò se eò demittere debuerit, quandoquidem *Gedanum*, *Elbinga*, *Marieburgum*, *Thoronium*, & aliæ Regiæ in *Prussia* Ciuitates, à *Lutheranis Concionatoribus* incitatae; ad rebellionem prospectare videbantur: immò *Gedanenses* cum alijs nonnullis, non obscure præferebant, quod sese Ordinis Magistro, tanquam *Lutheranorum Patrono*, & Defensori, dedere vellent, nisi Rex à Bello absti-

neret,



neret, & libertatem Religionis permetteret. Et inde factum est, vt *Gedani*, *Elbingæ*, *Mariburgi*, in templa & Ordinis Ecclesiastici viros, sæuitum fuerit, & Catholico senatu loco moto, Lutheranae sectæ, Magistratus non absque tumultu, & Regiæ Maiestatis in ligni iniuria, & contemptu, sit substitutus; quam seditionem in sequenti Anno vix demùm Regia Maiestas repressit, exturbato hinc inde *Lutheranismo*. Quamuis autem *Braunsbergenses* durantibus Iudicijs, cum adhuc in potestate Magistri Ordinis essent, Episcopi *Mauritij* paternis admonitionibus, in rebus Ecclesiasticis aliqua ex parte obtemperarent, vbi tamen Pace cum Magistro stabilitâ, Rex Ciuitatem pro se, vt & *Tolkemitem*, ad vnum & dimidium Annum obtinerat, volebant etiam *Gedanenses* imitari, & cœperunt Ecclesijs & Monasterio Bellum inferre, & enormia facinora, contra DEVM, Religionem, & potestatem à DEO constitutam perpetrare, prout ex infra scripta querela, per Fiscalem Regium, coram Commissarijs Maiestatis eius deposita, videre licebit, cui *Braunsbergenses* non contradicebant; sed cum intellexissent à Regia Maiestate, Rebelles *Gedanenses* partim capite, partim Exilio multatos, ipsi quoque humiles effecti, & ad pedes Commissariorum proiecti, supplices veniam postulabant.

Ciuitates in Viros Ecclesiasticos sæuiunt.

Idem Braunsbergenses attemptant.

Ecclesijs insulant.

Rebelles puniuntur.

## Enumeratio Excessuum, quos Braunsbergenses, cum in potestate Regiæ Maiestatis essent, contra Catholicam Religionem, & superiores, modò rebellionis, admiserunt. Commissarijs Regijs exhibita.

**P**rimùm omnium Proconsul & Senatus, tam Parocho & Vicarijs, quàm reliquis Presbyteris, Reditus annuos, cæterosq; victus commoditates, ab Anno 1524. in hanc viq; diem retinuit, & in proprios ac *Lutheranorum* Ministrorum vsus conuertit, quos etiam nunc contra ius, & Regiæ Maiestatis mandata sæpius facta, detinet, ita vt miseri Sacerdotes, mendicando victum quærere cogantur.

Braunsbergenses Parocho proprio victu subtrahunt.

Cum eis victum per sumnam iniuriam ademissent, etiam & habitationem abstulerunt, ac è Sacerdotum Contubernio, in

Domo residuati pellunt.



Lutheranis at-  
tribuit.

quod nullum ius Ciuitati competit, violenter eos eiecerunt; Cumque *Georgius Preuckius* Regius Capitaneus, auctoritate suæ Maiestatis, in eandem domum eos introduxisset, *Gregorius Rabe*, auulso per vim ab ostio feraculo, suum apposuit, & domum quæ piorum Sacerdotum sumptu constructa fuit, vni externo *Gedanensi Concionatori Lutheri* attribuit.

Clerum pro-  
bris afficiunt.

Vtque violentiam hanc contumeliarum accessione, per-  
diti homines, acerbiolem redderent, pios Sacerdotes con-  
temptui habebant. publicè eos in plateis maledictis insecta-  
bantur, Maleficos Nebulones, ac rapacissimos Lupos appella-  
bant, inauditisque conuicijs turpissimè lacerabant: Insuper  
ante eorum domos, sordes impudentissimè proijciebant, po-  
stes & feracula stercorebus illiniebant; Episcopum, Canoni-  
cos, ac reliquas Ecclesiasticas Personas, *Lutherani Concionato-  
ris* opera, probris in concionibus publicis afficiebant.

Senatus Conci-  
onatore Lutherano-  
rum  
introducitur.

Quamuis autem hæc enormia sint, & cumprimis deplo-  
randa, tamen minora videri possunt ijs, quæ contra DEVM  
ipsum Ciues perpetrare non dubitauerunt: Nam Senatus per  
*Petrum Kirsten*; Concionatorem Lutheranorum, *Ioannem Bar-  
bitonforis* dictum, *Gedano Braunsbergam* accersuit & aduexit, vt  
*Lutheri* dogma introduceret, quod etiam ab eo studiosè fa-  
ctum fuit.

Lutherani Co-  
cionatores ad  
rebellionem  
concitant.

Cum *Sambientes* Rustici rebellare cepissent, Idem Mini-  
ster in concione publica dixit. Quandoquidem Magnates ab  
Euangelio defecerunt, DEVS Spiritum Sanctum suum in  
pauperes Colonos immisit, vt illud conseruarent & tuerentur.  
Itaque hortatus est Populum, vt se illis coniungeret.

Docent in Sa-  
cramento Al-  
taris Diabolum  
contineri.

Inter plurimos & ab Ecclesia damnatos errores, hanc eti-  
am impurissimus homo blasphemiam, ore sparcissimo euo-  
muit, publicè docens, in Sacramento Altaris non Christum sed  
*Diabolum contineri*; quamobrem cum ad eleuationem Hostiæ  
campana pulsatur, debere illicò ex Ecclesia omnes fugere &  
aures obturare. Hactenus sacrificos populum dementasse &  
seduxisse.

Proconsul lu-  
dicrum Missæ  
simulachrum  
repræsentat.

Cum impia hæc doctrina Primoribus Ciuitatis adhibuisset,  
*Gregorius Rabe* Proconsul, in præsentia *Leonardi de Rossen* eius  
Collegæ, & aliorum multorum, cum domi Cereuisiam coque-  
ret, in Contemptum Diuini sacrificij, ludicrum Missæ simila-  
chrum repræsentauit, & ex calice suos spectatores potauit, illis-  
que præbuit.

Postea dictus *Leonardus de Rossen* Consularis, Vestibus

Sacer-



Sacerdotalibus indutus, cum *Laurentio Schenradi*, in publicum forum prodijt; vbi ludicram eiusmodi Missam celebrauerunt; vtque nihil impietatis prætermitteretur, clarâ voce Populum, vt ad humani ventris onus, ore percipiendum sese præpararent inuitabant, quæ turpido nec apud gentiles, nec apud ludæos, vnquam est audita.

In publico foro ludici a Missam celebrant.

Cùm Sacerdos quidam in Ecclesia Parochiali, Dominicâ secundâ Aduentûs Anno superiore, Missam iuxta ritum Catholicorum celebraret, idem *Gregorius Rabe* supra nominatus Proconsul, in Capella Corporis Christi, à tergo sacerdotis stans, publicè gestus eius scuriliter imitabatur, Missam & ipse celebrando, Cruces formando, voce submissa verba proferendo, illum apertè deridens.

Celebrante Presbyteri Catholicum derident.

Nocte Natalis *Domini Nostri IESV Christi*, supra memorati *Laurentius Schenradi*, & *Ioannes Fochs*, cum eorum complicibus, quo tempore Diuina officia peragebantur, pellibus vrsinis, & laceris vestibus, vt histriones amicti, Ecclesiam Parochialem primùm, deinde Monachorum Templum ingressi, clamores ingentes, ac inconcinnas saltationes, bachantium more, ediderunt, vt à Psalmodia & Officijs Diuinis, abstinere coacti fuerint Sacerdotes.

Diuina Officia impediunt.

Imagines præterea Diuorum, è templis abstulerunt, & *Bullas Pontificias* Cloacis affixerunt, & tempore Dedicationis Ecclesiæ, Vexillum è laceris pannis consutum appensis fractis poculis vitreis, in contemptum Cæremoniarum Ecclesiasticarum, loco sublimi erexerunt, quæ res Senatum Ciuitatis minimè offendit, immò id illi non displicuisse præ se tulit.


Cæremonias Ecclesiasticas irrident.

Posteaquam autem Nobilis *Georgius Preuckius*, Regius in Ciuitate *Braunsbergensi* Capitaneus, Mandata Maiestatis suæ accepisset, de *Lutherana* Hæresi exterminanda, & rebus Ecclesiæ in pristinum statum restituendis, Sacerdotem Catholicum, qui ad Populum verba faceret, introduxit; Quem seditiosi *Lutherana* factionis homines, annuente ac permittente Senatu, tumultu contra Capitaneum ita excitato, vt à cæde parùm abfuerit, non solum è suggestu, sed etiam ex ipsa

Mandatis Regijs contra eunt.

Ecclesia per vim expulerunt, & in eius locum

cum *Lutheranum* Ministrum statuerunt.





## Auctores tumultûs huiûs præcipui fuerunt.

**G**regorius Rabe Proconſul, qui primus vociferari capit in Concionatorem. *Ecce Lupus, ecce Lupus.* Laurentius Schenrade. Simon Eberth. Urbanus Pericke. Petrus Hoffmann. Sebastianus Hutter. Notarius Ciuitatis. Matthæus Schiſſentheriſſel. Nicolaus Barbierer. Andreas Horber. Ioannes Paſſe. Cæterum Petrus Kiſten & Valentinus Kirt poſt inchoatum tumultum è templo ſe ſe proripuerunt, Et eſt communis vox, quòd & ipſi in ordiendâ hac tela, cooperatores fuerint.

Contra articu-  
los tranſactionis  
peccant.

Præterea eorum legitimum Parochum, contra Articulos vltimæ tranſactionis reiecerunt, & cum ad Mandata Regiæ Maiestatis, ac corporalem Eccleſiæ poſſeſſionem, eum admittere noluiſſent, tamen impudenter apud Regiam Maiestatem con- queri non dubitârunt, quòd ipſe Parochus apud eos eſſe nollet.

Senatus: con-  
tra mandata  
Regiæ multa  
audet.

Cum tempus Regij aduentus, in has oras immineret, idem Gregorius Rabe Concionatorem Lutheranum Ioannem Barbiton- ſoris. Gedanum remiſit, eâ tamen conditione, vt poſt diſceſſum Regiæ Maiestatis, Braunsbergam ruruſus rediret. Interea vt ne Lutheranoꝝ dogma, Catholicorum Concionatoꝝ ope- râ aboleretur, non permiſit Senatus, vt aliquis in Parochiali Eccleſia, aut Monachorum templo, in hodiernum vſq; diem concionaretur, cum maximo multarum animarum ſalutis detri- mento; quamlibet eo nomine, ab Epifcopo frequenter eſſent admoniti, & Capitaneus Regius, ac Achatius Varmienſis Ca- nonicus id vrgerent, quibus idem Gregorius impudens respon- ſum dedit, *Si Epifcopus (inquiens) ſcribendo mitius non egerit, ſciat me eius Epifto- lis nates abſterſurum.*

Eccleſias ſpo-  
liant.

Poſtremo Senatus Vaſa Sacra, clenodia, & Eccleſiaſtica paramenta, Diuino cultui deputata, ex Monasterio abſtulit, quorum nomina & valorem ipſimet Monachi in ſcriptis exhi- buerunt. Ex Eccleſia itidem Parochiali VIII. argenteos cali- ces deauratos, ampullas argenteas ſex, pacificalia duo, hume- ralia tria acceperunt, quorum exemplum Textores ſequuti, ca- licem & duas ampullas argenteas rapuerunt, pretio inter ſe di- uiſo, id ſibi licere rati, quod ſuperioribus facere licuit.

Mandata Re-  
giæ contempnunt.

Et quamuis ab Epifcopo, & ipſa Regia Maiestate requiſiti eſſent, vt adempta reſtituerent, id tamen facere noluerunt, & mandata eiſmodi, elato ſpiritu contempſerunt.

Adex-



Ad extremum cum multi Ciuium rebellionis huius culpam sustineant, eorum tamen Antesignani præcipui fuerunt. *Gregorius Rabe* Proconsul. *Vrbani Poyke*. *Leonardus de Rosen* Consiliarius. *Ciuitatis Notarius*. *Petrus & Matthias Kirsten* Fratres. *Nicolaus & Albertus Barbitonfores*. *Simon Ebert*. *Andreas Hatcher*. *Ioannes Ludka*. *Georgius Falke*. *Sebastianus Hutter*. *Matthæus Winenpsenig*. *Petrus Hoffman*. *Ioannes Engelbrecht*. *Ioannes Paffe*. *Laurentius Schönrade*. *Valentinus Birt*.

Authores rebellionis.

## Braunsbergensium ad obiecta Responsum.

**B**raunsbergenses supra memoratos Articulos, veros esse partim negarunt, partim extenuarunt, partim ambagibus quibusdam inuoluerunt. Sed cum timerent ne idem illis accideret, quod paulò ante rebellibus *Gedanensibus*, sese magnopere demiserunt, & ad pedes prostrati, tam à Regijs Consiliarijs, quàm ab ipso Domino Episcopo *Varmiense* (in cuius potestatem illis veniendum erat) supplices veniam petiuerunt. Res tandem eò deducta fuit, vt omnia reijcerentur in felicem aduentum Regionum Commissariorum *Braunsbergam*, vt tantò melius negotium, in re præsentì examinari, & in Capita seditionis inquiri possit. Duo tamen ex Magistratu *Vrbani Poyke* & *Laurentius Schönrade* (qui negare non potuerunt, quòd cum Regis mandato Capitaneus *Preuckius*, Sacerdotes in Ecclesiam introduceret, ipsi tumultu excitato, eosdem Sacerdotes interfici debere proclamassent) in Carceres sunt coniecti; vnde postea datà sufficienti cautione, quòd in Iudicio comparere deberent, quoties requisiti essent, dimissi fuerunt, quæ omnia clarius ex Actis Dominorum Regionum Commissariorum patebunt.

In responsione variant.

Totum negotium ad Commissionem reijcitur.

Authores duo incarcerantur.

## Literæ Commissariorum.

**N**os Prælati, Palatini, Castellani, tam Regni *Polonia* quàm harum Terrarum *Prussia* Consiliarij, à Regiâ Maiestatem Domino Nostro Clementissimo, cum plena potestate Deputati, significamus tenore præsentium, quorum interest vniuersis. Quòd cum Sacra Regia Maiestas, Senatum, &

aliquas



aliquas Personas ex Communitate Ciuitatis *Braunsbergensis*, propter diuersos excessus, huc *Elbingam* aduocasset, & propter magnas & varias occupationes, quibus Maiestas eius distinebatur, Nobis, vt Maiestatis eius nomine causam, hanc iudicaretur, iniunxisset: Comparuerunt coram Nobis personaliter, *Georgius Rabe*, *Leonhardus de Rossen*, *Petrus & Matthias Kirsten*, *Simon Ebert*, *Ioannes Ludka*, *Tobias Matthæus Vinnenpfeinig*, *Matthæus Schiffteriffel*, *Ioannes Paffe*, *Ioannes Engelbrecht*, *Laurentius Schönrade*, *Notarius Ciuitatis*, *Vrbanus Poytki*, *Nicolaus & Albertus Barbitonfores*, *Andreas Heicher*, *Sebastianus Hutter*, *Petrus Hoffman*, & *Valentinus Birt*; Quos Regij Tribunalis & Fisci Procurator, in quibusdam grauibus articulis, quibus Diuinam & Regiam Maiestatem contemnentes, Christianæ Religioni, & eorum Episcopo, tanquam spirituali Prælati aduersantes, ac aduersus Regium Capitaneum, Seditio-nem concitantes, grauiter deliquerunt, iurè ac meritò accusauit. Quamuis Regia Maiestas, & Nos, non ita facile reperire possemus, omnia ita se habere, quemadmodum in eos congesta fuerunt, tamen nolle illos, cum Regia Maiestate Domino suo Clementissimo, in disceptionem iuris descendere, & cum summa animorum submissione, humilitate, ac genuum flexione, Nos ac prænominatum eorum Reuerendissimum Dominum Episcopum, orare & obsecrare, si quos excessus pro humana fragilitate, in prædictis admiserunt, debitamque pro ijs castigationem promeruerunt; vt hæc omnia, ex mera gratiâ & misericordiâ, amore DEI illis condonaremus, & rigorem Iuris in eos extendere nollemus. Fore illos deinceps Sacræ Regiæ Maiestati, & Reuerendissimo Domino Episcopo, in omnibus obedientes, & omnem debitam subiectionem, absq; reprehensione illos præstare velle, atque id Sanctè polliceri. Quibus Nos maturâ deliberatione & consultatione præhabitâ tale pto tunc responsum dedimus.

Responsio Com-  
munitatiorum.

Et si tanta delictorum magnitudo, debitas pænas iure exposceret, quas differre integrum non esset; tamen ad examinandos eiusmodi excessus, ac puniendos, non ita præcipitanter accedere Nobis videri, & habitâ petitionis ac humilitatis eorum ratione, ex merâ gratiâ & benignitate conuiendum aliquâ ex parte illis nunc Nos constituisse. Interea tamen *Vrbanum Poytke*, & *Laurentium Schönrade*, tanquam Auctores & capita seditionis huius, puniendos & in carcerem conijciendos esse putauimus. Cæteris autem mandauimus, vt *Clenodia* & *pa-*

ramen-



ramenta Ecclesiastica, quæ ex Ecclesia Parochiali & Monasterio abstulerunt, omnino restituere debeant; Et si quid inde distractum est, id intra unius Anni terminum reponere, aut iuxta arbitrium & sententiam Reuerendissimi Domini Episcopi pro penitentia mille florenos persolvere teneantur. Debent iidem inuestigare, Quis Concionatorem Lutheranum aduocauerit; Et cuius iussu & auctoritate perfectum id fuerit; simul & illud detegere, quinam Urbano Poytki, & Laurentio Schönrade supranominatis, in tumultu contra Regium Capitaneum excitando, Complices & Socij fuerint. Et quoniam Regia Maiestas, Ciuitatem Braunsbergensem, Episcopatu Varmienfi clementer restituere dignata est, Mandauimus ut Reuerendissimo in Christo Patri, Domino Mauritio. Ecclesiæ huius Episcopo, tanquam vero & legitimo eorum Domino, debitam obedientiam & subiectionem, reddere omnino sint adstricti. Intimauimus quoque eisdem Regiam Maiestatem, Reuerendissimos & Magnificos Dominos, Matthiam Vladislauensem, & Mauritium Varmiensem Episcopos, ac Ludouicum de Mortangen Castellatum Elbingensem, & Capitaneum Engelburgensem, suos cum plenâ potestate Commissarios Braunsbergam deputasse, quibus etiam Nos, eam quâ Regiæ Maiestatis nomine fungimur, auctoritatem delegauimus, ut ibidem reos supra nominatos conuenire, & delinquentes punire, abusus omnes tollere, & Ciuitatem in Ordinem ac bonam quietem reducere valeant; simul Possessionem eiusdem Reuerendissimo Domino Episcopo Varmienfi tradant, quorum Dominorum Commissariorum aduentum, pro feria sexta proximè futura, dicti Ciues intimare debebunt, ut nemo Incolarum, sub amissione vitæ & Bonorum, se absentare præsumat; quod datâ fide dicti Ciues se facturos receperunt. Datum & Actum Elbingæ feriâ secundâ, post Festum S. Laurenti, Anno Domini 1526.

Intimatio Commissionis future.

Tandem Regij Commissarij, Dominus Matthias Episcopus Vladislauensis, & Ludouicus de Mortangen Elbingensis Castellanus, 16. Augusti Braunsbergam venerunt, quod etiam Episcopus Mauritius appulerat. Die sequenti in Monasterio congregati, inquisitionem faciebant de Auctoribus, & Causis tumultus excitati, in Ecclesia Parochiali, contra Catholicos & Capitaneum Regium. Et quamuis Braunsbergenses, Auctores huiusmodi prodere nollent, idèò fortassis quod Senatus ipse, tanti mali Causa fuerit, tamen coniunctim omnes nemine excepto in genua prouoluti, culpam deprecabantur. Inter alios autem duo Proconsules, Georgius Rabe & Leonardus de Rossen, & ex Com-

Commissarij Braunsbergam venerunt.

Inquisitio instituitur.

Culpam agnoscunt.



Deprecantur.

munitate *Petrus Hirſten*, cum enumeratione facinorum perpetratorum, quorum cauſa, vitæ & amiſſionis bonorum, pœnam promeruiffent, maximè rei pronunciabantur. Sed nihilo minùs omnes coniunctim, ac ſi æqualiter deliquiſſent, proſtrati, veniam à Dominiſ Commiſſarijs, præcipuè verò ab Epifcopo *Mauritio*, in cuius poteſtatem venire debebant, ſupplices ſibi dari petebant. Ad extremum precibus & tantâ ſubmiſſione id effecerunt, vt Domini Commiſſarij, Iuris rigore omiſſo, mitiùs cum illis agendum, quàm meruiſſent, exiſtimarent. Itaque vt die ſequenti in Arcem, Regiæ Maieltatis Mandata, audituri conuenirent, edixerunt.

Cùm in Arcem ventum eſſet die 18. Auguſti, *Felix Reich* Cancellarius in hanc Sententiam verba fecit.

Sermo Cancellarij in Arce Braunsbergenſi ad Ciues,

Poſtquam Sereniſſimus Princeps & Dominus, Dominus *Sigismundus* Dei gratia *Rex Poloniae*, Magnus Dux Lithuaniae, Ruſſiæ, Pruſſiæ, Maſouiæ, Dominus & Hæres, Dominus Noſter Clementiſſimus, Ciuitatem hanc *Braunsbergenſem*, juſtis de Cauſis in poteſtatem ſuam accepiſſet, eamque hucusque retinuiſſet, multa hic enormia euenerunt, contra Diuinam primum, deinde etiam contra Regiam ipſam Maieltatem, contra Maieltatis illius Officiales, contra Reuerendiſſimi Domini Epifcopi *Varmienſis*, Domini mei gratioſiſſimi dignitatem & auctoritatem. Diuiſiſſimum Sacramentum ſuo cultu, Sancti DEI ſuo honore ſpoliati; Parochi & Sacerdotum aliorum annui redditus, contra Regiæ Maieltatis mandatum, per vim erepti & retenti; Seditioes excitatæ, templa & Monasterium ſpoliatum, Chriſtiana vetus Religio exterminata; noua peregrina, & condemnata doctrina introducta; Senatus inordinate loco motus, regendæ ac gubernandæ Ciuitatis ratio immutata, pluriſque alia illicita ſunt perpetrata. Quamobrem cùm Regia Maieltas, grauiffimis Regni negotijs occupata, venire huc non poſſet, pro Chriſtiani Regis ac Principis officio, Commiſſarios ſuos cum ſumma poteſtate huc deſtinauit, videlicet Reuerendiſſimum in Chriſto Patrem Dominum *Matthiam* Dei Gratia Epifcopum *Vladitauienſem*, & Magnificum Dominum *Ludouicum* de *Mortangen Elbingenſem* Caſtellanum, vt excuſus & abuſus huc introductos, vnâ cum Reuerendiſſimo in Chriſto Patre Domino *Mauritio*, Dei Gratia Epifcopo *Varmienſe* Domino meo gratioſiſſimo hîc præſente, tollerent & abolerent, ac in priſtinum ſtatum, tam in ſpiritualibus, quàm etiam in temporalibus, ad DEI omnipotentis laudem, Regiæ

Maieſta-



Maiestatis honorem, Publicam pacem & vtilitatem, gubernandæ Ciuitatis huius modum reducerent; simul eius Possessionem, Reuerendissimo meo Domino Episcopo *Varmienfi*, darent & traderent.

Quamuis autem ipsa Iustitiæ & Iuris ratio dicter, vt illa tot tantorumque delictorum grauitas, capitali supplicio, Bonorum confiscatione, & Priuilegiolorum ac Libertatis amissione puniatur; Habito tamen Vestræ humilitatis, & supplicationis ac deprecationis, quam *Elbingæ* per Nuntios vestros, & hic ipsimet aliquoties præstitistis, benigno intuitu, quodque ea omnia facere, quæ vobis à Regia Maiestate, & Reuerendissimo in Christo Patre, Domino *Mauritio* Episcopo *Varmienfi*, vestro proprio ac naturali Domino, iniungentur, paratos vos esse promittitis; Illustres Domini Commissarij Domini mei Colendissimi, Iuris & punitionis rigorem hac vice omittere, & promerâ gratiâ & bonitate, vobiscum clementer agere, ac quæ tolerabilia sunt, pro delictorum pænitentia, vobis imponere constituerunt. Quamobrem Regiæ Maiestatis auctoritate, & de eius speciali mandato, ad malorum correctionem, bonorum autem solatium, & Ciuitatis huius commodum, Illustres Domini Commissarij, Articulos quosdam & statuta conscripserunt & ordinârunt, quæ ab omnibus vobis in genere, & à quolibet in specie, sub obedientia Regiæ Maiestati debita, inuiolabiliter obseruari, volunt & mandant, Ea nunc vobis per me publicari iusserunt; quod etiam facio.

Nos *Matthias* Dei Gratiâ Episcopus *Vladistauiensis* & *Ludouicus* de *Mortangen*, *Elbingensis* Castellanus & Capitaneus *Engelburgensis*, Oratores & Commissarij Serenissimi Principis & Domini, Domini *Sigismundi* Dei Gratiâ Regis Poloniae, Magni Ducis Lithuaniae, Russiae, totius Prussiae Domini & Hæredis, Domini Nostri Clementissimi, *Braunsbergam* cum plena Maiestatis Regiæ Auctoritate missi, significamus omnibus & singulis quorum interest. Quod cum Sacra Regia Maiestas, perpetuâ pace cum Illustrissimo Duce in *Prussia* stabilitâ, Ciuitatem hanc *Braunsbergensem*, quam tempore Belli idem Illustrissimus Dux occupauerat, ab eodem in suam potestatem recepisset, Ciuitas factionibus laborare, & seditiones ac tumultus concitare cepit; Peregrinam & Catholicæ Ecclesiæ contrariam religionem recepit, Ecclesias spoliauit, Sacerdotes opprescit; Ordinariam Iurisdictionem Domini Episcopi contempsit; Contra Regium Capitaneum tumultuose insurrexit; Senatum

Decretū DD.  
Commissario-  
rum.



& Regiminis rationem mutauit; Regia Mandata contemptū habuit; & multa alia detestanda facinora commiſit. Quibus & alijs cauſis, Regia Maieſtas adducta, Ciuitatem ipſam tantisper in ſua poteſtate eſſe voluit, dum Regiā auctoritate exceſſus punirentur, Chriſtiana Religio reſtitueretur, tumultus ſopirentur, & omnia in ordinem debitum redigerentur. Vt ſic rebus compoſitis, Ciuitas talibus morbis liberata, pacificè ad obedientiam & Officiū reuocata, Reuerendiſſimo Epifcopo tanquam legitimo, & naturali Domino, in poteſtatem traderet. Cū Regia Maieſtas, pro officij ſui ratione, tanquam Chriſtianiſſimus Princeps, in *Pruſſiam* veniens, ſubditorum ſuorum commoda procuraret, antequam diſceſſiſſet, Nobis iniunxit, vt ſublatis è Ciuitate hac, turbis & ſeditionibus, rebusq; Spiritualibus & Secularibus in ea rectè conſtitutis, eam ſic purgatam & reſtitutam, Reuerendiſſimo in Chriſto Patri Domino *Mauritio* Epifcopo *Varmienſi* & eius Eccleſiæ, cum omni lure & pleno Dominio, conſignaremus & traderemus. Quod quidem Negotium ſummā fide ac diligentia, vnā cum alijs Regiæ Maieſtatis Conſiliarijs, *Elbingæ* cum ſumma poteſtate congregatis, tractauimus, & rebus benè perpensis, maturā deliberatione præhabitā, Auctores ſeditionis puniendos, cæteros in Ordinem redigendos exiſtimauimus. Vt autem futuris temporibus in hac Ciuitate Pax, Quies, & tranquillitas facilius conſeruari, ab eaque incommoda & pericula quæque propulſari ac amoueri poſſint. Articulos & Statuta, inuiolabiliter perpetuò ab omnibus ſeruanda, ordinauimus & conſcripſimus, quæ ad vtramque Ciuitatem *Braunsbergensem*, veterem videlicet & nouam, extendi & referri debere, volumus & decernimus.

i.  
Statutū vt Fides & Religio Catholice Eccleſiæ conſeruetur.

Ac Cæremoni-  
arum Eccleſiaſticarum vſus

*Inprimis* vetus Religio, & Catholice Eccleſiæ conſuetudo, quam à maioribus Noſtris, puram & incorruptam accepimus, ſalua & integra conſeruari ac retineri debet. Nam ſi quilibet, pro ſuo arbitrio, religionem condere & mutare, ac iuxta proprium ſenſum, ſcripturas interpretari voluerit, nihil in rebus Fidei firmum, nihil in Politicis fixum erit, ac ſtabile; quod luce meridianā, clariſus videre licet apud Religionis Nouatores, qui dum Eccleſiæ Catholice doctrinam oppugnare conantur, ipſi inter ſe diuiſi, miſerandum in modum ſeſe dilacerant. Mandamus itaque, vt Sacroſanctæ Catholice fidei & Cæremoni-  
arum Eccleſiaſticarum vſus, quemadmodum à maioribus per manus traditum accepimus, in omnibus & per omnia in iſta Ciuitate deinceps retineatur, & obſeruetur, quòd ſi quis con-

traueni-



trauenire præsumpserit, pro delicti magnitudine se nouerit esse puniendum.

Si quis juxta receptum Ecclesiæ Catholicæ ritum, & Nostræ Constitutionis huius ordinationem viuere voluerit, hic intra quatuordecim dies, è Ciuitate, quocunq̃ migrare voluerit, & ampliùs in eam non reuerti, tenebitur; alioquin capitis & bonorum omnium amissione mulctabitur.

2.  
Si quis ita viuere noluerit, migret.

Quoniam autem hoc tempore, multi sese in prædicationis munus præsumptuosè ingerunt, & sub specioso verbi DEI titulo, Zizania seminant; Mandamus sub vitæ & Bonorum amissione, ne quis deinceps, tam intra quàm extra Ciuitatem, siue sit Ecclesiasticus siue secularis, publicè aut priuatim, alicui prædicandi facultatem concedat, absq̃ue expresso Reuerendissimi Domini Episcopi, aut eius Officialis consensu.

3.  
De Concionatoribus,

Quoniam Nouatores Religionis, veteribus & ab Ecclesia receptis orationibus, & Canticis spiritualibus reiectis, nouas precatiunculas & cantilenas, rudi plebeculæ venditant; Præcipimus & mandamus, vt omnes Ecclesiastici, Diuina Officia & Missas, juxta receptam Catholicæ Religionis consuetudinem, in hac Ciuitate celebrent, nullisq̃ue alijs orationibus, Antiphonis, Responsorijs, aut cantionibus vtantur, quàm ijs quæ fuerint, à Domino Episcopo, vel eius in spiritualibus Vicario, receptæ & approbatæ.

4.  
De Diuinis Officijs ac Missa & cantu Ecclesiastico.

Et quia multi spiritu auaritiæ ducti, violentas manus Bonis Ecclesiasticis iniiciunt; Statuimus & ordinamus, quicunq̃; Clenodia, Vestes sacras, & alia Diuinis vsibus applicata ex Ecclesia vel Monasterio abstulerit, aut in suos vsus conuerterit, vt tanquam Sacrilegus, supplicio Capitis puniatur.

5.  
De apparatus Ecclesiæ.

Inhærentes Regiæ Maiestatis, tanquam Christiani Principis, piæ & Catholicæ Ordinationi, præcipimus & districtè mandamus, ne quis in posterum libros ab Ecclesia prohibitos, turpes cantilenas, libellos famosos, & alia eiusmodi, quæ Christianæ Professioni non conueniunt, in Ciuitatem introducat, aut disseminet, sub pænâ Bonorum amissionis & publicationis ac proscriptionis.

6.  
De libris prohibitis.

Quandoquidem id cum æquitate & Principis dignitate coniunctum videtur, statuimus & inuiolabiliter perpetuis temporibus obseruari volumus, vt Officiales Reuerendissimi Dñi. Episcopi, Nempe Aduocatus, Capitaneus, aut Burgrauius ubiq̃; & in omnibus, Proconsulem & Senatum Ciuitatis, loco præcedant, quandoquidem Personam & locum Episcopi sustinent.

7.  
De præcedentia Officialium Episcopi.



8.  
De electione  
Proconsulis. &  
Consulium.

Quòd ad Magistratum secularem attinet, quandoquidem ij qui Rempub; administrant, & Iuri dicendo præsunt, Dominorum & Principum suorum vices gerunt, quorum Auctoritatem sequuntur, valde iniquum, & à Politica, rectè constitutarum Ciuitatum prorsus alienum Nobis videtur, vt Princeps à Boni publici procuratore, Iudiciorum, & Iustitiæ, ac rerum, præsertim Criminalium administratione, excludi & remoueri debeat; Cumque euidenter appareat, quòd Proconsules Ciuitatis huius, libertate, in exercendâ suâ Iurisdictione multoties abutuntur, vnde Ciuitas in periculum & Discrimen aliquod, adduci posset; statuimus & Regiæ Maiestatis, quâ fungimur, auctoritate decernimus, ne Senatus modernus, à Plebe inordinatè electus, Officium & locum suum amplius obtineat & exerceat. Reuerendissimo autem Episcopo, nouum Senatum eligendi, auctoritatem & facultatem damus, & concedimus, districtè mandantes, vt nemo in posterum in Senatum admittatur & eligatur, absque scitu & voluntate Reuerendissimi Dñi. Episcopi, aut eius locum tenentis; cui etiam potestatem facimus, vt Proconsulem aut Consiliarios, cum illi opportunum, & expediens visum fuerit, loco suo moueat & deponat.

9.  
De Sententia  
Capitis.

&  
libero, passu.

Declaramus itidem & decernimus, quòd in posterum Iudicium Capitis, in Ciuitate *Braunsbergensi*, pertinere tantum, debeat ad Dominum Episcopum pro tempore existentem, aut eius locum tenentem, qui de capite sententiam ferendi potestatem tantum habebunt. Quodque Magistratus Civilis perpetuis futuris temporibus, absque scitu & voluntate Reuerendissimi Episcopi, nemini in Ciuitate saluum conductum concedere, aut Militaribus copijs liberum Passum permittere possit.

10.  
De Iuramento  
fidelitatis, per  
nouiter electos  
Consiliarios  
scabinos  
& Præsides  
artificum.

Quicumque de nouo Consiliarius aut Scabinus creatus & electus fuerit, antequam loci & Officij possessionem adeptus fuerit, debet coram Reuerendissimo Episcopo, aut ab eo Deputato Iuramentum fidelitatis præstare, quodque si quos seditio nem mouere velle animaduernerit, de ijs absque mora aliqua Reuerendissimo Domino Episcopo, aut eius Capitaneo significabit, idque procurabit, vt seditiosi huiusmodi, iuxta delicti qualitatem puniantur. Simile Iuramentum etiam præstabunt illi, qui in Contubernijs Artificum, in Seniores & Præsides electi fuerint.

11.  
De electione  
quomodo fieri  
debeat &  
quot Personæ  
in senatu eligi  
debeant.

Mandamus itidem, vt nullus Ciuium tumultuosè, aut indebitis ac illicitis modis, se eligi in senatum procuret, sub pæna Capitis, utque non plures quàm quatuordecim Personæ in Senatum adsciscantur.

Inter-



Interdicimus etiam & prohibemus in perpetuum, ne aliquo in loco, Congregationes Communitatis in particulari aut generali fiant, sine speciali licentiâ & concessione Reuerendissimi Domini Episcopi, aut eius locum tenentis, sub pœna amissionis omnium Priuilegiolorum, si quid tamen emerferit quod communi consilio & assensu decerni & definiri debeat, tunc ex quatuor Ciuitatis regionibus, sex graues ac prudentes Viri ex Senioribus autem Artificum Duo, deputari debent, qui locum & suffragiũ in Consilio habeant, & in Prætorium aduocentur. Quilibet autem ex dictis Tribunis, ordinem suum in sedendo retinebit. Monemus etiam, ne quis aliquid aliud in medium adferat, quàm quod pro communi bono à Senatu propositum fuerit. Quòd si quis tale quid proposuerit, quod Ciuium vnitati, & statutis Nostris aduersetur, & non vocatus, inordinatè in Prætorium veniens, consultationes turbare ausus fuerit, is Capitis supplicium luet.

12.  
De modo Consiliorum faciendorum & ordine eorum.

Quæ autem in supradicto Consilio, à Senatu & triginta duobus viris, definita & constituta fuerint, ea ab omnibus Ciuibus & totâ communitate inuiolabiliter obseruari debent. Quòd si de aliquo Articulo inter se conuenire non potuerint, de eo, ad Reuerendissimum Episcopum referent, vt is negotium determinet.

13.  
Quomodo Consilia obseruari debent.

Si Ciuis contra Ciuem aliquid habuerit, rem ad Magistratum & Iudicem competentem referet; & si illi Sententia Magistratus non satisfecerit, ad Dominum Episcopum illi appellare licebit, vel ad eius locum tenentem; Causæque huius prosecutionem, quæ tumultus aliquos excitare posset, sub pœna Capitis, nullibi, præterquam apud legitimum Dominum aggredietur.

14.  
De Appellatione.

Ne autem dissensionis & seditionis flamma, quæ non tam facile sopiri possit, resuscitetur; seriò mandamus & statuimus, ne quis clam aut publicè talia verba faciat, quæ diuisionem aut rebellionem, contra spirituales personas, aut superiores excitare possit.

15.  
De Occasione dissensionum & seditionum fugiendâ.

Et quoniam seditiosi, solent initio clàm secum consilia communicare, præcipimus & mandamus, vbi duo vel tres personæ, siue viri siue mulieres fuerint, in ædibus priuatis, in templo, hortis, intra vel extra Ciuitatem conciliabula fecerint, quæ Constitutionibus & ordinationibus Nostreis, & publicæ Ciuium quieti aduersentur, & si quis ad eiusmodi conuenticula consensum præbuerit, & nuntium aut literas miserit, de ijs,

16.  
Contra cõuenticula clandestina.

quicun-



quicunq̃ue notitiam habuerit, & Domino Episcopo, aut eius Capitaneo hæc non indicauerit, is Capitis & Bonorum omnium amissione puniri debet.

17.  
Qualiter se ge-  
rere debeant  
seniores Arti-  
ficum cum O-  
pificibus.

Volumus, etiam vt seniores Artificum, habitâ Iuramenti sui ratione, in recipiendis exteris opificibus, eos diligenter admoneant, quam diu in Ciuitate versati fuerint, vt se modestè & fideliter gerant, & juxta Ordinationes Nostras, & Reuerendissimi Domini Episcopi mandata, tam in spiritualibus quàm in secularibus negotijs, viuant. Magistri autem familias, huiusmodi leges, intimare Opificibus tenebuntur, qui si ob inscientiam contra eas aliquid commiserint, ipsimet Magistri, pro illis juxta delicti magnitudinem punientur.

18.  
Vt constitui-  
ones istæ eti-  
am per hospi-  
tia & tabernas  
publicentur.

Vt autem nullus Constitutionum harum nostrarum, ignorantiam prætereundere possit, præcipimus & mandamus omnibus, Cauponibus, Cereuisiæ venditoribus, Tabernarijs & Ciuibus, qui exteros hospites, & aduenas, vel amicos, in ædes recipiunt, vt ad hospitum notitiam, leges has Nostras, tam Fidem Catholicam, quàm Ciuitatis regimen concernentes, deducant, eosque moneant, vt ad Regiæ Maiestatis, & Domini Episcopi præscriptum, sese accommodent, sub grauibus pænis à Senatu injungendis. Quòd si quis externus, Hæresim & damnatas ab Ecclesiâ doctrinas introducere, & ea quæ Fidei, aut Ordinationibus his Nostris aduersantur, disseminare ausus, post admonitionem huiusmodi fuerit; Is à Reuerendissimo Domini Episcopi Capitaneo, & Magistratu Ciuili, pro qualitate patratæ facinoris, puniri & castigari debebit.

19.  
Vt Constituti-  
ones istæ pu-  
blicas libris in-  
serantur.

Correctio, ad-  
ditio, diminu-  
tio, reseruat  
Episcopo.

Articulus Ca-  
pitalis Senten-  
tiæ ad Regem  
remitteitur.

Ad extremum volumus & mandamus, vt Articuli & Constitutiones hæ Nostræ, ad perpetuam rei memoriam, publicis libris insertæ, singulis annis semel Populo legantur; vtque ab omnibus, strictè & inuiolabiliter perpetuis temporibus obseruentur, quas tamen mutare corrigere, in illisque aliqua addere vel minuere, prout temporis & vtilitatis publicæ ratio dictauerit, potestatem & auctoritatem Reuerendissimo Domino Episcopo damus & concedimus. Articulum tamen ferendæ sententiæ Capitalis, Ciuitati contra Priuilegia, ademptum, ad Cognitionem, & Sacræ Regiæ Maiestatis vltimam Definitionem, reijcimus & remittimus.

Nos itaque supranominati Regiæ Maiestatis Legati & Commissarij, post lectionem & publicationem superscriptorum Articulorum, in præsentia totius Communitatis congregati: ad idque sufficienti auctoritate fulti, Ciuitatem *Braunsbergensem*,

cum



cum omnibus Iuribus, Attinentijs, Dominiis & Præminentijs, post præstitum fidelitatis iuramentum, Regiæ Maiestatis nomine, Reuerendissimo Domino *Mauritio*, Episcopo *Varmienfi* hîc præsentî, eiusque Successoribus ac Ecclesiæ prædictæ, de speciali suæ Maiestatis mandato, restituimus & reddidimus. In cuius rei fidem & testimonium, Sigilla Nostra præsentibus literis apposuimus. Datum & Actum in Arce dictæ Ciuitatis *Braunsbergensis*, Sabbatho post Assumptionem Beatissimæ Virginis *MARIÆ*, die *xviii*. Mensis Augusti, Anno Dñi. 1526.

Restituitur  
Braunsbergæ  
Episcopo.

Sub hoc Episcopo, *Elbinga* à fide Catholicâ, ad Sectam desciiuit Lutheranam; Infames Apostatæ, multum contulerunt ad exterminium Religionis Orthodoxæ, quorum nomina graphicè recenset, *Ioannes Leo Decanus Canonicus Gudstadiensis*, in suo Chronico Prutheno, quod manuscriptum extat; hæcque se recognoscit mutuatum, ex historia Pruthenâ illius temporis, scriptâ linguâ Germanicâ, scriptâ non impressâ *Simonis Grünau Tolkmitten*, Sodalis Ordinis *S. Dominici*, qui eâ tempestate vixit *Thorunij*, *Gedani* mortuus est. è propinquo vidit & audiuit, quo furore, quàm impio ausu, Sanctior oppressa Antiquitas, Sacra omnia profanata, nouumque & heri natum dogma introductum. Neq; prætermittendum censemus, quod in Libro, seu Tractatu recenter impresso, super aduertentiam defectuum, in Capitibus Imperij Sarmatici connotauit, *Casimirus Zawádzki Succamerarius Marieburgensis*, *Lipinensis Caputaneus*, uitæ claritudinis & Ciuilis prudentiæ præclarus *Rex Alexander*, in distrahendo Reipub: Patrimonio, nimium profusus, Districtum *Scharpauensem*, cum aliqua Mensæ Regiæ prouentuum diminutione, *Luca Weisselroth de Alen* Episcopo *Varmienfi*, concessit an donauit. Successor *Luca Mauritius*, cum Ciuitate *Gedanensi* transegit, eundemq; vendidit Districtum, pro summa leuium marcarum, quindecim millibus. Adeo illo tempore, de non alienandis Bonis Ecclesiæ, inualidum fuerat Legum auxilium.

Ad propagandam  
Hæresim  
Apostatæ multum contulerunt.

Hos Apostatas recenset  
Simon Grünau  
Dominicanus.

Rex Alexander  
districtum  
Scharpauensem  
Episc. Varm.  
donat.

Hunc Mauritium  
Gedanensibus  
vendidit.

*Mauritius* autem Episcopus, plenus dierum & de Ecclesia DEI meritorum, inter manus suorum Officialium, Calendis Iulij Anno 1537. mortuus, & in Ecclesia Cathedrali *Varmie* honorificè sepultus est. Electus fuit à Capitulo in Episcopum Anno 1523. die Sanctorum *Tiburtij* & *Valeriani*.

Mauritius  
Fenber. moritur.

*Motus Braunsbergæ cecurat, noua dogmata in herba*

*Extinguit, Leges dat Clero, \* & Sacra statuta,*

*Auget prouentus, successoriq; decoras*

*Ædes erexit Fraumburgi, & mania templi.*

\* Gudstadiensis  
Collegij.



## IOANNES IV.



**E**T huic Natales dedit *Gedanum*, Prudentiam, per Euro-  
pam, Asiam, cum Palestinam & sepulchrum Domini visê-  
rit, parârunt peregrinationes. Poëſi valebat, Laureamq;  
meruit Poeticam, *Petri Tomiciy Episcopi Cracouiensis Regni Can-*  
*Petro, Tomi-*  
*cio, charua*  
*cellaryj*, Viri incomparabilis, fauore promotioneq; fultus, & qui  
magnus. literatorum. audiebat Patronus, primùm Secretarius  
mox ad Cæsares, *Maximilianum, Carolum Quintum, Ferdinan-*  
*Legatus ad Im-*  
*peratores.*  
*dum Bohemorum Regem; ad Rempubicam Venetam*, fuit Lega-

tus;



tus: Quas functiones cum eximiâ prudentiâ obiuit commen-  
datione. In Aulâ Caroli V. Imperatoris, annis duodecim Legatus  
ordinarius morabatur, omnium Comes itinerum, etiam bellica-  
rum expeditionum. Ad Ticinum seu Papiam, cladem Gallo-  
rum expeditionum. Ad Francisci Regis captiuitatem, vidit, spectauit. Legationis suæ  
tam longinquæ & diuturnæ, spisso complexus volumine feri-  
em, quod extat inter Acta publica Tomicij. Dum eâ funge-  
retur Legatione, non alio prouisus fuit Sacerdotio, vt ipse scri-  
bit, nisi Parochiâ in Gotabie, quam vocat Columbam, ad Vi-  
stulam in Diœcesi Cracouiensi. Redux ab ea Legatione, Ca-  
nonicatu auctus Varmienſi, Rege promouente Culmenſem, ade-  
ptus Episcopatum, Mauritioq; defuncto, Electus Episcopus Var-  
mienſis; annis vndecim in regimine completis, exiit Mortali-  
tatem Heilsbergæ Anno 1548. Ætatis 64. sepultus in Ecclesia  
Cathedrali. Paulus Piaſecius in ſuo Chronico ſcribit Ioannem  
Dantiſcum perpetuas amicitias prophanarum literarum, com-  
mercia cum præſtantioribus Scholarum Hæreticarum Magiſtris  
retinuiſſe, præſertim cum Georgio Sabino primo Academiae Re-  
giomontanæ Rectore, qui fuit gener Philippi Melanchtonis.  
Extant impreſſa eiſdem poemata, vbi mutuo carmine ſcriptæ  
Epistolæ, Dantiſci & Sabini leguntur. Non longè à fato hæc  
ſibi ſcripſit epicedia.

Franciscum Re-  
gem Gallorū  
vidit captiuū

Parochus in  
Gotabie.

Canonicus Var-  
mienſis,  
Episcopus Cul-  
menſis tantē  
Varmienſis.

Cum hæreticis  
commercia li-  
teraria habuit.

Iam Sexaginta coeunt & tres simul Anni,  
Haſtenus à ſuperis quod mihi vita datur,  
Quam Climaſtericum contingere ſentio tempus,  
Vltimus hoc multis terminus eſſe ſolet.  
Intra quod, ſi forte DEVS migrare iubebit,  
Qui fuerim, paucis iſta notata dabunt.  
Aula diu tenuit me Regia, miſit ad Orbis  
Primores: erat hinc Inſula dupla mihi.  
Corpus habet tandem nunc terra: quiete fruatur  
Spiritus atheræa, quæ ſine fine beat.  
Hoc quiſquis tranſis, mihi quaſo precare Viator.  
Vt tibi poſteritas, inde precetur idem.

Aliud.

Terra tegat carnem, ſit Vermibus illius eſca,  
In cineres abeat, quod fuit ante cinis.  
Ad te ſumme DEVS contendit Spiritus, illum  
Reddo tibi; redeat, Venerat unde prius.

P 1

Ambi-



## De Ecclesia Varmienfi

*Ambitio, spes, cura, labor, luxus, dolor, & mens  
 Rebus in humanis, irrequieta vale.  
 Soluor ab his, in his dena trieteride, & una,  
 Illecebris, durus quæ mihi carcer erant.  
 Viuimus incerti, postquam procul esse putabis,  
 Et minimè veris, fata venire solent.  
 Tu qui securus vis viuere, Mortuus esto  
 Mundo, & in hoc dubio turbine, viue DEO.*

Effigies ipsius visitur in Domo Canonorum Ecclesiæ Collegiatae Gudstadiensis. Facies quadrata, inclinans ad rotunditatem, obesior vultus, oculi amænum quid spirare videntur, cui ipsemet hos adscripsit versus.

*Vndecimum lustrum, mensem transgressus & unum  
 Talis eram, qualem, picta tabella refert,  
 Quod vitæ superest, sit te Duce quaso peracta,  
 Sanctius in iussis o pie Christe tuus.*

Cui etiam Noster Senator egregiè alludit.

*Eloquio nitidus præsul, charusq; Poësi,  
 Tres illum Reges titulis auxere Poloni.  
 Munere Legati, leuarias perfunctus ad Oras,  
 Ingentes plausus fama, & referebat Honores.*

## XX.

## TIDEMANNVS.

Gissus in Aula  
 Sigismundi me-  
 ruit.

Heidenstenius  
 Gissum inter  
 limatos scri-  
 ptos recen-  
 set.

Frigidus Ca-  
 tholicus.

**N**on interruptâ serie, tres Præsules Dantiscani Municipis, hanc rexere Cathedram; Ex ijs *Tidemannus Gisse* in Aula *Sigismundi Primi & Augusti* meruit, negotijs grauioribus expediendis, Literis scribendis in Cancellaria operam commodabat, eâ quâ pollebat, doctrinæ, styli, promptitudine, meritò illorum temporum, limatis scriptoribus adnumerare *Gissium* non veretur, *Reinholdus Heidenstenius*, magni olim *Ioannis Zamoyseij* familiaris. Prima illius fuere Sacerdotia, Custodia Canonatus Varmien. & Gedanensis Parochia; Ad Episcopatum Culmensem Regiâ euectus nominatione, Fidem Catholicam remissè, languideq; non eo quem tantus exigit gradus promouit zelo. Cum Brasmo Rotherodamo, qui

elega-



elegantioris literaturæ venditabat se restauratorem, amicam familiaritatem, scriptis ad inuicem literis fouit retinuitq;. Con- stans habet traditio, aliqua eum composuisse, quæ fidei Ortho- doxæ iniuria aliqua depræhensa, neq; tamen in lucem prodiê- re, recteq; ad æternas damnata tenebras. Non toto biennio gu- bernauit Episcopatum. Moritur septuagenarius, anno 1550. 14.

Immo suspe-  
ctus.



Octob. & in Ecclesia Cathedrali, sepulturæ traditur. In Arce Lu- baviensi Episcopatus Culmensis, supra portas camerarum ab anti- quo superius structarum, visitur bina eius effigies, sculpta & pi- cta, facies oblongior, genæ barbâ rasæ, oculi viuaces, nasus aquilinus, vultus ad grauitatem compositus, germanicam.

Moritur septu-  
agenarius.



*De Ecclesia Varmieni*

*Facundus calamo Præsul, facundus & ore,  
Sed (quod vix credas) in Religione remissus.  
Immo aliquid contra scriptis vulgavit iniquum,  
Quam sæpè ingenijs, mixta est dementia magnis.*

XXI.

STANISLAVS HOSIVS.



**S**TANISLAVS HOSIVS, Patre *Vlricho Hosio* ex *Anna*  
Coniuge, nobili familiâ ex *Marchionatu Badensi* prodijt.  
*Natus est Cracoviae Anno Domini 1504. die 5. Maij. Adole-*

scens



scens in Vniuersitate Cracouiensi, in studijs & Pietate educatus; ibidem Baccalaureatus Lauream accepit. Auctore *Petro Tomicki* Episcopo Cracouiense, in *Italiam* profectus; *Patauij* primùm, deinde *Bononiae*, *Lazaro Bonamico* Præceptore vsus, Vtriusq; iuris Doctor creatus est. Reuersus in *Poloniam*, promotore *Samuele Macieieuo*, Episcopo *Cracouiensi* & Regni Vice Cancellario; Secretarius Regiæ Maiestatis factus; In Cancellaria, & præsertim negotijs *Prussicis*, *Sigismundo* Primo Regi, egregiam operam præstitit: Qui eius præclaris virtutibus incitatus, non solum Canonicatu *Cracouiensi*, & alijs Sacerdotijs Ecclesiasticis eum auxit; sed etiam moriens *Sigismundo Augusto* Regi, Filio suo injunxit, vt eum ad Episcopatum quem in *Prussia*, primum vacare contigeret, eueheret; Itaque primùm Episcopus *Culmensis* sub *Iulio III. Pontifice Maximo* factus; Ab eodem *Augusto* Rege, ad *Carolum V. Imperatorem*, & *Ferdinandum Romanorum*, ac *Philippum Hispaniarum* Reges, Orator in *Belgium* missus est. Legatione peractâ, ab Ecclesia *Culmensi* ad *Varmiensem* translatus est, Anno Domini 1551. die 21. Iulij. In Episcopatu constitutus, totum se ad quærendam animarum salutem, & Sacræ Theologiæ studium contulit. Ex Decreto Synodi Prouincialis *Petricouiensis*, insigne illud Confessionis Christianæ volumen conscripsit, multaque alia contra sui temporis Hæreticos edidit. Deinde auctore *Aloysto Lippamano Veronensi* Episcopo (qui cùm esset in *Polonia* Nuntius Apostolicus, *Hosio* familiariter utebatur) à *Paulo quarto Pontifice Maximo, Romam* euocatus, cum eo, de iuuandis Ecclesiæ DEI rationibus consilia communicauit; quo mortuo, à *Pio IV. eius successore*, ad *Ferdinandum Cæsarem*, Nuntius Apostolicus, Concilij Generalis congregandi causâ, designatus est, apud quem, cùm triennium exegisset, & rem ex voluntate Pontificis, & Ecclesiæ Catholicæ commodo feliciter confecisset, ab eodem Anno Domini 1561. die 26. Februarij, absens Cardinalis creatus est, & paulò post, etiam Legatus ad Concilium Oecumenicum *Tridentinum* missus; ibi toto triennio cum alijs S. R. E. Cardinalibus Legatis, Præsidentis munere, magnâ cum *Poloni* nominis gloriâ feliciter functus est. Finito Concilio ad Ecclesiam suam *Varmiensem* reuersus, Diocesim ab Hæresi; quæ pullulare cæperat repurgauit. Patres Societatis IESV primus in *Poloniam* introduxit. Collegiũ ac Seminariũ *Braunsbergæ* eisdẽ fundauit. In Regni Comitijs, Catholicam Religionem liberè, contra Hæreticorum conatus, defendit. Ecclesiam Parochialem

In Italiam profici scitur. I. V. D. Creatur Redit in Patriam Ad Aulam se confert. Secretarius Regius creatur.

Canonicus Crac.

Episcopus Culmensis. Legatus ad Principes.

Episc. Varm.

Contra Hæreticos scribit.

Ad Pontificem Romam euocatur.

Nuntius Apostolicus ad Cæsarem.

Cardinalis creatur. Legatus ad Concilium. Concilio Præsidet.

Varmiam reuertitur. Patres Societatis IESV in Poloniam introducit.

Religionem Catholicam defendit.



Romam mitti-  
tur.

Pœnitentiari-  
us Maior crea-  
tur.

Hospitale Ro-  
mæ erexit.

Coadiutorē as-  
sumit.

Moritur.

*Elbingæ* ab Hæreticis occupatâ, recuperavit. *Regiomontanam* seditionem auctoritate & prudentiâ suâ repressit. Postea à *Sigismundo Augusto* Rege, *Romam* Missus, negotia Maiestatis eius, summâ fide ac diligentîâ tractavit. *Pio V.* Pontifici Maximo, & eius Successori *Gregorio XIII.* valde charus, à quo etiam Maior Pœnitentiarius, (quæ prima post Pontificiam in *Romana* Curiâ dignitas est,) creatus. Officium illud summâ cum integritatis laude gessit. *Hospitale Polonorum* in Vrbe fundavit & erexit. Cùm redeundi in *Poloniam* facultatem ætas ingrauescens prohiberet; Coadiutorem Episcopatus *Varmiensis* assumpsit, *Martinum Cromerum*, Virum de Ecclesiâ & Repub. *Polonâ* benè meritum. Tandem in Septuagesimo sexto ætatis anno, cùm *Capranicam* vitandi æstus gratiâ se contulisset, Anno 1579. die 5. Augusti ex hac lucem migravit. Corpus *Romam* translatum, in eius titulari Ecclesiâ S. MARIÆ Trans Tyberim, marmoreo tumulo conditum est. Præfuit autem Ecclesiæ *Varmiensis* Annis viginti octo, diebus quindecim.

*Ad Ferdinandi* fit, *Papa* Nuntius, *Aulam*;  
Concilij primus Præses *Rektorq; Tridenti*,  
*Absens* *Purpureum* capit, *inuitusq; galcerum*,  
*Sed gerit inuictus*, propugnans *Dogmata Christi*.

Aliud.

*Scripta Hosij mundus veneratur*; gesta stupefcit;  
*Catholicus* sequitur, proterit *Hæreticus*.  
Concilij Præses: *Perfectus* *Episcopus*, *Vrbis*  
*Gloria*; *Dux Fidei*, *Flos Patriæ*, *Orbis Amor*.

## Beneuolo Lectori.

**M**eruit ingens Orbis Christiani Lumen, *Stanislaus Hosius S. R. E. Cardinalis & Episcopus Varmiensis* (Cuius vitæ Sanctimoniam, Incomparabilem doctrinam, tota miratur & veneratur Europa) vt Vita ipsius prolixiori calamo connotata, huic infereretur Operi: At *Thomas Treterus Custos Canonicus Varmiensis*, tot annis *Hosio*, ad supremum diem familiaris, poterat aut debebat, copiosius & accuratiùs, Vitam ac Acta *Hosij* consignare; Verùm cùm *Stanislaus Rescius Abbas Andreiœuiensis*, *Canonicus Varmiensis*, *Decanus Varsaviensis*, *Signaturæ in Curia Romana Referendarius*, *Hosij*

per



per annos complures Secretarius, iusto Volumine vitam Patroni Benefactoris sui, eleganter eruditèq; sit complexus; Fortassis & *Thomas Treterus*, manum (vt aiunt) de tabula, actaq; agere superfedid. Neq; nos præsumimus ea in compendium redigere, quæ alias exacto cultoque dicendi genere, à *Rescio* connotata; satius foret si sumptus abundaret, eandem vitam, quæ non nisi in Bibliothecis exstat, iteratò in publicam mittere lucem, hocq; fieri optaremus. Porro cùm *Cromeri* & aliorum sequentium, vix in aliquot lineis hæreat memoria; Nos simplici neq; ad genium sæculi vibrato stylo, ad modernum vsq; Antistitem (cui vitam longæuam, curam, sollicitudinem pastoralem auguramur) incorruptam professi veritatem. Seriem à *Tretero* inchoatam continuamus. Tu Lector faue & vale.

## XXII.

### MARTINVS CROMERVS.

**P**Er arduam Virtutis, Doctrinæq; viam, ex humiliori nascendi forte, ad tantum gradum *Martinus Cromerus* euasit; Natale illi solum obtigit *Betziū*, Regij Iuris Ciuitas, tractus submontanei in Palatinatu Cracouiensi. Ætatem primam, literis Latinis, Græcis, in Academia Cracouiensi, veteri Musarum domicilio, excoluit, manu ductore *M. Ioanne de Casimiriâ*, Viro illâ tempestate literarum præclaro. Primâ etiam obtentâ laureâ, & secundâ; ad eam eruditionis famam, quæ post Orbi innotuit literato, assurrexit. Exstant aliquot eius opera impressa, quæ Iunior ex Græco in Latinum vertit. Germanicâ, Italicâ postmodum susceptâ peregrinatione, cultiorem quæsiuit literaturam, quæ illi fauorem, patrociniūque *Ioannis Choinski*, Gente *Habdanci Episcopi Cracou: Regni Cancellarij*, egregiè probi & docti, conciliauit: Dumq; inter *Choinj* familiares eminet eruditione, opimiolemq; præstolatur fortunam, præcox & immaturū fatum, magno cum omnium dolore, *Chornium* rebus exemit humanis; nec minori luctu *Cromerum* compleuit, cùm spes suas intelligeret euerfas; verum qui in Episcopatu Cracouiensi successit *Petrus Gamratus*, collapsam *Cromeri* fortunam mox erexit; comperta erat doctrina *Cromeri*, tantòque facilius in censum suorum cooptauit Clientum, ingenij, industriæ exercendæ, monstrauit campum, grauiorumq; negotiorum æstimauit Arbi-

Patria *Cromeri*.

Studia in Academia Cracouiensi.

Eius profectus in Literis.

Peregrinationes.

Cancellario Regni, ob egregias dotes carus.

*Petrus Gamratus* fortunam eius erexit.

Quædam sunt etiam: *trum:*



In Synodo Petricouienſi perorat.

Canonicus Cracouienſis.

trum : nec dum enim ſacris initiatus, in Synodo Petricouienſi Prouinciali, à *Gamrato* Archiepiſcopo Gneſnenſi & Epifcopo Cracouienſi. congregatâ, ſermonem dixit, de dignitate Sacerdotali, qui exſtat impreſſus. Ab eodem *Gamrato* Canonicatu Cracouienſi. & alijs auctus Sacerdotijs, Sandomirienſi Kielceſi Canoniatu, Cuſtodiâ Viſlicenſi, quorum retentionem, in Bulla Coadjutoria *Pius V.* indulſit, in Regiâ Aulâ comparuit, in numerum-



Secretarius Regius.  
Ad reuidentū Archiuū deſtinatur.

Ocieſcii promotione.

que & album adſcriptus Secretariorum ; Mox ad reuidentia connotandaque Archiui Regni diplomata, Priuilegia, aliasq; ſcripturas, à Rege *Sigismundo Auguſto*, deſignatus. Negotium commiſſum prudenter, dextrè confecit ; accuratum eorum omnium Indicem conſcripſit, qui etiamnum manuſcriptus exſtat, cum Præſatione & Epiftola dedicatoria ad *Sigismundum Auguſtum*. Memorat ibidem, arduum hunc ſe ſuſcepiffe laborem, ſuaſu, conſilio, ac promotione *Ioannis Ocieſki*, tūm Procan cellarii, mox Regni



Regni Cancellarij, quem Patronum suum & Affinem, scribit nominatq; honorificè: Hinc magna conquisiuit adjumenta ad Historiam Regni conscribendam, quàm terso limatoq; dicendi genere, ac à Repub: literariâ nunquam satis laudato, ad tempora *Sigismundi Primi Regis*, omnium sæculorum memoriâ digni, perduxit. Opus primæ, secundæ, ac tertiæ editionis, *Basileæ* fuit impressum, ultimâ & nouissimâ recognitum curâ, jam Episcopus Varmieñ. *Stephano Regi* inscriptum, *Coloniæ Agrippinæ* dedit imprimendum; quod dum sub prælo sudat, Rex augendo conservandoq; Regno vnicè intentus, mortalitatem expleuit. *Sigismundo Augusto* tam gratus, tantæq; æstimationis erat *Cromerus*, ut eundem (quod tùm Iuris erat Regi) Nobilitaris decorauerit prærogatiuâ. Recognoscit id ipsum Lib. 2do. suæ *Poloniæ*, narratq; Maternum se ducere genus, ex Gente *Iastrzëbeciâ*, Paternum verò ex *Piersebalidâ*, & *Osmerogiâ*.

Historiam Poloniam conscribit.

A Sigismundo Augusto, Nobilitatis prærogatiuâ condecoratur.

Legationibus ad Exteros Principes, cum eximiâ prudentiæ, dexteritatis, commendatione perfunctus: Ad *Carolus V.* Imperatorem, unâ cum Principe *Nicolao Radvilio M. D. Lithuanæ Marschalco*; Dein ad *Ferdinandum Primum Romanorum Regem* mox *Imperatorem*; *Paulum IV. Pontificem Maximum*. Posteaquam verò *Carolus V.* raro & insolito exemplo, cessione spontaneâ, Imperii diadema dimisisset, illudq; Collegium Electorale *Ferdinando* detulisset, apud eundem integrum exegit septennium, cum titulo Legati Ordinarii; cum eaq; dignatione à *Ferdinando* dimissus, ut ad Stemma, quo illum *Sigismundus Augustus*, cum Fratribus & omni ornauerat posteritate, nimirum dimidia Aquila pectore tenus, naturali colore extensis alis, laureâ coronâ, circa collum redimita, in rubro, gentilitium Austriacæ suæ familiæ insigne, rubram in albo scuto teniam per transversum ductam, addidit, duoque Imperialis aquilæ capita, supra conum galeæ coronatæ posuit.

Legatione Cromeri.

Carolus V. imperium dimittit.

Domus Austriacæ & Imperiali insigni, augetur.

Inde redux *Ioanne de Stangenberg Kostka* Gedanensi Castellano, Terrarum Prussiæ Thesaurario, post *Sandomirien* Palatino, ad Anseaticas Ciuitates *Lubecam*, *Rostochium*, ab eodẽ Rege, demandatam, Legationem pari obiit dexteritate. Tantorum ergò meritorum Prælatus, illâ ætate, in procliui erat altiore sperare & occupare gradum; Erat in oculis orbis *Poloniæ* Doctrinâ præstans eruditioneq; tùm vitæ morû spectata integritate *Stanislaus Hosius S. R. E.* Cardinalis & Maior Poenitentiarius, quem in Epistola Dedicatoria, *Poloniæ Historiæ* ad *Sigismundum Augustum*; suum recognoscit Præceptorem, ad prælaturam Cantoris & Canonicatum Varmieñ. promouerat *Cromerum*; Conci-

Redux in Patriam destinatur Legatus ad Anseaticas Ciuitates.



Coadiutor Episcopatus Varmiensis creatur.

In administratione Episcopatus eius diligentia.

Initium belli Dantiscani.

Rex Daniæ auxilium præbet Dantisco.

Braunsbergam inuadunt.

Lytrum extorquent.

lio Tridentino, cui præerat Summi Pontificis Legatus, absoluto; redierat in Poloniam; cum iteratò à Pio IV. Romam euocaretur, ubi grauioribus Ecclesiæ incumbens negotiis, ad supremam fati mansit lineam; Ne ergò Episcopatum, ab hæresi in uiciniâ gliscente, aliqua afflaret contagio (prout ante *Hosii* contigerat tēpora) *Sigismundo Augusto Rege* promouēte, sacri Collegii Ecclesiæ Varmien. electione accedente, *Pius V.* cum futura successione Anno 1574. designauit, approbavit Coadjutorem: Reditu etiam prouisum ampliori, cum Schmolainen Cameraptum, *Hosio* indulgente, non contemnendam Patrimonij Episcopalis portionem, possidendam retinendamque *Pius V.* in diplomate Coadiutoria decreuit. Toto tempore usque ad excessum *Hosii* Episcopatum Spirituali ac temporali gubernauit potestate; Circa cultum Diuinum, Fidei Catholicæ conseruationem, Ecclesiarum à Parochianis frequentationem, zelum ac sollicitudinem spirantes Pastoralem, scripsit publicauit Ordinationes, quæ annexæ Statutis Synodalibus, eiusdem Diocesis exstant impressæ. Cum *Stanislao Karnkouio* Episcopo Vladislauien post Gnesnen Archiepiscopo, doctrinâ, pietate, zelo fidei Catholicæ, eminentissimo in Regno Antistite, coluit Amicitiam, id ipsum mutua testantur Epistolæ, quæ opera *Karnkouii*, in lucem prodierant publicam. Sæpius *Karnkouius* in *Prussiam* excurrerat Episcopalem, ac pro *Cromero*, designato necdum consecrato Episcopo, Ordinationes Cleri aliaq; munia faciebat Episcopalia. Cum verò belli Dantiscani exarsisset flamma, eidemq; opprimendæ *Rex Stephanus* incumberet, post tentatam oppugnationem, Mindani fortalitii seu Laternæ, obsidione illius intermissâ, sub initium Septemb. Anni 1577. exercitu in statuiis disposito, cumq; *Marieburgum* Rex diuerteret, Danicæ quindecim Naues quæ Gedanensibus auxiliaturæ in Mari Balthico propè Gedanum comparuerant, in sinum eiusdem Maris, Habum dictum, excurrerunt, ductore seu Architalasso *Erchardo Munck Dano*, & *Ferdinando* Comite ab *Hardeck*, (qui Anno 1594. ob factam deditionem *Iauerini* seu *Iaurini* Turcis, capitis subiit supplicium) insperatè, morè Piratarum *Braunsbergæ* inuaserunt portum, missoq; ad Ciuitatem Tubicine, extrema denuntiant Ciuitati, ni rabiem, depræcationemq; militarè, Viginti imperialium millibus, redimerent: tandem conuentum, repræsentatâ impossibilitate, tantò lytro Ciuitatem imparem, vt minori pretio, quinque millibus imperialium, impendens Ciuitati pagisq; vicinis clades auerteretur; Hacq; summâ extorta, mittunt subito *Frauenburgum*, imperando ingentis summæ solutionem, quæ

nisi



nisi exolueretur tempestiue, ferro, igne sauituros denuntiant: Coactum Capitulum, etiam consentiente *Martino Cromero* Administratore, durū necessitatis telum auertere; hostilitatē comminatam mille redemit imperialibus. Nuntius horum ad Regem *Mariaburgi* peruenit subsistentem, mileratq; cum expedita militum manu *Gasparum Bekeffium*, qui classe jam recedente venerat *Elbingam*. Sequiū etiam Regi fuerat delarum, Capitulum fouere, vel non improbare, bellum contra Regem motum. Aderant aliqui Gedano oriundi, qui primaria tū Collegii censabantur capita. Patuit nihilominus innocentia, luculenterq; deductum, integerrimam fidem, subiectionem Regiæ Maiestati Capitulum, ne minimā quidem temerasse suspicione. Multum profuit Capitulo, efficax & validum patrocinium ac interuentio *Petri Dunin Wolski*, Supremi Regni Cancellarii, demum *Ploceñ*. Episcopi. Addiderat non leue momentum *Hieronymus* Comes de *Rozrazow* Regni Secretarius Maior, *Ploceñ*. Præpositus; post *Vladislauiē*. ac *Pomeraniæ* Episcopus. Hanc infelicitatem, alia domestica subsecuta, *Cromerus* mouit litem Capitulo, super certis articulis, præsertim circa iurisdictionem temporalem in bonis mensæ capitularis, quam hucusque independentem exercet Capitulum; Erant nonnulla juribus Capituli oppido præjudiciosa. Res ad Romanum deuenerat Tribunal, cuius declaratione, commissum *Vincentio* Laureo Episcopo Montis regalis, ut arbiter litem complanaret, quod egregie præstitit, litemq; hanc molestiorem, sine omni iurium Capitularium comminutione, definiuit. Tandem *Stanislao Hosio*, viam vniuersæ Carnis ingresso, Romæ nonis Augusti 1579. Ætatis 76. *Cromerus* pleni & integri juris Episcopus, *Varſauiæ* consecratus à *Stanislao Karnkowio* *Vladislauiē*. Episcopo, vigilem, sollicitum gregis, à Dño commissi, egit pastorem, Ecclesiam *Remerswaldē*. *Lautereñ*. Sacellum *S. Anna* in arce Capitulari *Allenstein* consecrauit. Rege *Stephano* Victoribus armis, *Liunioniam* è manibus *Moschorū*, Tyranni *Ioannis Basiliadis* vindicante, religionemque Catholicam à barbarie illā prostratam, vel ejectam instaurante, nouos industriosque ex Episcopatu, ad Noualia, *Liunica* excolenda misit operarios, Presbyteros, vitæ doctrinæ probatæ, Hæresi *Lutheranæ* circumquaque gliscenti, ne in *Prussiam* deriuaretur Episcopalem, summā obuiauit sollicitudine. Societatem Iesu, magno rei Catholicæ commodo *Braunsbergam* ab *Hosio* introductam fouit, in eamque fuit beneficus. Historia *Pollonia* ab ipso conscripta, cum maleuolorum acriori laceraretur censurā, Apologiam pro eadem scripsit. Annis iam sessus & Septuage-

Simile *Frauburgi* exigit,

Capitulum *Varſauiense* fidei unculpat.

Lis capituli intentatur.

Tandem per commissarium componitur.

Monte *Hosii* publicatā plenius in Episcopatu *Varſauiensi* obtinet *Cromerus*.

Mittit Rex in *Liunioniam* Presbyteros ne hæres intaminetur.



Andream Bathoreū in Coadiutorem aſſumpſit.

Moritur Anno 1589.

Ad Summum Pontificē, tūm Imperatorem Orator.

ptuagenario maior, *Stephano Rege* requirente & commendante, *Andream Bathoreum Regis* Nepotem, Præpoſitum Generalem Canonicoꝝ Regularium Sanctiſſimi Sepulchri, Miechowienſis, S. R. E. Diaconum Cardinalem, cum futurâ ſucceſſione *Gregorio XIII.* approbante, Canonatu ante Varmienſem prouiſum, à Capituloq; electum, in Anno 1584, prout inſtrumentum coadiutoriæ ſatis clarè teſtatur, aſſumpſit Coadiutorem. Adoptionis huiuscè honorificam facit mentionem, in Epistoſa dedicatoria ad Regem *Stephanum*, operis Hiſtoriæ vltimæ editionis; vocatq; *Andream Cardinalem Bathoreum*, dignitate Patrem, ſacrâ adoptione filium. Nec diu ſuperuixit *Cromerus* huic adoptioni, Anno 1589. Viuere deſijt. Verùm obitum & aliqua memorabilia libet conſignare verbis *Ioannis Leonis* Decani Canonici Gutſtadienſis. cōpertæ probitatis, doctrinæq; Sacerdotis, qui in Chronico Prusiæ accuratè ſatis eleganterq; conſcripto, quòd manuſcriptum duntaxat in Bibliotheca Gutſtadienſi. Collegiatæ aſſeruatur. Ita verò ille de morte *Cromeri*, Anno 1589. ætatis 77. Moritur *Martinus Cromerus* Episcopus Varmienſis. è Ciuitate Berzeñ oriundus I. V. D. Canoñ. primùm Cracou. Cantor Varmienſis. Regius Secretarius. A *Sigismundo Auguſto* ad *Paulum IV. Pontificem Max.* deindè ad *Ferdinandum Primum* miſſus Orator, ſummam prudentiæ & integritatis laudem conſecutus, ab eodem Episcopatus Varmienſis. Adminiſtrator, deindè Rege commendante, Coadiutor cum futurâ ſucceſſione designatus, & à *Pio V.* Pontifice Maximo confirmatus, quo in munere nouem annos ita verſatus eſt, vt ob abſentiam Cardinalis Episcopi Varmienſis. Eccleſia nullum ſentiret diſpendium. Mortuo Cardinali in Conuentu Generali Varſauiæ ſolenniter ab Archiepiſcopo Gneſnenſi *Stanislao Karnkowio*, 6. Decembris. 1579. in Episcopum conſecratus. Vir fuit pietate doctrinâ, inſigniter præditus, & in negotiis tractandis, ſingulari quadam pollens dexterritate, cū iam proceſſiſſet in diebus, *Stephani Polonia Regis* adductus requiſitione, conſenſu Capituli accedente, de Canonatu Eccleſiæ Varmienſis. ante prouiſum, designauit Coadiutorem *Andream Bathoreum* S. R. E. Diaconum Cardinalem. Quinquennio demùm ab hac adoptione euoluto, in ſenectute bona, plenus dierum, Anniuerſario in Eccleſia ordinato, obdormiuit in Dño die 23. Martij. Sepultus in Eccleſia Cathed. Varmienſi. *Eius elogium nonnemo hoc conſignauit metro.*

*Vir pius & doctus legumq; peritus*

*Princeps Hiſtoriæ Sarmatis ora tuæ.*

*Prudens Orator, Paſtor bonus, arbiter æqui,*

*Iuſtitie vindex, hoſtis atrox ſclerum.*

Circa



Circa Ecclesiam sibi commissam, vigilans sollicitusq; fuit. Patet hoc ex frequentibus eius literis scriptis, quæ processus seu Circulares vocantur, quæ etiam nunc exstant; Ex Synodis ad emendationem vitæ, populi juxtaq; Sacerdotum, accommodatis. Quàm verò minùs otio & voluptatibus deditus fuerit, lucubrationes, & ingenij monumenta testantur, aliquorum pono indicem. Triginta libri de origine & rebus gestis Polonorum, opus ab exteris etiam *Paulo Iouio* Nouocomen Episcopo in elogijs Illustrium Virorum; *Francisco Robortello* Vtineñ. *Antonio Possuino* Societatis Iesu in apparatu ad omnium gentium Historiam, quanti æstimentur, ac ab alijs omnis literaturæ consultissimis; satis innuisse. Exstat etiam liber dialogorum, de vera & falsa religione, opus aduersus Lutheri, Caluini deliria polemicum. Catechises pro Dioecesi, germanicè & polonicè impressa. De musica liber. Apologia de nobilitate suâ, Oratio in funere *Sigismundi Primi Regis*. Aliquot etiam homilias *S. Ioannis Chrysostomi*, ex Græco in latinum vertit. Missalia, breuiaria, Agenda, qui sunt libri Ecclesiastici, ad ordinem aliquem reduxit, quibus post hac antiquatis, decenter maioriq; cum comodo Missalia, breuiaria Romana, ad vsum cleri Dioecese-fani introducta. Pari vsus diligentia in iustitia administranda: Nam quotidie post Missæ Sacrificium, quod vel ipse deuotè absoluebat, vel alio celebrante audiebat, querelis causisq; subditorum audiendis vacabat. *Burgrabium Heilsbergen*: alias affinem suum, ob illatam subdito cuidam Episcopali iniuriam, officio mouit, antequè solis occasum, arce migrare mandauit. Quamuis verò in Episcopali residentiâ frequens opus exercebat iustitiæ, quotannis nihilominus arces, ciuitates visitabat; vbi de Burgrabiorum, Magistratuum probitate, administratione iustitiæ, inquirebat. Grata & prospera vigeat eius memoria, vel apud eos, quibus ius dixit, etiam apud illos, quorum aliquos errores, vel delicta quandoq; redarguit. Dicere solebat *Futura tempora, quando illum viuum è tumulo desiderarent*. Mortuus est in lecto, præsentibus adstantibusque presbyteris, non ad mensam vt aliquis Geographus mendax scribere ausus. Cæterùm in Ecclesiâ Cathedrali, nulla ipsius exstat memoria, præter anniuersarium. Tantis Vir, sine honore tumuli & elogio quiescit sepulchrali. Quanquam erudita ingenij monumenta, ærè perenniùs Mausoleū quæ Doctior admiratur orbis, eidem erexerunt: Sed & noster Senator tale illi dedit elogium.

Circa curâ Ecclesiæ Cromerij Vigilantia.

Triginta libri de Origine & gestis Polonorum.

Alia Opera eiusdem.

Iustitiæ administrandæ amantissimus.

Quotannis Ciuitates & Arces visitabat.

Mors Cromeri.

*Nouit Cromerum, nouit, quicumq; Polonos,  
Quos docto, totum calamo produxit in Orbem,  
Extendens fastis facta, & longæua Trophæa,  
Nec Scriptor tantum, sed Pastor magnus ubiq;.* XXIII.



# ANDREAS CARDI- NALIS DIACONVS BA- THOREVS.



Bona Institu-  
tio. est Basis  
Virtutis.

**F**ons aut basis Virtutis, maturioris ætatis Viaticum, proba In-  
stitutio. Enimuerò euenit identidem, vt probæ ac san-  
ctiori educationi, adultiores anni minimè respondeant, po-  
stremaq; primis non cohæreant. Hoc vtrumq; non euenisset  
*Bathoreo*, qui elegantem satis iuuentutis sanctiùs curatiùsque  
educatæ prologum, tristi & lamentabili absoluit epilogo. So-  
licitam nimis dedit operam *Stephanus Rex*, vt literis iuxtaq; pie-  
tate à teneris imburetur. Abstractum à Matre, quæ sectæ fuit

tenax



tenax Luteranæ, *Pultoviam* ad Collegium Societatis Iesu, recen-  
ter ab *Andrea Noskowski Plocense Episcopo*, erectum, transtulit:  
eiusque Institutioni *Iacobum Vuieci* Societatis Iesu clarum  
Theologum, voluit ordinavitque præesse. Literis, Probitati  
*Bathoreus* ita incubuit, ut non dubiam spem, sanctioris induen-  
dæ togæ, ad quam destinabatur, probus, modestus, juvenis vi-  
deretur polliceri. In illa Palæstra dum excollit ingenium, mo-  
ritur *Simon Lugovius* nominatus Episcopus *Pramysliën. & Præ-*  
*positus Generalis Miechouiensis*. Anno 1583. Tam nobili amplo-  
que Sacerdotio, sanguinem suum propinquum, auxit *Rex Ste-*  
*phanus*. Erat tùm *Bathoreus*, juvenis annorum duo de viginti,  
emergebatq; aliqua difficultas circa electionem, quàm liberam  
& *Sigismundi Augusti* firmatam diplomate, Congregatio illa Ca-  
nonicorum Regularium obtendebat: Verùm *Stephani Regis*,  
feruens requisitio, *Alberti Bologneti* Episcopi *Messanën*. Aposto-  
lici Nuntii, deinde S. R. E. Cardinalis, *Petri Myskowski* Episco-  
pi *Cracov*: persuasionibus cessere, negotioq; complanato, *Ba-*  
*thoreus* electus *Præpositus Generalis Miechouien*: à *Gregorio XIII.*  
instante *Rege Stephano*, pio, totq; Victorijs celebrato Principe,  
impetratum Indultumq; ut eam Præposituram non in titulum,  
verùm per Commendam retineret. Anno sequenti venit *Mie-*  
*chouiam*, omnibus comis, affabilis, sacrum illum Canonico-  
rum cærum, ita deunxit, itaque obligavit, ut benè ordinatis, etiam  
in Regulari disciplinâ, fundatis religionibus, Ordinem illum red-  
diderit æqualem: prout hoc luculenter testatur *Samuel Nakiel-*  
*ski*, S. Th: D. ejusdem Instituti, ad Pontem Regium, *S. He-*  
*duigis Stradomia* ad *Cracoviam* Præpositus. Sacerdos eximie  
pietatis & doctrinæ, à quo, seu eius *Miechouia* hæc & alia mu-  
tuamus. Neq; erubescimus profiteri, ac fontem coronare, ex  
quo hausimus.

Ordinatis religiosæ illius domûs, Rationibus, Statutis, seu  
Constitutionibus in Generalibus Capitulis conditis, quæ à *Six-*  
*to V.* approbatæ, impressæ *Braunsbergæ*. Rei familiaris curam  
commisit *Stanislao Suchorzewio* Calisiensi *Subdapifero* Viro indu-  
strio & probo. His ita dispositis voluntati Regis obtemperan-  
do, abiit in *Italiam*, *Romamq;* rectâ perrexit. *Gregorius XIII.*  
tanti Regis *Nepotem*, ante ex famâ, post ex vultu notum, pera-  
manter excepit, & in Cardinalium creatione, in Sacrum Purpu-  
ratorum Patrum Collegium cooptavit. Erat tùm *Roma*, imò  
in toto Christiano orbe, celebrata sanctioris innocentisque  
vitæ fama, *Caroli* Cardinalis *Boromai*, Archiep. *Mediolan.* vi-

Rex à Matre  
Luteranâ, ab-  
tractum Pa-  
tribus Soc Ie-  
su educandum  
committit.

Præpositurâ  
Miechouienſi  
condecoratur  
Bathoreus An-  
dreas.

Circa electionē  
difficultas.

Tandē sopitis  
difficultatibus  
eligitur in Cō-  
mēdatarium.  
Venit Miecho-  
uiam.

Omnia suavi-  
ter ordinat &  
disponit.

Curâ rei fami-  
liaris cōmittit  
Suchorzewio.

Romam pera-  
git.

Cardinalis  
creatur.



Mediolanum  
visitat.

A S. Carolo  
humanissime  
excipitur &  
dimittitur.

Mors Regis  
Stephani.

Mors Cromeri  
Episcopi Var-  
mienfis.

Andreas Epi-  
scopatum Var-  
mienfem apprehendit.

Eius acta in E-  
piscopatu.

Inuitus Subdia-  
conus factus.

vum illud sanctitatis Exemplar, cum *Stephano Rege*, familiaritatem bonamq; Amicitiam, per commercia literarum, exercebat; eidem Nepotem suum impensius commendauit, utque hæc nouella planta, Ecclesiæ decori solatioq; adolesceret, domesticâ familiaritate, Literis prolixius frequentiusq; scriptis ad *Bathoreum*, *S. Carolus Boromæus* allaborauit *Mediolanum* ad se diuertentem, omnibus Christianæ charitatis excepit officiis, sanctioribus instruxit monitis, etiam Diuorum Lipsanis, quorum corpora in Basilicâ quiescunt *Mediolanensi* donatum dimisit, quæ cum publico Instrumento, manu *S. Caroli* subscripto religiosè in Ecclesia seruantur *Miechouiensi*. Iteratò in grauioribus negotiis, à Rege *Stephano* mittitur *Romam Bathoreus* ubi mansit ad Obitum Regis, quo *Grodna* imperitiâ an perfidiâ medicorum extincto, idibus Decembr. 1586. Tam ferali nuntio in *Poloniam* reuocatus abiit *Bathoreus*, iusta parentalia *Stephano Regi* persoluit, moxq; *Cromero* è viuis sublato Ecclesiæ *Varmienfis* iniit regimen. Episcopatum singulari moderatione mansuetudine gubernauit. Capitulum, omnem humanitatis testificationem; tum & Prouincia pronam agnouit benignitatem; Ecclesiam filialem in Pago Tungen, natali solo quondam *Nicolai Tungen Episcopi Varmienf.* & quæ Matricem *Wormditensem* recognosceret, permisit ædificari. Sacellum in *Crossen* itidem nouiter erectum, ubi Diuæ Virginis Imago Miraculosa, *Wormditenfi* Parochiali, voluit subesse. Partem arcis *Heilsbergensis*, quæ nunc camera Cardinalis appellatur struxit, ubi Mater eius Lutheranismi pertinax habitabat. *Wartemburgi* desertum claustrum à sodalibus Minoribus obseruantibus, quoad Prouinciam spectat Saxoniam, eiusdem Ordinis Religiosis *Polonia Prouincia* contulit, & ne Annonæ difficultate premerentur, perpetuam prouidit Eleëmofynam. Ibidem sibi & Fratri cum Cenotaphio excitauit sepulchrum, verum illud apophtegma *Patru Regis*, quod *Christophorus Varseuicius* limatissimus memorat, in sermone eiusdem funebri, satis veraciter adimpleuit: nimirum multos sibi sepulchra condere, & centum millibus passuum ab iis mori atq; tumulari. Iussu & mandato *Clementis VIII. Pontificis Maximi, Germanicus Melaspina* Episcopus *S. Seueri*, eum Sacro Hypodiaconi ordine, votoq; non amplius nubendi obstrinxit. Porro vt refert integerrimæ fidei scriptor *Stanislaus Lubienius Episcopus Plocen* summis ingratijs *Bathoreus* hoc excepit, testatusque se pænè inuitum eò adegi, & posthac vt suo dicetur loco, grande post se reliquit documentum, seridè rem Diuinam



esse tractandam, nec ad levis auræ spem, Statum Ecclesiasticum deferendum. Nihilominus *Ioannes Zamoyscius* Regni Cancellarius & Exercituum Præfectus, ad ampliorem & altiore gradum *Bathoreum* contendebat euehere.

Ab obitu *Petri Myszkouij* Episcopi Cracou: vacabat hæc Ecclesia, *Zamoyscius* Regi feruentius *Bathoreum* recom mendabat, pro eo nexu affinitatis, qui illi cum *Bathoreis* intercessit. Verum pro *Georgio* Cardinali *Radiuilio* efficacius aliqui egere, cui Episcopatus hic cefsit: in alijs occasionibus non immemorem se *Bathorei* futurum Rex pollicebatur, speq; non dubiâ fortunæ solabatur amplioris, quod quidem mox præstitit obtento à Regni Ordinibus consensu abeundi in *Sueciam*. Varlauiâ Gedanum versùs vistula soluit, ibidem per mare Balthicum in *Sueciam* ordinaturus profectioem. Factum in gratiam *Bathorei*, vt Rex *Czeruinscum* diuerteret, ad tradendam eius loci Abbatiæ Cardinali possessionem. Quod quidem vt memorat oculatus testis *Stanislaus Lubinski*, Episcopus Ploceñ. Rege præfente factum fuit, multum renitentibus Religiosis, superesse adhuc Abbatem clamantibus, & Iura liberè eligendi Abbatis appellantibus. Sed frustra: nam *Germanicus Malassina Nuntius Apostolicus*, ostendit Summi Pontificis id fieri voluntate, ni parerent, præfens illis anathema interminans. Viuebat adhuc *Stanislaus Falęcki Abbas*, fessus annis, & sui poenè impos, nec verbis sed lacrymis se ruebatur. Inuidiosa sanè videbatur hæc Sacerdotij, viuo altero, vsurpatio; quòd quidem multis alijs non benè cefsit, hocq; ipsimet, post annos aliquot euenit Cardinali, vt mox constabit.

Sub Annum Domini 1595. *Rudolphus 2dus Imperator. Mariâ Christianâ, Filiâ Caroli Archiducis*, Reginarum *Poloniæ Anna & Constantiæ Sororis*, *Sigismundo Bathoreo Transyluania Principi* elocatâ, cum eodem pacta inierat, de *Transyluania*, in Dominationem Domûs Austriacæ transferenda, pensando reditus *Transyluania*, in *Silesia Ducatus Opoliæ & Ratiboriæ Bathoreo* in Possessionem consignauit, additâ etiam quotannis certâ pecuniariâ pensione. Subiit in breui pænitusdo eius transactionis, vtq; post vulneratam causam *Sigismundus* quæreret remedium, ipsemet excurrit in *Prussiam Episcopalem*, Cardinali persuadet, vt quibuscunq; modis rescinderet transactionem de *Transyluania*, tanquam domui *Bathoreæ* iniuriam & præjudicosam; Ipsemet quasi Hæreditatem, *Transyluania* Principatum iniret, certis tamen Possessionibus pro sustentatione *Sigismundo* designatis.

Abbatiæ Czeruins. Administratur creator,

*Sigismundus Bathoreus* occasione Vxoris init pacta cum *Rudolpho* de *Transyluania*.

Pœnitet eum facti.

Cardinalem adit.

Vt Principatû hæreditarium possideat persuadet.



Pergit in Hun-  
gariam.

Arripit confi-  
lium.

Principatum  
Transylvaniæ  
apprehendit.

Excusat ſe Im-  
peratori,

Apprehenſio  
hæc Magnis  
Viris in Polo-  
nia diſplicet.

Scribit Zamo-  
ſcius Sigismu-  
do.

Etiam Cardi-  
nali.

Scribit & Re-  
ſcius.

Sed fruſtra,

Præcipiti magis quàm maturo conſilio Cardinalis, abiectâ omni cunctatione, vltimis Decembris diebus, *Heilsbergâ*, *Schuzclatnem* abiit, inde verò ſecundâ Ianuarij 1599. cum paucis domeſticis ſolisq; Hungaris fatale hoc ingreſſus iter; ac diſcedendo ex *Schuzclaine* fertur ſuis dixiſſe, vado pro vobis immolari. In confiniis Hungariæ aliquam *Polonorum* collegerat manum, cum quâ venit in *Transylvaniam*, vbi omnium Ordinum conſenſu & applauſu gubernationem capeſſiuit illius Principatûs; mox ad Imperatorem *Rudolphum* mittit literas, denunciando Principatum *Transylvaniæ*, concordibus illius Populi ſuffragijs, ſibi delatum; Tranſactionem à *Sigismundo* fratre factam Domui *Bathoreæ* prægrauem, & à jure communi exorbitantem quaſi inanem tranſmittendam; Rogauit inſuper decenter Imperatorem, ne ceſſionem *Sigismundi* temerè magis, quàm aliquo maturiori factam conſilio dignam executione exiſtimaret, ſatius promptum & fidele obſequium, vltro ſibi deuotum mancipatumq; ſueta magis Principibus clementia admittere acceptareq; dignetur. Erat tum *Georgius Baſi Epirota*, per Hungariam armorum Præfectus, eidem ſcribit Cardinalis, vt ſatius arma contra Turcas, Chriſtiani nominis expediret hoſtes, quàm ex Chriſtiano imbueret ſanguine. Sanè memoratu non indignum hæc; addere quaſi appendicem, magnis in *Polonia* Viris Domui *Bathoreæ* ſtudioſis, ad Principatus illius Regimen Cardinalis euectionem, ſummopere diſplicuiſſe, atq; cum primis *Ioanni Zamoyſcio* ſupremo Regni Cancellario *Bathoreorum* affini, & *Regis Stephani* intimæ admiſſionis miniſtro, tantæq; gratiæ, beneficiæ obnoxio, quæ ipſum ad ſummos in Regno euexerat gradus. Præſenferat *Zamoyſcius*, *Sigismundum Bathoreum* hæc agitare, vt *Transylvania* in titulos & hæreditatem tranſiret Auſtriacam, Vir ille ciuilis prudentiæ ingens exemplar, prolixas ad *Sigismundum Bathoreum* ſcripſit literas, quaſi præſcia mente denunciando, quæ in breui euenerunt; eæ duntaxat hærent in manu ſcriptis, neq; eas vulgare conſultum. Ad Cardinalem ne in apertum properet diſcrimen, extant *Zamoyſcij* impreſſæ, in *Miechouia Samuelis Nakielſki*; digna ibidem lectu *Stanislai Reſcij* epistoſta, Neapoli ſcripta 15. Iulij. 1599. vbi ſuadet rogatq; Cardinalem, vt tuta & præſentia, quàm incerta & periculosa velit capeſſere, ad quarum lectionem, curioſum remittimus lectorem. Tantorum Virorum ponderoſæ ſuaſiones, à *Bathoreo* ſurdis auribus exceptæ, vtq; fatiſ Vrgentibus ſolent hominum ſenſus hebetari, ita certa ſecuraq; incertis ac tur-



bidis præponens, in præruptum & ardens se coniecit discrimen. Subito ab Aula Viennensi aduolat mandatū, ad *Georgium Basti*, conjunctis Viribus cum *Michaële Moldauæ Palatino*, copias omnes in *Transylvaniam* promoueat, ex eiusq; possessione, deturbet *Bathoreos*. Cardinalis Viribus impar, non segnior tamen arma opposuit, & cum utroq; Imperatoris exercitu, non improspere dimicauit; omnino Marte aperto, *Basti* & *Moldauus* aggre-  
di Cardinalem, minus consultum existimauerunt, qui licet viribus inferior, fortiter & strenue insistebat; Potentiam Austriacam ita distinebat, ut bello ambiguus, præliis inuictus ex acie discederet. Erat præsens in Exercitu Imperatoris, *Germanicus Malaspina*, Nuntius Apostolicus ad Imperatorem, eodem munere in Polonia functus, Cardinalem, hypodiaconi collato ordine, Ecclesiasticæ adscripserat militiæ; Pro illâ familiaritate, quam in Polonia cum Cardinali contraxerat, excurrit ad Cardinalem; venditat se pro Arbitro, & sequestro pacificationis, ultro citroq; com-  
meat, ad militiæ Cæsareanæ Præfectos, quasi suaturus Armistitium. Cardinali facile credulo imposuit, ut à Cæsarianis Copijs nullam metuendo hostilitatem spemq; pacis ostentando, suam exauthoraret militiam; Cæsarianum Exercitum *Transylvaniâ* excessurum, Negotium pacis ex Voto Cardinalis confecturum, Verbis magnificus rerum vacuus, pollicebatur. Sensit breui Cardinalis pacis tractationem, extremo suo malo & fato, simulatè magis quam verè ostentasse. Vix enim cohortes Polonicas, præsertim quarum tamen paucorum fides & robur erat præcipuum, Cardinalis dimiserat, subito aduolat *Michaël* cum viginti & amplius *Moldauorum* millibus, quibus partem suarum Copiarum adjunxit *Basti*. Tàm præualidum & potentem Exercitum, versùs *Sibinium* mouit *Michaël*, ubi Cardinalem *Malaspina*, spe cum Imperatore pacis conficiendæ detinebat. Tàm subita & improspera belli, cum *Inermi Cardinali* incumberet procella, *Malaspinam* compellat, seq; ab eo spe pacificationis illudum lamentatur; *Malaspina* harum omnium ignarum se affirmat, & quasi à conflictu *Michaëlem* retrahaturus, ad castra eius properauit, neque amplius ad Cardinalem regressus, aleam euentumq; belli in Castris *Michaëlis* præstolabatur. Hæc Chronica Pauli Piasecij, non infulâ magis, quam libris scriptis immortalẽ promeriti gloriam, nobis suggererunt, Reliqua delibamus ex Chronico Prutheno *Ioannis Leonis*, à nobis supra memorati. Cum numerofo *Michaëlis* exercitu, Cardinalis aliquâ subitanæ manu collectâ, tentauit conflictum:

Mandatū Viennæ datur contra Bathoreos.

Opponit se Cardinalis.

Malaspina offert se pro Arbitro.

Sed in ruinam Cardinalis.

Spe pacis dimittit exercitū contra quem Michaël ducit exercitum.

Dolum Malaspinæ.

De quo Piasecius.

Paruâ manu collecta pugnat Cardinalis cum Moldauo.



A suis desertus.

Vix euasit.

Lassus quiescit.

A suo domestico Vugaro Iekiel in somno obtruncatur.

Caput Viennam missum.

Truncus Albae Iuliae sepultus.

Laus huius Cardinalis.

primaque acies *Moldau*i nutare videbatur; verum multitudine ingruente, praelioque redintegrato, Cardinalis ab Hungaris primariae notae desertus nimirum à *Gasparo Cornisso* Arianæ sectæ, cuius filium Cardinalis in Aula liberaliter fouit, tum & *Stephano Botscio* Varadini Præfecto Caluiniano, Ecclesiastici Principis dominationem ægrè ferentibus, proditus an desertus; nocte ruente ex illo praelio vix euasit; dumque securitati consulendo, longius & remotius à loco conflictus excurrit, equo iam fatigato, ipse quoque lassus & prostratis viribus, ex equo descendit; cumque in herba quiesceret, somnus eundem arctius complexus, sequebatur Cardinalem, *Nicolai Iekiel* frater, quem inter suos adsciuerat domesticos, & aliquo prædio ad vitæ tempora donauerat; cumque ad eum peruenisset locum, ubi Cardinalis fatigatus ad quietem se composuerat, eundem & qui Comitatus erat Cardinalem *Romanum Masouium* iuuenem nobilem crudeliter falce obtruncat. Nebulo hic sceleratus à Cardinali *Heilsbergæ*, satis benignè habitus, dumque eger decumberet, eumque inuideret, dixerat aliquando mortem ac necem eidem se illaturum; quod tamen *Cardinalis*, non alicui malitiæ, verum vehementi dolori qui delirium causabat imputauit. Caput Cardinalis occisi, à trunco recisum missum ad Aulam Viennensem, cum acinace, equo, & signo prætoriano, quod in Castris supra Cardinalem ferebatur. Truncum Cardinalis *Moldauus Alba Iulia* seu Visemburgi sepeliuit, non sine ingenti multorum dolore, qui illi annorum 33. Iuueni vix octimestri potito Principatu acerrimè indolebant. *Nicolaus Istanfi* grauis rerum Hungaricarum scriptor, narrat à *Siculis* qui *Moldauis* immisi fuerunt, Cardinalem interemptum, qui abiectâ purpurea Veste, vilem & villosam, ne agnosceretur, induerat habitum, ad radices montis Aitossi, qui *Transylvaniam* à *Moldauia* & *Podolia* diuidit; & is olim Alpes Sarmaticæ vocabatur; Fame siti fatigatum, ab hisce inuasum Siccariis, quorum impetum *Bathoreus* stricto latiore excepit gladio, pluribus tamen eum aggredientibus impar, securi jactâ circa sinistrum oculum in fronte, moxque in occipitio lethaliter vulneratus exanimis concidit, iamque corruenti caput præcisum. A morte Cardinalis ut memorat *Reinholdus Heidensteinus* Regius Secretarius, *Ioannis Zamoscij* in negotijs Cancellariæ, summæ fidei, doctrinæ integritatis Minister, in historia Polona ab Excessu *Sigismundi Augusti*, ante decennium impressâ scribit ex omnibus *Bathoreis*, ab obitu *Stephani*, neminem magis capacem, dignumque sceptro visum, quam *Andream*.

*Batho-*



*Bathoreum* : Nos etiam aliquorum vidimus literas, illo tempore scriptas hoc ipsum continentes : Præterquam enim, quòd viuo Patruo à tot annis in Regno versatus, cùm linguæ tùm hominum atq; Institutorum, maiorem quàm cæteri notitiam haberet; Indoles etiam in eo præclara, magnarum virtutum vel index vel testis, egregia corporis statura formaque, vt primâ ætate, plerisq; eum commendabant. Verùm eius rei spem cùm potentia aduersæ factionis tùm ab iisdem in omne nomen *Bathoreum* concitata inuidia tollebat. Memorat idem Heidensteinus post eam *Bathorei* crudelem cedem, literas ab Imperatore ad Regem *Sigismundum III.* missas sat prolixas, seriem machinationũ etiam cum Portâ Othomanica exprobrantes Cardinali, quæ veranè an falsa non inquirò, concludo narrationem hanc verbis *Heidensteinij.* Nullam esse maiorem calamitatem, quam si non solum inique Innocentia opprimatur, sed post mortem etiam indefessa sceleris vltro arguatur. *Thomas Treterus* Custos Varmiensis, Cardinali & Episcopo, cuius se recognoscebat Clientem, hoc scripserat metrum.

*Viue diu, STEPHANI sanguis clarissime, Regis*

*Libros imple actis, non sine laude tuis*

*Ingenium Probitas animus quoq; Principe dignus*

*Ætas & Vires sunt tibi, Summa pere-*

Cedes & funestus obitus ipsius incidit in diem Sanctorum Simonis & Iudæ Anno Christi 1598. sed his tristibus intermissis ad lætiora calamum vertamus, appositis Magni in Regno Senatoris Cardinali huic scriptis Carminibus.

*Regalis de Fratre Nepos, dum Iura paterna*

*Vindicat, & querit, Transylvanumq; Ducatum*

*Intrat, ab aduersi MICHAELIS concidit astu*

*Discite mortales, contenti viuere pauco.*



PETRVS TYLICKI  
 PROCANCELLARIVS REGNI  
 Episcopus Varmienfis.



Natale solum  
 Tylicij.

Memor Eccle-  
 siæ in qua ba-  
 ptisatus, in ma-  
 jori gradu con-  
 stitutus.

**N**Emini adeò fors contingit tenuis, quin per virtutem,  
 Industriam augmentum & amplitudinem adipiscatur.  
 Omnino in hoc Sarmatide magnam veri partem habet,  
 Romanæ Stoæ Sophi illud memorabile dictum *Ex angulo calum  
 prosilire licet.* Inter tot exempla non postremus *Petrus Tili-  
 cius.* Natale illius solum, terra Cuiauiensis, Locus ubi primùm  
 lucem aspexit, *Aduocatia Koualiensis* prædium; In Ecclesia Op-  
 pidi eiusdem, sanctiori ablutus lauacro, neque tanti ingratus  
 beneficij ibidem Ecclesiam cocto ædificauit latere, ac pro do-  
 te Decem



te Decem milliū inſcripſit ſummam. Parentum erat res tenuior, neq; is cenſus, quo ille ſultus maiora ſperare poſſet, educauēre luuenem pro modo facultatum, & vbi domeſticam abſoluit Inſtitutionem, ad Academiae Cracouiensis ſtudia, quæ ingeniorum *Polonia* audiuit olympia tranſtulerunt. Diuerterat ad Domum Contubernij Hieroſolimitani ſtudioſorū, quam poſtea in maiori gradu, ampliori prouidit cenſu. Ab Academicâ diatribâ, ad Aulam tranſijt Regiam, externæ & peregrinæ limæ prorſus expers. *Ioanni Zamoscio* in negotijs Cancellariæ, quæ terſum elegans, neq; tumens phaleris dicendi requirunt genus, ſedulam promptamque non ſine commendatione promptioris obſequij nauauit operam. Erat eâ tempeſtate ſcribarum Cancellariæ honeſta & ſpei melioris ſparta; ſanè complures in vtrâq; Politia ad maiores euexit gradus. In eâ Palæſtra primū *Tylicius* meruit mox Secretarius Regius, Sanctiorem induit togam. Canonicus Poſnaniēſ. primū, mox Gneſnenſis Præpoſitus Canonicus Cracouiensis, Regni Secretariatum à *Stephano Rege*, à *Sigismundo Referendariatum*, meritorum obtinuit præmium *Zamoscio* promouente, eodem annitente ad *Culmenſem* euasit Cathedram; cumq; *Ioannes Tarnouius* ad Poſnañ. promotus Episcopatum. Sigillumq; Regni minus dimiſſet in Conuentu Generali Anni 1598. tantum capeſſiuit Magiſtratū, quod factum in gratiam *Zamoſcij*, cum ante inter illum & *Tarnouium* aliquibus certabatur ſimultatibus, bono publico obſtantibus. Cum *Rege Sigismundo* nauigauit in *Sueciam*, vbi cū omnia, *Caroli Sudermanni* fraudibus ambitu, confuſa reperiſſet, Rexq; in aperto verſaretur discrimine, à pugna præſertim *Lincopiēſi*, aut propè pontem *Strangebrienſem*, in quâ *Polonorum* exiguæ Vires à *Suecis* partium Regiarum deſertæ, nutabant impares potentia *Caroli*; neq; conſultum videbatur, diutiùs in *Suecia* commorari *Sigismundo*, nullis copijs militaribus; ad *Caroli* machinationes euertendas, frangendamq; potentiam ſuccincto, prout hoc *Zamoſcius* abeunti in *Sueciam* ſuaſerat. Hoc ipſum *Tylicius* Regi repræſentauit, tamq; ingenti periculo ſubtracturus eò flexit, vt ſeriò de reditu in *Poloniam* cogitaret, *Dantiſcumq;* ad finem appulit Octobr. Neque ab hiſce actis, integro conſuſo biennio, volitat fama certuſq; ſuperuenit nuntius, *Cardinalem* atroci cæde è viuis ſublato, *Tylicius* iam ante Canonicatu prouiſus Varmienſi Rege *Sigismundo* commendante à Collegio Canonicoꝝ electus, *Clemente VIII.* confirmante Eccleſiæ regimini præſicitur; morum eximiâ ſuauitate, Amorem & Beneuo-

Ad Academia  
am Crac; mit-  
tatur.

Absolutis in  
Academia ſtu-  
dijs ad Aulam  
ſe conſert.

Ibi primò Sē-  
cretarius.  
Mox Referen-  
darius.

Ac Episcopuſ  
Culmenſis.

Tandem Pro-  
cancellarius  
Regni.

In Sueciâ cum  
Rege nauigat.

Eius dexteri-  
tas in peri-  
culis.

Fit Episcopuſ  
Varmienſis.



Ad Cathedram  
venit.

Reuocatur ad  
Aulam.

Summa virtus  
in Magistratu  
Cancellaria-  
tus.

lentiam omnium prouocabat. Cum *Varmienſi* Episcopatu, propè quadriennio Cancellarij munus obiuit, Ordinibus Regni, ob eximiam integritatem conuiuentibus, neq; acrius executionem legis vrgentibus, quæ cum Episcopatu *Varmienſi*. Sigilli vetat retentionem; Ad *Cathedram* venit 17. Aprilis Anno 1601. Episcopatus Ciuitates lustrauit, negotiisque publicis ad Aulam vocantibus, ex Episcopatu abiit, *Ioanne Pifinio* Cantore *Varmienſi*. relicto Administratore. Sub eius regimine cum Thesauro Regni & Prussia, molestior exorta controuersia, cum ob manforum prætenſam multitudinem, contributiones, magnâ cum oppressione plebis exigerentur. Gemuit sub hoc onere Episcopatus, donec eius Successor *Simon Rudnicus* Regiâ commiſſione impetratâ, Oppida Pagos ab hac releuaret præſurâ, vt suo diceretur loco,

Non completo integro quadriennio *Varmienſem* Gathedrâ vti reditu & gradu inferiorem cum *Vladislauiensi* permutauit suffragante Regiâ Nominatione. Præposituram *Miechouiensem*, quàm post Fata *Stanislat Fogeluedrij* à Regis gratia obtinuerat in Anno 1603. vnâ cum *Varmienſi* etiam cum *Vladislauiensi* Episcopatu *Clemente VIII* indulgente, ad importunas preces eius argumenti, vidimus literas Summi Pontificis ad *Sigismundum Regem*. Porro rem memorabilem refert, magnus Antistes *Stanislaus Lubrenius* Episcopus *Plocensis* in paræneſi ad *Thomam Zamoſcium*, cum Regni Vicecancellarius renuntiaretur, Magistratui Cancellarij abrenuntiando, annulumq; Regni dispositioni relinquendo Regiæ optimâ integerrimâq; gloriabatur fide, Nullam in hoc Magistratu minoris notæ scripturam, etiam Citationem Sigillo ſignatam, niſi prius lectam diligentiusq; à se examinatam. Hoc non ingratum licuit attexere parergon. Cæterùm *Tylicij* in Ecclesia *Varmienſi* hæc duntaxat extat memoria; Anniuerſarium fundatum in florenis quingentis. Ex *Cujauienſi* Episcopatu translatus ad Episcopatum *Cracouiensem*, ibidemq; obiit 13. Iunij Anno 1613.

*En Patriæ custos Aquila, Regniq; minister  
Lingua illi magna vbertas ac dulce loquendi  
Pondus, & attonitas ſermo qui duceret aures;  
Cracouia tandem ſedis conſcendit honores.*



SIMON RVDNICKI,  
EPISCOPVS VARMIENSIS.



**T**ranslato ad Ecclesiam Vladislauensem *Petro Tylicio*, Regiâ commendatione accedente, electus à Capitulo *Simon Rudnicki* de Armis Vulpium. Primùm Regni Cancellariæ Regens, Maior deinde Secretarius, Præpositus Posnaniensis, Custos Gnesnensis, Cracouiensis, Varmienfis Canonicus, nasci illi contigit in *Palatinatu Siradiensi*, qui pridem audit, vt elegans poëma *Trabenta Siradia*, inscriptum memorat virtutis natale solum. *Rudniciorum* Domus Orbi non ignota Polono, ibidem floruit, Officijs terrestribus, multi laudabiliter perfuncti, multi Senatoriâ claruerunt togâ. Vbi primùm per ætatem

Nascitur in  
Palatinatu  
Siradiensi.



Cracouiam ad  
Academiā  
mittitur.

Eius Præ-  
ptores.

In exteras na-  
tiones excur-  
rit.

Eius Studium  
Bononiæ.

Romam ſe  
confert.

H. ſuo illi<sup>9</sup> Mo-  
res & Indoles  
placuit.

Coadiutor  
Gneſneſis Cu-  
ſtodix factus.

Redux in Pa-  
triam ad Aulā  
ſe confert.

licuit, domesticā imbutus disciplinā, tum in aliqua minori Scholā prima literarum hauserat elementa, grauiori & solidiori excellendum literaturā Parentes Cracouiam ablegarunt.

Viuebant eā tempeſtate in ea Regni Schola, *Iacobus Gorſcius* Canonic<sup>9</sup> & Archipresbyter Crac: *Stanislaus Socolouius* Canonic<sup>9</sup> Crac: *S. Floriani* Præpoſit<sup>9</sup>, *Regis Stephani* Theologus, Viri omnis literaturæ cōſultiſſimi, eorū manuductione, ver iuuenile *Rudnicius* ita excolebat, vt omniū iudicio ſanctioris vitæ deſtinaretur inſtituto. Annis aliquot Cracouiæ exactis, vltra Alpes, linguarum peritiā acquiſiturus perrexit, & in Italiā excurrit, Bononiæq; triennium decenter exegit, ſtudioq; juris Canonici ſeriō incubuit, etiam per priuata exercitia, ſtylum ita formabat, vt promptē, eleganter, latinē ſcriberet ac loqueretur. Ad Aulæ Polonæ theatrum, ac demum Episcopalis Senatoriæq; dignitatis tra-beam, ita ſe parabat, vt poſtmodum cum omnium applauſu, perſonam ſibi cœlo annuente impoſitam laudabiliter egerit. Inde Romam abiit; Viuebat eo tempore in Vrbe *Stanislaus Hoſius* Cardinalis, Varmienſis Episcopus, Eccleſiæ, Reipublicæ Chriſtianæ, valida & præpotens columna: Is Polonus Polonos in Italiam Urbemq; aduentantes omnibus excipiebat officijs, Ingenium, Mores, ſingulorum, quaſi ad libram expendebat, indeq; vniuſcuiuſq; futuros metiebatur ſucceſſus. *Rudnicij* modeſtiā Indoles *Hoſio* mirificē placuit, quam ijs occupabat ſtudijs, quæ honorem Episcopalem quandoq; ornarent. Præſagire videbatur *Hoſius* cum familiariùs menſā colloquio *Rudnicium* dignaretur, eum aliquando in Varmienſi Cathedra natūrum ſe ſucceſſorem. Ac cum iam Doctrina & Ingenium cum ætate *Rudnicij* matureſceret *Clemens Rudnicius*, *Simonis Patruus*, vnicē deliderabat, per viam Coadiutoriæ in Sacerdotio Gneſneſis Cuſtodix, tum & Vniciouiſis Archidiaconatûs nepotē ſibi deſignari ſucceſſorem. *Hoſij* operā & patrociniū tandem perfectum, vt hanc adoptionem *Pius V. Pontifex* ratam firmamq; haberet. Redit igitur in Poloniam, collectamq; Integritatis ac doctrinæ in Vrbe famam, in Regiam intulit Aulam. Regnabat tūm in Polonia *Stephanus Rex*, non belli magis quàm pacis artibus celebratus Princeps, Aulam ipſius impleuerant decora Ingenia, *Socolouij*, *Goslicij* Patricij, *Varſauij*, literis & honoribus famam poſthumam promeriti; ijs familiariùs innotēſcebat *Rudnicius*, ex eorumq; congreſſu doctior eruditiorq; euadere contendebat, Dignitatem itaq; à *Stephano* inchoatam, à *Sigismundo* auctam ad Infulaq; apicem prouectam, *Rudnicius*

est.



est adeptus. *Stephano* è viuis sublato, Regeq; *Sigismundo* succedente, ab eodem impensius caput aestimari. Inter Secretarios minimè otiosus, Legationibus Commissionibus varijs perfunctus, totq; grauioribus exercitus negotijs. Cum *Petro Tylicio* collatum fuisset Sigillum minus, ab eodem *Rudnicus* Regens Cancellariæ dictus illam spartam, singulari morum comitate, & promptâ facilitatē laudabiliter exornauit, styli elegantiam, continuâ quæsitam lectione, illis negotijs, literis, quæ sub manum veniunt Regentis commendabat, quam etiam externa non improbabant iudicia. Triennio in hoc munere versatus, industriæ meritorum præmium ad altiora gradum, maiorem Regni Secretariatum Regij censurâ iudicii obtinuit. Officium hoc illâ tempestate, inter laboriosa Aulæ reputabatur munia, etiam statuto Regni designata illi, maiorum honorum spes & expectatio. Opimiora etiam accessere Sacerdotia, Præpositura *Posnañ.* & Scholasteria *Lancicensis.* His prouisus stipendijs, post non longum tempus ad *Varmiensem Cathedram*, Rege promouente accedente Capitulari electione euehitur, Anno 1604. Consecratus in Conuentu Generali à Nuntio Apostolico *Claudio Rengono* Episcopo *Rhegi.* Diutiùs *Varfauia* moratus, tandem ad curas Episcopales commissumq; properauit gregem. Venit ad Ecclesiam sub tempus Quadragesimæ, Dominica Reminiscere, ad implendam boni & probi Pastoris ideam totum se componebat. Exempla Antecessorum *Hosij, Cromeri,* reuoluere, ijsq; insistere sollicitè contendebat. Occurrebant menti sanctioris notæ Antistites, *Carolus Boromæus, Robertus Bellarminus* Cardinales, ex illorum monitis librisq; juris publici, continuò lectis, ad regimen gregis, seq; in eiusdem formam expoliebat. Assumptis in partem laboris, Viris sanctorum Canonum & disciplinæ Ecclesiasticæ gnaris, totam lustrauit Diocesim, mores vitam Cleri curatiùs inspiciendo, id effecit, vt Curiones Populum sibi subiectum, quasi Operarij irreprehensibilis, non verbo magis, quàm proprio exemplo ad sanctiorem effingerent vitam. Diocesana visitatione completâ, Synodum *Heilsbergæ* indixit, Cleroq; Diocesano ad eam vocato, Sacrosancti Concilij Tridentini sancita, vt in Viridem abirent obseruantiam, anxiam intendit curam. Constitutiones Diocesanas à suis conditas Antecedaneis, reimprimi mandauit, *Breuiarij* Diocesani vsum, vt prisca ferebant tempora, & sui Prædecessores adhuc retinuerant, ille Romanum introduxit. *Rituale* circa administrationem *Sacramentorum* reformauit, quod

In Aula eius labores.

Regens Cancellariæ minoris creatur.

Secretarius maior.

Ad Episcopatu Varmiesem euehitur & à Nuntio Apostolico Varfauia consecratur.

Imitator Hosij & Cromeri.

Diocesim visitat.

Synodum indicit.

Eiusdem sancita.



Dotes ac Re-  
gimen.

Bona opera.

Zelus in pro-  
mouendâ fide.

modernus Antistes, vti Romano ritui minimè conforme, ritum Romano vero genuinoq; introducto, abrogari mandauit. Templum, Altaria, consecrare, Cleri ordinationibus vacare, Cathedram circa festa solenniora visere, vſitatum illi fuerat. Gratam refert memoriam Altare maius in Ecclesia Cathedrali ab eodem consecratum tabulaq; seu mensamarmorea exornatum. *Heilsbergæ* vbi frequentius ob loci commoditatem, annonamq; faciliorem resident Episcopi, templum Parochiale, etiam cælo pluuiis pedes adire, diuinisq; interesse officijs consueuerat. Nulla prætermiſſa dies, quin singulari deuotionis sensu Presbyterum sacra facientem audiret, vel ipsemet præmissa exomologesi, tremenda hæc celebraret mysteria. Subditorum querelis pronam dabat aurem. Libellos supplices ipsemet lectitabat: Ius Clero Populoque dixit, cum singulari moderatione, neq; in longum trahi sinebat lites, ac parti vtriq; mirificè iudicantis placebat æquanimitas. Luxum fastum omnem domo proſcripserat, nihilq; exoticum aut maiori sumptu quæsitum patiebatur: Dignitatis nihilominus Episcopalis & Senatoriæ retinens, eo cultu corporis ad modestiam composito vsus, quem præscribunt Ecclesiæ sancita. Mensæ assidenti codex Sacræ Scripturæ & Historiæ Ecclesiasticæ prælegebatur. Ecclesiam Cathedrali sponsam suam amplis cumulauit donarijs, eidemq; suæ suppellectilis non modicam transcripserat portionem, quæ Harpijs Aquilonaribus in prædam cecidit, dum à morte ipsius, vt breui dicetur, Ecclesiam, Prouinciam, plusquam barbaricâ deuastârunt rapacitate. Superest adhuc *Rudnicians* Liberalitatis monumentum, argentea candelabra sex, crux maior argentea, Calix aureus, Insula opere Phrygio gemmis lapidibusque pretiosis distincta; multis alijs eximijs operibus, ad feram posteritatem, nominis sui propagauit memoriam. Ecclesiam Sancti Stanislai, in ruinam pronam deuotioni Polonorum *Heilsbergam* accurrentium, aut ibidem manentium restaurauit. *Wartemburgi* vbi Minoritæ sodales *S. Francisci* Regularis Obseruantia, à Cardinali *Bathoreo*, prout supra narratum introducti, cum Ecclesia illa muro ædificata, testudinem seu concumerationem nullam haberet, eandem & perystilium templo adiacens cocto struxit latere. Ecclesiam Parochialem *Elbingæ S. Nicolai* ad quam missionem PP. Societatis Iesu locauerat *Hofius*, exortâ belli Dantiscani procellâ, in eandem *Elbingenses* eiectionis Patribus, rituque Catholico eliminato, Lutheranam hæresim induxerant, Decreti Regij vigore, postliminio vindicauit, reditu Curionem ibidem

laboran-



laborantem prouidit. Eiusdem curâ & solitudine Regiomonti Catholica Ecclesia ædificata auctaq; prouentu, non sine ingenti Catholicorum commodo, quorum in ea Ciuitate, non infrequens numerus. *Lindam Marianam*, locum Diuæ Virginis Matris, cultu & miraculis celebrem, inualefcente hæresi profanatum, & in ruderibus sepultum, *Ioanni Sadorfcio* Regio Secretario, è manibus hæreticorum vindicandi, efficax commodauit Patrocinium, sacelliq; adjuuit structuram. Regiomontanam Commissionem in Annis 1609. & 1612. ex Decreto Conuentus Generalis Regni, vnâ cum adjunctis, ex-Senatu & Ordine Equestri, eximiâ prudentiâ dexteritate perfecit, quæ in Volumine legum Regni exstat impressa. Limites controuersos inter Ducalem Prussiam & Episcopatum, tam felici complanatione distinxit, vt nihil ampliùs supersit, quod litem & aliquam posset excitare dissensionem. *Ioannem Sigismundum Electorem Brandenburgicum in Prussia Ducem, Heilsbergam* ipso die festo, Sancti *Ioannis Baptiste* Anno 1612. venientem, cum celebrata humanitatis & hospitalitatis excepit testificatione. Cum Regni thesauro & Prusiæ, circa publicas contributiones, quæ pro libitu asserto numero mansorum exigebantur, populo nimis graues, Regiâ Commissionem super mansorum remissione impetratâ sopiuit, totq; molestis controuersijs finem imposuit, Regiâ accedente authoritate, vt non nisi ex certo & determinato mansorum numero, Contributiones in thesaurum inferantur. Arces Episcopales vetustate collabentes, *Braunsbergensem, Wormditensem, Kesseliensem*, restaurauit; Cameras aliquas superiores in arce *Heilsbergensi*, abrafo antiquo squalore, elegantius adornauit. Motu Ciuili in *Polonia* exorto, aliquæ cohortes prædabundo in *Prussiam* Ducalem & Episcopalem excurrerant, nè rapinis in plebem sæuirent, *Rudnicius* partim positis militaribus seruitijs in Pago *Wuttrinen*, partim ciuilibus auertit medijs, aliquâ offâ pecuniariâ iisdem objectâ cohortibus. At longè grauior tempestas totum Regnum, Regalem Episcopalemq; inuasit *Prussiam*, militia Regni quæ in *Moschouia* Demetrii partibus adhæserat, ab iisdem retracta, promissâ stipendiorum solutione, tum & ea quæ Regijs auspicijs *Moschos* bello fatigabant, neq; subito repræsentari, aut maturefcere poterat solutio, colligatione seu Confæderatione concitatâ, totius Regni Oppida, Pagos, juris Regij ob Ecclesiasticorum, immani rabie, & Sanguineâ deuastabat rapacitate. Auctor seu *Marschalcus* legionum tumultuantium *Zbignew Silnicki* Brombergæ seu Bidgostia, cum Selectio-

Lindam cultu  
& miraculis Ba  
M. V. celebrat  
vindicat.

Ioannem Ele.  
ctorem Bran-  
deburgicū hu-  
manissime ex-  
cipit.

Differentias  
thesaur. Regni  
& Prusiæ so-  
piuit.

Circa motus  
domesticos so-  
piendos cura.

Circa Confæ-  
derationem  
militum.

Cuius Zbignew  
us Silnicki Di-  
rector Bidgo-  
stia sedem ha-  
buit.



Magno lytro  
redemit popu-  
li calamitatē.

Multos Iuue-  
nes aluit.

Tandem annis  
& curis fessus.

Ad mortem se  
disponit.

Moritur.

ribus illius militiæ, fixerat sedem. Tantæ calamitatis portio in *Prussiam* deriuabatur Episcopalem, Oppidani, Agrestes, insolitis preffi exactionibus, sub hac vix spirabant tyrannide. *Rudnicus* tam acerbam populi miseratus sortem, propriâ suppellectili, maioris pretij distracta, fundis etiam Episcopalibus, *Paulo V.* Episcopo Maximo annuente oppignoratis, militare placuit insolentiam, & plebem prouincialem, in quam ingentibus hæc militia debachabatur rapinis, ex tam graui feruitute, hoc redemit lytro. Meretur & hæc *Rudnicij* beneficentia factis inscribi æternitatis. *Braunsbergæ Wormditti* supra triginta iuuenes aluit, victum, amictum, tum & alia subministrando necessaria: nec eos duntaxat hæc dignabatur liberalitate, quos nexus sanguinis cum *Rudnicio* necabat, verum alij Poloni, *Prutheni* nobiles, etiam ex plebe aliqui, in sortem tantæ admittebantur liberalitatis. Adeo *Rudnicus* pij Antistitis amantis, Ecclesiæ, Reipub. commoda Senatoris, partes implere contendebat; visu juxta & affectu cunctis Venerabilis, ita lubricum hoc viæ iter, inter ambitionis & vitiorum huius sæculi abrupta, vacuus omni decurrit periculo, vt in ætatis & honorum cursu, nihil in præteritum habeat excusandum, omnia laudanda. Tandem annis & curis fessus, languere cæpit, & supremâ tentari ægritudine, quæ Medico ipsius familiari *Sebestiano Szleskowski*, Viro compertæ in hac facultate peritiæ, Librisq; publici juris famam in Repub. literatorum adepto, non adeo Sontica & periculosa videbatur, quin sanari, valetudoq; reintegrari posset; Ille nihilominus supremam sibi imminere diem, quasi fati præscius euincebat, ad illumque agonem totum se pro more Christiano componebat. Narravit ipsemet Presbytero, quem arbitrum & moderatorem conscientiæ eligeret, spem vitæ longioris penitus decollare; affirmabatq; *Stanislaum pium Presbyterum, minoritam obseruantem*, ante annum defunctum, in visu nocturno sibi apparuisse, hæcque locutum verba: *Domine Episcope para te ad mortem ex hoc morbo non euades.* Nec mora curam animumque ad ea vertit, quæ ipsi ad brauium beatæ æternitatis, expeditum pararent cursum. Protinus totiùs vitæ seriem percurrento, noxas omnes cum ingenti doloris sensu, in sacro poenitentiae recensuit tribunali. Sacris omnibus Christianis procuratus, cum magnâ Christianæ pietatis significatione, extremam obitus sui præstolabatur horam, quæ tandem eum quarto nonas Iulij natum, annos sexaginta nouem, exactis in Episcopatu Sexdecim, ex hac mortalitatis euocauit statione, non absq; mærore & luctu totius Prouin-



ciæ ipsius beneuolentiæ, beneficiæq; vixerunt obnoxij. Testamentum condidit benè valens, pro modo peculij, quod non adeò amplum reliquit. Erga Ecclesias, quarum olim reditu sustentabatur, liberalis, familiæ non immemor, Consanguineis aliqua legauit donaria, quos nullis còemptis possessionibus studuit locupletare. Villam hæreditariam *Rzeczyca Municipij Sira-*  
*dien.* Ecclesiæ Collegiatae Viennensi transcripsit, erecto ibidem Canonatu, quem è domo *Rudnicianâ* Sanctorum indutis togam conferendum ordinauit. Ecclesiam *Varmiensem*, ex triente scripsit hæredem, extantq; duo Anniuersalia in hunc vsq; diem opimioris censûs. Tumulum sibi extrui mandauit, ad sinistram partem Aræ maioris, quem Suecorum impia & rapax violavit manus, mortuoque non parcendo, catenulam cum cruce auream, & annullum detraxit. Capitulum *Varmienfe*, gratitudinem optimo testificando Præsuli, Altare erexit marmoreum, in quo visitur sculpta *Rudnicij* effigies, genua flectentis ante effigiem Christi Saluatoris è Cruce pendentis, cum hac inscriptione in Altaris tumba.

Eius testamentum.

Suecorum impietas in mortuos,

D. O. M.

Nec non conseruandæ in posteros gratæ memoriæ *Illustrissimi & Reuerendissimi Domini Simonis Rudnicki*, ex Comitibus de *Bechczyce*, *Episcopi Varmiensis* Beneficentissimi, *Capitulum Varmienfe*, Aram hanc posuit, vt hostilem injuriam, priori monumento illatam, suffecto Sacratiori opere vindicaret. Anno M. DC. XXXVII.

*In lapide sepulchrali.*

D. O. M.

*Reuerendissimus Dñus Simon Rudnicki D. G. Episcopus Varmiensis*, hîc sepultus est: Obijt *Heilsbergæ* Anno Dñi M. DC. XXI. Die 4. Iulij ætatis suæ Anno LXIX. Deus animæ illius sit clemens & propitius. Reuertatur puluis in terram suam, vnde erat, & spiritus redeat ad Deum, qui dedit illum. *Eccl. 12.* Executores Testamenti & Hæredes posuere vitam *Rudnicij*, accuratiùs connotauit *Ioannes Riuocius* Societatis Iesu, ex ea aliqua libauimus, interim ad alia calamum vertimus, præmissis Carminibus Magni Senatoris.

*Dictis & factis indefessoq; labore*

*Commiffas benè pascit Oues. Brandenburgica Fouda*


*Concinnat Regis iussu; rutatur egenos,*

*Ære iuuans proprio; moritur prouectus in annis.*



## IOANNES ALBERTVS

Poloniæ &amp; Sueciæ Princeps Episcopatus Varmienſis Administrator.



Ioannes Albertus dispensatione Sedis Apostolicæ Episcopatum Varmienſem assequitur.

**R**egio thalamo sobolescente, hæc cura exercuit *Sigismundum III. & Constantiam Reginam*, ut honori Sacerdotij & sanctiori vitæ sorti, *Ioannem Albertum Polonia & Sueciæ* principem destinarent. Vacabat Episcopatus Varmienſis à morte *Rudnicij*, ad eum *Ioannes Albertus* annorum tredecim Iuuenis promotus, intermissâ etiam Canonicatus prouisione quæ ne à Capitulo vrgeretur *Gregorij XV.* interuenit mandatum, tantiq; Regis Filium, ab hac lege & consuetudine absoluit; Electio nihilominus integra mansit, Regiæq; commendationi vota & suffragia capitulum detulit. Administratio Episcopatus, cum per ætatem



ætatem, muneri huic esset impar, à *Gregorio XV.* indulta in  
eamq; rem, Sacrum expeditum diploma. Additus à Sede Apo-  
stolicâ Coadministrator *Michaël Działyński*, Episcopus Hippo-  
nensis Suffraganeus Varmiensis, Camenecensis deinde Episcopus  
& Abbas Mogilnensis. Accessere grauiorum negotiorum Ar-  
bitri *Iacobus Wierzbicka Boruchowius* Archidiaconus Varfauiensis  
Scholaisticus Lancicensis, qui obiit Regni Referendarius. *Paulus*  
*Piascius* Canonicus Varmiensis, qui decessit Episcopus Præ-  
mysliensis, & Abbatiae Claræ tumbæ Administrator scriptis in  
Orbe literato clarissimus. Vix Administrationem Episcopatus  
capeffit *Ioannes Albertus*, ab Aquilone atrox belli tempestas, E-  
piscopatum inuasit Varmiensem, *Gustaphus Adolphus*, *Caroli Su-*  
*dermaniae* Principis filius qui *Sigismundum* regno excluserat, il-  
ludq; ad se suamq; traxerat stirpem, non nisi vano titulo *Sigis-*  
*mundo* relicto, parenti vitâ functo successit; Erat hic Princeps  
Martiae & praeliaris indolis (demptâ armorum iustitiâ) Cumq;  
euulgarentur arcana *Sigismundi* consilia, de Regno Sueciae, ab  
iniquo vindicando possessore, praeuenire quàm praeueniri satius  
existimauit. Liunioniam juris Polonicae Prouinciam, armis &  
bellicâ fortitudine *Stephani Regis* Moscho ademptam, mari Bal-  
thico adjacentem, cum Viginti quatuor millium exercitu, nullâ  
præmissa clarigatione occupauit; vsus eâ temporis opportuni-  
tate dum *Poloni*, graui ac periculoso impliciti bello, de summa  
rerum cum *Osmano Turcarum Imperatore* dimicarent. *Rigam*  
primariam Ciuitatem, proditione Ciuium traditam cepit, cæte-  
ræ Arces tantæ impares potentiae, Rigensem sequutæ deditio-  
nem. *Liunioniâ* occupatâ præsidijque inessâ, belli in *Prussiam*  
transferendi agitabat consilia, quæ ita tecta occultaq; fuere, vt  
non nisi classe *Sueticâ*, in mari comparente innotescerent. Die-  
bus Iulij Anno 1626. cum triginta nauibus, portum Pilauien-  
sem, nemine resistente, & arma opponente intrauit: eius loci  
Præfectus officioso tormentorum displosorum fumo, hospitem  
non hostem aduenientem salutauit, lautoq; ac liberali tracta-  
uit epulo. Locum illum *Suecus* suo firmavit præsidio, Electo-  
rali dimisso. Nec diu moratus, sinum maris Baltici *Habum*,  
*Erischbaff* dictum, quem à mari *Neringa* peninsula diuidit, cum  
suâ Classe inuasit; ipse ad propinquum vicinumq; *Habo Castrû*,  
Brandeburgum deflexit, vbi perhumaniter & honorificè exce-  
prus, belli necessaria incredibili celeritate, eidem suppeditata,  
quasi in antecessum prouisa promptè satis alacriterque Ducali-  
bus ministris hæc procurantibus. Equi quingenti subito con-

Eius coadmini-  
strator Micha-  
ël Działyński.

Arbitri Iacobe  
Wierzbicka &  
Paulus Pias-  
cisi.

Gustaphus Li-  
unioniâ inuadit.

Idq; tempore  
belli cum O-  
smano.

Riga sine vllâ  
oppugnatione  
desciscit ad  
Gustaphum.

Inuadit Prus-  
siam.

Pilauam per  
deditiōē oc-  
cupat.

Habum in-  
uasit.

Brādeburgum  
deflexit.



Cui omnia necessaria ad prosequendū bellum suppeditatur à Ducis Prussiae ministris.  
Braunsbergam occupat.

Terror ingens.

Penes Ecclesiam solus Cantor Canonicus remansit.

Immunitatem Ecclesiae spondet Rex.

Sed frustra.

Mortuorum sepulchris non parsum.

Sed nec Eucharistiae sanctae,

Suppellex Ecclesiastica in Sueciam deportata.

Etiam Campana.

quisiti, cum nonnisi pedites sex mille ut scribit *Piascius* fossoribus magis quam bellatoribus similes secum adduxerit. Octaua Iulij ex Habo, cui fluuius *Passerim* propè *Braunsbergam* miscetur, ad littus eiusdem fluuij, militem incontinentem eduxit, moxq; *Braunsbergam* primariam Episcopatus Varmiensis Ciuitatem aggressus, omni munitione vacuam, Magistratu Ciuibus, terrore insperato consternatis ad deditionem cōegit. *Frauenburgum* ubi Ecclesia *Cathedralis Varmien.* & Canonicis ab antiquo residere mos est, vno lapide à *Braunsberga* distans, vehementer exterruit, Classis *Habum* nauigans, tum Nuntius captæ *Braunsbergæ*; Canonicorumq; circa Ecclesiam residentium pro tunc non infrequens erat numerus. In tantis angustijs, nullum aderat auxilium consiliumque; Ad deportandam Ecclesiasticam suppellectilem metu hostili confusi subditi, officiū subuectionis recusabant aut denegabant; Modicum quid ex hac suppellectili, (parte illius potiori relictâ) *Allensteinium* ægrè auectum; Canonici hostilitatem declinando, ad tutiora recesserant, aliqui in Poloniam abierant, nonnulli in Episcopatu circa confinia morabantur. *Henricus Hindenbergius* Cantor Varmien. receperat se mansurum circa templi custodiam, prout mansit, cum ducentis peditibus, ad militaria seruitia, iuxta morem Prouinciæ obligatis. *Gustapho Braunsbergæ* hærente, *Hindenbergius* ad illum excurrit, deditionem Castri Spontaneam (ubi Ecclesia Cathedralis) offerebat, modò Ecclesiam militari rapinâ, edicto seueriori Regis posset conseruari. Hanc immunitatem *Gustaphus* non grauatim spondebat promittebatque. At ubi *Gustaphus* venit ad portam Castri, *Hindenbergius* frustra fidem datam implorabat, portâ clauis Regem intromittere, nisi de promissa cauerat securitate, nolebat: at irruentes *Sueci*, reiecto *Hindenbergio*, in Basilicam Cathedralem irruerunt, & quidquid Sacra remanserat suppellectilis abstulerunt. Mortuorum sepulchris non parsum, *Simonis Rudnicij* Episcopi tumulum expilarunt, mortuoq; Episcopalia ablata insignia; Sacrum panem Eucharisticum ex argentea arculâ, super templi pauimentum proiectum & dispersum; *Gustaphus*, sine horrore spectauit vocatoq; *Hindenbergio* irrisit illuditq; suppellex omnis Ecclesiastica, organorum elegantior structura, tabulae altarium, ipsaq; altaria ad *Sueticas* deportata naues, & in *Sueciam* auecta, campanæ maiores itidem ablatae, vnâq; cum naui mari absorptæ. Ipsemet etiam *Hindenbergius* in *Sueticam* tractus captiuitatē, ex quâ non leui redemptus pretio, libertatem tandem nactus, ærumnis con-

fectus



fectus non diu superuixit. *Frauenburgum* eo tempore à *Suecis* incensum, ferè totum in fauillas & cineres abiit. *Wormdittum*, ab excurrentibus in Episcopatum Suecis occupatum, præsidiumq; ibi militare locatum. Parochiæ, Pagi, insolitis pressi oneribus, ingensq; ex hac rapinâ summa pecuniæ corrasa; serpebat vterius per Prouinciam hæc rabies hostilis, *Melsaccum* Capitulare oppidum, direptum & incensum, arxque Capitularis ibidem exusta. Vltimis Iulij diebus *Wormditto Sueci* excurrentes, *Gudstadium*, Ciuibus arcendæ hostilitati prorsus imparibus inuaserrunt, Canonici illius Collegiæ ad famam propinquæ hostilitatis, tempestiuè recesserant, & securitati consulerant. Collegium seu domus, in quâ Canonici resident, adjacens Ecclesiæ, ita direpta expilataque, vt vix parietes aut muri non diruti remanserint; In oppido relictû Sueticum præsidium, quod *Wormditti* & *Gudstadij* non diu substitit. Superuenit cum *Polonis* Cohortibus, *Martinus Kazanoui* Castellanus Halicieñ. veteranus Tribunus, (qui Palatinus Podoliæ & Campestris militiæ obiit Præfectus) à *Stanislao Koniecpolio* Palatino Sendomirieñ, Supremo exercituum Generali, (qui Birsauiam obsidebat) in Prussiam missus Episcopalem, ex illis locis hostes eiecit, prædasq; & rapinas, aliquantisper coërcuit. Verùm iterùm *Wormdittum* in Anno 1627. à Suecis interceptum, ob ignauiam *Vladislai Lipnicki*, & *Henrici Lechwangi*, qui imperiti præsidiarij, locum illum Suecis prodiderunt. *Allensteinium*, Domini Capitularis Oppidum, eodem tempore Sueci tentârunt inuadere, à Ciuibus rejecti constanter, in pagos Capitulares & plebem agrestem furorem effuderunt. Tàm atrox hostilitas Prussiam Episcopalem, ad Annum 1629. vehementiùs diuexauit, quò tandem induciæ ad pagum *Altemark Christburgensis* Præfecturæ, ad Annum 1635. inter *Polonos* & *Suecos* conclusæ, aliquid respirij, laceræ totq; aduersis fatigatæ toti indulserunt Prussiæ. *Wormdittum*, *Gudstadium*, deductis præsidijs hostilibus, libertati, veteriq; Dominico restitutum; *Braunsbergam*, *Frauenburgum*, Suecus vsq; ad Annum 1635. retinuit. Eo nihilominus tempore tàm iniquo in Anno 1627. *Gudstadij* in Ecclesia Collegiata, Synodum Diocesanam congregauit, *Michaël Działynski*, Coadministrator, pro *Ioanne Alberto* Principe, quæ ab eodem approbata exstat impressa. Societas IESV *Braunsbergâ* exacta, aliud domicilium, in Prouincia quæsiuit, *Ressehum* liberalitate domûs Regiæ, introducta, templum & monasterium ab Eremitis S. Augustini, olim ad Saxonie Prouinciam spectans, tùm desertum, acceden-

*Frauenburgum*  
combustum.

*Melsaccum* se  
militar.

*Gudstadium*  
expilatum.

Milites Poloni  
superueniunt.

Hostes eiecit.

Iterùm *Worm-*  
*dittum* à *Sue-*  
cis occupatur.

*Allensteinium*  
se defendit.

Induciæ factæ.

Synodus Pro-  
uincialis cele-  
bratur.

Iesuiter pulsi  
Braunsbergâ.

*Ressehum* in-  
troducitur.



Ioannes Alber-  
tus transfert ſe  
ad Episcopatū  
Cracouiēſem.

Cardinalis  
creatur.

Donaria reliſta  
in Eccleſia  
Varmienſi.

te conſenſu *Ioannis Alberti* Principis, eidem ſocietati traditum. Poſt talia nubila, bellicoſq; fragores, quietius agebat Pruſſia Episcopalis, quam vti ſuperius innuimus, per Coadminiſtrato-rem gubernabat *Ioannes Albertus*, neque ipſemet, ſponſam aut Episcopatum inuiſit. Demum è viuſ abeunte *Andreā Lip-ſki* de armis Gracie, Episcopo Cracouiēſi. eidem à Rege deſi- gnatus Succellor, Varmienſi dimiſſa ad illam Cathedram fecit gradum, ibidemq; in Baſilica Cathedrali Cracouiēſi. Romanæ purpuræ inſignia Anno 1633. recepit; Verum hæc & ulterio- ra, nè videamur extra oleas ferri, alijs connotanda relinqua- mus. Donaria *Ioannis Alberti* viſuntur in Eccleſia Varmienſi. albi & rubri coloris Sacerdotum & Miniſtrorum veſtiarius cultus, Auguſti ſplendoris ex telâ ſericæ aureis intertexta floribus, eti- am pallia maioris altaris, quæ gratam tanti Principis referunt memoriam. Erat & aurea ſtatua S. Andreæ Apoſtoli, de quâ dicetur infra. Huic Magnus Noſter Senator ita cecinit.

*Oſtendunt terris hunc tantum fata, nec ultra  
Eſſe ſinunt, magno Magnorum Sanguine Regum  
Aſtriadumq; Satus; Patauina extinctus in Vrbe,  
Vix oritur, moritur, ſub primo flore iuuentæ.*

## XXVII.

NICOLAUS SZYSKO-  
WSKI, Episcopus Varmienſi.

Educatio Szy-  
skouij.

Sacerdotium.

Abbatia Czer-  
wineſi, obtinet.

Maior Secre-  
tarius.

Hæres exaſſe à  
Martino deſi-  
gnatur.

**S**Anè in procliui eſt ijs ad ſummum eluctari culmen, quos fautores gradus, dignationiſq; altioris, neceſſitudine ſan- guinis juncti humo leuant, ad eamq; manuducunt viam, per quam ſpargitur lux. Hæc fors contigit *Nicolao Szyskouio* gen- te Oſtroio: A teneris eum fouit, educauit *Martinus Szykowſki* Luceorieſi. Ploceſi. demum Cracouiēſi. Episcopus, Prælatus ma- gnorum in Eccleſia & Republica meritorum. Domi primùm etiam extra fines Regni Italicæ peregrinatione ingenium exco- luit, reducem Patruus opimioribus auxit Sacerdotijs Pultouiēſi. Præpoſiturâ, Cracouiēſi, Ploceſi. Canonicatu; ad Abbatiam Czeruinenſi non ſpernendi redditus, eundem promouit; etiam Maiori Secretariatus, vt *Sigismundus Rex* cohoneſtaret, apud quem *Szyſkouius* pollebat gratiâ, non difficulter impetrauit. Eundem Patruus tabulis vltimæ voluntatis ex aſſe ampliſſimi pe- culij ſcripſit hæredem, adiectâ eâ obligatione, vt in pago *Bor-*



kon nati & Hæreditario Szyskouiurum, vnâ Leuiâ dîstanti *Ca-  
liffio*, in Gnefnenfi Archidiæcefi, Ecclefiâ muro ædificaret, ean-  
demq; dotaret, quam conditionē morte præuentus non adim-  
pleuit. Supra nouennium & ampliùs Secretarius Maior, pru-  
dentiæ integritatis eam collegit exiftimationem, vt minimè o-  
tiosum illâ tempeftate officium Secretarij, laudabili gesserit dex-  
teritate. Probabat *Sigifmundus*, etiam *Vladislaus* in throno suc-

Vacat Ecclefia  
Varmieñ.



cessor, maiorum capacem genium, altiori; in Ecclesia & Repu-  
blicâ honori destinebant. Orba erat, & sine Pastore Ecclesia  
Varmieñ, post translationem ad Cracouieñ *Ioannis Alberti* Car-  
dinalis Poloniæ & Sueciæ Principis. Perfecit valida & pondero-  
sa commendatio, *Vladislai Regis*, vt *Szyskouiur* juxta morem Ec-  
clesiæ concordibus Capituli votis, electus fuerit Episcopus, & ab  
*Vrbano VIII.* qui tùm rei præerat Christianæ, confirmaretur.  
Venit in Prouinciã, quam laceram, rapinis exhaustam inuenit;  
omnem

Recommēda-  
tur à Rege Szy-  
skouiur.

Eligitur, & ab  
Vrbano con-  
firmatur.



Solicitus de  
ſuo Episcopatu.

Bellum contra  
ſuecos, in Pruſſia  
molitur,

Sed pace ad 26  
annos dirimitur,

Reſtitutis a-  
blatis.

Venit tandem  
ad ſuam ſponſam.

Quam profa-  
natam ſaluta-  
uit.

Omni curâ  
ad exornandâ  
conuertit,

Pro Pane An-  
gelorum recô-  
dendo arculas  
comparat.

Templum B.  
V. erigit & ſo-  
dales S. Franci-  
ſci introducit.

Patres Soc. Je-  
ſu Reſſelij do-  
tat.

omnem proinde operam dedit, vt tot ærumnis conculſa Pro-  
uincia, aliquo poſſet recreari ſolatio : & hoc breui ex integro  
aſſulſit, cùm in Anno 1635. ante Septennium factæ induciæ in-  
ter *Suecos & Polonos*, Gallicâ, Anglicâ mediatione accedente, ex-  
ſpirarent : Rexq; *Vladislaus Moſcho* ad petendam pacem adaſto,  
victoria in Pruſſiam arma transferret. Aliquâ fruebatur quie-  
te Pruſſia Episcopalis, & interim rapinis prædiſq; exhausta ma-  
nebat in tranquillo. Belli apparatus contra Suecos ſummo  
feruore *Vladislaus* moliebatur. *Stanislaus Konięcpolius* Caſtella-  
nus Cracouięnſis, Supremus Exercituum Præfectus, Polonos legio-  
nes, quæ cum Abaſi Baſſa ad Camenecum, rem proſpere geſſe-  
rant in *Pruſſiam* traduxerat, verùm interpoſitio Regum, Gallia,  
Anglia, tùm & fæderatorum Belgij Ordinum, acies has diremit,  
pactiſq; firmatis ad Annos 26. ablata omnia à Sueciſq; deoc-  
cupata, Sueticis præſidijs abductis, in Regia & Episcopali Pruſ-  
ſia reſtituta, veteriq; tradita Dominio. Aduentum ad Cathedrâ  
diſtulerat *Szyſkouius*, in Annum 1636. neq; enim hoſtilibus præ-  
ſidijs *Frauenburgi*, *Brunſbergæ* locatis, licebat expediebatq; vi-  
ſere Sponſam : ad quam venit in peruigilio feſtiuitatis SS. O-  
mnium, ſalutauit eum nomine Collegij, *Albertus Rudnicius* Præ-  
poſitus Varmieſis, Gneſneſis, Canonicus. Ita iam pacato, & ad  
ſenſum tranquillitatis compoſito Episcopatu, Eccleſia Cathe-  
dralis, omni decore, ornamento ſpoliata, hæreticorum impiâ &  
ſacrilegâ barbarie profanata, ad priſtinum redijt ritum. Non-  
niſi bina ſupererant altaria, maius *Luca de Allenſtein* Episcopi  
ſumptu pro more antiquo erectum, & alterum Decani, quod  
*Fabianus Konopacius* Decanus Varmieſis, Poſnanięnſis. Canonicus  
Gneſneſis erigi curauerat. *Szyſkouius* omnem curam, conatum-  
q; vertit, ad Eccleſiam exornandâ, pegma, Pani Euchariftico re-  
ponendo, decens fieri, curauit : Vrnas binas argenteas, maiorem  
& minorem pro conſeruando eodem pane comparauit. Et cùm  
in Diceceſi, omnes ferè Eccleſiæ à Suecis expilatæ, pro pane An-  
gelorum recondendo, arculas ægrè poſſent comparare, ſanctior  
*Szyſkouij* liberalitas, hanc Sacram Curatis diſtribuit ſuppelleſti-  
lem. Locum in *Springborg*, ſeu ad fontes Diuæ Virgini Matri  
dicatum, ab antiquo miraculis clarum, voto concepto, ob Pruſ-  
ſiam Episcopalem pacificatam, templo è Lateribus ædificato  
exornauit, ibidemq; Sodales S. Franciſci Minoritas Obſeruan-  
tes introduxit. Societatem IESV *Reſſelij* Domûs Regiæ bene-  
ficentiæ fundatam, benignè, liberaliter fouit, eandemq; perpe-  
tuo prouidit cenſu, cum ea obligatione, vt per Pruſſiam Episco-



palem Misiones frequentarentur, plebemq; vrbanam & villanam fidei Catholica docerent rudimenta, ex societate Presbyteri. Erga *S. Franciscum Xauerium*, qui Indiarum audit Apostolus, mirè deuotus, etiam in remotum illum orbis tractum, liberalem extendit manum, aureum Calicem Goam misit, vbi Diui huius mortalitatis quiescit depositum. Amabat decorem domûs DEI, & in hunc vsq; diem, in Ecclesia Varmieñ, beneficæ voluntatis eiusdem indicia visuntur. Exstat ferculum majus pro pane Angelorum, & effigies Diuæ Virginis Matris ex argento solido iusti pretij & ponderis; Vestes Sacræ non minoris sumptus. Episcopatum rexit cum eâ prudentiâ, cuius in hunc vsq; diem, grata viget recordatio; Clero, subditis clemens, etiam vbi erat opus seuerus. Ad Conuentus Regni Generales identidem excurrerat, terrarumq; Prusiae non omittebat. Famulitium aluit decorum, splendidusque fuit in panibus. Ompinò nihil eorum intermisit, quæ probi Antistitis, amantis bonum publicum Senatoris requirebat officium, sedit in hac Cathedra propè annos tredecem, cum morbus ab atrâ bile, Hypochondriam Medici vocant, eundem corripuit, adeò pertinax, vt omnem eluserit Medicorum industriam: accessit Lethargus, quo inualecente die Septima Februarij, Sacris procuratis Christianis mortalitatem expleuit. Testamentum nullum condidit, rotaque hæreditas deuoluebatur ad Capitulum. Nihilominus interueniente *Vladislao IV. Fratri Germano Martino Szyskoui*, olim bonorum Spytkowice hæredi, tum & Patrueli Petro Castellano Woynicieñ, alijsq; Sanguine junctis, non minorem relictæ peculij partem Capitulum repræsentauit. Elato pro funere in Ecclesia Cathedrali, sermonem Epitaphium dixit, Ludouicus *Scrobkouicius* ex Sodalitio Minorum, qui vocantur obseruantes, meritò inter decora recensendus ingenia, olim *Martini Szyskoui*, *Andrea Lipsij*, Episcoporum Cracouiensium, literarum scriptor, ab iisdem, opimioribus auctus Sacerdotijs, ijsq; dimissis huic religiosæ se aggregauerat familiæ, in qua disertus, eruditusq; audiit Ecclesiastes. Cæterum nomen *Szyskoui*, totaq; domus extincta, non diù ijs fultis splendoribus, quos honor Sacerdotij, tanquam potentia firmamentum in Equestrem congefferat Familiam. Ea fors versat omnia prospera, vt cum ad summū peruenerint, incremento non relinquant locum; veriùsq; scripturas, omnis potentatus vita breuis. Erexit ad dextram Maioris, Altare *S. Caroli Boromæi & Sanctæ Rosalia*. Cujus & tumuli hæc inscriptio:

In Altaris Tumba.

V

DEO.

In S. Franciscum  
Xauerium mi-  
rè deuotus.

Eius donaria.

Omnibus ele-  
mens.

Sedit in Cathedra  
propè An-  
nos XIII.

Moritur.

Sed quod sine  
testamento do-  
lendum.

Sermonem fu-  
nebrem habuit  
Scrobkouici.

Quis iste  
Scrobkouicius  
fuit.

Familia Szys-  
koui bre-  
ui extincta.



## De Ecclesia Varmienſi

DEO OPT: MAX:

Diuiſque publicæ Soſpitiſ Tutelaribus, *Carolo Boromæo & Roſalia Virgini* Prouinciâ & Episcopatu Varmienſi à peſte liberato, voti reus & in poſterum beneficio fidens, Aram hanc perpetuæ gratitudinis & venerationis pignus, *Nicolaus Szyskowski* Episcopuſ Varmieſ, Anno Domini M. DC. XL. XVIII. Kal. Octobris erexit & dotauit.

In Lapide Sepulchrali.

D. O. M.

*Nicolaus Szyskowski* Episcopuſ Varmieſ hîc quieſcit. Tu qui legis, Nouiſſima cogitans, peccatorum eiſ veniam à DEO expoſce. Vixit Annos LIV. obiit *Heilsbergæ* die VII. Februarij Anno Chriſti M. DC. XLIII. *Noſter verò Senator ſic de illo ſcripſit.*

*Eheu quàm rarò reſpondent vltima primis.  
Omnibꝯ excultuſ fortunæ, animiqꝯ talentiſ,  
Vrbauuſ, larguſ, prudens, generoſuſ; at ecce  
Fit ſimiliſ puero, tetricuſ, lucemqꝯ peruoſuſ.*

XXVIII.

IOANNES CAROLVS  
KONOPACKI,  
Electuſ Episcopuſ Varmienſiſ.

Domuſ Konopaciorum antiqua.

Parenteſ eiꝯ.

Peregrinationeſ.

In Aula Regia perſeuerans.  
Tandẽ Dibo-  
uieſem accepit Præſecturam.

**I**Nter *Pruthenorum* veteres domoſ, *Konopaciorum* non poſtrema ab antiquo cenſebatur. Eorum aborigineſ in hac Prouinciâ, Palatinorum, Caſtellanorum currulibuſ, etiam ſanctioris poteſtatiſ ſplenduerunt Inſuliſ. Ex hac prodiit ſtirpe *Ioannes Caroluſ*, *Matthiæ Culmenſiſ* Palatini, & *Elifabethæ Duſſciæ* Filiaſ *Ioanniſ Duſſki*, Regni Theſaurarij Filiuſ. Parens *Matthiaſ* Vxore præmortua, à *Sigifmundo III.* ad Culmeſ. euectuſ Cathedrali: Cui laudabiliter, aliquot præfuit anniſ, ac tandem fatiſ cedens, Culmenſeæ, in Eccleſia Cathedrali tumulatuſ. Eiꝯ parentiſ filiꝯ *Ioanneſ Caroluſ*, repetitiſ per Europam peregrinationibuſ, ingeniuſ excoluit, ciuilemque collegit prudentiam. Quâ in tantum inclaruit Orbi Chriſtiano, vt etiam eum *Gregoriuſ XIII.* ſuæ Boncompagnorum Familiaſ adſciuerit, partito cum ipſo Inſigni Domuſ ſuæ. In Aula *Sigifmundi III.* etiam cum diſpendio patrimoniꝯ ſatiſ diu meruit, nec niſi *Dibouienſem* Præſecturam non adeo ampli Cenſuſ, pro tot anno-


rum



rum sumptuoso seruitio, quasi præmium obtinuit. In vltio-  
ri tandem ætatis flexu, & maior quinquagenario, aulicæ vitæ  
pertæsus, sanctiorem induit togā, & a *Vladislao Rege* post ascen-  
sum *Ioannis Lipski Ladici* ad *Culmen*. Cathedram, eidem *Wacho-*  
*cen. Abbatis* collata. Abituriebat extra Regnum *Ioannes Casimi-*  
*rus Polonia Princeps*, eidem in Italiam, Genuam, indeq; Mariti-  
mo itinere, Hispanias visere agitanti, *Veteranus* in Aulâ Regiâ

Sanctiorem in-  
duit togam.

Abbatiam *Wach-*  
*choensem*  
obtinet,



*Konopacius*, comitem se viæ offert, adiungitque. Iter hoc im-  
prosperè celsit, Principem memorabile aduersorum inuoluit fe-  
rie; neq; ab hac sorte immunis *Konopacius*. Nondum triremis  
Malsiliam peruenerat, quæ *Ioannem Casimirum* Principem, eius-  
que vehebat famulitium, *Ioannes Godofredus* Malsilien prodit,  
euulgatq; Magistratui, Principem Polonia Malsiliam intra bi-  
dium venturum. Vbi iam detentionis coquebantur consilia,  
*Champignio*, Gubernatore Prouinciæ satagente, vt ea deuenirent

Comes viæ *Io-*  
*annis Casimiri*  
destinatur.

Sed improspe-  
rè.



**Inſidia ſtruan-**  
**tur.** ad executionem. Nonnulli ex familiaribus Principis præſenſe-  
**Præmonitur**  
**Princeps.** rant hoc arcanum, circa detentionem Principis, etiam forenſi  
 plebi non incompertum : Cùmque de hoc præmonitus fuiſſet  
 Princeps, cymbam conſcendens ad triremem peruenit, quam  
 intrando, tutam, omniq; vacuam periculo ſperabat nauigatio-  
 nem. Vix triremis ſex Leucarum emenſa erat iter, & ad por-  
 tum Gallici iuris *Iour de boue* Gallicè dictum peruenerat, ac  
 propè vicinum eidem portui *Caſtellum Martegues*, jactis an-  
**Nauarchus de-**  
**tinetur.** choris triremis ſubſtiterat, primùm triremis illius Nauarchus,  
 in continentem euocatur & detinetur. Hæc vbi Princeps in-  
 tellexit, mittit *Konopacium* ad Caſtellanum, expoſtulat, cur  
 tam inciuiliter, amicæ & foederatæ Ciuitatis, triremis & Nauar-  
 chus detinetur? neq; vltra nauale hoc iterliceret continuare.  
**Requiſitus Ca-**  
**ſteſi præfectus**  
**ſurdis auribus**  
**poſtulata ex-**  
**cipit.** Surdis auribus excepta *Konopacij* requiſitio, quinimò, ipſemet  
 retentus, nec permiſſum illi ad Principem regredi. Non mi-  
 tior ſors parabatur *Ioanni Caſimiro*, qui ſi in continentem de-  
 ſcendere nollet, tormenta triremem quaſſatura fuerunt diſpo-  
 ſita. Inuitus ergò & minis magis, quàm precibus ex triremi  
 coactus egredi, ad ſupra memoratum deducitur Caſtellum, in-  
 de ſub militari cuſtodiâ *Salonam, Ciſteronem*, deductus, arctiùſ-  
 que detentus, quâ ciuilitate & quibus humanitatis officijs, in il-  
 la detentione Princeps macabatur, an honorabatur, qualiter-  
 que ſit libertati reſtitutus, ab alijs denarratum; Nos *Konopacij*  
 vitam proſequimur. Porro in illa viciffitudine, *Konopacius*  
 Principem non deſerebat, nec à Latere eius diſcedebat, donec  
 Aulæ Gallicæ mandato, *Pariſios* migrare juſſus, vbi annum inte-  
 grum ſcenæ huius triſtioris, lætum aliquem præſtolabatur Epi-  
 logum; quæ cùm in longum traheretur, redijt in Poloniam *Ko-*  
**Qualiter tra-**  
**ctabatur.** *nopacius*, & in Wachocē morabatur Abbatiâ. Aulam ſubindè  
 reuiſebat Regiam, quæ rem auguſtior, totque meritorum  
 Prælatum, non dubiâ opimioris Sacerdotij ſpe, ſolabatur. Re-  
 dierat iam ex hac Gallica detentione *Ioannes Caſmirus* Princeps.  
 qui Comitem, conſortemque ærumnarum ſuarum *Konopacium*  
 Fratri Regi *Vladislao* impenſius commendabat. Ceſſerat fatiſ  
 ſub id tempus Iacobus *Zadzík* Episcopus Cracouiē, ob exi-  
 mia in Eccleſiam, Rempub. merita, factis inſcriptis æternitatis.  
 Reſignauerat eidem ſucceſſorem *Vladislaus Rex, Petrum Gembi-*  
**Fideliffimè ad-**  
**heret Principi.** *cium* Episcopum Præmyſſienſem, Supremum Regni Cancellariū,  
 Abbatiæ Tyneceſ. Adminiſtratorem: quæ Abbatia tum vacans  
 ceſſit *Konopacio*, reſtitus Luculenti: rationibus ipſius interim  
 optimè conſultum, donec gradum & ſenſum maiorem aula de-  
**Pariſios dedu-**  
**citur.**  
**Redux in Pa-**  
**triam Konopa-**  
**cius.**  
**Redijt & Prin-**  
**ceps Ioannes**  
**Caſmirus.**  
**Konopacio cō-**  
**fertur Abbatia**  
**Tyneceſis.**

ſtinaret



stinaret. Neque diu erat expectandum. In Anno 1643. abiit è vita *Nicolaus Szyskowski* Episcopus Varmieſi. Ad eam Cathedram *Pruthenum* Indigenam, moribus ſuauem, vitâ integerrimum, prudentiâ doctrinâ inſignem, promouit *Vladislaus IV.* Capitulum vnanimi elegit conſenſu. Procurabat in Vrbe Sacrorum diplomatû expeditionē, quæ priuſquàm vltrâ alpes peruenirent, *Konopacius* Febri maligna correptus, vltimis diebus Decembr. Anno 1643. in Abbatia Tynecenſi, maior ſexagenario, mortalitatem expleuit, cum magnâ Chriſtianæ pietatis ſignificatione. Diu ſatis manſit inſepultus, etiam Fratre germano remiſſius hoc Supremum curante officium. Exile ſatis & tenue reliquit peculium, hocque forſan cauſauit, neglectum, an dilationem ſepulturæ. Demùm cum *Vladislaus Rex* *Ceciliæ Renatæ Viſnæ* magno cum omnium dolore vitâ functæ, in Baſilica Cathedrali Cracouiēſi, juſta perſolueret, *Georgius Oſſolinius* Supremus Regni Cancellarius, pro ea neceſſitudine amicitiæ, quæ illi cum defuncto conſtans intercedebat, eundem tumulari curauit, in Eccleſia illius Abbatia Religioſorum S. Benediſti. *Simon Starowolſcius* ſpectatæ integritatis & doctrinæ, Polyhiſtor Sarmaticus, ſermonem funebrem ſcripſit *Konopacio*, qui in opere Concionum illius exſtat impreſſus, pro comperto affirmat, nonniſi aureum vnum ab obitu *Konopacij*, in Arculâ Secretiori reperi- tum. Profectò palam erat omnibus, illum erogandi magis, quàm corradendi denarij artem calluiſſe.

Breui Episcopatus Varmienſis.

Expeditionem Romanâ morè præuenit.

Cui ſepulturâ procurat *Georgius Oſſolinius*.

*Comis, linguarum gnarus, morumquæ; peritus;  
Splendidus, & cunctis Regali gratus in aulâ.  
Conſenſu obtento Romam, dum geſtit adire  
Heilsbergam; in Claſtro Tynecenſi è corpore migrat.*

## XXIX. VENCESLAVS COMES

De Leſzno  
LESZCZYŃSKI,  
Episcopus Varmienſis.

Coæua Religioni & Regno, Comitum de Leſzno Domus, ex *Bohemia* in *Poloniam* migravit. Conſtans maiorum habet traditio, in Comitatu *Dambrowcæ*, filia *Boleslai* Bohemorum Principis, *Mieciſlai* primi *Polonorum* Chriſtiani Principis Coniugis, *Nobilem Perſtiniū*, veniſſe in *Poloniam*, fa-

Familia Leſczyńſi-  
an-  
tiquiſſima in  
flore.



miliæque *Leszczyniorum* fuisse authorem. Quæsitæ ab-eodem posterisq; eius amplæ circa fines Silesiæ possessiones, & nunc haud interruptâ serie, eiusdem Illustrissimæ Domûs, longa & auita præferentis decora, sunt hæreditas. Vidit parentum & nostra ætas; quod præfiscinè, raræ dixerim felicitatis: quatuor Cancellarios, Ciuili prudentia eminentes, & Patriæ commodis vnicè intentos. Cæteros heroes recensere non mihi in procliui,



De quâ Tuar.  
dotius satis  
fusi.

Nascitur Ven.  
cesslaus.

quorum nomina, in Ecclesiam, Remp. merita, viuunt perennant in seræ posteritatis memoriâ. Graphicè satis & felici venâ hæc complexus *Samuel Twardouius*, in suo poëmate, cui titulus: *Palatinum Lesnense*, linguâ vernaculâ, juris publici facto, inscriptoq; *Boguslao* Comiti in *Lesbno*, maioris Poloniæ Generali, post Supremo Regni Thesaurario, demùm Regni Pro-Cancellario, ad quem Lectorem remittimus. Ex his ortus maioribus *Venceslaus Comes de Lesbno*, editus in hanc lucem Anno supra Millelimum,



simum, Sexcentesimo, quinto, Augusti decimâ quintâ, qui dies  
 Diuæ Virgini Matri, ad cælos assumptæ sacer. Geminos omi-  
 ne felici contigit nasci. Prior & quasi Maior natu *Præclaus*, qui  
 Sremensis Castellanus, deinde Palatinus Derpatensis, Capitane-  
 us *Wschouen*, seu *Franstadiensis*, quadriennio à morte *Venceslai*  
 obiit: Cùm *Venceslaus* secundo genitus & quasi junior è vita  
 prior migrauerit. Pater erat *Andreas Comes* in *Lesno*, Palati-  
 nus Bresten Cuiavia, Naclensis Capitaneus, qui illâ tempestate  
 hæreticorum fuit Antesignanus, & qui in Pseudosynodo Hæ-  
 reticorum Thorunen. 1595. congregata, seueriori; edicto Re-  
 gio improbatâ, quasi caput & præses, illius audiuit conciliabuli,  
 prout ex Actis eiusdem constat impressis: obiitq; in Anno 1606.  
 Calvinismi pertinax extra gremium Ecclesiæ. Mater erat *So-  
 phia* de *Bnin* Opalenia, *Ioannis* Castellani Rogoznen filia, ger-  
 mana *Petri & Ioannis* Palatinorum Posnaniensium, continuato  
 succedentium ordine soror Patruelis *Andreae Posnaniensis Epi-  
 scopi*, *Luca* Supremi Regni Poloniae Marschalci, foemina prisca  
 moris, religionis Orthodoxæ, zelo, pietate, sanctioris æui non  
 impar Matronis. Orba marito in ipso flore ætatis, omnem cu-  
 ram conatumq; vertit, ad prolem in fide Catholica educandam.  
 Erat frater maior *Raphael*, qui Castellanus Vislicen post Beizen-  
 sis fuit Palatinus, prioris Conjugis *Firleæ* Filia *Castellani* Lubli-  
 nen à teneris dogmate Calviniano innutritus, eiusdem ingens  
 fautor: is tutelam sibi naturalem arrogans, omni studio con-  
 tendebat, *Ioannem* natu Maiorem; qui Supremus Regni Can-  
 cellarius, tandem Palatinus obiit Cracouien, hosq; altè memo-  
 ratos geminos, à maternâ abstrahere educatione, & heterodo-  
 xâ Caluini imbuerè sectâ. Fatigabat forensi strepitu optimam  
 Matrem, oppidoque anxiam & sollicitam circa institutionem in  
 fide Catholica. Animo, subitis casibus maiore, ex illis litium  
 euasit molestijs, fratribus *Opalenijs* auxilium, consilium sugge-  
 rentibus. Vernantes ætatis Annos, in Posnaniens Societatis Iesu  
 Gymnasio, humaniori excoli literaturâ Mater curauit, & ne vis  
 aliqua *Venceslaum* ad Hæreticam abstraheret Scholam, in Mo-  
 nasterio Sodalium *S. Francisci* de *Observantia*, Scholis Societatis  
 vicino, prouidit domicilium, & mensam. Maturiore in *Ger-  
 maniam*, *Italiam* expediuit, adjuncto parastatâ, comiteq; itine-  
 ris, *Ioanne* de *Zalesie Baykouio*, Canonico Posnaniens, post Epi-  
 scopo Ennensi, Suffraganeo Posnaniens, integerrimi moris, com-  
 pertaq; virtutis Prælato. Germaniâ Italiâque lustratâ, etiam  
 grauioribus eruditus studijs redijt in *Poloniam*, indutus sanctio-

Pater eius.

Mater,

Mulier piissi-  
ma.

Eius cura circa  
prolem.

Opponit se  
frater maior  
natu Caluina-  
no dogmate in-  
notatus.

Litem mouet  
Matri fratru &  
sua Nouercæ.

Quam pia mu-  
lier superauit,

Venceslaus  
Posnani relin-  
quitur.

Præclaus in Ex-  
teras nationes  
expeditur.



Redux ad Au-  
lam ſe confert.  
 Fit Secretari⁹.  
 Illius in Aula  
conſanguinei.  
 Sed viuentē Si-  
giſmundo præ-  
ter ſpem, nihil  
obtinuit.  
 Moritur Sigi-  
ſmundus.  
 Eligitur Vla-  
diſlaus.  
 Canonicatum  
Crac: & Præ-  
poſiturâ Lan-  
cienſem obti-  
net.  
 Lucas Opale-  
nius in Exteras  
nationes di-  
ſcedit.  
 Adiungit ſe illi  
Leſzczynius.  
 Et in Galliam  
ſe confert.  
 Gneſnæ ſacri  
initiat⁹.  
 Cracouiæ fre-  
quens mora-  
batur.  
 Ad Tribunal  
multoties de-  
putatus.  
 Referendarius  
Regni decla-  
ratur.  
 rem togam, in Aulâ comparuit Regiâ, ac in cenſum Secretario-  
rum, à *Sigismundo III.* transcriptus. Viuebant in aulâ & orbe  
Polono, magna nomina, cum quibus propinquior ſanguinis ne-  
xus intercedebat *Leſzczynio*, eius Patruus, *Venceslaus Comes* de  
*Leſſno*, Supremus Regni Cancellarius, maioris Poloniae Genera-  
lis; *Nicolaus* de *Podhaice Wolski* Supremus Regni Poloniae Mar-  
ſchalcus, *Lucas Opaleński* Curiae Regni Marſchalcus, qui fauo-  
re, gratia, apud *Sigismundum Regem* pollebant: Hinc prouenit  
erat *Leſzczynio*, ad aliquem opimioris fortunae aſſurgere gra-  
dum, tantis attollentibus Patronis. A viuentē *Sigismundo* nihil  
præter ſpem obtinuit, ſumptuque indigens, aulicum ſeruitium  
domesticis ſuſtentabat impenſis. Quasi de indiſtriâ cælitus re-  
ſeruata fuiſſet, aucta, conſummataq; eius dignitas *Vladislaus IV.*  
Neq; longum abiit tempus, cū *Sigismundus III.* ob mortem  
*Conſtantiae Reginae*, mœrore ætate languidus, catarrho extingui-  
tur. Aſſumitur ad Thronum, magno totius Regni applauſu  
*Vladislaus IV.* Patruem *Venceslai*, *Andream*, qui Episcopus  
Culmeñ. & Cancellarius Regni, demum Gneſneñ obiit Archie-  
piſcopus, Abbatia Prementenſi tum vacante prouidit, à quo bi-  
na dimiſſa Sacerdotia, Canonicatum Cracouiē, Præpoſituram  
Lancienſem contulit *Leſzczynio*, hoc liberaliori ſultus ſtipendio,  
in aula manſit aliquantiſper. Excurrebat tum in Italiam *Lucas*  
*Opalenius* Supremus Regni Poloniae Marſchalcus, cui ſe comi-  
tem adiungit *Leſzczynius*. Porro illo in Poloniam redeunte, *Le-*  
*ſzczynius* abiit in Galliam, vbi ſupra biennium commoratus, lin-  
guæ Gallicæ, ad elegantiam redijt gnarus. Sacerdotio in Me-  
tropolitana Gneſneñ Eccleſia initiatus, cuius poſtmodum fuit  
ſponſus & Archiepiſcopus. Aulam ſubindè viſebat Cracouiæ  
frequens morabatur. Iudex illius ſacri Collegij ad Tribunal  
Deputatus, eam functionem, cum eximiâ integritatis obiuit  
commendatione, & in Anno 1643. eandem exercebat functio-  
nem. Vacabat tum in Aula Referendariatus Regni poſt ascen-  
ſum *Alexandri Trzebiñj*, ad Episcopatum Præmyſliē & Procan-  
cellariatum Regni. Multi in Aulâ præſentes ad illud officium  
ſpe, votis aſpirabant. Abſentis *Leſzczynij* egere cauſam *Gaspar*  
*Comes à Donhoff* Palatinus Siradiē, *Lucas Opalenius* Supremus  
Regni Marſchalcus; effeceruntque vt Regni à Rege declaratus  
fuerit Referendarius, additâ Płocenſi Præpoſiturâ tum vacante,  
amplioris redditus Prælaturâ. Non integro biennio egit Reſe-  
rendarium, & Regiâ commendatione ad Varmieñ euasit Cathe-  
dram. Erat tum Vilnæ Rex *Vladislaus*, cū nuntius mortis, lo-



annis *Caroli Konopacy* ad Aulam peruenisset. *Ceciliâ Renatâ* Reginâ promouente, Rex designauit *Leszczynium* Konopacio Successorem, Regiâq; fultus commendatione, à Capitulo electus, Nuntio Regio *Stanislao Kobierzycki*, Castellano Gedaneñ, deinde Pomeraniæ Palatino, genere, probitate, literis perinsigni, negotium conficiente. Varſauia in Anno 1644. peractâ Consecratione, venit in Prouinciam. Ad Sponsam, Ecclesiam Cathedralem secundâ Augusti in Anno 1644. primum habuit ingressum Regimen Episcopatus, eximiâ temperauit benignitate. Erat tûm *Vladislaus Rex* viduus, satis sublatâ *Ceciliâ Renatâ* Vilnæ, eademq; in Basilica Cracouiensî sepultâ, de innouandis Matrimonij votis, agitabat consilia, quæ in eum abiêre euentum, vt ex Gallia *Mariam Ludouicam, Caroli Gonzagæ, Mantuæ* in Italia, & *Niuerniæ* in Gallia Ducis Filiam, sociam thori & throni præoptaret. Præmiserat in Galliam, *Gerardum* Comitem *Donhoffum* Palatinum Pomeraniæ, pactorum connubialium arbitrum. Porro ad Sponsam deducendam designauit Legatos, *Leszczynium* Varmien Episcopum, *Christophorum Opalenium* Posnaniens Palatinum, Fratres Consobrinos, tanto negotio pares, Palatinus Posnaniens cum amplo & splendido Polonæ iuuentutis comitatu, terrestri pergens itinere, commodè satis viam hanc longinquam confecit: *Leszczynius* conductis Dantisci nauibus, Lubecam versûs maritimû ingressus iter, cum suo famulitio, atroci jactatus tempestate, totq; nauigationis incommoda perpeſsus, seriûs Palatinum assecutus, simul tandem, sub finem Octobris Parisios ingressi, aulam Gallicam, totumq; populum Parisios confluentem, ad illudq; spectaculum effusum, in admirationem traxerunt. Cultus, vestitus Polonus, in illis oris incognitus, non leui quæſitus pretio, equi generosiores, peritiâ equitandi, Scenam illam aut pompam, Aulæ populo, gratam amantemq; adornabant. Exstat Poëma *Andrea Kanon* Societatis IESV, orbi literato non ignoti, publici juris, super eâ Legatorum expeditione in Galliam, inscriptum *Luca Opalenio*, Palatini, Fratri Germano, Succamerario Posnaniens. qui obiit in Anno 1662. Varſauia, Curia Regni Mareschalcus, Vir egregiè probus & Polonorum doctissimus. Ingressu hoc peracto quintâ Nouembris in Anno 1645. in Regia Capella, *Ludouicâ Mariâ* desponsatâ *Vladislao IV.* Paranymphegit personam, Palatinus Posnaniens, *Leszczynius* primum pro Sponsa *Vladislao* impetrandâ, perorauit ad Gallia Reginam, præſente *Ludouico XIV.* Galliarum Rege tûm octenni. Postmodum jux-

Confertur illi Episcopatus Varmienſis.

Consecratur Varſauia.

Eius aduentus ad Sponsam.

Cecilia Renata moritur.

Maria Ludouica in sociâ thori & throni designatur.

Præmittitur in Gallias Comes à Donhoff.

Legatio comittitur Leszczynio & Opalenio.

Palatinus terrestri itineri se accinxit.

Leszczynius maritimû ingressus iter.

Eorum ingressus Parisios.

Leszczynius perorat pro Sponsa.



Deducitur in  
Poloniam.

Peraçtâ legati-  
onis functione  
ad Episcopatû  
reuertitur.

Mors Vladi-  
slai IV.

Concurrentia  
Fratrû ad Sce-  
ptrum.

In qua ſopien-  
da conſtituit pru-  
dentia Leſczy-  
nij.

Post electionē  
redit ad ſpon-  
ſam.

Romam excur-  
rit Iubilei ma-  
gni cōſequen-  
di.

Redux pericli-  
tanti Patriæ  
milite proprio  
ſuccurrit.

Ætate ingra-  
ueſcente debi-  
lior in dies.

ta Eccleſiæ Catholicæ ritum, illi aſtitit matrimonio; ſeruatis cir-  
ca talem actum conſuetis ceremonijs. Hiſce conſectis Epi-  
ſcopus & Palatinus, Pariſijs; aulâ Gallicâ ſalutatâ, in Poloniam,  
abeuntem *Ludouicam Mariam* comitantur, quæ tam longin-  
quo, per tot terrarum tractus *Gedanum*, inde *Varſauiam* vn-  
decimâ Martij peruenit. Aduenientem in Baſilica Varſau-  
enſi. *S. Ioannis Baptiſtæ*, Rex *Vladislaus* ſalutauit. Matrimoni-  
um ante Pariſijs, per Legatum Plenipotentiarium contractum,  
*Ioannes de Torres*, Archiepiſcopus Adrianopolitanus, Nuntius  
Apoſtolicus confirmauit. Cæterum *Leſczynius*, tam longin-  
quo ſumptuoſoq; conſecto itinere, ad Episcopatum redijt, vbi  
comitatu illo numeroſo dimiſſo, de nominibus diſpungendis,  
quæ grandia contraxerat, ad eam functionem glorioſè perho-  
norificèq; obeundam, modum rationemq; inijt, quod quidem  
exactè præſtitit. Episcopatum rexit ſingulari animi modera-  
tione, Conuentibus terrarum Prusiæ, frequens intererat. Se-  
cutâ morte *Vladislai IV.* designatæ ab Ordinibus Regni electio-  
ni præſens interfuit. Præter exardeſcentem Coſacorum re-  
bellionis flammam, aliquæ *Principum Fratrum*, bonum publicû  
impediebant ſimultates. Vterq; ſtudijs, ſuffragijs, circa or-  
tum ſceptrum diſtrahebat Rempublicam. Nonnulli Procerum,  
Ciuiſi prudentiâ eximij, ijs componendis allaborabant, quos  
inter *Leſczynius* ſuaſit, effecitq; vt *Carolus Ferdinandus*, in  
*Ioannem Caſimirum* ſpem vt vota transferret. Eodem tempo-  
re Varſauix conſecrauit, in templo tûm ligneo Clericorum pau-  
perum. Matris DEI, *Albertum Pilchowicz*, Episcopum Hiponenſi,  
Suffraganeum & Canonicum Varmienſi, Suceſſorem Michaëlis  
Działynij, Episcopi Camenecenſi. Abbatis Mogilnenſi. Electione  
*Ioannis Caſimiri* feliciter completâ, abiit in Episcopatum. Erat  
in propinquo annus Sanctus Iubilei magni, quem *Leſczynius*,  
vt in ipſa Metropoli conſequeretur, Romam excurrit, vbi à Sum-  
mo Pontifice *Innocentio X.* à Sacro Cardinalium Collegio per  
humaniter exceptus; Romæ ob morum ſuauitatem omnibus  
gratus. Româ redux, belli Coſacici glifcente incendio, Eque-  
ſtrem vt vocât Raytarorum Cohortem proprijs auctoratam im-  
penſis, ad Caſtra expediuit. Incipiebat iam tentari hæredita-  
rio arthritidis morbo, ad eum leniendum quæſiuit fomenta, in  
acidulis Badenſibus, quarû inefficax remedium nihil iuuuit, cûm  
ætate ingraueſcente, debilitate pedum ita fuerit correptus, vt  
nonniſi ſellâ geſtaretur. Enimuerò Coſacicæ rebellionis gra-  
uem Regno tumultum, grauior atrociorq; belli aquilonaris tem-



pestas ingens, aduersorum additamentum exaggerauit. Quasi non sufficeret, Regno pessundando, interna hæc vis, etiam externis armis; & furore Suetico aggredienda & spolianda erat Polonia. Cesserat throno & Regno, *Christina filia Gustau Adolphi*; Eidem ab ordinibus suffectus *Carolus Gustauus*, ex domo Palatina Bipontina, *Gustau* sororis filius. Primum facinus noui Principatus, moliri occipiebat, agitabatq; consilia, belli in Poloniam transferendi. Equidem erat in procliui, tot cladi- bus fessam attritamq; inuadere Poloniam. Causa fomesq; belli, præcipuus titulus Regni Sueciæ, à *Sigismundo*, *Vladislao*, etiam à *Ioanne Casimiro*, peruicaciùs retentus vsurpatusque; neq; in Literis ad Regem Sueciæ recenter Coronatum, iuxta præscriptum pactorum Stundorffien- sium, cum triplici & cætera scriptus: insuper in iisdem literis in cautiùs à scriptore Literarum, ut mos regnantium, scripti, additiq; anni Regnorum. Illud verò magis pensiculatè, à Sueticâ libratum aulâ, & pro motiuo belli inferendi arreptum, dùm circa actum, Coronationis *Caroli Gustau*, Regis Poloniæ internuntius, *Canasilius* Natione Gal- lus, publicè Coronationi *Caroli Gustau* reclamauit, inscio Senatu & Ordinibus Regni, eo tamen ipso, & hac intercessione, pacta induciasq; abruptas, Aula *Suetica* conficiebat euincebatque. subito Præliminaris narratio Causarum belli Polonis inferendi, quasi clarigatio in lucem protrusa; cui scripto, cum omni latini sermonis, & ciuilibus prudentiæ grauitate, respondit, *Gregorius Borastus*, Cracouiens, Varmien Canonici, natione Suecus, probitate doctrinâ eximius, cum eo titulo Causæ præliminares limatæ, & eliminatæ. Ac tanti Poloniæ constitit titulus ille à Regibus, nullo fructu commodoque, verum cum ingenti Regni iacturâ, & summo discrimine, pertinacius retentus, Suecisq; enixius deposcentibus non dimissus, aliàs pacificationem perpetuam, & ablatorum restitutionem offerentibus. Herebat iam in Pomerania conscriptus Suecorum exercitus, cui præerat *Arfardus Wirtembergius*, eundem Regis mandato, ad fines maioris Poloniæ promouit. Nec adeò validum militiæ Sueticæ robur erat, quin à nostris opprimi posset. Duorum Palatinatum Nobilitas *Posnaniens*. & *Calissiens*, ad amnem *Notessum*, propè Oppidum *Vicie* ad arma euocata, Castra posuerat. Æmulatio inter ductores nobilitatis, offensæ contra Aulam, occasionem rei benegerendæ cum Suecis euerterunt: & aliquo tractatu cum *Wirtembergio*, protectione Regis Sueciæ acceptatâ clausaq; Nobilitas tumultuariè domum abiit, hocq; specioso pro-

Rex Sueciæ  
bellum inferē-  
dum Poloniæ  
proponit.

Causa Belli.

Gravior offensa.

Miles Sueticus  
Wirtembergio  
duce in Pome-  
rania.

In maiorem  
Poloniam pro-  
mouetur.

Protectio Re-  
gis Sueciæ ac-  
cipitur.



Ioannes Bran-  
cki Suffragan-  
us Poſnani. oc-  
ciditur à Pro-  
tectionibus.

Rex Sueciæ re-  
gnum ingredi-  
tur & occupat  
Urbes.

Etiā in Pruſ-  
ſia

Gedanum con-  
ſans non cre-  
didit Prote-  
ctori.

Hoc idem ma-  
lum ſenſit Epi-  
ſcopatus Var-  
mienſis.

Collectio à S.  
ſede indiſta.

Ad reſtituendā  
Legē publica  
contra.

Episcop⁹ Var-  
mienſi Regio-  
montum ſe  
conſert.

Eccleſia Regi-  
omonti reco-  
gnoſcit ſuū E-  
piſcopum Var-  
mienſi.

Elect⁹ pro-  
miſit Proteſti-  
onem Pruſſiæ.

Sed ſine effe-  
ctu.

reſtoris illeſta titulo, inuaſori Regni Sueco portas aperuit. Poſnaniā, Califſium, Suetica inſedēra præſidia. In ædes ſacras, domos Nobilium, omni prædandi rapiendiq; graſſabantur licentiā. Nec à cædibus innocentum abſtinuere; etiam Sacri Ordinis *Ioannem Branecium* Episcopum Ennenſem Suffraganeum Poſnaniēſem, in pago hæreditario Srodēſi Oppido vicino, dūm humaniūs inuaſores excipit tractatq; ab ijs pilis plumbeis interimitur, totaq; ſuppellex diripitur. Superuenit cum alio exercitu Rex Sueciæ, Regnum ingreſſus, *Cracouiam*, *Varſauiam*, & vtramq; *Poloniam*, vno deoccupauit impetu. Etiam in Pruſſiam fulminis inſtar furor hic Suecus penetrauit. *Thorunium Elbinga*, *Marienburgum*, aliaq; loca, Suecum patentibus excepere portis. Solum *Gedanum* ſupererat, quod conſtātem & intemeratā fidem, Regi & Regno ſeruauit: ſumptu maximo terrā mariq; Suecorum inſultus aut morabatur, aut propulſabat. Acerbam hanc ſortem, ſenſit Episcopatus Varmienſis. & rapacitatem non euitauit Sueticā. Sacra tamen Eccleſiaſtica ſupellex, tempeſtiuē nauibus aueſta *Gedanum*, in ſecuro manſit. Argentum nihilominus & auri potior pars, Summo Pontifice indulgente, publicæ data neceſſitati, etiam inſigne & Baſilicum donarium *Ioannis Alberti* Principis, Statua *S. Andreae* ex auro ſolido, librarum aliquot decades fiſco ceſſit, & aliæ per Regnum Eccleſiæ, coactæ hanc ſanctiorem depromere gazam. Aliquam teſtificando gratitudinem Ordines Regni, lege cauerunt publicā, argenti ab Eccleſijs accepti reſtitutionem, quod ſperandum in Anno magno Platonis. Interim Canonici ob ingruentem hoſtilitatem, Eccleſiā deſertā, ad tutiora receſſerant. Episcop⁹ abiit Regiomontum, & ſub amici, domuiq; ſuæ beneuoli Principis vmbra, in tam flagranti periculo quæſiuit ſecuritatem. Neq; Regiomontum extra curam paſtorales Varmienſis. Episcop⁹; ſuberat olim Sambienſis. Episcop⁹, eius titulum Varmienſis, vſurpat Episcop⁹, cū redditus Lutheraniſmo in Pruſſia Ducali inualeſcente, in profanam & heterodoxam abiēre dominationem. Eccleſia Catholica, quæ ibi exſtat, recognoſcit Ordinarium Episcopum Varmienſis. Fecerat aliquam ſpem Elect⁹ *Brandenburgicus*, etiam in Conuentu Generali terrarum Pruſſiæ, idipſum per ſuum declarauerat Ablegatum, Pruſſiæ Regalis, ab ingruente hoſtilitate deſenſandæ, armaque Suecis opponendi: verūm proſperi Suecorum ſucceſſus, totaque Pruſſia Regalis occupata, ad alia conſilia flexit Electorem. Aliqui Poloni exercit⁹s Tribuni, cum ſuis legionibus in partes Sueci tran-

fierant,



stierant, in Prussiamq; aduentantes cum *Brandenburgicâ* militiâ  
aleam Martis tentârunt, quæ cûm Brandenburgicis improspere  
successisset, ad media pacificationis cû Sueco Elector inclinabat.  
Non otiosè Regiomonti egit *Leszczynius*, vnâ cum *Vincentio*  
*Coruino Gasieui*, Supremo M. Ducatus Lithuaniae Thesaurario,  
ibidem Campestris Militiæ Præfecto, aulâ non intciâ pertrahe-  
bat Electorem in partes Regis & Regni; qui duntaxat id præ-  
tendebat, vt ex Ducali Prussia ad aulam tollerentur appellationes:  
insuper summam aliquam notabilem, pro Stipendijs Polonæ  
offerebat militiæ. Cæteroqui nonnullorum opera, qui nihil in  
Repub. præclarum existimant, nisi quod ab ijs repertum  
consultumq; tractatus ille reprobatus, contemptimq; habitus,  
etiam Regi hisce futurantibus displicuit. Aderant in aula præ-  
sentes Cancellarij & Ministri status, *Stephanus Coricinius* Supre-  
mus Regni Cancellarius, *Andreas Trzebicius* Episcopus Præmy-  
slien. Minor Regni Cancellarius, illi tractatum à *Leszczynio* &  
*Gasieui* cum *Brandenburgico* conclusum, ratum haberi conten-  
debant: præualuit priuatorum sinistra & maleuola informatio,  
qui offensi *Leszczynio*, eundem citra omnem culpam, sequiori-  
bus apud Regem onerauerant delationibus. Cûm ille nihil  
intermiserit, donarijs, Largitionibus aulam Electoralem molli-  
endo, ne fides Catholica in Prussia Episcopali periclitaretur.  
Et iam Elector, prosperis Suecorum expensis, quorum exercitus  
totam inundauerat Prussiam Regulam, metuensq; ne & Duca-  
lis nutaret, aut dominationem mutaret, primum per occultio-  
res Internuntios cum Sueco confert, postmodum ipsemet *Bar-*  
*tensteinij*, Oppido Prusiæ Ducalis, quarto ab *Heilsbergâ* lapide  
congressus, pro mutuâ securitate iniit pacta, in dominium trans-  
scribebatur Electoris: qui nullâ vsus morâ, præsidia per Oppi-  
da disposuit, eamq; patrimonij Christi portionem, Prusiæ Du-  
cali vnire, aggregareq; intendebat. *Frauenburga*, vbi Cathedra-  
lis Ecclesia, *Brunsb erga*, quæ prima in Polonia, nascentem  
excepit Societatem IESV, primaria Episcopatus Ciuitas, *Hebo*  
& *Passeria*, quæ ibidem in Habum influit, adjacens, firmiori in-  
fessa præsidio. De amouendâ inde societate, agitari consilium,  
præsenferat in Aula Electorali *Leszczynius*, hoc ne ad effectum  
deueniret, Calviniani dogmatis Prædicatorem, qui Consorti E-  
lectoris, quasi Consiliarius erat, (si Dijs placet) spiritualis, non  
leui obligauit honorario, hic causam Soc: Iesu feliciter egit per-  
fecitq; vt *Braunsbergæ* remaneret. Hæc & alia didici narran-  
te *Leszczynio* Domino Patrono meo beneficentissimo. Totum

Regiomonti nō  
otiosè Leszczy-  
nius.

Vnâ cum Ga-  
sieui.

Eorum bonâ  
opera repro-  
bata.

Priuatorum si-  
nistra infor-  
matione.

Elector init  
pacta cum  
Sueco.

Episcopatus  
Varm. in Do-  
minij cedit  
Electori.

Cuius Arces &  
Ciuitates po-  
tenti præsidio  
munit.

Leszczynius  
suâ prudentiâ  
retinuit Patres  
Soc: IESV.



Lubomirſcij  
fides in Regē  
ac Virtutes

Regem ab Exi-  
lio reuocat.

Tartaros in au-  
xilium con-  
ducit.

Rakocium fu-  
dit.

Graudentum  
expugnat.

Thoruniū op-  
pugnat.

Pacē cum Sue-  
co composuit.

Potentiam Mo-  
ſchorum attri-  
uit.

Stephanus  
Czarnecki he-  
ros magnāni-  
mus Suecos nō  
ſemel ſudit.

Viciſſitudinem  
fortunæ Sueco-  
rum cōſiderat.  
Electōr Bran-  
deburgicus.

Committit ne-  
gotium tracta-  
tū Leczynio  
& Gaſienio.

Episcopatum pro libitu Elector, exactionibus. Militum Statiuis prægrauabat *Allensteinum, Melsaccum*, Domini Capitularis loca, gemebant in hac incude tribulationis. Interim fauentius benigniusq; cælum, toti Poloniae feliciores disponebat transitus. Subita illa & nimia Suecorum fortuna, languescebat, suumq; relinquebat Victorem trepida nimis ad nomen *Georgij Lubomirſcij* nunquam partibus Sueticis adhærentis; qui Exercitum Polonum, fortunam Suecorum sequentem, ad fidem Regis ac Reipub. defendendamq; Patriam, inauditâ prudentiâ reuocauit; *Regi Casimiro* è Silesia vbi reclinauerat, (quem ante aliquot annos suâ prudentiâ Regem creauerat) Regnum restituit, ac Coronam Thesaurumq; Regni conseruauit, feliciterq; eundē ad propriam sedem reduxit. *Magnum Tartarorum Chanum* cum ingenti Exercitu (cum quo illi ab antiquo stricta fuit amicitia) contra Suecos proprio ære adsciuit. *Rakocium Transyluaniae*, Suetici belli contra Polonos socium, vastatis partibus Hungariae, illo in Polonia commorante, gloriose è finibus Poloniae pepulit, fuso ad internationem eius exercitu, Ducibus in captiuitatem Tartarorum redactis. Meretur & inde nominis famam immortalis idem *Lubomirſcius*, quod Graudentum summâ prudentia expugnauit. Thorunium ingenti apparatu bellico, & ingenti fortitudine oppugnauit & prosperè expugnauit, Suecis ab hinc inuincibilem iniecit terrorem, cum quibus tandem pacem Oliuæ composuit. Deniq; *Seremetum Moschorum* Ducem, ad *Eudnouiam Cosacorum* viribus, Duce Czeçiurâ potentissimum ad internationem deleuit, stupendamq; ac Posteritati admirandam reportauit Victoriam: sed tanti Viri heroicis ausibus & gestis immortalibus, nec vna dies, nec vna sufficit pagina. Dedere tunc boni Cælites felicitati Polonorum & alium non dissimilem priori, Virum *Stephanum Czarneckium* Castellanum Kiiouienſem & deinde Palatinum, in omnes casus belli expeditum, qui Suecum pariter pluribus in locis, incredibili celeritate vsus, victricibus armis oppressit, & vires infensas in tantum fregit, vt faustos ab initio Suecorum progressus, nulli nixos iustitiæ, tristis terminaret catastrophe. Hæc vbi prosperè in rem Polonorum geruntur, expendebat Elector successus Sueci, fatali obnoxios vicissitudini, rotamq; fortunæ erga Suecos pronioris, breuialiter vertendam permutandamq; fore. Nec alieno erat animo à resumendo tractatu, quo rebus Suecorum inclinatis suæ consuleret securitati. Commissum datumq; negotium *Leczynio* Regionti commoranti, tum & *Vincenzio Coruino Gaſienio* Supremo



M. D. Lithuaniae Thesaurario, & Campestris Militiae Praefecto, cum Electore paciscendi, & qui ( vt supra memoratum ) aliquorum susurris interuerso tractatu, centena millia Imperialium, in aerarium Regni pollicebatur se illaturum, modo cum suprema potestate Ducalem gubernaret Prussiam. Nec onerosum erat, cum Electore taliter pacisci. Verum Elector transactione Suetica, tum & Episcopatus Varmien apprehensione elatus, oppido in praegraues conuenit conditiones, quas hic attexere prolixum & superfluum. Prussia Episcopalis vigore horum pactorum, exempta à praetenso Dominio Electorali, pleniq; iuris possessio, Episcopo & Capitulo, asserta, vindicataque, etiam miles Electoralis excessit, & in Prussiam migravit Ducalem. *Frauenburgum* nihilominus & *Braunsberg* ab Electorali praesidio retenta mansit ad Annum Dñi 1663. eoque tandem Anno, asserta in libertatem, excedente militiâ Electorali. Pacta de quibus supra confecit *Leszczynius* & *Gasieuius* cum Electore *Welauiâ* 1657. 19. Mensis Septembris, approbata & confirmata à Rege *Casimiro Brombergæ* seu *Bidgostiae* eodem Anno 6. men. Nouembris. Necdum verò bellico hoc fragore consulescente, *Leszczynius*, ea quæ sunt potestatis Episcopalis implebat. *Sceburgi* in Ecclesia illius Oppidi Parochiali consecrauit *Thomam* de *Rupniem Vieyski* Episcopum *Kiiouien*. Praepositum *Varmien*. Abbatem *Plocen*, qui raro exemplo, insulam in Anno 1677. cum religiosa Societatis IESV permutauit lacernâ, & post eam tempestatem latior & pacatior status redibat Episcopatu. Quamuis *Elbinga*, *Mariaburgum*, in propinquâ viciniâ metum terroremque spargebant, Suecis ibidem latitantibus, quorum excursiones Polonæ Militiæ cohortes, in Episcopatu consistentes reprimebant. Tandem illa formidabilis Suecorum potentia iam decreuerat, totq; cladibus à Polonâ militiâ illatis, vix trahebat spiritum, nec nisi *Elbinga* *Mariaburgi* hi corui braccati, quasi in nidis aliquibus delitescabant. Superuenit Gallica mediatio, quæ mutuas diremit acies & annorum aliquot truci finem posuit classico. *Oliuenses* pacis tractatus, tot cladibus, deuastationibus optatam superinduxere tranquillitatem. Verum non diu *Leszczynio* in Episcopatu, ad sensum pacis composito, morari permissum. Viuere desierat eius Patruelis *Andreas Comes* de *Lesno* Archiepiscopus *Gnesnen*. in Anno 1658. nec quidquam ambientem, imò inuitum & reluctantem, Rex nominauit Archiepiscopum *Gnesnen*. ad tantumq; pertraxit gradum, qui in *Varmien*. Ecclesia tumultum iam cogitatione impleuerat. In

Prussia Episcopalis exempta à praetenso Dominio Electorali.

Frauenburgum & Braunsberg ab eodem occupata.

Pacta cum Electore approbantur.

Leszczynij A. & in suo Episcopatu.

Suecorum vana arrogantia.

Eorum potentia attrita.

Mediatio Gallica pacem Oliuiz conclusit.

Mors Andreæ Leszczynij Archiep. Gnesn.

Declaratur Vexillarius Patruelis defuncti in Archiepiscopum.

Anno



Ei<sup>9</sup> in Episco-  
patu Varmienſi  
virtutes.

Virorum do-  
ctorū æſtima-  
tor & cenſor.

Hirtenbergij  
Paſtoris.

Stoffelij.

Nowieyſcij &  
aliorum opera  
utebatur.

Multos ad fidē  
reduxit.

Iuuenes nobi-  
les fouit in  
ſcholis.

Pauperes ſu-  
bleuabat.

Ædificia & Ar-  
ces Vetusſtate  
conſumptas  
reſtaurabat.

Moritur Episco-  
picijs.

Sepultus Lo-  
uicijs.

Anno 1659. circa ortum veris abiit Varſauiam, pro Conuen-  
tu generali Regni, quo finito ad Archiepiſcopatum venit. Pri-  
uſquam in Poloniā proficiſceretur, per omnes Parochias ex Am-  
bona publicari mandauit, vt ſi aliquibus illata injuria eſſet eius  
compensationem ſperarent & requirerent. Omnibus beneuo-  
lus & beneficus eſſe contendebat. Viros doctos fouit. Ioa-  
chimo ab *Hirtenberg* Paſtorio, Regio Hiſtorigrapho & Secreta-  
rio, qui lutheraniſmo ejurato, Catholicam fidem Orthodoxam  
profefſus cum domeſticis, Conſorteq; præmortuā in ætatis de-  
uergio ſacris initiatus, Parochus Gedaneſ. & Officialis deniq;  
Cantor Varmienſ. in Anno 1681. abiit è vita, elegantioris lite-  
raturæ, quam libri teſtantur impreſſi, famā celebri, annum  
pendebat ſtipendium. *Sigismundum Chriſtophorum Stoffelium*  
Cuſtodem Varmienſ. quem Archiepiſcopus melioris notæ orna-  
uerat Sacerdotijs, Gneſneſ. Louiceſ. Canonicatū, Præpoſiturā  
Califſieſ. habuit familiarem, ejusdemq; in grauioribus negotiis  
trifti & turbulento ſtatu Episcopatus calamo, operā, conſilio  
utebatur. *Albertum Nowieyſki* ab Academicā profefſione in  
Aulam adſciuerat virum literatum, & ad Canonicatum promo-  
uit Varmienſ. Multos, cum quibus illi ſanguinis intercedebat  
nexus, ab hæreſi ad fidem reduxit Catholicam. Iuuenes no-  
biles etiam inferioris fortis in ſcholis ſumptu proprio curabat  
educari. Eleëmolyſis occultis, & quas amabat neſciri, mul-  
torum ſubleuabat inopiam. Ædificiorum nitorem ac ſplen-  
dorem ſeruare, decori ſibi ducebat. Arces *Seeburgenſ.* *Reſſellienſ.*  
vetuſtate fatiſcentes reſtaurauit, elegantiuſq; adornauit; Curi-  
am ligneam *Biſchdorffii* propè *Reſſelium* commodam ſatis ædi-  
ficauit, horto etiam nouiter excito plantatoq; *Heilsbergæ* Ca-  
meras inferiores, cum acriori morbo articulari correpto per  
gradus portari nimis eſſet incommodum, renouauit, quæ nunc  
Archiepiſcopales vocantur Camera. Eccleſiam *Springbornenſem*  
Beatiffimæ Virgini Matri à *Nicolao Szyskouio* Antecellore ex  
voto erectam, ſtillicidijs perpluentem reparauit. Altare *An-  
tonio Paduano* Diuo, Miraculorum gloriā celebri, in Eccleſia  
*Wartemburgenſ.* Sodalium *S. Franciſci*, Obſeruantia Regularis  
fabricari curauit. Gratam & proſperam in Episcopatu reliquit  
memoriam. Tranſlatus ad Archiepiſcopatum completo ſepten-  
nio 1666. primā Aprilis. *Lyſkouicijs* mortalis eſſe deſiit, mor-  
bo articulari oppreſſus, cum piè ac religioſè ad ſupremum hunc  
agonem ſuſcipiendum ſe præparâſſet. In Eccleſia Collegiata  
Louicienſi humatus, & in eodem depositus tumulo, cum *Fra-*



tre Patrule Andreá suo antecedaneo, anté maius Altare. Ecclesie Varmien. suæ olim Sponsæ, tabulis vltimæ voluntatis, donauit aureum Calicem, Candelabra argentea sex, cum effigie Christi è cruce pendentis, itidem argentea. Anniuersarium pro anima, in Mille quingentis fundauit florenis. Acta in Archiepiscopatu alijs narranda & connotanda, quasi cursu Lampada tradimus.

Eius fundationes.



XXIX.

IOANNES STEPHANVS WYDZGA  
Episcopus Varmienſis.

Vluorum acta & vitam componere, magni viri operosum  
cenſuerunt. Arduum omninò & periculofa plenum opus  
alea.



Acta viuorum  
describere non  
vanus metus  
deterret.

Episcopatus  
Varmien con-  
fertur Stephano  
Wydzga.

Eius Natales  
recententur.

Wydzgarum  
Origo in Ma-  
soui.

Tandē in Rus-  
siam se trāstu-  
lerunt.

Parentes Ste-  
phani.

Elogium Pa-  
rentis eius.

aleæ, vitia juxtaq; virtutes memorare superstitum. Citra ma-  
leuolentiæ suspicionem, aut notam adulationis, non in procli-  
ui hæc attrectare. Hinc & me is incessit metus, dum in fe-  
rie Varmiensium Episcoporum, ea veniunt connotanda, quæ vi-  
uentes (vtinamque diu longæui) in hoc gessere gradu, enim-  
uero, cum mihi lingua & calamus, non sit adulatione exerci-  
tus, imò benefactorum memoria grato vigeat in pectore, nar-  
ratio hæc, quæ vitam viuentium, resq; in Episcopatu gestas ab-  
soluet, professione pietatis, aut laudata erit, aut excusata.  
Translato itaque ad Ecclesiam Metropolitanam Gnesneñ. *Le-  
szczynio*, *Ioannes Stephanus Wydza* Episcopus Luceorien, *Rege  
Ioanne Casimiro* promouente, à Collegio Prælatorum & Canoni-  
corum electus, in Sacello Arcis *Heilsbergeñ*. extra Ecclesiam Ca-  
thedralem, circa quam excubabat Electorale præsidium, Ca-  
strumq; vbi Ecclesia, retinebat ad executionem pactorum *Bid-  
gostiensium* seu *Brombergensium*, prout infra dicitur. Natale so-  
lum tanti Antistitis, in tractu Roxolano & Palatinatu Russiæ  
terra Leopoliens. vbi Magnorum Heroum domicilium. Quan-  
quam domus *Wydzgarum*, à primâ & vetustâ origine, in Maso-  
uia nacta domicilium, inter Palatinatûs Płocensis Equestres cen-  
sebatur familias. Anni propè trecenti, in priuilegio pacis &  
concordiæ, *Vladislai Jagellonidis* Poloniæ Hungariæ Regis, Bre-  
stæ Cuiusiæ initæ, cum *Paulo de Rusdorff*, Supremo Crucigero-  
rum in Prussia Magistro, Anno 1436. dum præsentiu illi actui,  
Senatorij, & equestris ordinis adscribitur Cathalogus, aderat  
præfens *Andreas Wydza* Płocensis Vexillifer. Mutauere de-  
inceps posteri Coloniam, in Palatinatum Sandomiriens. & in  
Russiam transtulere sedem, ibidemque cum primarijs Heroum  
famijs, affinitatis contraxere nexus, opibus & fortunâ lucu-  
lenter aucti. Ex hac stirpe, parens erat nostri Antistitis, *Ioan-  
nes Wydza*, in bello Moschouitico, auspicijs *Sigismundi III.* fe-  
liciter gesto confectoq; *Herborthi Subcenturio*. Libet hic à ma-  
gno calamo magnum apponere elogium, illud verò est *Stani-  
slai Kobierzycki* Palatini Pomeraniæ, magnæ dignationis in Re-  
publica, & qui elegantioris styli, solidæ doctrinæ, sibi circumde-  
dit famam in Historia *Vladislai* Principis, parentem & filium  
gratâ prosequitur memoriâ. Felix bellicâ laude gloriaq; Vir,  
sed longè illustrior feliciorq; *Stephano* filio Abbate Sieciecho-  
uieñ. *Vladislai Regis*, Magni nominis Ecclesiaste, cuius doctrina,  
prudencia, blandeque in aures influens suada, non vnus Aulæ  
Polonæ, sed vniuersæ Christianitatis meretur Theatrum. Eius

parentis



parentis filius *Ioannes Stephanus Wydzga*, ingenium acre viuudum in Polonis primùm Gymnasijs, dein peregrinationibus per Europam excoluit. Louanij in illis Athenis Belgicis, *Erycium Puteanum*, *Nicolaum Vernuleum*, audiuit præceptores. Ius Canonicum, *Andreâ Valense* prælegente, didicit. Galliâ, Hispaniâ, Italiâ peragratâ, Romæ Theologicis eruditus disciplinis, redit in Poloniam. Canonicatu primùm *Leopoliën*. post Præpositurâ in eadem Cathedrali obtentâ, Euangelium non erubescibat : frequentius ex sacris Rostris dicendo, admirabili facundiâ, rerum sententiarum pondere, celebre in illa Vrbe auditorium, trahebat in admirationem. *Alexander Trzebinus* Episcopus Præmyslien. Regni Procancellarius, *Wydzga* sui popularis, & sanguinis conjunctione affinis, præstans ingenium, doctrinam solidam nouerat familiariùs. Ad aulam *Vladislai IV.* euocat *Wydzgam*, Regi commendat Secretarium, sibiq; adsciscit familiarem. Abjערat tum in Italiam *Ioannes Casimirus* Poloniae & Sueciae Princeps, ab obitu *Vladislai*, electus & Coronatus Rex Poloniae, ac ibidem, post aliquod tempus, Religioso Societatis IESV Ordini se adscripserat, *Laureti*, ad ædem Beatissimæ Virginis Martris, miraculis per orbem Christianum, totq; salutis nostræ mysterijs celebratam : cumq; biennium Religiosi tyrocinij à Principe complendum fore speraretur, *Innocentius X.* qui recenter *Vrbano VIII* in Pontificatu successerat, prohibuit Principem ad religiosa profitenda admitti vota. Porro vt mutatio hæc statûs, in gloriosum & per honorificum abiret titulum, in Collegium S. R. E. Cardinalium, eundem Pontifex cooptauit. Cæterum Nuntius hic mutati statûs, & ad vmbram secessus Religiosam, Rege fratre inscio & inconsulto, vehementius eiusdem permouerat, imò causauerat offensam, vt cum acerbioris animi sensu, etiam in Synodo Prouinciali Varsauien. quam in Anno 1643. ad diem Octauam Nouembris, indixerat, congregaueratq; eximie pietatis & probitatis Antistes, *Matthias Lubienius* Archiepiscopus Gnesnë contra societatem, quæ clam Rege, Principem Religiosâ induerat veste, fuerit conquestus. Sunt in promptu eius argumenti literæ *Vladislai IV.* ad *Alexandrum Trzebienium* Episcopum Præmysliën. dolenter scriptæ : etiam nomine Episcoporum ad Synodum congregatorum, alteræ *Cardinali Sauello*, Regni Poloniae Protectori, minùs reflexû consilium, in admittendo ad Societatem Principe, improbantes, neq; votis obstringatur Religiosis impensius postulantes. Ferebat acerbius status Principis ex Regnatrice domo, cum vm-

Studia & Ingenium Stephanii.

Eius Præceptores in Exteris nationibus.

Redux in Poloniam Canonicus Leopoli factus.

Concionari nõ erubescibat.

Cum summa ædificatione.

Trzebinus Episcopus Præmysliensis ad Aulam Regiæ eundem euocat.

Casimir Princeps Poloniae ingreditur Religionem Societatis IESV.

Vrbano VIII. prohibet Principem admitti ad vota Religiosa.

Eundem Cardinalem nominat.

Ingressum Casimiri ad Religionem Rex non probat.

Nec Procures Regni.



Rex ab Aula  
amouet Patres  
Soc: IESV.

Wydzgam ſuū  
creat Concio-  
natorem.

A Rege magni  
æſtimatur.

Creatur Abbas  
Sieciechoui-  
enſis.

Anno Iubilei  
ſancti Romam  
ſe confert.

Redux Regina  
Cancellarius,  
breui Referen-  
darius ac Se-  
cretarius Ma-  
ior.

Tandem Epi-  
ſcopus Luceo-  
rienſis.

Tempore in-  
cuſſionis Sue-  
ticæ Regis &  
Reginæ Co-  
mes.

Mors Petri  
Gembicki.

Andreas Trze-  
bicki Epiſcop⁹  
Cracouiē.

Procancellari-  
atus Wydzgæ  
deſtinabatur.

brâ Religioſa permutatum *Vladislaus Rex*, protinuſq; Societatis IESV Presbyteros ab Aula ſpiritali amouit ſeruitio. In locum *Stanislai Tomiſlauij* Societatis IESV, Eccleſiaſtem adlegit *Wyd- zgam*, oppidò diſertum eruditumq; ſacrum Oratorem, & qui eminentiſſimorum in Republica Virorum iudicio, miraculum ingenij, Oraculum Ambonæ, mellifluus audiebat *Wydzga*. A Rege *Vladislao* magni æſtimabatur, qui veluti erat prudentia incomparabili, ita ſummo pollebat iudicio, & exactâ ingeniorum cenſurâ: fatiſ ſublato *Stanislao Grochouio*, Archiepiſcopo *Leo- polien*, vacantem Abbatiam *Sieciechouien*. redditus amplioris ei- dem contulit. Maiori etiam deſtinabat gradu, ni præter ſpem & vota omnium, in ancipiti Regni ſtatu, viuere & regnare deſi- jſſet. Supra Octennium, tam laborioſam adornauit ſpartam, etiam apud Succellorem *Vladislai Ioannem Caſimirum*, eandem collegit, continuauitq; exiſtimationem. Imminente Anno San- cto Iubilei in Anno 1650. ab *Innocentio X.* publicato, Romam excurrit, ab his ſeuerioribus curis; totq; annorum labore, laxa- mentum & reſpirium naſturus. Inde redux Regina *Ludouicæ Mariæ* primùm Cancellarius, in breui Referendarius, Maior Se- cretarius. Et per hos gradus Regiâ nominatione, ad infulam per- uenit Luceorienſem tum uacantem, ab obitu *Ioannis Baptiſtæ Zamoyſki*, qui ex Præmyſlien. Epiſcopatu ad Luceorienſem trans- latus, necdum apprehenſâ poſſeſſione, in itinere mortalitatem expleuit *Bilgorati* Oppido municipij Beſzenſis. Necdum poſ- ſeſſionem illius inſerat Epiſcopatûs; *Carolus Guſtauus* Sueciæ Rex, vt iam dictum, totam Poloniam fato quodam aduerſo, ar- morum potentiâ ita inundauerat, vt Rex & Regina, extra fines Regni in Sileſiam, ſecuritati conſulendo excedere coacti fue- rint. Comitabatur Aulam *Wydzga*, vt Regina Cancellarius. Et poſt aliquod tempus *Petro Gembicio* Epiſcopo Cracouiē: Brunæ in Morauia extincto, cum ad illam Cathedram Rege pro- mouente, euectus fuiſſet *Andreas Trzebicki* Epiſcopus Præmy- ſlien: Regni Procancellarius; Annulo Regni, quem dimittebat, *Trzebicius* deſtinabatur: lenitas & manſuetudo oberat, quò mi- nus hoc ſuccederet. Talis verò Aula opus habebat Miniſtro, qui cum *Stephano Coricinio* Supremo Cancellario, aulæ medita- tis & intentis obliquo, acriùs, vehementiùs exerceret æmula- tionem. Verùm & hic non diu ſuperuixit, aulæq; cogitata non morabatur. Hæc qualiter maturuerint, & quanto aduerſorum turbine Rempublicam permiscuerint, exhorreſcit calamus; & nè videamur in alieno pedem ponere choro, ad noſtra deſlecti-

mus.



mus. In Episcopatu Luceotien: ministerium suum implebat, tametsi illius Episcopatus, Moschorum, Colacorum incurfione bona Mensæ, in Palatinatu Podlachia, & circa Brestam Lithuanorum barbarâ immanitate fuerint deuastata. *Albertum Stanislaum Radzivilium*, R. Imperij Olicæ Nieświeſij Principem, Supremum M. D. Lithuania Cancellarium, eximie pium & doctum, qui in nostra Sarmatide, alterum refinxit Elzearium, libris spiritualibus asceticis, inter tot publica negotia scriptis, & publici juris factis, pietatem insigniter fouit, promouitq; Olicensem Basilicam grandi erexit sumptu, Infulatum Præpositum, & Collegium Canonorum fundauit, aureâ, argenteâ suppellectili admirando comparatâ pretio, eandem adornauit Ecclesiâ, parentali laudauit sermone. Supra quinquennium illi præfuit Cathedræ, & post translationem ad Metropolitanam Ecclesiam Venceslai *Leſzczynij* in Varmien. eidem successit, *Electus Heilsbergæ* in Sacello arcis 1699. primûmq; venit ad Episcopatum 1660. in festo Epiphaniarum, quem lacertum rapinisq; militaribus attritum, nec ab ijs immunem reperit. At grauiorum texebatur turba malorum, cû colligatio seu militaris confæderatio in Anno 1661. conflata, sibi ductore seu Marschaleo, *Samuele Swiderski*, homine ex eorum que genere, quibus anima pro *Sale*. Tantumque ausa hæc militaris insolentia, vt palatium Kielcense Episcopi Cracouiens. non minùs eleganter quàm sumptuosè à *Iacobo Zadzik* Episcopo ædificatum, deoccupauerit, ac ibidem, consilij & militarium circulatorum, sedem constituerit, mansionemq; aut hospitium pro Marschalci officio, & eidem Consiliarijs adjunctis designauerit. Ab hoc militari tumultu, non fuit immunis Episcopatus, supra triennium; Oppidani, agrestes, insolitis pressi exactionibus. Auxerat malorum sensum, contra totum Sacrum Ordinem, prægrauis quædam, & in Regno Catholico inaudita adinuentio. Modiperatores seu reuifores fuerunt designati, qui Censu redditusq; spiritualium librarent, & certo assignato demenso, potiozem prouentuum partem; ad ingluuiem militarem explendam transcriberent. Hæc fors mittebatur super Episcopatum, prudens tamen solersq; Episcopus hosce censores distinxit, nè commissa exequerentur. Omnino hæc licentia militaris, in Regno & Magno Ducatu Lithuania ita grassabatur, vt extremæ hostilitati par, imò supra videretur. At in Lithuania longè grauius, hæc militaris sæuities prælicenterq; insolescebat. Ausa immane facinus, quod omnem atrocitate

Cura eius in Episcopatu Luceotien,

Oratio eius in Exequijs Radzivilij.

Creatur Episcopus Varm.

Confæderatio Militum.

Confæderationis Marschalcus.

Eius Sedes.

Inuentio Spiritualibus grauis.

Quam Episcopus non permittit in sua Episcopa exequi.

Confæderationis magna licentia.

Ausus & facinus Lithuanicæ Confæderationis.



superat barbariem. *Vincentium Coruinum Gaſieuium*, Supremum M. D. Lithuaniae Theſaurarium, Campeſtris militiae Praefectum, recenter ex Moſchouitica reducem captiuitate, Vilnae ægritudine languentem, lecto affixum, carâ conſorte *Magdalena de Konopat*, fruſtra cum lacrymis vim deprecante, violenter abreptum, & propè oppidum Oſtrynia deductum, innocentem ex aliquâ vanâ & futili ſuſpicionem, fiſtulis ferreis diſploſis interemerunt; ægrèque permiſſum maculas conſcientiæ Societatis IEſV Presbytero detegere. Hæc parerga dum inſero, beneuolus Lector indulgebit. Interim hæc militaris ſeditio vt conquieſceret, omnem curam conatumque Reſp. intendit, ac tandem *Leopoli* in Anno 1663. Rege, Regina præſentibus, *Venceslao Comite de Leſſno*, Archiepiſcopo Gneſn allaborante, diſſolutis ſtipendijs, quæ valorem rei monetariæ corruerunt, argentum & aurum mutârunt in ſcoriam, pede monetali penitus euerſo, tumultuans hæc militia, redijt ad obſequium Regis & Regni. Indultum aliquid oppidanis & agreſtibus, tot rapinis exhaustis imò exoſſatis, quos in breui vix non ſimilis afflixit preſſura. Eodem Anno pro executione pactorum *Brombergſium* ſeu *Bidgoſtienſium*, ſatagente apud Aulam, Ablegato Electorali *Ioanne Howerbekio*, Commiſſio Regiomontana ab Aula expedita, pro Supremo dominio Ducalis Pruſſiæ, tradendo *Brandenburgico* Electori, demandatumq; negotium *Wydzga*, *Ioanni Comiti de Leſſno* tum Regni Procancellario, Maioris Poloniae Generali, vt præſtito iuramento Nobilitas & populus illius tractûs, Supremum Dominum Electorem *Brandenburgicum* recognoſceret. Actus huius erat *Secretarius Ioannes Stanislaus Sbaſki* Gneſn. Varſauienſ. Canonicus, Decanus Louiceſn. nunc Episcopuſ Præmyſlien. Præpoſitus Generalis Miechouien. Canonorum Regularium Cuſtodum Sanctiſſimi Sepulchri. Hiſce peractis *Frauenburgum*, *Bransberga*, hucuſq; à præſidio retentæ Electorali, eodem excedente, ad priſtinum rediêre ſtatim. Tantâ verò conſtantiâ *Wydzga*, eorum locorum vrgebat elibérationem, nullatenuſq; commiſſum exequi negotium volebat, ni priùs certa compertaq; ſuperueniret notitia, ex memoratis locis Electorale exceſſiſſe præſidium, quâ acceptâ, actum completumque negotium. *Frauenburga* liberata à præſidio Electorali Canonici qui ſparſim in Episcopatu manſerunt. Circa Eccleſiam, reſuſcepſerunt reſidentiam. Episcopuſ ad Eccleſiam venit. modèſto Comitatu, pro Dominica Palmarum, eum nomine Collegij ſalutauit Præclauſ *Szembo-*

Tandem Con-  
federatio hæc  
diſſoluitur.

Comiſſio Re-  
giomontana.

Inter Comiſſa-  
rios Wydzga.

Supremuſ Do-  
miniuſ Ele-  
ctori recogno-  
ſcitur.

Frauenburgi  
Bransberga  
reſtituuntur  
Episcopuſ Var-  
mienſ.



*Wski* Decanus Varmieſi. Rex eo tempore pacatâ tumultuan-  
te militiâ, exauthoratis aliquibus cohortibus, imò & externæ  
militiæ Legionibus, cum recenter conſcripto Milite in Ruſſiam  
remotiorem Leopoli profectus, & vltra Boryſthenem, rebellio-  
nem Coſacicâ edomare, & in obſequium flectere contendebat :  
hæc verò alij prolixius recenſebunt. Coquebantur interim  
conſilia oppreſſionis *Georgij Lubomirſcij* Supremi Regni  
Marſchalci, & Militiæ Campetris Præfecti, Herois ingentium  
in Regem & Rempub. meritorum, & qui, ad *Suecum, Transylua-  
num Regni* inuaſores exturbandos, Magnum ſe geſſit præſtitit-  
que Achillem. In Conuentu Generali 1664. quæſitiſſimis ar-  
tibus formatum iudicium, fabricata proſcriptio, cui aſtra ipſa  
indignari viſa, hyeme & in ortu veris, bino Comete excande-  
ſcentia. Quæ aduerſa Regno incubuerint, & concitatum bel-  
lum ciuile, pro partibus *Georgij Lubomirſcij*, quo euentu con-  
quieuerit, alij conſignabunt. Episcopatus tamen remotior ab  
illâ Phariſaliâ, ſenſit nihilominus illius incommoda belli, cum  
externæ Legiones Regiarum partium, hyemem acturæ in Epi-  
ſcopatum deſtinabantur. Quieuit tandem, hæc Ciuiliū armo-  
rum procella Anno 1666. & ſingularis cura conatusq; *Wyd-  
gæ*, ab hac militaris exactionis præſſurâ & ſtatuus, liberauit E-  
piſcopatum. Hic annus fatalis fuit *Venceslao Comiti Leſzczynio*  
Gneſen Archiepiſcop. qui Calendis Aprilis morbo gentilitio  
articulati oppreſſus, migravit è vitâ. A Rege deſignatus ei Suc-  
ceſſor *Nicolaus Prazmouius* Episcopopus Luceorienſis. Supremus Re-  
gni Cancellarius, & in Conuentu generali anni eiufdem, qui  
improſpero ſolutus euentu, Magiſtratu renuntiauit. Non am-  
bienti *Wydgæ*, maius offerebatur ſigillum, vtq; poſtpoſito *Io-  
anne Leſzczynio*, Cancellario minori, illud capeſſeret, aula im-  
penſius ſuadebat, ille cum injuriâ *Leſzczynij*, & priſcæ conſue-  
tudinis interuerſione, ad tantum gradum euectionem deprecatus.  
cumq; nullatenus flecti poſſet, non ambienti *Andrea Olſo-  
uio* Episcopopo Culmen minus delatum Sigillum. In Annum ſe-  
quentem incidit mors *Ludouicæ Mariæ Reginæ*, quæ in ortu ve-  
ris iv. Idus Maij, viam vniuerſæ carnis ingreſſa. Corpus exa-  
nime Cracouiam deportatum, ibidemq; in Baſilica Cathedrali  
traditum ſepulturæ. Sermonem parentalem dixit *Wydgæ La-  
tinum*, cultum edecumatum, is tamen impreſſus non exſtat.  
Ibat annus à Chriſto Nato ſupra Milleſimum Sexcentefimum,  
Sexageſimus Octauus; cum Rex *Ioannes Caſimirus* Viduus, cu-  
rarum publicarum pertæſus, & imminetia obtendens nouiſſi-

Contra Lubo-  
mirſcium con-  
ſilia oppreſſio-  
nis.

Contra eundē  
formatum iu-  
diciū.

Quo fine;

Hoc malū ſen-  
ſit Episcopatus.

Tandem curâ  
Episcopopi libe-  
ratus.

Mors Vence-  
slai Archiepi-  
ſcopi  
Cui Succeſſit  
Prazmouius.

Non ambiēti  
Cancellariatus  
offeritur.

Inerti Con-  
ſuetudinem  
noluit.  
Procaneellaria-  
tus Olſouio  
collatus.

Mors Reginæ.

Sermonem fu-  
nebrem *Wyd-  
gæ* habuit.

Rex Regnum  
abdicat.

ma,



ma, quæ agitabat, Coronæ & scripti deferendi consilia, nouo & insolito in hoc regno exemplo, maturauit; Ordinibus Regni in Conuentu Generali, liberâ Successoris relictâ electione. Neque diu in Polonia immorari illi placuit, abiit in Gallias, ibidemq; inter viuos agere desijt. Electus in Anno 1669. *Michaël Dux Wiśniowiecius*, filius *Hieremiæ Michaëlis* Terrarum Rursiæ Palatini, herois ingentem per arma promeriti gloriam, Martis verè Poloni, meritq; cum curâ dicendi. Eius Electioni præfens *Wydzga* interfuit. Quadriennium & supra rebus præfuit Polonis, Leopoli cursum vitæ confecit, & in obitu ipsius Polonus & M. D. Lithuaniae exercitus, Ductu auspicijs *Ioannis Sobieski* Supremi Regni Poloniae Marschalci & Exercituum Generalis, Theseis cooperantibus *Michaële Pac* Vilneñ. Palatino, Exercituum M. D. Lithuaniae Supremo Præfecto, *Demetrio Wiśniowecij Zbarazij Duce*, Palatino Belzensi, Campestris militiæ Regni Præfecto (qui decessit Castellanus Cracou: & supremus Exercituum Generalis) *Michaële Casimiro Radziwił Duce* in Olika & Nieświcz, Procancellario M. D. Lithuaniae, & Campiductore, ad Chotimum die festo S. Martini Pontificis Turcarum 30000. memorabili obtruiuit clade, actumq; fuisset de Cameneco, si tam vincere, quàm victoriâ licuisset vti. Electione vnanimi consensu Ordinum indictâ, *Ioannes Sobieski* per calcatas barbarorum ceruices, ad thronum peruenit, vnanimiq; consensu Electus Rex Poloniae. Nominatus ab *Andrea Trzebicio* Episcopo Cracouiensi, nam sub tempus Electionis, obierat *Casimirus Florianus Dux* in *Klewan Czartoryski* Archiepiscopus Gnesneñ. *Ioannes Gembicius* Episcopus Cuiauieñ. nouissimâ conflictabatur valetudine, & in breui supremum vixit. Sublato è viuis Archiepiscopo, nominauit Electus *Ioannes III. Rex*, Successorem *Andream Olšovium* Culmeñ. Episcopum, Procancellarium Regni, eiusdemq; ad Summū Pontificem *Clementem XI.* Nominationis literas scriptas, Sigillo Camerae obsignatas, expediuit. Coronatio *Regis Reginae*, quæ jure, consuetudine priscâ ad Archiepiscopum spectat, veniebat in consilium & cōsiderationem. Cæterum Electo Rege in Prussiam remotiorem, versùs Bractaiam, cum Exercitu mouente, ibidemq; hyemem sub pellibus agente, & ferè biennio, vel supra inter bellicas operationes exacto, Coronatio ad Annum Dñi 1676. protracta Interim *Clementis XI. Andream Olšovium* Gnesneñ. confirmat Archiepiscopum, palliumq; Metropolitanæ potestatis mittit insigne. Ingressu Gnesnam peracto, anno vt supra dictum, diebus Februarij

in Basili.



in *Basilicâ Cathedrali* Cracouiens. coronauit Regem *Ioannem III.* & *Mariam Casimiram* Reginam. In eodem Generali Coronationis Conuentu, *Olšovius* illi renuntiavit Magistratui. Non ambientem *Wydzgam* Rex ad tantum euehit ministerium, lege etiam ab Ordinibus Regni resolutâ, permittenteque, cum *Varmien.* Episcopatu Sigilli retentionem. Neq; integro abeunte biennio, Conuentu Generali *Varfauia* finito, Rex profectus erat *Gedanum*, ad aliquas turbas & dissidia, Magistratûs cum plebe componenda, quorum incentor, oleum igni affundendo, audiebat *Ægidius Strauch*, in Synagoga Lutheranâ famosus Rabinus, eoque impotentia an dementia plebs *Dantiscana* progressa, ut numismata aurea argentea, huius *Æoli* signauerit effigie. Rege iam *Gedani* motus illos componente, *Olšovius* ibidem superuenerat, auram pestilentem, quæ circa *Louicium* serpebat declinando, ubi fatum & supremum sibi accersuit diem; incautiùs purgatione super purgationem sumptâ, quod Princeps Medicorum improbat *Hipocrates*. Quo *Gedani* vitâ cedente, *Wydzga* etiam in Archiepiscopatu longè juniori *Olšovio* à Rege designatus, ex asse Sigilli & Archiepiscopatûs Successor. Ibidem *Ioannes Leszczynius* Supremus Regni Cancellarius, ætate ingrauescente Septuagenario maior, eo Magistratu celsit, post aliquod tempus Palatinatum Cracouiens. morte *Alexandri Comitis* in *Wisnicz Lubomirski* vacantem, eidem Rex contulit. Sigillum maius pro veteri consuetudine Rex *Wydzga* Procancellario & Nominato Archiepiscopo *Gnesnens* tradidit. Nullus *Marschalcorum* ad aulam tum erat præsens, *Ioannes Ignatius Bakowski*, qui fatis cedente *Stanislao Działyńio*, in Palatinatu *Mariæburgen.* successit, Regio nomine, *Wydzgam* Supremum Regni Cancellarium renuntiavit. Minus Sigillum à *Wydzga* dimissum, Rex detulit *Ioanni Comiti* in *Pieskowa Skala Wielopolski* Dapifero Regni, Capitaneo Generali Cracouiensi, natalium auito splendore, celebratâ integritate ciuili prudentia, omnibusq; bonis artibus tantum promerito gradum. Neq; diu eam Prouinciam Maioris Sigilli retinere poterat *Wydzga*; curis translationis ad Archiepiscopatum distractus. Rege *Gedano* discedente, ille redijt *Heilsbergam*, ibidemq; Generalem conuentum *Grodna* indictum præstolatur, ad quem in Anno 1678. veniens, negotijs illius vacabat Conuentus. Necdum ab Vrbe translationis receperat diploma, Sigilli que retentio protrahi sperabatur, ni Nuntiorum terrestrium acrior obstitisset intercessio, quâ percussus eo celsit Magistratu. Iuxta veterem consuetudinem Regem allocutus, publico elegantiq; sermone Sigillum dispositioni Re-

Coronatio Regis Ioannis III.

Procancellarius confertur *Wydzga*, dispensante lege.

Rex *Gedanum* venit.

Author mortuum.

*Olšovius* *Gedanum* venit.

Moritur *Gedani*.

Et in Archiepiscopatu succedit *Wydzga*.

*Leszczynius* resignat Sigillum maius.

Fit Palatinus Cracouiens.

Minus Sigillum collatum *Ioanni Wielopolski*.

Reditus *Wydzga* in Episcopatu.

Sigillum deponit.



Ad Archiepi-  
ſcopatū ſe di-  
ſponit.

Eius in Episco-  
patu Varmienſi  
acta.

Monasterium  
Franciſcanis  
exædificauit.

Seriem Episco-  
porum Carmi-  
ne deſcripſit.

Caſus terri-  
bilis

ni Regiæ conſignando, cui ſermoni à nemine, ſoloq; ſilentio reſponſum, nuntijs, qui cum Senatu conſultabant, publicorum conſiliorum curſum, continuantibus. Grodnâ ad Episcopatum venit, & in Anno 1680. receptis translationis Apoſtolicæ li- teris, ad Archidioceſim viæ ſe accingebat, circa vltimos dies Octobris, Varſauiam, inde Squierniewicios abiit. Annis vigin- ti Episcopatum gubernauit, ſeueritatis & clementiæ tempera- mento. Curiam Episcopalem in Caſtro Eccleſiæ propinquam, à multis annis deſertam & incultam, commoditati Succeſſorum reſtaurauit, hac adiectâ, in tabula marmoreâ, inſcriptione :

Domum hanc, cuius muri impenſis Reuerendiſſimi olim *Mauritij* Episcopii ſurrexerant, vel injuriâ temporum, vel inui- diâ hominum, ſuis fermè in ruderibus ſepultam, cubiculis diſtin- xit, & habitabilem fecit *Ioannes Stephanus Wydzga* Episcopus Varmienſis & Sambienſis. Anno 1666.

*Gudſtadij* ad Eccleſiam Collegiatam, itidem Curiam Episco- palem, ruinolaſam deſertamq; reædificauit. *Heilsbergæ* cubicu- la ante pontem, cum Superioris arcis Camera, ad quas per gra- dus aſcenditur, vergenti in ſenium incommodæ viderentur, re- concinnauit in ijsq; ad abitum manſit. Monasterium in *Springborn*, diſiecto ligneo, Sodalibus de obſeruantia, cocto latere ædificauit. Eccleſiæ Sponſæ ſuæ veſtes Sacras coloris variij donauit. Episcoporum Varmienſium, ſuorum prædeceſ- ſorum Stemmata, in dioeta maiori arcis *Heilsbergenſi*. depingi cu- rauit, verſibusq; ſcriptis vitas compendioſè complexus. Ad- do tragicum & ferale facinus in Arce *Heilsbergenſi*. paratum anno 1670. die 2. Octobris. Erat in ſeruitio Arcis vnus ex Iudai- ſmo conuerſus & baptiſatus, is braxatorij curabat rationes, quas cum *Ioannes Baptiſta Nycz* Canonicus Varmienſis Oeconomus E- piſcopatûs diligentius exanimaret, in iram & vindictam exar- deſcens, cultro in abdomen immerſo, crudeliter eundem ob- truncavit. Captus condignum ſupplicium pro tanto luit ſcele- re. At nos triſtibus his intermixtis, adiiciamus Colophonem. Erat is Episcopos in conuerſatione iucundus, amœnus, omnibus- que affabilis, eutrapeliâ vrbaniſſime excellebat, eruditione, do- ctrinâ præſtans, & cui etiam ſermones familiares, grauib; do- ctisq; ſententijs condere fuit vſitatum. Acta in Archiepiſcopatu alijs ſcribenda relinquamus.

*Æui delictum noſtri, laus ſumma futuri,  
Ingenij Phœnix, eloquijq; ſtupor;  
Cum geſtis, meritis, virtutibus omnia vincas;  
Lechia cum laudes non capiatq; Tuas;  
De Te poſteritas, vt Præſul maximè ſcribat;  
Scriptorum calamus, par Tibi nullus erit.*



XXXI.

MICHAEL STEPHA-  
NVS RADZIEIOWSKI,  
Episcopus Varmiensis.



**I**N Palatinatu Rauensi, qui olim fuerat pars Masouia, antiqui-  
tus domicilium & nidus *Radzieioui* familiae, quae supe-  
rioribus saeculis, ac nostrâ aetate, Senatorijs eminebat hono-  
ribus. Ex hac domo *Michael Stephanus Radzieioui*, gente Ia-  
nosius, atavis editus heroibus, feliciter Varmien. praest Eccle-  
sia,

Origo familiae  
Radzieioui-  
nae.

Natales Ra-  
dzieioui  
saeculis.



Hæ. Auus Episcopi *Stanislaus Radzieiowski*, Palatinus Lancicieñ. *Sigismundo III. Vladislao IV.* per multorū annorum probata, continuataque obsequia, intimæ admiſſionis, gratiam & fauorem meruit Regum. Cum ſocia thori *Catharinâ Sobieſciâ Marci* Palatini Lublineñ. filia. *Nicolaum & Hieronymum* progeniuit. Maior natu *Nicolaus Castellanus Lancicieñ.* inito matrimonio, cum *Agnete Plichciana, Valentini Plichta*, Castellani Rauen. filiâ, nullo relicto hærede è viuis abiit. *Hieronymus* Episcopi parens, *Mater Eufrosina Eulalia*, Comitissa de Tarnow, filia *Ioannis Grati*, Castellani Zarnouieñ. quæ primi voti fuerat conſors *Conſtantini Ducis Wiſniowiecuj Camionaceñ. Capitanei.* Hic ille eſt *Hieronymus Radzieiouiſ*, qui *Georgio Offolinio*, Supremo Regni Cancellario, in procinctu itineris Romani, vitam finiente, cum in Generali Regni conuentu 1651. maius Sigillum, *Andreae* Comiti de *Leſſno* Culmeñ. ceſſiſſet Episcopo, ab eodem minus diſſum, Rex contulerat *Hieronymo Radzieiouio* Lomzenſi Camionacen Capitaneo, quem necdum integro euoluto anno, indignatio Regia, ſequioribus fabricata delationibus, cum Vxore *Elizabetha Stufczanka*, primùm *Adami Kazanouiſ*, Curia Regni Marſchalci, deinde *Radzieiouij Conſorte*, quæ fribuſculum moliebantur rixæ (de his prolixiùs exactiùſq; *Vespasianus Kochouiſ* in ſuis annalibus Poloniae, recenter Cracouia impreſſis) quæ tandem ad iudicium deuenerunt Marſchalcale, quòd acriùs quàm iuſtiùs, neque ex præſcripto legum Patriarum inſtauratum, atrociori ſententiâ, infamem damnauit *Radzieiouium*, tantoque priuatum Magiſtratu, ſolum vertere, patriſque excedere coëgit finibus. Vberiùs, exactiùs hæc, ipſemet *Radzieiouius*, in manifeſto innocentia, publici iuris factò. Neque etiam ſcriptores rerum externarum, tantam ærumnam, in ſuis prætermiſerunt conſignare factis. Adeò in procliui eſt, vt non nemo inquit: Cuius Principi in ſuo imperio, quemcunque etiam bonum & innocentem, non accuſare ſolum, ſed etiam còdemnare. Quod in hac Repub. libertate præcellenti, noſtris temporibus, quæſitis factitatum, fabricatumq; artibus, & clades hoc fonte deriuata, in patriam populumq; fluxit. Nimirum amiſſa libertas, erepta dignitas, altiùs animo inſident, acerrimoſq; recuperandi perdita, aut vindicandi ſtimulos ingerunt. In anno tandem 1662. offenſum Regem placauit, & per legem publicam, ferali ſublato decreto, priuatus in Regno vixit, fauente patrocinate *Mariâ Ludouicâ Regina*, quæ filios filiam, materno complexa ſinu, educationem illorum impenſiùs curabat. Non vanus in anno 1666. terror belli Turcici,

Parentes.

Parens Episcopi ſit Procellarius Regni.

Contra eum fabricatur conſpiratio oppreſſionis.

Adolphus Braehelius in ſua Hiſtoria.

Tandem placatus Regi,

Terror belli Turcici.

c ici,



cici, caſo partimq; diſperſo à Tartariſ exercitu ad Braiſſowiam  
gliſcebat. Eidem præerat Vicariâ poteſtate *Paulus Machouius*.  
Pro auertendo tam formidando belli fulmine, ad Portam Otto-  
manicam, cum titulo honoris Palatini Vendeñ, legatus designa-  
tus extraordinarius *Radzieiuius*, itineri longinquo, totq; pericu-  
lis obnoxio, alacrem ſe obtulit, ac eidem legationi dextrè na-  
uiterq; conficiendæ incumbendo, exiit mortalitatem. His no-  
ſter Episcopus ortus maioribus, domi foriſq; exculto ingenio,  
Germaniâ, Galliâ, Italiâ peragrâtâ, ſanctiorem indutus togam,  
per minora ſacerdotia, Gneſneñ. Varſauieñ. Canonicatum, Præ-  
poſituram *S. Michaelis* in arce Cracouiẽ. ad infulam euasit  
Varmien. Adhæſerat lateri parentis ſui conſobrini *Ioannis So-  
bieſcſij*, Supremi Regni Marſchalei & exercituum Generalis, qui  
per calcatas Barbarorum ceruices, Regiũ conſcendit thronum,  
& dum hæc connotamus, Viennam ingentibus Turcarum copijs  
preſſam obſeſſamq; ab ancipiti liberauit diſcrimine, inauditâ,  
nec retroactæ ætatis annalibus viſâ, lectâq; felicitate, ſacrâ ar-  
morum initâ, cum Auguſtiſſimo Imperatore, Romaniq; Imperij  
Principibus, ſocietate, pōtentiffimam Turcarum, ſcytharum,  
colluuiem, memorabili obtriuit clade, etiam in vltiorem Pan-  
noniam, Ottomanorum tyrannide oppreſſam, cum victricibus  
properauit aquilis. Poliorceta maximus, belli fulmen, orbis  
gloriæ ornamentum, ſeruata, liberata, ab immani Thracum ra-  
bie, rei Chriſtianæ Clypeus. Huic ubiq; etiam in Caſtris, con-  
tinuus aderat *Radzieiuius* Comes, fauſtiſq; ſub penetrali-  
bus, ad magna nutritam præparabat indolem. Gedani vt me-  
morauimus *Andrea Olſouo*, Gneſn. Archiepiſcopo decedenti,  
ſuccedente *Ioanne Stephano Wydzga*, ad Cathedram Varmieñ.  
*Ioanne III. Rege* commendante, modo præmiſſo vacantem af-  
ſumitur. A nominatione ad Archiepiſcopatum, non niſi ſupra  
biennium, *Wydzga* Cathedræ Metropolitanæ inijt poſſeſſionem,  
Româ tardiùs ſacrâ transmittente diplomata. Tandem vlti-  
mis Octobris diebus 1680. *Wydzga* in Poloniam abeunte, Ca-  
pitularis electio more conſueto peracta, quam Regius *Nuntius*  
*Nicolaus Swiećcius*, Decanus Poſnaniẽ. Abbas Tremieſneñ, vr-  
gebat requirebatq; In anno 1681. literæ Apoſtolicæ in for-  
ma breuis, ad capiendam Episcopatus poſſeſſionem, ab Vrbe  
ſuperuenerunt, Capituloq; præſentatæ, actutum Cathedræ, to-  
tiuſq; Episcopatus tradita, & conſignata poſſeſſio. In conuen-  
tu Generali Regni Varſauie, qui ſeu ob priuatas quorundam  
ſimultates, ſeu veriùs, aliquo è tribunis externis compendijs

Ad Portam de-  
ſtinatus Lega-  
tus Radzieio-  
uius.

Peregrinatio-  
nes & Sacerdo-  
tia Michaelis.

Semper & vſq;  
cum Rege.

Regis commē-  
datione el-  
gitur Epiſcopus  
Varmienſis.



Consecratus  
Varſauia.

Eius ingreſſus  
ad Episcopatū.

Ab omnibus  
ſolemniter ex-  
cipitur.

Eius ordinatio-  
nes Dioce-  
ſanae.

mancipato, nimioq; plūs ijs ancillante, improſpero cecidit euen-  
tu, Episcopalis conſecrationis abſoluit ſolennia, tantum imple-  
te miniſterium. *Ioanne Maſachouio* Episcopo Cracouien. Duce  
Seueriæ, in Baſilica *S. Ioannis* Collegiatæ Varſauien. In Episco-  
patum venit eodem anno diebus Iulij, vltimis limitibus Episco-  
patūs appropinquantem, *Zacharias Ioannes Szoltz* Custos, *Ioan-  
nes Wotowski* Canonicus Varmien. obuiam profecti, vltra pa-  
gum Capitularem *Wutrynem* ſalutârunt, & proſperum gratula-  
ti aduentum *Wartenbergum*, *Seeburgum*, inde *Heilsbergam* de-  
duxerunt. Ad Sponſam ingreſſum ordinauit designauitq; in di-  
em feſtum *S. Michaëlis* Archangeli, ſui Diui Tutelaris, quo im-  
minente *Heilsbergâ Wormditum*, inde *Brunſbergam* profectus, à  
Ciuitate hac primariâ Episcopatūs, tūm à Collegio PP. Societa-  
tis IESV, eâ cultus obſeruantia teſtificatione exceptus, quæ de-  
betur Regij Sanguinis Principi. Nomine Collegij Eccleſiæ Ca-  
thedralis ſubſiſtentem *Brunſbergæ*, ſalutauit *Adamus Sigismundus  
Konarski* Præpoſitus Varmien. Cantor Płocen. cum *Georgio Wolff*  
Canonico. Die ingreſſus ad Eccleſiam præfixo, circa deci-  
mam antemeridianam venit ad Eccleſiam. Actum ingreſſus ad.  
ornabant Prutheni Senatores *Michaël Działynski* Culmeñ. *Vla-  
dislaus Comes* à *Donhoff* Pomeraniæ ( qui anno ſuperiore in Hun-  
garia, cum Turcis dimicando, vitam & ſanguinem rei Chriſtiani-  
næ impendit ) *Ioannes Theodorus Comes* à *Schlüben* Liuoniæ Pala-  
tini, nomine Collegij peractâ ſalutatione, Miſſam celebrauit  
Pontificalem. Eâ finitâ Chriſtianus Seet. I. V. D. & in Acade-  
mia Regiomontana Profeſſor, ad Eccleſiæ gremium nouiter ac-  
cedens, ejurato Lutheraniſmo, in manibus Episcopi, fidei Ca-  
tholicæ Romanæ fecit profeſſionem. Quatriduo commora-  
tus ad Eccleſiam, curis Paſtoralibus, etiam iuridicendo vacauit.  
Vicariū in ſpiritualibus designauit, conſtituitq; *Zachariam  
Ioannem Szoltz* Custodem Varmieñ. tanto muneri parem. De  
ritu adminiſtrationis Sacramentorum, ab Eccleſiâ Romanâ diſ-  
ſono, factâ inquiſitione, mandauit commiſitq; Vicario in Spiri-  
tualibus Agenda ſeu Rituale ritui Romano, à *Paulo V. Pontifice  
Maximo* ordinato conforme, imprimi, & ad vſum Cleri Dioce-  
ſani, antiquato priſco Rituali, proferri & introduci. Deman-  
dato negotio nouiter, admouit manum memoratus D. Vicarius  
in ſpiritualibus Genuinus Ritus Romanus, pro adminiſtratione  
Sacramentorum, viget iam floretq; in hac Eccleſiâ & Dioceſi,  
quæ à primâ origine immediatam Sanctæ Sedis recognoscit  
ſubiectionem, non tamen abſq; murmure & peruiſia alioquo-

rum,



rum, qui improbabant, aut ogganniebant ritum Polonum introduci, quasi Polonæ Ecclesiæ, cum Romanâ dissentirent, nec ea seruare satagerent, quæ sancta Romana Vniuersalis præscribit Ecclesia. Adeò in procliui est nonnullis, ea quæ non intelligunt exagitare & carpere, quæ non capiunt. Anno 1682. pro festis Dominicæ Resurrectionis Sponsam inuisit, in cœna Domini sacros cōsecrauit liquores, Sabbatho magno fecit ordinationes. Dominicâ Resurrectionis, missâ celebratâ Pontificali, postridie ac sequenti Martis die, Sacramento Confirmationis, multos Christi fideles signauit, turbam accurrentium, amplâ vix capiente Ecclesiâ. Adultâ ætate vocatus à Rege, *Ianorouiam* excurrit, inde in autumnno ad Episcopatum redijt, Indixerat Rex generalē conuentū in Anno superiori Varfauia ad diem 27. Ianuarij, quem more consueto Prouinciales, & Palatinatum præcedunt Conuentus. Terris Prusis eundem Rex designauit 31. Decembris Graudenti. Venerat pro die festo Natiuitatis Domini, ad Ecclesiam Cathedralem Episcopatus, eoq; die, festo, missâ celebratâ Pontificali, die sequenti Graudentum versûs abiit, ibidemq; appropinquanti nuntiatur, Palatinatûs Culmeñ. Conuentum particularem in *Schonsee*, alias *Kowaleuia*, duos *Pruthenes* nobiles priuatis simultatibus, rixis discordes, illius conuentus, imò boni publici Successum impediuisse. Venit nihilominus Graudentum, in peruigilio Circumcisionis Domini, vbi cum Palatino Pomeraniæ inito consilio, hæc Regi significauit. Graudento *Elbingam* diuertit, Ecclesiam Parochialem, ibidem visitaturus, quod ante denuntiauerat, intimaue ratque illius Ecclesiæ Curato, in vigilia Epiphaniarum Domini, venit *Elbingam*, ipso die missam Pontificalem in Ecclesia decantauit, perindie Sacramentum Confirmationis, præmissâ catechesi, multis Christi fidelibus impertijt. Rationes illius Ecclesiæ diligentius inspexit, eas ordinationes pro reformatione scribi mandauit, quæ fidei Catholicæ Romanæ, in illa Ciuitate Lutheri, Caluini, menonistica, delirâ fascinatâ hæresi, multum conferrent amplificandæ, Conuentui Generali Varfauien. anni Superioris inter fuit, in quo cum Sanctissimo Domino nostro *Innocentio XI.* Vniuersalis Ecclesiæ Summo Pontifice, zeli pastoralis vigilantia incomparabilis, cum Augustissimo Romanorum Imperatore, tûm Romani Imperij Principibus inita approbata est, contra Orientem armorum societas, Regiq; nostro *Ioanni III.* Suprema militiæ colligatæ commissa potestas & præfectura, quâ felicitate, fortitudine, prudentiâ contra Ottomanos, extra Regni limites, offensiuè, non defensiuè gesta administrata, limatioris

Acta Spiritua-  
lia.

Ad Comitiz  
se disponit.

Cura in parti-  
cularibus Co-  
mitijs.

Elbingæ Pon-  
tifically ce-  
lebrat.

Cura fidei pro-  
pagandæ.

Cura boni  
Christianita-  
tis.



Redux à Con-  
uentu genera-  
li Regiomonta-  
nam Ecclesiam  
visitat.

Qua de re  
præcussit E-  
lectorem.

Excipitur cum  
summo honore.

Ibidem Sacra-  
mentum con-  
firmationis  
confert.

Missionarios  
ordinat.

Recommenda-  
t Electori Ca-  
tholicos.

Multa alia eius  
acta pro Eccle-  
sia.

tioris calami opus, quod præsens, subsequens mirabitur, depræ-  
dicabit posteritas. Ab eo conuentu redux, Regiomontanae Ec-  
clesiæ Parochialis, visitationem indixit, Electori *Brandenburgico*  
*Duci* in Prussia, se hoc velle aggredi significauit, quod comi-  
ter satis excepit Elector. 2. Iulij *Heilsbergæ* Regiomontum pro-  
fectus, postridie illuc peruenit, cui obuiam misit *Ernestus Bo-*  
*guslaus Croia*, & *Archotæ Dux* S. R. I. Princeps, Ducalis Prus-  
siæ Gubernator, *Baronem Truchesium Colonellum Electoralem*,  
cum rheda, & cohorte equestris militiæ, qui ad ipsam Ecclesi-  
am, per ampla illius Ciuitatis pomeria, deduxit Episcopum, cu-  
jus aduentui applaudendo, bellica displosa tormenta, eaq; de-  
clarata hospitalitatis officia, quæ Principi Electori conuenie-  
bant. Supra integram septimanam Regiomonti commoraba-  
tur, in Ecclesia die Dominico missam decantauit Pontifica-  
lem, Confirmationis Sacramento, propè duo millia hominum  
signauit, gregem Catholicum sat numerosum, quasi lilium in-  
ter spinas, & hæresis senticeta, egregiè propagatum, cum ma-  
gno internæ consolationis sensu, vidit inspexit, & ea quæ visi-  
tationis requirit actus, impleuit. Missionem Societatis IESV  
ad eandem Ecclesiam fundatam, à suisq; confirmatam antecesso-  
ribus, ingenti rei Catholicæ commodo, circa animarum lucra  
laborantem, approbavit, confirmavit, Electori *Brandenburgico*,  
*Duci Croia*, Catholicorum protectionem impensius recommen-  
dauit, hisq; peractis, ad conuentum generalem, vt vocant post  
comitalem abiit, vbi ea fecit præstitit, quæ boni publici exi-  
gebant rationes. Festum diem *S. Casimiri* Regni Poloniae & M.  
D. L. Principis ac Diui Tutelarioris, hucusq; profusum, celebre ad  
forum populum per diocesim denuntiavit. Cæteris eius desti-  
natis, & curis Episcopalibus, Princeps Pastorum benedicat, mit-  
tatq; ab alto auxilium, Ecclesiæ Reipub. solatio longæuum, so-  
spitemq; præstet. Vouemus & apprecamur in eo tractu, quem  
circumquaq; heterodoxum sepsere, obsedereq; zizania, mereat-  
ur illud, quod *S. Antistiti Ildephonso* sanctior adscripsit calamus  
Elogium ANCHORA FIDEI.

*Pontificale caput, non tot tibi Varmia gemmis ;  
Nec tanto decorat fulgure, mitra duplex ;  
Præsule quod dignæ tibi sunt, & Principe dotes ;  
Regia dona animi, quod Tuus Agnus habet.  
Hinc decuit, Regum trabeas qui sanguine tangis,  
Vt Regio Regum, Pastor Ouile regas.*

F I N I S.



CHRONICON  
DE VITIS  
EPISCOPORVM  
VARMIENSIVM.

P E R  
IOANNEM PLASTWIG,  
Decretorum Doctorem Varmiensis Ec-  
clesiæ Decanum.

*Conscripsum circa Annum M. CD. LX. IV.*






## Amico Lectori

THOMAS TRETERVS S. P.

**L**ibellum de vitis Episcoporum Varmien-  
sium, qui Anonymus circumferebatur, Au-  
ctori suo IOANNI de PLASTWIG restitutum  
hîc adjunximus ; Qui cùm stylo duriorè conscri-  
ptus fuerit, nonnullis in locis, verba quæ ad illu-  
strandam sententiam magis facerent, fide Histo-  
riæ ubiq; saluâ, mutare vel addere necesse habui-  
mus. Magna tamen illi gratia debetur, quòd non  
parùm lucis, Episcoporum Historiæ, hoc suo com-  
pendio attulerit, ad Episcopi *Pauli* cuius jussu, hæc  
se scripsisse fatetur, tempora. Sunt qui existi-  
ment, eum Braunsbergensibus paulò iniquiorem  
fuisse, injuriæ, Consanguineis quibusdam suis per  
eos illatæ, vindicandæ studio.







## P R Æ F A T I O.



*M*ania tempus cursu velocissimo imminuit, atq; consumit. Senescunt non modo Familia, sed & Vrbes. Mundus quoq; ipse ni fallimur, vergit ad extremum. Omne quod in tempore oritur, cum tempore occidit, & cum occiderit non redit. Virtute & industriâ bonarum artium studijs frenari potest, non quòd ne fugiat, sed ut ne pereat. Nihil est autem diuturnius, nil dulcius, quàm benè impensi temporis memorari. Et quia quo fruimur, vitæ cursus, nunc brevis, nunc brevissimus est, longus nunquam durus semper, asperq; & ambiguus. In remedium igitur Infirmitatis humanæ, literarum usum, Diuina misratio piè procurauit, ne facta gloriosa, rapido temporis fluxu, dilabantur. Exempli enim majorum quæ sunt incitamenta & fomenta virtutum, nullum omninò erigerent aut seruarent, nisi pia sollicitudo scripturarum, ad posteros transmississet. Nemo enim vnquam, nisi ex sua, aut scripti alieni constanti gloria claruit. Falso igitur quæritur de natura sua, cupidè malis suis incumbens genus humanum, quòd imbecillis atq; æui brevis, sortè potius quam virtute regatur. Nostra deniq; omnium vis in animo & corpore sita est; Animi imperio, Corporis seruitio magis vtimur; Alterum nobis cum Superis, alterum cum belluis commune est. Dux enim uerò atq; Imperator mortalium vitæ, animus est; qui ubi ad gloriam, virtutis viâ graditur; abundè pollens potensq; & clarus est, nec fortunâ eget: quippè quæ probitatem, virtutem, industriam aliâsq; artes bonas, neq; dare neq; eripere, cuiuspiam potest. Quòd si hominibus bonarum rerum tanta cura esset, quanto studio alia ad nihilum profutura, multa etiam periculosa petunt, non regerentur magis, sed regerent Casus, & eò procederent; ut pro mortali gloria, æterni fierent, utq; Filij Dei dicerentur & essent: Nam uti genus humanum compositum ex anima & corpore est, ita res cunctæ, studiaq; omnia nostra corporalia, animi naturam sequuntur. Itaq; præclara facies, magnæ diuitiæ, ad hoc vis corporis ingens, & alia huiusmodi, omnia tempore breui dilabuntur. At ingenij egregia facta, sicuti anima, immortalia sunt. Postremo corporis & fortunæ bonorū, uti initium sic & finis. Orta enim occidunt, & aucta senescunt; Animus, incorruptus & æternus est. Quòd rectius videtur esse ingenij, quam virium gloriam quærere; Gloria autem vera, bonis artibus non quæritur;



Est enim (ut sapientibus placet) gloria quasi quadam umbra virtutis: illam comitatur, illam sequitur: Quae quibusdam veluti stimulus, generosos modestosq; animos, excitat atq; erigit, & impellit ad virtutum opera prosequenda. Ut verò non modo longa sit gloria, sed aeterna, sola virtus efficere potens est; quã in rebus humanis, nihil maius nihil altius est. Est enim rectum atq; unicum ad felicitatem iter. Illi vacandum, illiq; toto nisu ac perseverantiã insistendum est. Profectò Largitor ille sydereus, nisi constanter optantibus, instanterg; precantibus illam tribuit. Perseueranti quidem animo, omissis omnibus, hic jugiter incumbendum est: hoc unum ante oculos semper habendo, ad nihil aliud in hanc terrenam habitationem nos venisse, & hoc unum à nobis exigere, ut virtutum gradibus, Caelum petamus. Cæterum gloriosa rerum bene gestarum memoria, validum generosis animis incentivum, ad virtutum iter capeffendum, præbet. Cum enim quis facta magnifica, è scripto discit, aut representatiuas imagines intuetur, vehementissimè sibi ad virtutem animus accenditur: non quidem scripturam, aut figuram, tantam vim habere putandum est; sed memorta rerum gestarum, eam flammam egregijs viris in pectore ingerit, neq; prius sedari sinit, quam virtus eorum famam, atq; gloriam adæquauerit. An quis omnibus his maior est, qui diuitijs & sumptibus, non probitate, neq; industriã, cum maioribus suis contendere mauult? Quocunq; igitur impetus fortunæ rotauerit, nos virtutis vestigio incedentes, eiusdem gubernaculum firmiter teneamus, Optimo nos syderum Conditori, ac salutis Nostræ Gubernatori, amantissimè committendo, supplicemus, ut liberam vitæ proram, gubernaculo prudentiæ dirigat, in portum salutis aeternæ. Nunc iam his præmissis vadat calamus, & in ea quæ intendo, suo tramite gradiatur; eã præcipuè motus intentione, ut alijs mihi & scientiã & experienciã maioribus, viam aperiã, maturius, copiosius, ac perfectius, in subiecta materia cogitandi. Dei Omnipotentis gratiam & pietatem inuocando.



# INCIPIT HISTORIA.



*Rutheni, Hunni & Gethæ*, in Chronicis *Polonorum*, nominantur gentium more, Idolis seruientes Christianicis plurimum infesti, cæperunt sæuissimè *Masouia Cuiaviaq;* Ducem ( qui vnicus dictos duos tunc Ducatus possidebat ) ac cæteros *Polonia* Duces, cum ipsorum subditis, qui tunc erant Christiani, bellis continuis molestare. Nondum enim erat *Polonia* Regnum, sed Ducatus. Ipsiq; *Prutheni* bellis ac incursionibus continuatis, totam terrâ *Culmensensem*, quæ tunc ad Ducatum *Cuiavia*, & terram *Dobrinensem*, quæ ad Ducatum *Masouia*, pertinebant, omninò desertas reddiderunt; ita vt ibidem annis multis nemo hominum habitaret; singulis namque annis *Prutheni* præfati, magnum contra *Polonos* exercitum ducentes, multos ex ipsis Christianis occidentes, reliquosq; vnâ cum mulieribus quoq; & infantibus, in gentilitatis suæ seruitutem traduxerunt, Ecclesias Christi destruentes, Presbyteros ac religiosos miserabiliter trucidarunt, ipsosq; Ducatus tributarios, & quasi desertos faciebant. Ruebant enim sine omni resistantia, quò volebant: Nam erant in populo copiosi, corpore robusto, & animo ferocissimo. Cumq; præfati *Polonia* Duces & signanter *Cuiavia* & *Masouia* Dux, inter cæteros *Polonia* Duces Principalis, & *Prutheni* plùs vicinus, Christianos sic occidere, extirpari & periclitari Religionem; se suosq; tam crudeliter agitationibus continuis, molestari animaduertisset, nec se quouis modo *Pruthenis* resistere posse videret, præhabito maturo consilio, cum deliberatione diligenti, præmissa pericula, sæuitias, & grauamina, coram sede Apostolicâ proponi fecit, consilium & defensionis auxilium, humiliter implorando. His calamitatibus fidelium mota sedes Apostolica, ad præmissis periculis obuiandum, misit Legatum suum ad *Germania* partes, contra *Pruthenos* bellum generale indicendo, Christi que crucem, contra eos prædicando & erigendo. Vnde moti multi Archiepiscopi, Episcopi, Reges, Principes, ac alij Fidei Zelatores, deuotionis causa, & peccatorum suorum remissionis intuitu, sub spe remissionis æternæ, animati, Christi Cruce insigniti, contra *Pruthenos* arma sumpsere, comparatoque exercitu copioso, Legatus in *Prussiam* proficiscitur. In quo quidem Exercitu, erant aliqui, licet pauci Fratres Ordinis Sanctæ *MARIÆ* Teutonicorum.

Sic sollicita de Christianæ Religionis protectione & augmento Sedes

*Prutheni* Idololatræ.

Ducatus *Masouia* depopulantur.

Incolas in seruitutē rapiunt.

Quæ gens qualis fuerit.

A sede Apostolica Dux *Masouia* contra *Pruthenos* consilium petit.

Legatus Apostolicus in *Germaniam*.

Bellū *Pruthenis* indicendo.

Multi contra *Pruthenos* insurgunt.

Legatus Apostolicus cum Exercitu in *Prussiam* proficiscitur.



Sollicitudo Se-  
dis Apostolicæ  
circa Prussiam.

Debentur Pru-  
theni.

Offertur Prus-  
sia deuncta sedi  
Apostolicæ.

Mittitur Lega-  
tus ad diuiden-  
dam terram &  
Episcopatus  
fundandos.

Dotantur Ec-  
clesiæ.

Terra diui-  
ditur.

Ordo Teutoni-  
corum non de-  
uicit Prussiam.

to Sedes Apostolica, multis continuatis annis faciebat, mittens annis succedentibus, tres successiuè Legatos, ad fideles contra *Pruthenos* incitandum, donec Diuinæ pietatis auxilio, terra *Prussiae* Incolis pro maiori parte interemptis & fugatis, residui pauci quidem, fidem Christi suscipere coacti sunt. Cùmque fuisset annis quinquaginta tribus, clarissimè præliatum, & ces-  
sante Incolarum feritate, *Prussia*, sine magnâ *Pruthenorum* resi-  
stentiâ in potestatem Fidelium deuenisset, præfati Archiepis-  
copi, Episcopi, Reges & Principes, quorum operâ, laboribus & ex-  
pensis, sede Apostolicâ, Legati sui medio, instigante, terra ipsa  
fuit obtenta eandem Sedi Apostolicæ præfata, deuotè obtule-  
runt, humillimè supplicantes. vt pro defensione & augmento  
Fidei Christianæ, de illa ordinationem prouidam facere digna-  
retur. Missus igitur fuit ab *Innocentio Papa IV.* Dominus *Wil-  
helmus Mutinensis* Episcopus, Legatus sedis Apostolicæ ( qui  
postea factus fuit Papa, & vocatus *Alexander III.* ) & hic iuxta  
traditam sibi formam Anno Domini M. CC. XL. III. Mensis  
Iulij, præfati *Innocentij Papæ* Anno I. Terram diuisit, limitauit,  
Episcopatus fundauit, Ecclesias erigendo, Episcopos instituit, Ec-  
clesias dotando; & ordinauit, quòd Episcopus *Culmensis* iuxta  
tunc concordata, cum Diocesis suæ Incolis, ac Ordinis Fratri-  
bus, suâ deberet esse portione contentus. Erat enim dicta Dioc-  
cesis à *Cuiavia* Duce, Fratribus Ordinis præmissi, in feudum da-  
ta Anno M. C. XC. Et quia in introitu terræ erat sita, iam com-  
petenter ab hominibus inhabitabatur, eò quòd in fidelium in-  
gressu, illam primò Castris & fortalitijs ( refugij causâ ) munie-  
rant. In cæteris verò Diocesis, videlicet *Varmienfi*, *Pome-  
sanensi*, & *Sambienfi*, statuit & ordinauit, quòd Episcopus quilibet,  
Ecclesiæ suæ, nomine totius suæ Diocesis, partem tertiam  
obtineret, Ordinis Fratribus residuas partes duas, à sede Apo-  
stolicâ in feudum obtinentibus, eo tamen pacto, quòd Ecclesijs  
omninò liberis remanentibus, Ordinis Fratres labores & expen-  
sas, bellorum pondus, ac terræ defensionis sufferre deberent,  
prout hæc clarè & latè, tam in Ecclesiarum quàm Fratrum Pri-  
uilegijs continentur; quæ utinam seruata fuisset, non tantis  
hodie gernerent sub cladibus Vrbes, minusq; Clerus ac Chri-  
sti Religio tota.

Et notandum est hic diligenter, quòd non ( prout quidem  
& præcipuè dicti Ordinis Fratres, virtutibus alienis, nomen su-  
um adornare satagentes, aiunt inaniter gloriantes ) Ordinis  
Fratres, Terrâ *Prussiae* à *Pruthenis* bello, seu gladio vindicarunt,

cùm



cum ipsi in eiusdem terræ acquisitione, numero & æstimatione fuerint minimi; Nec finit ratio suspicari, tam sæuam gentium multitudinem, paucos ordinis Fratres potuisse debellando subiugare; sed terram euictam, ac *Pruthenis* interemptis & expulsis, sedi Apostolicæ oblatam, ab eadem sede donatione, & in feudum receperunt. Nec Ordinis Fratres Episcopatus, seu Ecclesias Cathedrales erexerunt, fundarunt seu dotarunt: Nam vno eodemque tempore sunt per Legatum, Authoritate sedis Apostolicæ, Ecclesiæ fundatæ & dotatæ, Ordinifq; Fratres, de residua cuiuslibet Diocesis parte infeudati; modis & conditionibus quibus supra. Ita vt Ecclesiæ immediatè in temporalibus, sedi Apostolicæ subiectæ sint: à quâ etiam Regalia petere & recipere tenentur, prout hæc clarè in Priuilegijs continentur præmissis.

Euictam à Sede Apostolica in feudum Ordo accepit.

Nec Episcopatus Ordo fundauit.

## Primus EPISCOPVS ANSELMVS.

**E**cclesiæ Venerabili Varmienfi erectæ, fundatæ, & dotatæ præfectus fuit in primum Episcopum Dominus *Anselmus* qui quamuis latissimas pro Ecclesiæ suæ dote terras obtineret, erant tamen omnes incultæ & desertæ, propter bellum longum & *Pruthenorum* interfectionem & expulsionem; ita vt ipse Dominus *Anselmus* Episcopus Primus, in principio suæ prouisionis, vnâ solùm Marcâ argenti, de quodam Molendino, sito juxta *Gutstade*, (Crusmole hodie nuncupato) in redditibus feratur habuisse. Sed non est dubium, quin eiusdem sagacitate & diligentia, dicti redditus etiam tempore suo, aliquatim aucti fuerint. Ipse enim primus & prouidus Architectus, diuturnitatis fundamentum in virtute jacens, honestis vitam actibus circumuallans, Prudentiam atq; Fortitudinem ante fores collocauit. Iustitiam atq; Modestiam, in propugnaculis statuens, Humanitatem & Mansuetudinem in muris vndiq; ordinauit. Spem, Fidem & Charitatem, in medio structuræ firmans, bonam famam, Dei hominumq; Amorem, in circuitu stabilivit. Sicque malos & incredulos in stuporem, bonos verò incitabat in Amorem, vitamq; post laudabilem. migravit ad Dominum.

Reditus Episcopatus vnus Marcæ.

Tempore ipsius Domini *Anselmi* Anno Domini M. CC. LX. fuit magna & tetra Apostasis *Pruthenorum*. Ipse Dominus *Anselmus* Anno Christi M. CC. LXI. in Ciuitate *Braunsberg* in honorem Sancti *Andree* Apostoli, Ecclesiam Cathedralem erexit, Prælatos & Canonicos in eadem instituit & ordinauit, prout

Apostasis *Pruthenorum*.



Cathedralis  
Ecclesia fun-  
datur.

prout hæc in literis per eundem desuper confectis plenius continetur. Ipsi obitus tempus ignoratur, vixit tamen Anno Domini M. CC. LXI. XIII. Calend. Iunij prout in Regestris antiquis reperitur. Sepultus est *Elbingæ*.

## Secundus EPISCOPVS HENRICVS.

Teutonici ad  
terram vo-  
cantur.

Ecclesiæ Paro-  
chiales eri-  
guntur.

Cathedra Fra-  
uenburgum  
transfertur.

Post prædecessoris sui obitum, Ecclesiæ Varmienfi fuit prout Dominus *Henricus*. Cuius & Successorum suorum solitudine diligenti, agri Ecclesiæ successiuè, cum hominibus Teutonicis ad terram vocatis, pro maiori parte, & *Pruthenis* expulsis, redeuntibus, locati sunt. Ecclesiæ Parochiales erectæ & dotatæ, in Diuini cultus augmentum. Ita vt Domino auxiliante, Ecclesia *Varmiensis*, quæ in principio inter alias pauperior extitit, in Diuini cultus augmento, ac temporalibus facultatibus, felicia recipiens incrementa, temporis successu, ditior alijs effecta sit. Ipse Dominus *Henricus* Ciuitati *Braunsberg*, per Reuerendum Patrem Dominum *Brunonem* Episcopum *Otomucensem*, qui cum Rege *Bohemiæ* contra *Pruthenos* venerat, fundatæ, Priuilegium concessit. Ipse etiam Ciuitatem *Frauenburg* primò exposuit. Erat tunc Ecclesia Cathedralis in *Braunsberg*, in Capella Castri, in honorem Sancti *Andrea* Apostoli consecrata. Fuitque Castrum *Frauenburg* cuiusdam honestæ Viduæ, quæ mota pietatis affectu, Castrum ipsum, pro Ecclesia Cathedrali ibidem construenda, donauit. Et tunc Ecclesia Cathedralis, tempore ipsius Domini *Henrici*, illuc translata est.

Hic Dominus vitæ integritate, operumque stabilitus claritate, virtute fulgens, quæ sola Fortunæ legibus est soluta, post labores fructuosos, Spiritum Deo reddidit Anno Domini M. CCC. idibus Iulij. Sepultus in Ecclesia *Varmienfi* sub lapide ante Altare.

## Tertius EPISCOPVS EBERCHARDVS.

Mortuo *Henrico*, substituitur Ecclesiæ *Varmienfi* Dominus *Eberchardus*, virtute præditus, in spiritualibus & temporalibus, prouidus & circumspectus. Qui ad Ecclesi-



am promotus, præfata Ecclesiæ profuit. Ipse exposuit & fundavit Oppida *Wormditt Heilsberg & Gutstadt*, Ipsius etiam tempore *Melsack* oppidum per Capitulum expositum & locatum est. Hic quantâ solitudine Ecclesiæ suæ commodis intentus fuerit, in agris locandis, oppidis & villis exponendis & fundandis, Priuilegia Oppidorum Villarumque reuoluens, liquidè deprehendit. In commisso sibi officio diligentissimè laborauit, multa bona faciendo, diuturnitatis sibi nomen virtute & solitudine comparauit, consultè ponderans quòd nihil sine labore laudabile, nil excelsum; Cùm sit labor virtutum area & laudis fundamentum. Tempore ipsius, Fratrum Ordinis Magister Generalis *Sifridus de Fuchtevangen*, residentia suæ sedem primò posuit in *Prussia*, in non magnam Ecclesiarum consolationem. Ipse quoq; Dominus *Eberhardus* vitâ functus est Anno Domini, M. CCC. XX. VI. VIII. Calend: Iunij. Sepultus in Ecclesia *Varmiensis*.

Fundantur Ciuitates.

Magister Ordinis sedem locat in Prussia.

## Quartus EPISCOPVS IORDANVS.

**D**ominus *Iordanus*, qui Prædecessorum suorum vestigijs inhærendo, laudabiliter Ecclesiæ *Varmiensis* præfuit, eisdem profectibus diligenter inuigilando. Virtutis in Vestigia pedem figens, nec declinans aliò nec subsistens alibi, felicitatis & gloriæ meruit brauium adipisci, cursum vitæ finiens Anno Domini M. CCC. XXVIII. VI. Calen: Decembris. Sepultus est in Ecclesia *Varmiensis*.

## Quintus EPISCOPVS HENRICVS WAGENAX.

**V**itâ functo *Iordano* datur Ecclesiæ *Varmiensis* in Episcopum Dominus *Henricus Wagenax*. Qui Prædecessores suos sagaciter imitando, Ecclesiæ suæ commodis fideliter insudauit, in Spiritualibus sollicitus, in temporalibus prouidus, virtute animum imbuit, illam sciens vnicam fore, quâ quis contra omnem fortunæ impetum, tutissimè se tuetur: Nam nullius rei eget, qui virtutum diues est. Hic post laudabilem conuersationem, & labores fructuosos, diem suam clausit ex-



tremam Anno Dñi M. CCC. XXX. IV. V. Idus Aprilis, sepultusque est in Ecclesia Varmienſi.

Ob Schisma litigiosum vacat Ecclesia annis quatuor.

Ressel fundatur.

Et hic notandum quod præmissorum Venerabilium Patrum Dominorum Episcoporum, prouidâ diligentia & vigili curâ, auctæ fuerunt competenter Ecclesiæ facultates. Cæperunt igitur duo, in discordiâ electi, contra iustitiæ præceptum, præesse quærentes, non prodesse; plus de redditibus accipiendis, quàm de Oibus conseruandis solliciti, super Ecclesiæ titulo, in Curia Papæ, quæ tunc erat *Auenione*, litigare: quæ lis durauit annis quatuor, quibus Ecclesia Pastore caruit. Tandem vnus decessu, & alteri silentio imposito, causa finem sortita est, & vtriq; ambitionis viâ præclusa; Quâ vacatione durante Anno Domini M. CCC. XXX. IV. Capitulum exposuit & locauit oppidum *Ressel*, eidem Priuilegium concedendo. Nondum enim erant Ecclesiæ Bona diuisa.

## Sextus EPISCOPVS HERMANNVS de PRAGA,

Papa Confert Episcopatum Hermanno.

Eumque ipse consecrat.

Libros conscribit.

Ad infantie mores redactus Moritur.

Bona Episcopi Capituli erant Communia,

Ecclesiæ Varmienſi, fuit Dominus *Hermannus* de *Praga* Decretorum Doctor eximius, in *Curia Papæ* Auditor *Rotæ*, ætate senex, moribus venerabilis. Cui Dominus Papa *Benedictus XII. Auenione* de Ecclesia, vt præfertur, vacante prouidet, ipsumq; in octaua Paschæ quæ fuit dies xix Aprilis solenniter consecrauit, Anno Domini M. CCC. XXX. VIII.

Hic adeptus Ecclesiæ prouisionem, prouidi & solliciti Pastoris more, multa bona in Ecclesia sua faciebat, cumq; boni senis veneranda canities experientiæ plena, laboris sollicitudinem, corporisq; valetudinem, eidem abstulisset, scripturarum ac virtutum studio plus incumbens, ad animi exercitium feruentius se transtulit, ac in ædificationem fidei libros edidit, omniq; conatu, in sibi commissio officio vigilabat. Ipse novum Oppidum *Braunsberg* exposuit & locauit, & similiter oppidum *Scheburg*.

In fine tandem vitæ, exhaustus studio & labore, ad infantie mores redactus est, obdormiuitq; in Domino Vir venerabilis Anno Domini M. CCC. L. Instante tunc Iubileo, in nocte Circumcisionis Domini. Sepultus est in Ecclesia Varmienſi.

Hic notandum est quod à Principio Erectionis & foundationis Ecclesiæ, fuerint Bona Episcopi & Capituli indiuisa, redditibusq; communiter collectis, Episcopus partibus duabus sibi

reten-



retentis, tertiam Capitulo erogabat : communiterq; operantes & ſibi mutuò conſulentes, Eccleſiæ profeſſibus intendebant. Sed annis aliquibus, paucis quidem, ante eiufdem Domini Epifcopi *Hermann* obitum, vt ex Regeſtris colligere potui Anno Domini M. CCC. XL. VIII. intrante, fuit Dominium Eccleſiæ diuiſum, inter Epifcopum & Capitulum in partes tres, miſſaq; fors, & quod cuiſlibet fors tribuit, illo pro commodo ſuo quouis vſus eſt, vſq; in tempus hodiernum. Cætera Eccleſiæ ab Ordine Teutonicorum abſtracta, prout in proceſſu infra patebit.

Diuiduntur in  
tres partes,  
duæ cedunt E-  
piſcopo, tertia  
Capitulo,

## Septimus EPISCOPVS IOANNES de MISNA.

**I**oannes de *Misna*, qui cùm eſſet ipſius Eccleſiæ Varmienſis De-  
canus, à Capitulo concorditer in Epifcopum electus, à Domi-  
no Papa *Clemente VI.* confirmatus eſt, ad Eccleſiamq; ſuam  
de Curia Papæ, in die Sanctæ Cæcilie Virginis reuerſus, fide-  
licitudine, Prædeceſſorum ſuorum veſtigijs inhærendo, bo-  
num & commodum Eccleſiæ totis viribus procurauit. Hic  
diligentiâ ſagax, labore proficiuus, ſollicitudine impiger, virtu-  
te ſpectabilis, inter Prædeceſſores ſuos non infimus reputatio-  
ne, cuncta benè & decenter adminiſtrauit. Ipſe primò Caſtri  
principalis *Heilsberg* muri fundamenta poſuit, & ſuper terram  
produxit. Et ſimiliter in Caſtro *Reſſel* & *Scheburg* fundamen-  
ta poſuit; Erant enim antea in locis ſupradictis fortalitia li-  
gnea argilla circumducta. Ipſe Dominus Ioannes, notabilem  
fecit laborem, paruo illo tempore, quo ipſi Eccleſiæ præfuit.  
Ipſius etiam tempore, Eccleſiæ Varmienſis fundamenta locata  
ſunt. Erat enim antea Eccleſia lignea & parua. Tempore quo  
idem Dominus Ioannes Eccleſiæ præfuit, Anno Dñi M. CCC.  
L. III. Capitulum expoſuit & locauit Oppidum *Allenſtein*. Obi-  
it idem Dominus Ioannes Anno Domini, M. CCC. L. V. die  
penultimâ menſis Iulij, ac ſepultus eſt in Eccleſia Varmienſi.

A Capitulo co-  
cordibus votis  
eligitur Ioan-  
nes de Misna.

Caſtrum Heil-  
sberg fudatur.

Similiter Reſ-  
ſel & Sche-  
burg.

Capitulum Al-  
lenſteinum lo-  
cat:

## Octauus EPISCOPVS IOANNES STREIFFROCK.

**C**oncordibus votis in Epifcopum eligitur à Capitulo Io-  
annes *Streiffrock* Cuſtos eiufdem Eccleſiæ, Anno eodem  
M. CCC. L. V. die ſecundâ Menſis Auguſti, qui à Do-

Eligitur à Ca-  
pitulo Ioannes  
Streiffrock.



Fundatio War-  
tembergi.

Fratres Teuto-  
nici Bona Ec-  
clesiæ inuadūt.

Colloquiū E-  
piscopi cum  
Magistro in-  
stitutum.

Magister Epi-  
scopum inter-  
ficere conatur.

Insidias illi  
struit.

Quas euasit &  
Auenionem  
peruenit.

mino Papa *Innocentio VI.* *Auenione* confirmatus est, ibidemque consecratus, ad Ecclesiam suam Sabbatho ante Dominicam Lætare, Anni insequentis reuersus est. Ipse oppidum *Vartemberg* fundauit & locauit, Anno Domini M. CCC. LX. I. Postquam tempore aliquanto pacificè in Ecclesiæ suæ Dominio resedisset, prouidâq; sui ac Prædecessorum suorum sollicitudine, agri Ecclesiæ in magna parte locati fuissent, ac oppidis villisque iam fundatis, redditus augeri cæpissent, Ipse Dominus Ioannes Episcopus cum Ecclesia sua, inuidiâ non caruit, acciditque quod dici consuevit; *Inuidet opibus vicinia, pauperiem miseratur, illas cupit ac vituperat, hanc horret & laudat.* Cernentes namque Magister & Ordinis sui fratres, Ecclesijs vicini grauissimi, & ut plurimum malè fauentes, homines communiter malle sub Ecclesia, quàm ipsis Fratribus residere; Inuidiæ flammâ succensi, auaritiâ fomentum ministrante, finibus suis non contenti, Ecclesiæ Dominium inuadere, & contra eandem tyrannicè sentire cæperunt, eiusdem prosperitate, infortunium suum suspicantes; multasq; villas, Nemora & Lacus successiue Ecclesiæ abstulerunt. Vnde Dominus *Ioannes* Episcopus prænominatus, prouidi & fidelis Pastoris more, iniuncto sibi Officio fungens, tyrannidi præfata viriliter se opponens, Ecclesiæ suæ lura defendendo, ablata repetere, & ut æqua fieret Diocesis diuisio, cum limitum distinctione, feruenter cœpit instare, eâq; propter diuersas cum Magistro successiue tenuit conventiones; Quarum nouissima fuit Anno M. CCC. LX. IX. in festo sancti *Ioannis Baptiste* in Villa *Neukerche*, ad vnum milliare ab Ecclesia *Varmien*si, in via quâ itur in *Elbing*, quam tunc cum Villis & terris adjacentibus adhuc Ecclesia possidebat; quibus statim prædicta Ecclesia fuit ab Ordine spoliata. Et dum idem *Ioannes* Episcopus in dicta Conuentione, Ecclesiæ suæ ablata repeteret, pro Ecclesiæ suæ Iuribus viriliter decertando, inter verba incidentia, *Magister Winricus Kniprode*, spiritu se nequam Instigante, extracto seu euaginato cultello quo præcinctus erat, Dominum *Ioannem* Episcopum interficere conabatur; quod cum per circumstantes, Domino DEO volente fuisset impeditum, Magister præsumens eundem Dominum Episcopum Patriâ egressurum, illi in omnibus vijs & passibus prætendi ordinauit. Sed tamen Domino Deo gressus suos misericorditer dirigente, euasit, & saluus Ciuitatem *Auenionem* intrauit, vbi tunc Papa cum sua curia residebat; sicque hunc suum hostem quem pugnando pati nequibat, vicit fugiendo, & contra arma tyrannica, iustitiæ Cly-



peo triumphauit. Post ipsius recessum, sequutus est eum Dominus Ioannes de *Essen* Cantor & Canonicus Ecclesiæ memoratæ, & cum Priuilegijs & Iuribus huius Ecclesiæ, infusus sacco humili, in naui clam adductus est. Postquam Causa contra Magistrum & Ordinis Fratres, in Curia Papæ introducta fuit, illi furijs accensi, plus solito in Ecclesiam tyrannicè sæuire cæperunt: nam tunc erant potentissimi: prodijtq; ex abundantia, superbia, conditionis obliuio, tumorq; animi letifer, quod nil peius in vita reperitur. Nec ipsorum abundantia est faciat avaritiâ, sed accensa. Spoliarunt itaq; Ecclesiam multis terris, Dominijs, & Possessionibus, & signanter infra scriptis, quæ Ecclesia Varmiensis ab initio in pacifica semper habuit possessione, Videlicet terram *Seysfen* ab illa parte *Ressel*, cum omnibus terris & Lacubus versus Meridiem. Item à *Seysstern* vsq; ad Lacum *Kermeycken* & flumen quod exit de eodem Lacu, ubi Ecclesia suos multis annis tenuit Custodes. Item Lacus *Weyssen* & *Segestrien*, alijsq; lacubus & terris propè iacentibus. Item Lacus *Bawant* & Lacu qui vocatur *Stromigk* & Lacubus cum terris propè iacentibus. Item postq; castra *Hanesberg Rastenburg* ædificata fuerunt & conuentus locatus in *Lunenburg*, his lacubus & terris circum iacentibus, successiuè de Anno in Annum spoliata fuit Ecclesia supradicta, à principio suæ foundationis pacificè possessis; Quorum lacuum nomina sunt hæc.

<i>Gymen,</i>	<i>Dampkt,</i>	<i>Nerdingi,</i>	<i>Afore,</i>
<i>Talbe,</i>	<i>Wangon,</i>	<i>Garxede,</i>	<i>Galintze,</i>
<i>Laysson,</i>	<i>Kausis,</i>	<i>Marksedt,</i>	<i>Schobe.</i>
<i>Coysnik,</i>	<i>Indissee,</i>	<i>Sawant,</i>	<i>Skiten maior,</i>
<i>Purde,</i>	<i>Dambir,</i>	<i>Persuppe,</i>	<i>Skiten minor,</i>
<i>Ariugune,</i>	<i>Kansinge,</i>	<i>Ylgone,</i>	<i>Salgewum,</i>
<i>Narayte,</i>	<i>Sampolt,</i>	<i>Lacus iv. qui dicuntur</i>	<i>Alpus,</i>
<i>Malsober,</i>	<i>Womenin,</i>	<i>Cromone,</i>	<i>Keytante,</i>
<i>Burgelin,</i>	<i>Gramme,</i>	<i>Gemente,</i>	<i>Lanxobe,</i>
<i>Swerlbinke,</i>	<i>Kimpone,</i>	<i>Calmoy,</i>	<i>Yellow,</i>
<i>Passerwinte,</i>	<i>Loylske,</i>	<i>Sirene,</i>	<i>Aucte.</i>
		<i>Dalurge,</i>	

Item Commendator *Balgensis*, per mensurationem vnus miliaris à *Ressel* versus *Poloniam*, abstraxit Ecclesiæ spatium quatuor Maniorum, in quo spatio continetur villa *Weder* & nemus *Weder*, cum nemoribus adjacentibus, & Lacus *Willike* cum pratis eidem adjacentibus, & lacus *Summir*; quæ omnia Commendator præfatus, Anno eodem quo Dominus Cantor recessit, statim tenerè inuasit, & tyrannicè occupauit.

Eum Cantor cum Priuilegijs sequitur.

Causa agitur coram l'apa.

Ea res Magistrum offendit.

Spoliat Ecclesiam bonis.

Et Lacubus plurimis.

Villa Weder & Nemus, Lacus Willike & Summir.



Limites Dio-  
cesis Varmien-  
sis,

X. Milliaria à  
Kurczkifadel  
vsq; ad lapide  
finium intra  
Ressel.

Item Ecclesia *Varmiensis*, ut præmissum est, totius Dioce-  
sis suæ partem tertiam, debet integrè possidere, cuius tamen  
tertiæ, vix medietatem dignoscitur habere, prout ex infra-scri-  
ptis luce clarius poterit deprehendi. Est enim latitudo totius  
Dioecesis *Varmiensis* propè mare recens, à loco ubi *Pregera* in-  
fluit idem mare recens, vsq; in *Elbing* XIII. Milliarium, de qua  
latitudine Ecclesia habet duo milliaria aut minus. Et ascenden-  
do de *Elbing* vsq; ad *Hollandt*, & ab alia parte juxta *Pregeram*  
vsque in *Koenigsbergk*, latitudo Dioecesis transeundo prope Vil-  
lam *Plastwigk*, est XIII. Milliarium de quibus Ecclesia habet  
vnũ milliare, & quartale milliaris. Item ascendendo à *Hollandt*  
vsq; ad stagnum dictum *Weyfike* propè Villam *Buchewaldt*, &  
ex parte opposita à *Koenigsbergk* juxta *Pregoram* vsq; ad Castrum  
*Topia*, latitudo Dioecesis, transeundo juxta *Wormditt* est XIV.  
Milliarium, de quibus Ecclesia habet tria milliaria. Item ascen-  
dendo à Stagno *Weyfike* vsque ad stagnum dictum *Marung*, &  
ab alia parte ascendendo à Castro *Topia*, juxta *Pregoram* vsq; ad  
oppidum *Wolaw*, sumendo latitudinem Dioecesis, transeundo  
juxta *Heilsberg*, sunt XVI. Milliaria, de quibus Ecclesia habet  
VI. milliaria. Item ascendendo à Stagno *Marung* vsq; ad *Kurcz-  
kifadel*; & ab alia parte, à *Welaw* vsque in *Susterberg*, ubi est fi-  
nis *Pregoræ*, sumendo latitudinem, sunt XXV. Milliaria, vide-  
licet X. milliarium à *Kurczkifadel*, & graniciem positam retrò  
*Ressel* juxta Castrum *Pilher*, & xv. milliaria vsque in *Iusterburg*  
de qua latitudine habet Ecclesia X. Milliaria. Et ista pars  
Dioecesis est diuisa inter Ecclesiam & Ordinem. Quæ pars in  
longitudine ab *Elbing* vsq; ad *Hollandt* habet milliaria tria, de  
*Hollandt* ad Stagnum *Weyfike* milliaria tria, de Stagno *Weysi-  
ke* ad Stagnum *Marung* milliaria tria, à Stagno *Marung* vsq; ad  
*Kurczkifadel* milliaria sex; Et sic ab *Elbing* vsq; ad *Kurczkifa-  
del* sunt milliaria xiiij. cum dimidio. Item ab alia parte à mari  
recenti vsque in *Koningsbergk* milliare vnum, & à *Koningsbergk*  
vsq; ad *Topio* milliaria quatuor, à *Topio* vsque ad *Welaw* milliaris  
duo, à *Welaw* vsq; ad *Insterburg* milliaris V. & ultra vsq; ad Ca-  
strum *Tamnew* milliaris duo, Et sic à mari recenti vsq; ad *Tam-  
new* longitudo est xiiij. milliarium. Coniungendo & compu-  
tando partes quas habet Ordo, tunc habet ab vtrâq; parte xiiij.  
milliaris in latitudine, sed Ecclesia non habet ultra quinq; in la-  
titudine, & cum hoc inferius, ubi sunt agri boni vsq; ad *Worm-  
ditt* modicum habet Ecclesia. Sed ultra ubi pars Ecclesiæ dila-  
tatur, sunt ericæ multæ, & loca parùm utilia.

Item pars Dioecesis adhuc diuidenda est fortè in duplo ma-  
jor,



jor, quàm diuisa, quia habet in latitudine xxv. milliaria, & in  
 longitudine vsque ad flumen *Memelo* eundo versus Orientem,  
 computantur de *Isterburg* ad Nemus *Kirtamedie* Milliaria viij.  
 Deinde ad flumen *Metem* milliaria viij. & vltra ad *Memelam*  
 Milliaria jx. Et sic longitudo est milliarium XL. VIIJ. Sed no-  
 tandum est, quòd tota hæc computatio, est facta secundum vi-  
 as vsitatas, fortè si mensurando iretur directè, minus inuenire-  
 tur. Et nota quòd de ista parte indiuisa, Ecclesia habuit in  
 pacifica possessione, illam partem quæ est *Kurczkissadel* vsq; ad  
*Masanam*, eundo videlicet de *Kurczkissadel* ad stagnum *Mal-*  
*sicko*, de quo stagno effluit fluuius qui dicitur *Malce*, juxta quem  
 fluuium proceditur vsq; ad *Masouiam*, & habet in longitudine  
 milliaria vij. Item ab alia parte, retrò *Ressel* à granicie posita,  
 juxta *Piltz* per *Scysten*, ad lacum *Kerwoyke*, & fluuium qui ab eo-  
 dem fluit; Et habet in longitudine milliaria viij. Latitudo ve-  
 rò dictæ partis, scilicet à *Kurczkissadel* vsq; ad *Piltz*, est millia-  
 rium X. & hanc partem totam habuit ab antiquo Ecclesia in  
 pacifica possessione; sed postea successiuè ab Ordine spoliata  
 est. Et hæc est terra sita in terra *Galindia*. Et est notandum,  
 quòd terra *Galindia* fuit, à *Bertingen* vsq; in *Poloniam* à *Gunlau-*  
*ken* vsq; ad *Poloniam*, & à *Bertingen* vsq; ad fluuium *Nate* & vs-  
 que ad *Sudoman*, ita vt tota terra *Nadroma* & *Sumoda* & *Pola-*  
*nia*, vsq; ad *Bartingen*, *Gunlauken* & *Barthen*, esset terra *Galin-*  
*dia*. Ita dixerunt Domini *Merune Miles*, *Wilkune* Camerarius  
 in *Guistadt*, *Nadop* de *Aldekirchen*, *Namet* & *Sude* & *Auleps May-*  
*ne*, *Tubnaken Mayne*; Et isti dixerunt se audiuisse à progenitori-  
 bus suis, & etiam ab illis quorum Progenitores habitauerunt in  
 terra *Galindia*. Quòd major Rex *Galindia*, habitauerit circa  
 lacum nomine *Nabentine*, qui est ad medium milliare, ab illa  
 parte *Lutzen* versus *Liunias*, & vocabatur Rex ille *Ysgulp*. Item  
 idem *Nadob* de *Aldekirchen* dixit, quòd *Magister Theodoricus* de  
*Aldenburg* qui fuit electus Anno M. CCC. XXX. V. & præfuit  
 Officio Annis VI. Vocauit ad se ad Castrum *Strosberg* quatu-  
 or *Pruthenos*, de territorio *Galgenfi*, scilicet *Iomische*, *Zobin*,  
*Preymoth* & *Neyben*, & Tres Domini Ecclesiæ *Varmiensis*, scilicet  
 ipsum *Nadop*, *Fuledraue* & *Preydrus*, & cum illis conferebat de  
 Granicijs, inter Regem *Cracouia* & Terrarum *Prussia*. Tunc  
 præfati quatuor, de territorio *Galgenfi*, designarunt Magistro  
 Granicies antiquas, retrò districtum *Galgensem* versus *Weisen*.  
 Et cum idem Magister ipsos interrogaret, de Graniciebus versus  
*Masouiam*, responderunt nos, nescimus illas; sed de his, illos

A Kurczkissadel  
 ad Piltz X.  
 milliaria.

Situs Galin-  
 dia.

Rex Galindia.

Magister Or-  
 dinis inquit  
 fines Prussia.

Similiter Ma-  
 souia.



tres de Dominio Ecclesiæ interrogetis, quia illa solitudo seu Desertum est Ecclesiæ, & tunc illi tres de hoc interrogati, granicies ipsas, inter Episcopatum seu Ecclesiam & *Masouiam* designarunt, & placuit Magistro, nec aliquid contradixit.

Castrum Heilsberg perfectit.

Rosfel & Scheburg similiter.

Et est sciendum, quod præfatus Dominus *Ioannes* Episcopus, Castrum principale *Heilsberg*, per Prædecessorem suum inchoatum, feliciter compleuit, testudines omnes sub terra, & supra terram etiam pro maiori parte faciendo. Inchoata etiam Castra, *Rosfel* & *Scheburg*, similiter pro maiori parte compleuit, antequam tyrannicâ rabie sæuiente, exulare cogeretur, ineuitabili Ecclesiæ suæ necessitate deuictus.

Ioannes Episcopus moritur Auenione.

Vitæ quoque suæ terminum finiens idem Pater venerandus, in Ciuitate Aueniensi, vbi tunc Papa cum Curia suâ residebat, Postquâ pro luribus Ecclesiæ suæ, & terris, quibus fuerat à Fratribus Ordinis spoliata, triennio litigasset, & super abiatorum restitutione, verâque & æquâ Diocesis diuisione, ac limitum distinctione, tres sententias definitiuas conformes, vnâ cum literis exequutorialibus reportasset. Migravit ad Deum Vir venerabilis, memoriâ dignum pro Ecclesia sua zelum gerens Anno Domini M. CCC. LXX. III. in die sancti Ægidij. Sepultus apud Fratres Prædicatores ibidem cuius, anima gaudeat consortio Beatorum Ciuium supernorum.

## Nonus EPISCOPVS HENRICVS SORENBVM.

Henricus à Gregorio XI. prouisus.

Postpositis tribus conformibus consensit in dislimitationem nouam.

Cum diminutione sex millium Maniorum.

**H**enricus Sorenbaum oriundus de *Elbingo*, Notarius Domini Caroli tunc Romanorum Imperatoris: qui cum esset *Auenione* tempore obitus Prædecessoris sui, eidem per Dominum Papam *Gregorium XI.* prouisus extitit de Ecclesia *Varmiensis*, Anno eodem M. CCC. LXX. III. Quinto die Mensis Septembris. Hic nimis anhelans ad Ecclesiæ possessionem, Prædecessoris sui memoriæ venerandæ, qui pro Ecclesiæ suæ luribus & libertate, mortis pericula parui pendit, minimè inhærendo vestigijs, consensit in nouam Diocesis diuisionem limitumque distinctionem, amicabili medio terminandas, Arbitrisque ad diuidendum ac dislimitandum electis, facta fuit diuisionis, limitumque distinctio, in maximam Ecclesiæ læsionem. Perdidit namque per eam Ecclesia memorata, de per ipsam antea pacificè possessa, vltra sex millia manforum, cum lacubus & terris supra specificatis.

Et hoc



Et hoc etiam confessus fuit in extremis se procurasse pœnitentiâ tardâ *Ioannes* de *Pusilia* Parochus in *Slaw*, vnus de arbitris, ad diuidendum & dislimitandum electus, & muneribus corruptus, Ecclesiæ fines perfectissimè sciens, ex proposito, scienter & dolosè hoc malum faciens, alijsque minùs instructis idem persuadendo.

Perfidia Ioannis de Pusilia  
Plebani in  
Slaw.

Et hanc iniquissimam Diuisionem, cum limitum distinctione, præfatus Dominus *Henricus* Episcopus inconsultè nimis approbavit, rei iudicatæ trium sententiarum definitiuarum, literisque Exequutorialibus per prædecessorem suum venerandum, magnis laboribus, periculis corporis, grauibusque expensis de super obtentis, turpiter renuntiando, suam quietem quærens, cum enormissima læsione; ô vtinam Prædecessoris sui, laudabilem & intrepidum animum habuisset! Magister & Ordo tunc erant potentissimi, & *Prussia* in maiori quàm vnquam fuit flore & diuitijs, & Arbitri ad diuidendum ac limitandum electi, omnes per Magistrum aut corrupti, aut nimis in inquisitione veritatis negligentes. Quoniam vt ajunt sapientes, *Pauci sunt, qui ad rectum virtutis iter, nisi per deuia multa, cespitando perueniunt*, multosque ideò voluptatis seruos, in iuuentute suâ visos, qui virtute in senio claruerunt. Ipse enim Dominus *Henricus* Episcopus, in primo ad Dominium Ecclesiæ ingressu, multos secum *Bohemos* nobiles, de Domini Imperatoris Curiâ adduxit, qui cum essent dissoluti, ipse quoque ipsorum moribus aliquantulum reffectus est, caputque prodigalitatæ vitio, Ecclesiæ suæ facultates dissipare, ipsamque expensis inutilibus nimis prægrauare. Quapropter fuit per Capitulum suum, Capitulariter super sui emendatione requisitus. Quam quidem requisitionem ipse Dominus *Henricus* gratè & benignè recepit, emendationemque facere promisit, quam & fecit; dictos *Bohemos* honestè successuè ad partes suas remittendo, quibus sic dimissis, non fuit vltèrius Ecclesiæ suæ oneri.

Arbitri corrupti & negligentes.

Episcopus Bohemorum fauor.

Bona Ecclesiæ dissipat.

Monitus à Capitulo respuit.

Ipse Dominus *Henricus* vnâ cum Capitulo suo, oppidum nouum *Braunsberg*, antiquo oppido vniuit, Anno Domini M. CCC. VC. VIII. Quæ vnio cum propter graues dissensiones subsistere non posset, idem Dominus *Henricus*, vnâ cum Capitulo suo eam cassauit, priuilegia noua concedendo Anno Domini M. CCC. XC. VIII. primâ die Septembr. Et in dicto nouo oppido *Braunsberg*, Capitulum habet & habere debet, vnâ curiam integram, omninò liberam, vt in Priuilegio continetur. Ipse etiam Dominus *Henricus*, oppida *Bischoffstein* & *Bischoffsburg* exposuit atque locauit.

Oppidum nouum Braunsberg cum veteri frustra vni-re tentat.

Duo Oppida fundat.

Et est



Braunsbergen-  
ses, contra E-  
piscopum sedi-  
tionem exci-  
tant,

Ipsè elapsus  
Braunsbergū  
obsidet.

Ciues veniam  
petunt sumptus  
belli resūdunt,

Conradus Val-  
rader Magister  
tyrannus.

Cogit rusticos  
Ecclesiæ ne  
laborent Dño,

Sed sibi, con-  
sentiente Epi-  
scopo inuito,

Contra Vota  
sua faciunt,

Et est sciendum, quòd cùm ipse Dominus *Henricus* Consulatum & Ciues Oppidi *Braunsberg*, propter certum excessum notabilem punire decreuisset, & ipsi vocati in Castrum Episcopale, in præsentia eiusdem, super responsione dandâ, inducias postulatas recepissent; Consulatus Communitate totâ ad Prætorium conuocatâ, ad sonum Campanæ Consularis, nequam se Spiritu instigante, impetuosè furiâ pleni, in Castrum Episcopale irruentes, eundem Dominum Episcopum suum interficere conabantur. Sed Domino misericorditer ipsum protegente, retrò per muros Castri dimissus, vix euasit. Post breue temporis intervallum, Oppidum ipsum fautorum succursu, cum relidis Ecclesiæ suæ subditis, potenter obsedit, compellens eosdem, vt discalceati, discoopertisque capitibus, ac cingulos suos in collis deferentes, omnes Oppido exeuntes, humiliter veniam postularent: quam obtentam, murum altum Castri cum turribus suis, versùs Oppidum construxerunt in emendam, Marcas etiam mille, quæ tunc duo millia florenorum Vngaricalium valebant, pro expensis factis, eidem Domino suo tradiderunt.

Tempore ipsius Domini *Henrici* Episcopi, Anno videlicet Domini M. CCC. XC. I, electus fuit in *Magistrum Conradus Valrader*, qui fuit Tyrannus Maximus, & durissimus Ecclesiæ persecutor, omnis virtutis hostis sceleratus. Hic fecit in Dominio Ecclesiæ *Varmiensis*, rusticis ne agros colerent, sub poena amputationis manuum, & pedum inhiberi; crudelitates multas Ecclesiæ subditis inferendo, pro eo, quòd Dominus *Henricus* Episcopus Capitulumq; suum, eosdem juxta Priuilegium Ecclesiæ suæ, in libertate solita defendere conabantur. Coëgit demum idem Magister, Episcopum & Capitulum, tyrannicis ac inhumanis subditorum suorum oppressiõibus, vt contra sua Priuilegia, Consuetudinem, ac omnem honestatem, rusticos suos mitterent ad laborandum in *Memelam* & *Ragnetem*, ad munitiones ibidem faciendas: Et in *Memela*, per *Samogitas* & per *Lithuanos*, vnâ vice de Ecclesiæ subditis vltra trecenti interfecti fuerunt; Mira quidem res est, *Ordinis Fratres*, vt Ecclesias, Clerum, ac totum Ecclesiasticum statum defendant, professionem emittere; ab Ecclesia etiam Romanâ, huius defensionis prætextu, Dominia temporalia, & omnia Priuilegia obtinere, qui tamen prout decet, non verentur, Ecclesias & Clerum opprimunt, statumq; Ecclesiasticum execrantur, Episcopos nil omninò ab ipsis Fratribus temporalitatis obtentos, tyrannicè persequuntur, periculosam formidandamque ruinam statui suo,

ex hoc



ex hoc prouenientem non pensantes, à quo etiam Gentium tyrannos, timore Diuinæ vindictæ, legimus abstinuisse. Rarò enim uerò Ecclesias, Episcopos, siue Clerum læsos, siue affectos injuriâ reperimus, ubi non sit vindictæ Dei manus subsequuta; Et utinam in Auctores, & non in subditos poena redundaret, sed sæpissimè Iustus pro Impio flagellatur.

Ecclesia & Clerus rarò opprimitur sine vindictâ Dei.

Obijt præfatus Dominus *Henricus* Episcopus, in Castro *Heilsberg* Anno Domini M. CD. I. Secundo Idus Ianuarij. Sepultus in Ecclesia *Varmiensis*. Ipse Dominus *Henricus*, ambitum in Castro *Heilsberg* fieri fecit & compleuit. Suburbium etiam eiusdem Castri, Muris ac fossis circumduxit. Multas etiam Ecclesias Parochiales, intra Diœcesim exstruxit.

Moritur *Henricus III.*

## Decimus EPISCOPVS HENRICVS HEILS- BERG de VOGELSANG.

**H**ic cum esset ipsius Ecclesiæ Canonicus, à Capitulo concorditer electus, & à Papa Domino *Bonifacio IX.* Romæ confirmatus est, Anno eodem M. CD. I. Quarto Calen: Aprilis, ac in Ecclesia Parochiali *Heilsberg*, jx. Calen: Augusti Anno eodem solenniter est consecratus. Vir virtute præditus, Bonorum Ecclesiæ suæ fidelissimus dispensator. Tempore ipsius Anno Domini M. DC. IX. In die Diuisionis Apostolorum, *Magister Prussiae Vlricus de Iungingen*, & Ordinis sui Fratres, per Regem Poloniae *Vladislaum Jagelonem*, & *Vitoldum* Magnum Ducem *Lithuaniae*, per se ad bellum prouocatos, deuicti, in bello magno occubuerunt. Et Rex cum Duce præfato, obtinuit quasi omnia, paucis exceptis, Ordinis Castra, Oppida, & Dominia, Magistro & Commendatoribus principalibus, in bello interfectis. Quòd sagaciter mente reuoluens Dominus *Henricus* Episcopus memoratus, cupiens pro Viribus Ecclesiæ suæ consulere, cujus jam pars magna hostiliter extitit deuastata, accessit ad Ducem *Vitoldum*, obtinens ab eodem, quòd per exercitum ulterius Dominio parceretur. Rege verò & Duce *Vitoldo*, cum Exercitu de *Prussia* recedentibus, *Magister Henricus* de *Plauen* nouiter electus, omnia Castra, Oppida Ordinis & Dominia, infra tempus paruum recuperando, totum mali belli exitum, retorfit in Ecclesiam Varmiensensem, Dominum *Henricum* Epi-

*Henricus III.* eligitur.

Victoria Regis *Vladislai* de Teutonicis in die Diuisionis Apostolorum.

Episcopus à *Vitoldo* pacē Ecclesiæ obtinet.

Id, *Magister* innidet & Episcopus persequitur.



Bona Ecclesiæ  
occupat.

Episcopus  
exulat.

Fit compromis-  
sum de con-  
cordia,

Episcopus re-  
cuperat Pos-  
sessionem Do-  
minij.

Moritur Ve-  
neno,

Magister Ad-  
uocatum ini-  
quum præfi-  
cit Ecclesiæ.

Vindicta Do-  
mini in Magi-  
strum.

scopum, eò quòd partem Dominij Ecclesiæ, illasam conserual-  
set, capitaliter persequendo, qui omnibus sibi præclusis vijs,  
habitu desimulato, in naui vix euasit. Recepitque Magister  
omnium Castrorum Oppidorum, & totius Dominij Ecclesiæ Pos-  
sessionem. Ecclesiæ subditos, ad sibi præstandum homagium  
compellendo, omnia etiam Castra & allodia Ecclesiæ spoliavit,  
& Dominum Episcopum *Henricum*, in exilio tenuit Annis qua-  
si quatuor.

Tandem Dominis, Rege & Duce *Vitoldo*, cum Magistro &  
Ordinis sui Fratribus, super ipsorum differentijs, in Dominum  
*Sigismundum*, tunc Vngariæ Regem, postea verò *Romanorum Im-*  
peratorem, compromissum facientibus, Dominus *Sigismundus*  
*Rex*, Domino *Henrico* Episcopo instante, inter cætera ordina-  
uit: vt dicto Domino *Henrico* Episcopo, ad plenam Dominij  
Ecclesiæ suæ possessionem restituto Magister cum Ordine suo,  
eidem pro damnis illatis, & redditibus Ecclesiæ alienatis, vigin-  
ti quinque millia Marcarum monetæ *Pruthenicalis* soluere tene-  
retur, quæ tunc valebant, vltra quinquaginta millia florenorum  
vngaricalium, seu de Camera. Reuersus fuit Dominus *Henri-*  
*cus* Episcopus ad Dominij Ecclesiæ suæ possessionem, postquam  
annis quatuor exulasset, & postea paucò tempore superuiuens,  
veneno toxicatus obiit Anno Domini M. CD. XV. in princi-  
pio Mensis Iunij. Sepultus est in Ecclesia Varmiensis.

Notandum est, quòd tempore exilij Domini *Henrici*, Ma-  
gister *Henricus* prænominatus, præfecit in ipsius Ecclesiæ Ad-  
uocatum, Virum iniquissimum, tyrannum magnum, & hominem  
desperatum, Ordinis sui Fratrem nomine *Lucam Lichtenstein*,  
vt si quid fortè mali, *Magister* facere erubisset, *Aduocatus* ipse  
suppleret. Sed Tyrannorum euentus ambigui, & vt plurimum  
infelices. Illud quoque ipsis communiter accidit, quod dici  
consuevit.

*Ad generum Cereris, sine cade & vulnere, pauci  
Descendunt Reges, & sicca morte Tyranni.*

Mens autem inordinata præsentis, non virtute & iure, sed vo-  
luntate Dominantis, Tyrannum facit Reipub: grauem, Omni-  
potenti DEO, & hominibus odiosum, qui omnium æquus re-  
tributor; Eidem *Magistro Henrico*, condignam tyrannidis suæ re-  
tribuit vltionem, quia peccauit vnctum Domini persequendo  
temerè. Commendatores enim contra eundem conspirantes,  
ac ab officio suo deponentes, ipsum annis septem in duris car-  
ceribus tenuerunt.

Et notandum est, quòd idem *Magister Henricus* de *Plauen*  
Anno



Anno Dñi M. CD. XI. & Anno M. CD. XIII. exactionando subditos Capituli, habuit ab ipsis Marcarum quatuor millia & centum, bonæ monetæ Pruthenicalis, quæ valebant florenorū Vngaricaliū, octo millia ducentorū; Exactionauit etiam Domini Episcopi subditos, in magna pecuniæ quantitate, & in dictis pecunijs exactionatis, & in Viginti quinque Millibus marcarum condemnati remanent, Magister & Ordo suus, Ecclesiæ Varmiensi obligati.

Magister & Ordo debet Ecclesiæ 25. millia Marcarum.

Vndecimus EPISCOPVS  
IOANNES AB E-  
ZIER.

**H**ic oriundus *Thorunio*, Ecclesiæ *Varmiensis* *Præpositus* Canonici, & Decretorum Doctor, ac Auditor Rotæ in Concilio Constantiensi, à Capitulo Anno quo supra, die octauâ Iunij concorditer electus, & per Archiepiscopum *Rigensem* Metropolitanum suum, in Concilio prædicto confirmatus est & consecratus; multis pollens virtutibus, omnibus amabilis, nemini odiosus.

Ioannes III. Episcopus.

Tempore illo agebatur Causa inter Dominos, *Poloniæ* Regem & *Magistrum* ac Ordinem suum, super terris aliquibus in Concilio prælibato. Ipse quoq; Dominus *Ioannes* Episcopus, quia erat Domino Papæ Martino V, in ipso Concilio præsentis, & præfidenti sincerè dilectus, magnam Magistro & Ordini assistentiam faciebat, scribendo, aduocando, & sollicitando, nihil Mercedis, præter Ecclesiæ suæ fauorem affectans. Quem tamen postea in Ecclesiæ suæ Dominio residentem, malè grati damnis afficiebant; adeò vt pro luribus Ecclesiæ suæ defendendis, ad Curiam Romanam ire properans, jam *Thorunium* venisset; quòd percipiens *Magister*, misit ad ipsum aliquot Commendatores, qui diuersis ipsum Sponsionibus, ad Dominium Ecclesiæ reuocabant. Hic à Capitulo suo sæpiùs requisitus, vt à Magistro & Ordine peteret *Marcas* viginti quinque millium, in quibus fuerant Prædecessori suo condemnati, respondit, se non posse afflictis afflictionem superaddere, quia nondum erat inter Regem *Poloniæ* & Magistrum pax firmata. Obijt Anno Domini M. CD. XXIV. die vndecimâ Febr. in Castro *Heilsberg*. Sepultus in Ecclesia Varmiensi.

In Concilio Constantiensi Ordinis Negotia promouet.

Malè illi gratia refertur.

Romam profectus.

Reuocatur à Magistro.

Debitum non recuperat.

Moritur.



# Duodecimus EPISCOPVS FRANCISCVS.

Ioannes III.  
eligitur.

Pius in sub-  
ditos.

**H**ic cū esset Præpositus Ecclesiæ *Varmiensis*, & Decretorum Doctor, Anno Domini M. CD. XXIV. Die decimâ tertiâ Februarij à Capitulo concorditer electus est, & per Dominum Papam *Martinum V.* Anno eodem, die octauâ Mensis Aprilis confirmatus, & in Ecclesia Parochiali *Heilsbergensi* consecratus est. Ipse fuit subditis suis pijsissimus Pater, & signanter rusticis, quibus in necessitatibus suis, magnum in frumentis & equis succursum faciebat, omnium sciens infirmitatibus, sincerissimè compati, paternâ pietate.

In principio enim suæ Promotionis, tanta fuit per totam terram mortalitas Equorum, & signanter in Dominio Ecclesiæ, vt quasi nulli equi remanerent.

Magistro &  
Ordini addi-  
tus.

Dat illis mu-  
tuo pecuniam,

Ordo impetrat  
duos Canonici-  
atus à Papa,

Sed indultus  
cassatur.

Hic antè suam de Ecclesiâ prouisionem, ac etiam postea, magna & diuersa Magistro & Ordini seruitia faciebat, in diuersis per Magistrum missus Legationibus, sicut & omnes Canonici ipsius Ecclesiæ *Varmiensis*, in Consilijs, Legationibus, & quibuscunq; ipsis possibilibus Magistro & Ordini suo, semper erant seruire parati. Ipse quoq; Dominus *Franciscus Episcopus*, Magistro & Ordini suo, mutauit Marcarū quatuor Millia monetæ *Pruthenicalis*, in quibus adhuc remanent Ecclesiæ obligati. Quibus omnibus minimè ponderatis *Magister Conradus de Erlich-suisen*, Anno Domini M. CD. XL. Vill. collationem duarum Præbendarum majorum, in Ecclesia *Varmiensis* perpetuis temporibus obtinendam, à Domino *Nicolao Papa V.* narrationibus falsis circumuento, impetrauit. Pro cuius Indulti cassatione & litigio, exposuit Ecclesia vltra mille florenos vngaricales.

Idem Dominus *Franciscus* super repetendis Marcis viginti quinque millium, in quibus Magister cum Ordine, Ecclesiæ extitit condemnatus, per Capitulum suum sæpius requisitus, hoc facere distulit, in Ecclesiæ suæ læsionem.

Rustici Melsa-  
censes fiunt  
Rebelles.

Instinctu Ci-  
uitatum.

Tempore ipsius Anno videlicet Dñi M. CD. XL. I. Rustici & Incolæ omnium Villarum territorij *Melsag*, villis tribus exceptis, scilicet *Sonnenwaldt*, *Gabesyn*, & *Lichtenwaldt*; per *Braunfbergenses* vt asseriebant, & aliquos de Consulatu oppidorum *Thorn Culmen* & *Elbing*, consulti & inducti, rebellionis & contumaciæ spiritum assumentes, seruitia solita facere Capitulo recusarunt; asserentes quod solutâ dimidiâ Marcâ, de Manso quoli-

bet,



ber, juxta suarum continentiam literarum, ad vltiora grauamina seu seruitia minimè tenerentur, Ad tantam insuper insaniam deuenerunt, vt Capitulo vi resistere se velle & posse, præsumerent. Nonnulli de Vasallis Ecclesiæ eisdem secretò adhærebant. Durauit hæc ipsorum Contumacia vltà annum: nam Anno Domini M. CD. XL. II. in octaua Sancti *Stephani* Protomartyris, in Castro *Heilsberg* captiuati fuerunt, per Dominum *Franciscum* Episcopum, ac reliquos de Capitulo. Eorundem Rusticorum Capitanei & Consultores principales quadraginta sex; de quibus Capitanei duodecim, in castrum *Allenstein* in carcerem missi sunt, & duodecim in Castrum *Sehburg*, residui in Castro *Heilsberg* captiui remanserunt. Postea Ciuitatibus introuenientibus, omnes de Carceribus sunt dimissi, pauci relegati, residui in modico sunt mulctati, & ad seruitia solita vniuersi sunt reducti.

Capita rebellionis captiuantur,

Puniuntur,

Et sic rebellio cessat,

Ejusdem Domini *Francisci* temporibus, Anno videlicet Domini M. CD. XL. I. cunctis stupendum prodigium exitit: Circa festum enimuero Sancti Laurentij tanta fuit pluuia, qualis nunquam visa fuit, cataractis enim cæli, nubibusq; apertis & effusis, diluuium redire videbatur. Cadebant insuper de nubibus aues multæ, aucis similes, sed minores, habentes pennas nigras, hinc inde albis intermixtas, quales quidem aues, nec antea nec postea vnquam, in dicta terra, seu etiam regnis & terris vicinis visæ fuere. Durauit hæc pluuia uix per dimidium quartuale horæ, quæ si per horam durasset, terram totam hominesq; & cuncta animalia absorbuisset. Fuerunt hæc vehementer mali ominis auspicia. Tunc quippe in nobilis terræ Prussiæ destructionem, facta fuit colligatio Vasallorum & Communitatum, Incolarum terræ *Prussia*. Cum enim Pax foret in Patria, subiit Liuor, initiumq; mali Libido blanda hostis, ac pestilens: subiit quoq; Fratrum Ordinis discordia, contemptus & Obedientiæ excussio. Hinc sumptâ occasione, Commendatoribus nonnullis, Ordinisq; Fratribus persuadentibus, animati & induciti Vasalli & Communitates, præmissam Confæderationem iniêrunt, cujus quidem confæderationis Commendatores & Ordinis Fratres, magnâ causâ, & primi Motores erant, vt præfertur: nam & ipsi fuerunt primi, qui dictam Confæderationem struebant.

Prodigiosa pluuia aues pluit.

Fit liga Confæderatorum Prussiæ contra Ordinem.

Auctoribus Cru ciferis ipsis.

Aliquantulo postmodum transacto tempore, *Magister Ludouicus* de *Erlichewisen*, Commendatores & Ordinis Fratres, Vigilem curam, pro dictæ confæderationis dissolutione, faciebant.

Eam Magister reprimere conatur.

Et in



Episcopū Fran-  
ciscum Legatū  
mittit ad Im-  
peratorem.

Id Confædera-  
tos offendit:

Et Vafallos  
Ecclesiæ qui  
renuntiant E.  
piscopi obedi-  
entiam.

Marieburgum  
ob idetur cum  
Magistro.

Soluitur ob-  
sidio.

Exercitū Po-  
lono deletō ad  
Konitz.

Prussia deficit  
ab Ordine,

Ordine non  
resistente sed  
metu conlter-  
nato.

Pœna peccati.

Et in hoc Dominus *Franciscus* Episcopus, Magistro & Ordini, (in-  
uito Capitulo) nimiam assistentiam faciebat, qua ex re, totius  
confæderationis vehementer cōtra se odium suscitauit, & ex hoc  
præcipuè, quòd cum Fratre *Henrico Reuse* de *Plauen* Com-  
mendatore *Elbingense*, Magistri & Ordinis intuitu, ad Dominum  
*Fridericum* Romanorum Imperatorem, Anno Domini M. CD.  
L. III. primâ die Martij, profectus est. Rediensque ad terram  
*Prussia*, Anno insequenti in principio Februarij ad Dominium  
Ecclesiæ redire non poterat, quia Patria tota, resignato ho-  
magio, Magistrum & Ordinem suum, cum omnibus eisdem  
adhærentibus diffidauerat. Subditi præterea Ecclesiæ *Varmi-*  
*ensis*, nullâ prætensâ causâ, contra omnem honestatem, præfa-  
tum Dominum suum Episcopum, similiter homagio resignato  
diffiderant, *Braunsberg* & *Wormditt* consulatu, hoc fieri procu-  
rantibus. Et sic cum ad Dominium Ecclesiæ suæ redire non pos-  
set, coactus fuit in Castro *Marieburg* remanere, ibiq; cum Domi-  
no Magistro obsidionem passus est, à principio Quadragesi-  
mæ anno quo supra, usq; ad vigiliam Sancti *Matthæi* Apostoli,  
quia tunc rupta fuit obsidio Domino Rege & exercitu suo vali-  
do & magno, insuper in die Sancti *Lamberti*, (per Ducem *Ru-*  
*dolphum* de *Sagen*, cum gente paucissima comparatione alio-  
rum, in subsidium Magistri & Ordinis sui venientem) juxta Op-  
pidum *Konitz* in bello campestri deuictis.

Et est notandum, quòd Vafalli & communitates homagio  
resignato, omnia Ordinis Castra, Oppida & Dominia (duobus  
Castris videlicet *Marieburgo* & oppido adjacente, ac Castro  
*Sztum* duntaxat exceptis) line aliquâ resistantiâ, infra mensem  
obtinuerunt. Et quod omnes gentes minimè facere potuif-  
sent, ipsorum subditi, Deo permittente, fecerunt. Adeo enim  
Commendatores, ceterique in Castris præsidentes, ac Ordinis  
Fratres antea in pauperes ferocissimi, effæminati effecti sunt,  
vt Castra fortissima & inexpugnabilia, omnibus necessarijs opti-  
mè prouisa, sine aliqua impugnatione, spontè fugiendo dimit-  
terent, omnemq; salutis suæ spem, solius fugæ remedio com-  
mittebant. Et indubiè, relicto scripturæ testimonio, nemini hæ-  
sitandum est. hanc super ipsos plagam, Dei permissione venis-  
se, quia Ecclesias Possessionibus suis spoliantes, Clerum sup-  
presserunt, Episcopos Ecclesiarum suarum, abstracta bona repe-  
tentes, in corpore & bonis tyrannicè persequendo, in exilio  
miserè viuere coëgerunt. Diuina ergo pietas præfatos Fra-  
tres piè monuit, vt dignè se recognoscerent pœnitendo, ac cum

tempo-



tempore legis & Gratia, ac gentium plagatis adeo regibus, quam vindex sit Dominus super malos, misericorsq; super bonos, ac dignè poenitentes, meditentur. Castris omnibus, duobus seclufis, Oppidisq; ac Magistri, Ordiniq; sui Dominijs Vniuersis, per terræ incolas sic obtentis, ipsi Incolæ, Regem *Poloniae*, in suum Dominum receperunt, omnibus Magistri & Ordinis sui Dominijs, castris & oppidis eidem traditis & praesentatis. Quæ quidem Castra & Oppida vnâ cum Incolis Domini, Rex in suam ditionem recepit, non obstante quod pacem perpetuam, cum Magistro & Ordine suo, ac ipsorum subditis haberet, per Patrem & Fratrem suos *Poloniae* Reges, & se, tunc *Lithuaniae* Ducem, juratam & sigillatam, & iocundario, post suam in Regno Coronationem, regio sub nomine sigillatam & juratam, anno proximo ante Bellum. Ipsi quoq; Incolæ terræ *Prussiae*, ab homagio Magistro praestito, minime absoluti, nec feudis prout decuit resignatis, Regi iuramentum Fidelitatis, & homagium, tanquam verò suo Domino praestiterunt; vt Magistrum & Ordinem suum sic perpetuò excluderent à *Prussia*. Sed certè quantum miraculosa fuit Magistri & Ordinis sui humiliatio, seu Domini priuatio, tam miraculosa in multis pro eisdem Fratribus, in Terrarum suarum recuperatione, & hostium prostratione, Dominus operatus est; & signanter bello habito contra Regem ante *Konitz*, vbi quinque milia, vltra triginta milia armatorum, vnâ cum Rege, in fugam verterunt, & multa milia occiderunt, ac septemdecem Centena hominum captiuarunt. Et in alijs diuersis mirabilia operatus est Dominus, quæ longum foret specificare. Vtinam Magister & sui Fratres darent gloriam DEO victoriam tribuenti. Ab origine mundi nusquam grauiores ac longiores continuatiq; motus fuisse, in codicibus reperiuntur; in quibus multa milia hominum, & clade & gladio interierunt; quorum nondum posset humana ratio concipere finem, nisi Omnipotens misericordiarum Pater, pauperum deuictus gemitu, hanc terram cum Incolis paucissimis, adhuc in angustia reseruatis, velit oculis suæ immensæ pietatis, misericorditer intueri.

Anno Domini M. CD. L. V. circa festum Paschæ, iuit Dominus *Franciscus* Episcopus de Castro *Marieburg*, ad Ciuitatem *Vratislauensem*, vti dolorum cuspidi, opponens clypeum fortitudinis, intuitu fauoris Ordini impensi, exilium passus & vitâ functus est. Anno Domini M. CD. L. VII. die decimâ Mensis Iunij. Sepultus in Ecclesia Cathedrali in Capella retrò Chorum,

Prussii Regi  
Poloniae se  
sponte subuit.

Et homagium  
eidem præ-  
stant.

Clades ad Ko-  
nitz.

Belli Pruthenici  
diuturnitas.

Episcopus Vra-  
tislauiensis exulat.

Moritur ibi-  
dem.



cujus anima sit in sede refrigerij. Et est sciendum quòd ipse Dominus *Franciscus* Anno Domini M. CD. XL. I. mutuauit Episcopo & Capitulo Ecclesiæ *Vratislaviensis*, pro aliquib<sup>9</sup> Ecclesiæ suæ Possessionibus redimendis, florenos Vngaricales quatuor mille, de quorum parte, successiuè tunc solutâ, exilij sui tempore, expensas & necessitates suas sufferebat.

## Decimus tertius EPISCOPVS ÆNEAS SYLVIVS.

**B**ello sæuissimo in *Prussia* inualecente, Domino *Francisco* vitâ functo, Canonici Ecclesiæ *Varmiensis*, bellorum occasione dispersi, apud Ecclesiam præfatam, *Braunsbergensium* ordinatione, per *Bohemos* Domini Regis Milites incaltratam, capitulariter in vno loco debito, ad electionem celebrandam, conuenire non potuerunt; sed diuersis in locis diuersas electiones celebrârunt. Quatuor namq; Canonici, duo majoribus, & duo minorib<sup>9</sup> Præbendis præbèdati, *Glogouia* majori *Diœcesis Vratislaviensis* conueniētes, præmeditatione prouidâ, Reuerendissimum Dñum *Æneam Syluium* Cardinalem Tituli Sanctæ Sabinæ *Presbyterum*, in Episcopum *Varmiensis* Ecclesiæ postulârunt, ipsius sperantes adiutorio, Ecclesiam posse in suis calamitatibus reuelari.

Glogouia in  
Silesia à Ca-  
nonicis con-  
gregatis eligi-  
tur Æneas Syl-  
uius Cardi-  
nalis.

Dantisci Ca-  
nonici congre-  
gati Vice-Can-  
cellarium Re-  
gii Poloniæ e-  
legerunt.

Regiomonti  
Arnoldus Can-  
tor eligitur.

De tribus ele-  
ctis Papa Æ-  
neâ approbat.

Postea verò, aliquantulo temporis interuallo interiecto, Ecclesiæ Custos aliq; duo Canonici, medijs præbendis præbendati, *Dantisci* *Diœcesis Vladislaviensis* conuenientes, quendam *Iohannem Lurconis* Decanum Ecclesiæ *Gnesnensis*, Domini Regis *Poloniæ* Vice-Cancellarium, in Episcopum elegerunt.

Insuper Dominus *Arnoldus* de *Wenrade* ejusdem Ecclesiæ Cantor, adjunctis eidem quatuor Canonici majoribus, vno mediâ, & vno minori, præbendis præbendatis, in Capella Sancti Georgij, extra muros Ciuitatis *Koninsbergensis*, intra *Diœcesim* conuenientes, Dominum *Arnoldum* præfatum Cantorem in Episcopum elegerunt; Causisq; postulationis & electionis hujusmodi, ad sedem Apostolicâ deuolutis, Dñus Papa *Calixtus III.* præfatam Ecclesiam *Varmensem*, causæ cognitione præuiâ, prælibato *Reuerendissimo Patri Æneâ* Cardinali cômendauit. Qui morè Pastoris prouidi & fidelis, in sibi commisso onere sollicitus, vt Oues suas, quas abduxerat error in inuia, Deo lucrificeret, feruenter insudabat. Et in hoc efficiendo, non pepercit laboribus & expensis, ac sapissimè nuntijs & scriptis, Oues quæ perierant, vt

monita



monita sua reciperent, diligenter requisivit, quæ aures suas obturantes, vocem se vocantis audire temerè renuerunt. Nihil enimuerò Pater ipse *Reuerendissimus* de possessionibus adipisci, nec cuiuspiam obedientiam poterat obtinere, nisi Capituli maioris partis & sanioris. Optimo præfato *Reuerendissimo Præsule* ac Domino *Æneâ*, sic commissæ sibi solitudini incumbente, placuit omnium conditori, *Dominum Calixtum* Papam III. carnalibus vinculis absolutum, ab hac vita vocare. Electus itaque fuit in Papam, Prænominatus *Reuerendissimus Æneas*, Anno Domini M. CD. L. VIII. die decimâ nonâ Augusti, & coronatus die tertiâ Mensis Septembris, quæ fuit dies Dominica, in qua consuevit Dedicatio in Ecclesia Varmiensî celebrari, vocatusque est *Pius secundus*.

Non recipitur  
Vasallis.

Creatur Pon-  
tifex dictus  
Pius II.

## Decimus quartus EPISCOPVS PAVLVS de LE- GENDORFF.

**A**D summi Apostolatus culmen *Pius Papa* secundus euectus, sibi familiarem *Paulum Legendorff* in Prothonotarium creauit, cum antea esset literarum Apostolicarum scriptor. Eidem postea die Vigesiâ Mensis Septembris, Anno eodem M. CD. L. VIII. Ecclesiam ipsam *Varmiensem* ad Annum commendauit, adiiciens suæ fore voluntatis, quòd dicto Anno reuoluto, absq; alia prouisione, Ecclesiæ eiusdem titulo potiretur, super munere consecrationis differendo, primò ad biennium, secundò ad triennium, dicto biennio reuoluto secum dispensando. Qui Dominus *Paulus*, cum terra *Prussiae* adhuc esset turbatissima, motibusq; durissimis implicata, maximis curis, & oneribus se subiecit. Nihilominus per aliquos Ecclesiæ subditos requisitus, ipsum Domino Papa annuente, & committente, vt Ecclesiæ suæ Dominium accedens, ejusq; intendens commodò, se quouis modo non faceret in Bello partialem, ad terram *Prussiae* se transtulit, per *Polonia* Regnum iter suum dirigendo, obtinuit quoq; à Domino Rege licentiam, Ecclesiæ suæ Dominium ingrediendi, Domino Rege promittente, se Dominum *Paulum* electum, in terrarum suarum adeptione, velle gratiosè habere commendatum, & signanter in his Castris & oppidis, quæ suam fouerent partem, ipsumq; in obtentis defensare; eo tamen

Pius II. promittit de Ecclesiâ Varmiensî Paulo de Legendorff.

Paulus venit in Prussiam.

A Rege Poloniae admittitur sub conditionibus.



pacto, quòd Dominus electus præfatus, de ejisdem Castris & Oppidis, Domino Regi & suis, Ordinis intuitu, Bellum moueri non sineret, nec se contra Domini Papæ Commissionem faceret in Bello partialem: quod idem Dominus *Paulus* electus Domino Regi promisit, & inuiolatè seruauit. Non obstante quòd postea à Domini Regis Stipendiarijs, inæstimabilia damna in captione Oppidi *Wormditt*, & alijs diuersis locis illata fuissent, prout inferiùs detegetur.

Adit Possessionem Oppidi Wormditt.

Cumq; ipse Dominus Electus, Anno Domini M. CD. LX. Mense Maio Dominum Ecclesiæ suæ fuisset ingressus, statim Oppidi *Wormditt* possessionem est assequutus. Omnia enim alia Ecclesiæ Castra & Oppida, per Dominorum Regis & Magistri stipendiarios, erant occupata; videlicet, *Braunsbergum*, *Heilsbergum*, *Gutsladum* & *Scheburgum* per Domini Regis; *Kesselium* autem, *Wartenburgum* & *Bischoffsteinum*, per Domini Magistri Milites, occupata tenebantur. Erant enim Ecclesiæ Oppida, vnâ cum castris ejisdem adjacentibus, per Regis stipendiarios occupata, ejisdem per Vasallos & Communitates, confæderationi pro suo stipendio obligata.

A Magistro neutralitatem obtinet.

Habitâ *Wormditti* possessione Dominus Electus antefatus, ad Dominum Magistrum *Königsbergam* se transtulit, & obtinuit ab eodem, quòd juxta sanctissimi Domini Papæ commissionem; Ecclesiæ suæ incumbens commodis, neutri contendentium Parti præstans opem, Bellorum occasione dictorum, posset quietus remanere. Promisit etiam Dominus Magister, pro se & suis, dictum Dominum electum, subditosq; suos eidem obediētes, ac temporis successu, ad ejusdem obediētiā redeuntes, in nullo damnificare, sed pro posse, velle defensare, ore & manu stipulatâ, sub bona fide pacem pollicitando. Nunc ad ea quæ durantibus Bellis his ætatibus, confæderationis occasione suborta, quantum Ecclesiam tangunt *Varmiensem*, acta sunt, breuius quòd potero explicabo; Constat quippe Memoriam amicam fore breuitatem. Et primò gesta per subditos Ecclesiæ, compendio quodam hîc annotabo, ea quæ per Magistrum & Ordinis Fratres, ac etiam per Fæderatos, Ecclesiæ illata sunt, deinde subjungendo.

Capitulares edicunt ne subditi partiales essent.

Et primò sciendum est, quòd attendentes Viri prouidi Capituli seniores, ex incensis Vallallorum & Oppidanorum animis, terræ *Prussæ* magni dissidij seminarium suboriri, visibiliterq; timentes, ex semine malo, non posse nisi pessimum Bellorum fructum, & terræ destructionem peruenire, volentes consultè

præuisis



præuiſis periculis obuiare, Anno Domini M. CD. L. III. poſt Domini *Franciſci* Epifcopi ſui reſeſſum, à Menſe Iunio viq; ad initium Belli, vltra decem Vaſallis & Oppidanis Eccleſiæ ſubditis perſuadebant, in euentum prout veriliſimiliter timerent, ſi inter Magiſtrum & Ordinem ſubditosq; ſuos, ad Bellū contingeret deueniri, quòd in nullius omninò ſe partem flecterent, ſed neutrales & ſuſpicionē liberi, pro Mediatoribus vnā cum Capitulo ſe tunc offerent: quodq; tunc Eccleſiæ Caſtra, à nullo extraneo, per ipſius ſubditos teneri deberent. Quæ quidem conſuſio, fuit in omnibus conuentionibus ſingulariter innouata, & hinc inde ore & manu ſtipulatā, ſub fide & honore ſemper inuiolatē ſeruari promiſſa. Quibus tamen conſuſis & præmiſſis, immediatē Domino Magiſtro & Ordine ſuo diffidatis, & Bello ſuborto, Oppidorum *Braunsberg* & *Wormdiſt* Conſulatus & Ciues, & aliqui in *Heilsberg*, nonnulliq; Vaſalli, in fide claudicantes, inconſultē & perfidē contrauenerunt. Aliquos quibusdam minis, reliquos liniftris perſuaſionibus, ad eandem perfidiam induxerunt, Dominumq; ſuum Epifcopum diffidantes ac Ordinem perſequentes, promiſſaq; ſua temerē violantes, bello ſe immiſcuerunt, in dolendam & calamitoſam Domini Eccleſiæ, toriusq; Patriæ deſtructionem, cui quidem deſtructioni, ſeniorum Capituli vſi Conſilio, in ſuis promiſſis ſtabiles, cum magno comodo & honore, Omnipotentis ſuffulti præſidio, ſalubriter potuiſſent obuiſſe. Sed *obduratum fuit inſipiens cor eorum*, vt videntes ſibi imminens exitium, non viderent, & audientes intelligere nollent, ſalutis ſuæ conſultores. Quibus ſic actis Eccleſiæ ſubditi, inſaniā & furiā æſtuantes, hos qui plurima nefanda committere poſſent, meliores reputabant, fuitq; omni virtute & honeſtate rejeſtā, *libertas impune mala faciendi*. Vnde *Braunsbergenses*, nequiſſimi Armiductores; ſclerum, in malitia ſortiti ſunt principatum, conantes Dominae ſuæ Eccleſiæ *Varmienſi* ſubjeſtionis omninò à ſe excutere jugum, eāq; de cauſā Domino Regi homagium præſtiterunt. Ipſi in principio motuum, & ad ſtatim diffidatione factā, Eccleſiam & Canonicos ſæuiſſimē peſequuti ſunt, omnium coneluſorum & promiſſorum immemores. Quòdq; Canonici ſinceriſſimē ſemper & fauorose, quaſcunq; poterant obſequij vices, eiſdem in ante exhibuerunt, maiores & minores, quomodocunq; ipſos apud Eccleſiam reperiri contigiffet, inuitando & conuiuando, omniaq; humanitatis & fauoris obſequia exhibendo. Quorum omnium immemores & ingrati, in malitia obdurati, pro bonis mala, &

Subditi Eccleſiæ neutralitatem futuram ſanctē promittunt.

Braunsbergenses & Wormdiſtenses fidem datam non ſeruant.

Alios inducunt ad Epifcopū & Ordinem perſequendū.

Perditorum licentia creſcit.

Braunsbergenses primi, Iugum excutere conantur.

Regi ſe dedunt.

Canonicos perſequentur.

Beneficiorum immemores.



Ad spoliandum  
Ecclesiam Varm:  
plebem indu-  
cunt.

Sed primò Bal-  
gam spoliât &  
comburunt.

Bohemos Hæ-  
reticos intro-  
mittunt.

Ecclesiam Var-  
naen spoliât.

Canonicos ca-  
piunt.

Curias vastant  
& demolun-  
tur.

Castrum Epi-  
scopale destru-  
unt.

odium pro dilectione, reddebant. Quadam enim die consu-  
latus, dedit Communitati aliquot vasa cereuisiæ, vt ebrietatem  
furie superadderent, omnibusque sic furia & ebrietate repletis,  
ad faciendum insultum in Ecclesiam *Varmiensem*, Canonicosq;  
ac ipsorum Curias spoliandum, eosdem inducere satagebant; sed  
nondum venit hora hoc malum perpetrandi. Erumpebant e-  
nim velut bestie furiosæ, per aliam portam versus *Balgam*, il-  
ludq; Castrum, cum Consulatu ipsos tunc sequente, spoliârunt,  
& spoliatum cremandum igni tradiderunt. Consulatus deniq;  
omnem diligentiam faciebat, ad persecutionem Ecclesiæ, &  
Canonicis procurandam, adeò vt nullus Canonicus, aut ipso-  
rum familiaris *Braunsbergam* securè posset ire. Ita demùm tot  
& tantas displicentias *Braunsbergenses* ipsi, Canonicis inferebant,  
& inferri ab alijs ordinabant, vt Canonici pro maiori parte, ab  
Ecclesia recedere cogerentur.

Intromiserunt etiam ipsi *Bohemos* Hæreticâ perfidiâ plenos,  
Regis stipendiarios in numero magno, Anno Domini M. CD.  
L. V. in Vigilia Visitationis Beatæ *MARIÆ* Virginis, quorum  
quidem *Ioannes Schafski* erat Capitaneus, in plenissimum perfidiæ  
sue argumentum, de quibus miserunt, eâ intentione, vt Eccle-  
sia esse desineret, ad eandem incastrandam *Bohemos* quinqu-  
aginta pedites, in Hæreticâ labe non minimos. Quorum Capi-  
taneo vnum Canonicum, maiori præbendâ præbendatum, ma-  
joribus suis conformem, nomine *Christophorum* de *Zegenberg*  
adjunxerunt, residuos verò Canonicos adhuc penes Ecclesiam  
existentes, captiuari postea disposuerunt, captiuatiq; sunt tres  
per *Gedanenses*, secumque abducti, duo euaserunt, in *Heiligebeil*  
per deuia fugiendo. Ita demùm valide fuit Ecclesia ipsa inca-  
strata, vt postquam *Bohemi* nutu *DEI* expulsi fuissent, ipsi ex-  
puli, qui se Ecclesiam occupantibus adjunxerunt, maxima da-  
mna & pressuras eisdem *Braunsbergensibus* inferrent, vt in quo  
peccauerunt, æquitatis iudicio punirentur.

Postquam Ecclesia Venerabilis, sic fuerat per *Braunsbergen-  
ses*, iniquitatis alumnos, in lupanarium, coquinarium & stabu-  
lum bestiarum, in locumque gemitûs, ac pauperum cruciatûs,  
ignominiosè redacta, Canonicis repulsis, iidem *Braunsbergen-  
ses* Curias Canonicales spoliauerunt, & demoliti sunt, Nemora  
Capituli inciderunt, ac redditus subleuarunt; omnem insuper  
quam valebant, iniquitatem exercuerunt, in perfidiæ suæ eui-  
dens testimonium, & memoriale sempiternum; Spoliauerunt  
etiam ipsi Castrum Episcopale, & murum altum cum turribus  
suis, versus oppidum, per *Prædecessores* suos constructum in  
emendam



emendum, demoliti sunt. Molendina etiam & Allodium *Cleynaw* spoliauerunt, eorundem Dominum ibi usurpando. Ipsi etiam miserunt *Bohemos* Regi seruientes, in Castrum *Heilsberg*, quos *Petrus Funcke*, iniquitate & perfidia plenus, in *Heilsberg* oppido Magister Ciuium, aliquibus Ecclesie Vassallis consentientibus, inuitis immò inscijs Ciuibus, in Castrum ipsum introduxit, in maximam Ecclesie destructionem. Qui *Bohemi* se augentes, fuerunt consequenter per Ciues in *Gutstadt* & si militer in *Scheburg* intromissi. In *Wormditt* Consulatus & Ciues, in sceleribus & perfidia, *Braunsbergensibus* satis fuerunt conformes, saeuissimi Persequutores Domini sui Episcopi, Canoncorumq; ac totius Clericalis status, effecti sunt. Ipsi intromiserunt quendam *Ioannem Golda* Hæreticum pessimum, Regis stipendiarium, cum Viris sexcentis, Qui quendam *Presbyterum Bohemum* Hæreticum, fecit iuxta morem suum publice sacramenta ministrare, ex quo & Ciues ipsi procul dubio non sunt effecti meliores. Eisdem tamen *Bohemi* recedentibus, alios intromittere voluerunt. Ipsi oppidum *Melsag* combusserunt, seque in Nemora & Villas Capituli intromiserunt, dicentes illa se gladio acquisiuisse. Coëgit insuper idem Consulatus, Plebanos in Villis adjacentibus, ad tributum soluendum, & agros suos excollendum, in hoc Pharaone nequiores, qui Leuiticam tributum, alijs oneratis, ab omni decreuit esse tributum & laboris, grauamine liberam & alienam. Ipsi etiam Castrum Episcopale, & Molendinum spoliauerunt, damna etiam maxima in Oppido *Melsag*, & territorio ejusdem, Capitulo intulerunt.

In *Heilsberg* erant Ciuibus bonis, pessimi intermixti, & qui plurima bona ab Episcopali sede receperat, ibi & alibi, ipsam seuerius sunt persecuti. Vincebant in principio, Mali Bonos, donec aliquos de malis, e medio sustulissent, tuncq; est data facultas bonis, Dominum suum repetendi, vt inferius patebit.

In *Gutstadt* in principio Belli, pauci erant boni, ipsi Allodium *Schmolein* Domini sui Episcopi optimè ædificatum, spoliatum primò, funditus demoliti sunt; In *Scheburg* & *Bischoffstein* ciues quamuis parum erant reputati, tamen in malitia non erant minimi et si ipsos defecit facultas, non defuit voluntas, mala plura faciendi.

In *Ressel* Consulatus & Ciues, quasi omnes erant stabiles & fideles, Domini sui intimè affectantes, de cuius etiam redditibus seu luribus, nil omninò contingere voluerunt, nec sunt Ordinis Fratres persecuti. In *Wartemberg* Ciues duobus aut tribus ex-

Molendini & Allodium ibi usurpant.

Bohemi Heilsbergam intromittunt.

Gutstadium quoq; & Scheburgum.

Wormdittenses imitantur Braunsbergenses in perfidia.

Hæretici Hussitam admittunt.

Melsag comburunt.

Plebanis tributum imponunt.

Castrum spoliatur & Molendinum.

Heilsbergenses itidè faciunt.

Gutstadenenses vastant Prædia.

Scheburgenses & Bischoffsteinenses malitiosi.

Resselenenses Fideles.

Wartembergenses Episcopi Persequutores.



Melfagenses Ci-  
ues Fideles.

Rustici pessimi.

Allensteinenses resipuerunt.

Wartember-  
gensis Eccle-  
sia & Capitu-  
lo infensi.

Vasalli ferè om-  
nes Domi-  
nio rebelles.

Ioannes de Ro-  
gettel cū Fra-  
tre & Nepoti-  
bus Episcopo  
aduersi.

Iacobus de  
Bayßen simili-  
ter.

Iacobus de Go-  
dawten & Fa-  
bianus de Wu-  
sen itidem.

Balthasar de  
Schaybot per-  
fidus.

Ioannes de  
Luto & Mar-

ceptis omnes alij erant pessimi, Domini sui Persecutores, tra-  
ditores, iniusti, dolentes aliquos in malitia se præcedere. In  
*Melfag* Consulatus & Ciues, fuerunt Dominorum suorum fidelis-  
simi zelatores, & promptissimi seruitores, vbi nullus sinistra su-  
spicionis repertus est. Sed Rustici ejusdem Territorij erant pes-  
simi, juxta antiquam suam perfidiam, seruitia condicta facere  
recusantes. In *Allenstein* Consulatus & Ciues, fuerunt in prin-  
cipio Motuum communiter malitiâ infecti, & furia pleni; Ipsi  
enim *Balthasari* de *Schaybot* Militi, Capituli Vasallo clauis Ca-  
stri *Allenstein*, ab Administratore Capituli sibi tradi postulârunt,  
& propriâ temeritate, pontem Castri posteriorem funditus de-  
posuerunt, & pro demolitione Castri institerunt. Sed expleto  
ipsius furia cursu, ad animum reuersi, satis fideliter se erga Ca-  
pitulum gesserunt. noluerunt enim quouis modo, à subjectione  
Capituli alienari, quâ ex re, *Bobemos* quinquaginta, Regis ser-  
uitores, per fæderatos ad occupandum Castrum missos, nullo  
modo admittere voluerunt, & quasi omnes fideles remanserunt.  
In *Wartemberg* Ciues quamuis sæpius non forent circumdati, ni-  
hilominus à *Braunsbergensibus* infecti, erant pessimi, paucis ex-  
clusis, totis enim conatibus instabant, vt Curias Canonicales &  
Ecclesiam possent spoliare. Animum habuerunt pessimum, sed  
facultas explendi ipsis in principio defuit, quam tamen, cum  
pauco commodo postea assequuti sunt. De Vasallis Ecclesiæ  
in communi, quæ libenter bona traderem non inuenio, quasi  
enim omnes in dictis, quibus supra, conclusa & prouisa, hono-  
ris immemores, contra omnem honestatem Dominum suum E-  
piscopum diffidentes, temerè & perfidè violârunt, & quasi omnes  
fidelitate neglectâ, per erroris deuia abierunt. Inter quos ta-  
men *Ioannes* de *Rogettel* cum Henrico Fratre suo, vnâ cum Ne-  
potibus suis, *Christiano* & *Bartholomæo* Fratribus de *Wergel*, per-  
fidi & durissimi, Domini Episcopi & Ecclesiæ persecutores esse-  
cti, contra conclusa, primò venientes cum *Iacobo* de *Bayßen* mili-  
te, Dominum suum Episcopum diffidentes, pro alienatione Ca-  
stri *Heilsberg* institerunt. *Iacobus* de *Godawten* & *Fabianus* de  
*Wusen*, de territorio *Melfag* pro Rege militantes, Viri perfidis-  
simi & scelerati, grauiissimi Ecclesiam Episcopum, Canonico &  
omnem clerum prolequuti sunt. *Balthasar* de *Schaybot* miles  
de territorio *Allenstein* perfidiâ plenus, omnes ejusdem territo-  
rij Vasallos ac Ciues sibi alliciens, seque constituens Capitane-  
um, ipsos contra Capitulum in contumaciam induxit & confor-  
tauit in eadem. *Ioannes* de *Lauto* & *Martinus* de *Lusygen* jux-

ta *Ressel*



tà *Ressel*, in fide & constantia firmiter perstiterunt, residui verò paucis seclusis, honoris prodigi, non eâ quâ decuit diligentia, pro suo honore & fidelitate decertabant, sed aut mali erant, aut cum malis ponebant suam portionem.

tinus de Lufy-  
gen fideles.

Nunc ad ea, quæ ab alijs Ecclesiæ illata sunt, me conuertam; Et sciat quiuis, quòd non obstante, quòd Canonici Ecclesiæ *Varmiensis*, ante diffidationem Magistro & Ordini factam, semper erant eidem seruire parati, ac post diffidationem aliquos Ordinis Fratres, in domibus suis occultabant, literas & Nuntios Domini Magistri, in Castro *Marieburg* obsessi, secretò promouebant. Nihilominus Frater *Henricus Rense* de *Plawen*, Commendator *Elbingensis*, & tunc Generalis Ordinis Capitaneus, Anno Domini M. CD. L. IV. die vndecimâ Mensis Decembris, cum exercitu suo, primùm post ruptam obsidionem Castri *Marieburg* exiens, Dominium Capituli inuasit, villas aliquas spoliando, Ciuitatem etiam *Varmiensem* spoliata, ciuibus aliquibus interfecit, paucis domunculis remanentibus, totam concremando; Curias etiam Canonicales spoliavit, Canonicis vltra triginta bonos equos auferendo; ac aliquibus Curijs Canonicalibus incensis, minabatur se omnes velle curias concremare, nisi pecuniâ redimerent, pro quarum redemptione, extorsit ipse commendator à Capitulo Marcas, centum viginti bonæ monetæ Pruthenicalis, & duas tunnas salis. Mala fuit, per Dominum Episcopum adhuc tunc, Ordinis intuitu, exulantem, & Canonicos, Magistro & Ordini impensè seruitij, gratitudo relata. Præteriuit enim Ordinis oppida, quorum vnus Incolæ, videlicet *Hollandt*, in proprio corpore persequendo, castro suo expulsum, positus insidijs, ipsum interficere conabantur. *Elbing* verò *Morung* & *Tolckemit* incolæ castra sua spoliando, & ad humum prosternendo, multos Ordinis sui fratres occiderunt. Et illis nihil tunc mali intulit, quia ad Ecclesiam *Varmiensem* non spectabant.

Capitulū Ma-  
gistro & Ordini fauet,

Malè illi refer-  
tur gratia,

Varmiā spoli-  
at & incēdit.

Curias item  
aliquot Cano-  
nicorum.

Reliquæ præ-  
tio redemptæ,

Oppidis sui  
Ordinis parit  
ab eis malè  
acceptus.

Anno Domini M. CD. LV. Feriâ tertiâ Paschæ, Commendator præfatus, cum suo Exercitu, à Castro *Marieburg* descendens versùs *Konigsberg*, Seruitij per Dominum *Franciscum* Ordini suo impensè immemor, exussit funditus Oppidum nouum *Braunsberg*, Ordinis sui Oppidis iterùm parcendo. Capitulum tamen Ordinis suppressioni sincerissimè compatiendo, perpessis damnis & injuriâ non fractum, ordinauit Incolis & Ciuibus Oppidi Capitularis *Melsag*, intromitti pro terrarum suarum recuperatione, debere Ordinis fratres, per præfatum Commen-

Nouum Oppi-  
dū Braunsberg  
exurit,

Capitulum ad-  
mittit Fratres  
in Melsag,



Quorū negli-  
gentiā Ciues  
Wormdit; exu-  
runt Meisag.

Canonicos  
præfentes in  
carcerant.

Melfacenſem  
diſtrictum Or-  
do ſibi uſurpat.

Melfacum de-  
nup locatur.

Capitulū ſpe-  
reducendi Epi-  
ſcopi, Cruciſe-  
ros admittit in  
Allenſtein.

datorem cum armigeris, illuc miſſos, ſperans ipſorum adiuto-  
rio, Dominum *Franciſcum* Episcopum ad Eccleſiæ ſuæ Domini-  
um reduci poſſe; quod etiam factum fuiſſet, ſi Commendator  
ipſe & Frater ad hoc fideliter intendiſſent. Præmiſſi Fratres Or-  
dinis & Armigeri, in Oppidum *Melfag* immiſſi, nimis deſides, in  
cauſa fuerunt, ut Oppidum ipſum per Ordinis inimicos & Ciues  
*Wormditteneſes* combureretur, ubi Capitulum & Canonici etiam  
ſingulariter, maxima damna ſuſtinuerunt. Ac Dominus *Arnol-  
dus* de *Wenrade*, Eccleſiæ Cantor & Canonicus, per Capitulum il-  
luc miſſus, multiq; alij preſbyteri captiuati, & incarcerati, exa-  
ctionati, ac mirabiliter & miſerabiliter pertracti ſunt. Diſto  
oppido ſic exuſto & deſerto, Commendator præfatus, ac Ordi-  
nis ſui Fratres & Armigeri, in Oppido *Heilsgebeil* commorantes,  
ſe de omnibus Villis, molendinis, & Poſſeſſionibus vniuerſis, ter-  
ritorij *Melfag* intromiſerunt, inter ſe diuidentes eaſdem, cen-  
ſus & obuentiones ſingulas percipiendo, ac à ruſticis maximam  
frumenti & pecuniæ ſummam extorquendo, nihilq; Canonicis  
aſſignabant. Stetitq; deſertum Oppidum præfatum uſque ad  
Annum Domini M. CD. LVII. tunc enim in profeſto Sancti  
Laurentij, munitionibus reformatis denuò locatum, & impoſi-  
tis Ordinis Fratribus & armigeris eſt munitū, Magiſtro & Com-  
mendatore hoc fieri ordinantibus. Ipſi quoq; Ordinis Fratres  
& Armigeri, Magiſtro & Commendatore permittentibus, quin  
immò ita fieri ordinantibus, vniuerſos cenſus & obuentiones  
ſibi uſurpantes, Canonicis ſapiffimè iſtantibus, de proprijs eo-  
rum redditibus, quaſi nihil fecerunt aſſignari. Ecce qualis ſit  
gratitudinis viciffitudo.

Item Anno Domini M. CD. LV in die Diuiſionis Apoſto-  
lorum, Canonici Eccleſiæ præfatæ, præmiſſis omnibus non ob-  
ſtantibus, adhuc Magiſtri & Ordinis Compatientes ſuppreſſioni,  
Magiſtro dicto & Comendatore iſtantibus, prece Vigili, ut in  
Caſtrum & Oppidum Capituli *Allenſtein*, aliqui Ordinis ſui Fra-  
tres, pro Domini ſui recuperatione intromitterentur, multis ar-  
ticulis & compactatis in antea, per Dominos eoſdem Magiſtrum  
& Commendatorem ſigillatis, inter cætera continentibus, ſe ad  
hoc totis velle iſtare Viribus, ut Dominum *Franciſcum* Epiſco-  
pum, in Caſtrum *Allenſtein*, ac conſequenter in Eccleſiæ ſuæ Do-  
minium, reducere vellent, utq; Ordinis Fratres, ſuis cum Arm-  
igeris, illuc intromiſſi, de proprijs viuere, ac in nullo de iuribus  
& redditibus Capituli, intromittere ſe deberent, ſed illa pro poſ-  
ſe deſenſare; quodq; ad omnem Canonicoꝝ requiſitionem,

pacificè



pacificè absq; quauis contradictione, à Castro & Oppido præfatis recedere tenerentur. Quibus & alijs diuersis compactatis, per Dominum Magistrum & Commendatorem *Elbingensem*, sæpius nominatum Sigillatis, & per eosdem, vnâ cum Intromissis, sub Fide & Honore, & Ore & Manu stipulatâ illibatè seruare promissis, per Dominum *Arnoldum Rattelen* Præpositum, *Ioannem Platsuig*, Decretorum Doctorem, Decanum, & Canonicos *Arnoldum Clinger*, *Nicolaum Vethenn* Decretorum Doctores, in Castro *Allenstein* illo tempore residentes, fuerunt intromissi, Frater *Viribus Kinsberger*, Aduocatus de *Soldan*, & plures alij, dicti Ordinis Fratres; quibus omnibus fratribus, cum ipsorum familia, in castro fuit sufficiens, per præfatos Dominos de Capitulo, prouisio facta. Qui quidem Ordinis Fratres prænominati; Imagines Luciferianæ prauitatis in malitiâ obstinati, de omnibus beneficijs ingratissimi, spiritu se nequam instigante, omni rejectâ honestate; Anno Domini M. CD. L. VI. in die S. Thomæ Cantuariensis, traditoriè, impiè, & iniquè, Præfatos duos, Præpositum, Decanum & Canonicos, duos Vicarios & Presbyteros tunc in eodem Castro existentes, vnâ cum ipsorum Familiaribus, captiuârunt, incarcerârunt, & multimodè in ipsorum necem machinantes, eosdem omnibus suis bonis, totâq; substantiâ spoliatos, vnâ cum infami Caltri detentione, ad manus *Georgij de Sliffen* Capitanei, & Cohortis suæ Armigerorum, Ordinis Militum, qui cum illis fuerant intromissi, quiq; omnia & singula supra memorata Compactata, Ore & Manu stipulatâ, seruare promiserant, & præmissas traditionem & captiuitatem sollicitârunt, tradiderunt; Absq; hoc, quod vnquam aliquam causam, cur hæc fecissent, prætereundum potuissent. Sed asseriebant dicti Ordinis Fratres traditores, se hoc fecisse, ex Domini Magistri commissione: quod & verum fuisse clarè compertum est: nam id ex propria Domini Magistri claruit confessione. Qui *Georgius* Capitaneus, suis cum Armigeris, & præfatis Ordinis Fratribus traditoribus, ipsos Præpositum, Decanum, Canonicos, & Presbyteros, diebus multis in captiuitate detentos tandem nudos & vacuos relegauit; Castrum & Oppidum, attinensq; Territorium, cum omni fructu, Annis quinque & diebus quatuor, tyrannicè occupando.

Legat quiuis & relegat, si vnquam pro beneficijs tantis, talis & tam subita, & iniqua reperiatur retributio facta. Vbi fidem quis requireret, si à Fratribus his, in extremâ sui angustia, tam benignissimè recollectis, humaniter pertractatis, & in omnibus

Per Canonicos & Præfatos conditionibus datis, & per Cruciferos iuratis.

Cruciferi beneficij immemores.

Canonicos rapiunt & spoliant.

Magistri manâ dato.

Captos postea dimittunt rebus omnibus exutos.

Quinque annis Castrum retineat.



necessariis abundanter & optimè prouisis, ipsam legerim tam turpiter violatam? Damnificatum fuit Capitulum in ipso spolio, & personæ Capituli singulares, plusquam ad Decem millia florenorum de Camera. Erant enim in Castro ipso Achanes vulgo Lastæ, Saliginis XC. VII. Tritici VIII. Farinæ XII. Hordei tosti Mensuræ VII.

Ordo Intro-  
mittitur in  
Wartemburg.

Anno Domini M. CD. LV. eodem videlicet, & die proximè sequenti, quo ipsis prænominatis iniquitatis Alumnis, in *Allenstein* pacificus patuit ingressus, Præposito, Decano, & Canonicis præfatis promouentibus, eisdem pactis, & promissionibus quibus in *Allenstein* etiam intromissi fuerunt, in Oppidum Domini Episcopi *Wartemburg* Ordinis Fratres & Milites, *Georgiusq; Lobel Silesita*, in Capitaneum præfectus est, bonâ fide singuli pollicitantes, omnem operam se daturus, vt Dominum *Franciscum* Episcopum ad Dominium suum reducere possent. Quod quidem Oppidum multis annis tenuerunt; omnes redditus & obuentiones, Pactis & Promissionibus temerè violatis, in vsus suos conuertentes, nullam vnquam operam, pro Domino Episcopo reducendo facientes; sed totum Ecclesiæ Dominium sæuissimè spoliârunt, in Fidei suæ lætionem.

Item in Oppi-  
dum & Castrum  
Ressel,

Anno eodem die IX. Mensis Augusti, Præposito, Decano, & Canonicis antedictis cooperantibus, sub spe Dominum suum Episcopum, ad Dominium suum reducendi, intromissi fuerunt in Castrum & Oppidum, Domini Episcopi *Ressel*, Ordinis Fratres & Milites, pro terris & Dominiis suis recuperandis, Domino Magistro & Commendatore *Elbingensi* instantibus, ac patentibus in antea literis, suis sub Sigillis promittentibus vt dicti Intromissi, se quouis modo de iuribus, Reditibus, seu obuentionibus Domini Episcopi intromittere non deberent; sed vsq; ad eiusdem Domini Episcopi redditum, quem infra mensem reducere promiserunt, Iurisdictio per Canonicos exerceri, ac redditus subleuari, ad vsuq; Domini Episcopi reseruari deberent; quodq; ipsi Intromissi, quandocunq; pro parte Domini forent requisiti, omni morâ & contradictione seclusis, ex Castro & Oppidis præfatis exire, & ipsi Dño Episcopo tradere & restituere; nullis vnquam damnis, expensis, ab Episcopo seu Ecclesiâ postulatis; cum non Ecclesiæ sed Ordinis intuitu, illuc forent intromissi. Et hæc omnia & singula Commendator *Elbingensis* præfens, & alii multi Cohortium Capitanei, vnâ cum Domino *Phanemberg* & aliis Militibus, qui omnes erant Australes, ac multis Ordinis Fratribus in ibi intromissis, sub Fide & Honore, Manu stipulatâ,

Intuitu solius  
boni Ordinis,  
Ordo admittit.



Decano *Varmiensi* tunc præsenti, Domini Episcopi, & Ecclesiæ nomine, firmiter obseruare promiserunt; sed in minimo non seruabant. Non enim Dominum Episcopum reduxerunt, quem reducere promiserunt, immò de ipsius regressu contenti non fuissent: nam reditus Domini Episcopi, & Molendinorum obuentiones subleuabant, Rusticos exactionabant, & magnam copiam frumenti in Castrò repositi, & singula ibidem reperta in suos vsus conuertebant. Tenueruntq; dictum Castrum & Oppidum, temerè occupata; vsque Anno Dñi M. CCC. LXII. Mensis Octobris, sapissimè requisitiones factæ, per Dominum *Paulum* ipsius Ecclesiæ Electum & Confirmatum, ac eius nomine coram Domino *Magistro*, & Commendatore præfatis, super suis literis & Sigillis, seruandisq; suis promissionibus, in nullo profuerunt, euauitque Fides; sed debuit Dominus *Paulus* Electus & Confirmatus Ecclesiæ prædictæ, pro dictorum occupatorum egressu, remittere Marcas Mille septingentas, leuis moneta, in quibus fuerunt Ciuibus obligati: Literis & Sigillis, Sponsionibusq; sub Fide & Honore præmissis, minimè suffragantibus. Iphis etiam Occupatoribus, de omnibus perceptis, ac damnis illatis, per Literas Domini Electi, & Capituli penitus plenè quietatis. Et sic cum labore magno ac expensis non modicis, Oppidi & Castri turpiter spoliati obtinuit Possessionem.

Reffel à Paulo recuperatur.

Crucigeri Vsdit Marieburg & alia Castra.

Anno Domini M. CD. L. VI. In principio Mensis Septembris, Magister & Ordinis sui Stipendiarii, ad Castra & Oppida quædam tuitionis causa recepti, Castrum *Marieburg* & alia certa Castra & Oppida eisdem sic commissa, *Regi Poloniae* & Confæderatis Venalia exhibentes, de certa pecuniæ summa, cum eisdem conuenerunt; Commendator quoque *Elbingensis* Frater *Henricus* de *Plawen*, fingens Castra & Oppida eadem, per stipendii solutionem se redimere velle, magnam pecuniam, Auriq; simul & Argenti summam mutuò & exactione comportauit, cui Canonici Ecclesiæ *Varmien:* pro compassionis affectu, reciprocum fauorem sperantes assequi, sollicitarunt de Ecclesijs Parochialibus Diocesis suæ, calicibus & clenodijs, mutui nomine, fieri subuentionem, pro præfatorum Castrorum & Oppidorum redemptione; Ipsi; Canonici, quamuis omnibus bonis suis, per Ordinis Fratres & Milites forent spoliati, nihilominus de aliquibus Ecclesiæ reliquijs, argento, fulcitis, & in *Konigsberg* reseruat, Commendatori præfato, Ordinis sui nomine, Marcas argenti puri XLI. mutuârunt. Ciues præterea & Incolæ Oppidi *Allenstein* eidem mutuârunt Argenti Marcas CLXX. IV. Item in

Canonici pro redemptione dictorum, illis subueniunt,

Argento Ecclesiarum distracto.

Allensteinenses etiam,



monetâ nouâ bonâ *Pruthenicali* *Marcas* VI. scotos XXI. In quibus adhuc Magister, Commendator & Ordinis Fratres antedicti, Capitulo Ecclesijs Parochialibus, ac dictis Ciuibus remanent obligati.

Magister &  
Commendato-  
res promissa  
seruare nolunt  
Capitulo.

Litigatur cum  
spoliatoribus  
annis quatuor.

Per tractatus  
tandem resti-  
tuitur Capitu-  
lo Allenstein.

Magistro da-  
mna refunde-  
re promitten-  
te.

Item post commissum in *Allenstein*, per Ordinis Fratres & Milites tradimentum, & postquam Domini, Præpositus, Decanus, & Canonici de carceribus dimissi fuissent, Dominus Magister, & Commendator memoratus, vt per ipsos, literis & Sigillis, firmata Pacta & Promissa seruarent, iniquissimasq; Rerum & Castri spoliationem, ac Personarum inde relegationem, prout suum diligerent honorem, emendarent; fueruntque per eosdem, cum multimodâ & debitâ instantiâ, cum subsidiorum & seruitiorum factorum commemoratione, sapissimè requisiti, sed præmissis omnibus minimè suffragantibus, caruerunt abstractis, nec fuit talis, qualem honestas exigebat, per Dominum *Magistrum* & Commendatorem diligentia facta, quin inmodò comperitum est euidenter, ipsos restitutioni præfatæ restitisse. Vnde *Iohannes* Decanus & Canonicus Ecclesiæ præfatæ *Varmien*, vnus de Captiuis & Spoliatis contra *Vilhelmum* de *Helffenstein* Commendatorem de *Grudentz*, *Vlricum* *Kinsberger* Aduocatum de *Soldan*, principales traditores, & reliquos dicti Ordinis Fratres, & *Georgium* de *Sliffen* Capitaneum, Cohortisq; suæ milites dicti tradimenti, captiuationis & spoliationis participes, Causâ, Apostolicæ Sedis Auctoritate, Domino Episcopo *Cammen*, commissâ, annis quasi quatuor litigando, ac coram diuersis Principibus Electoribus alijsq; quærulando, ipsos etiam Traditores, suis cum participibus omnibus & singulis, Censuris Ecclesiasticis innodatos, interdictos & maledictos, in diuersis *Germania* locis, & Principum Curijs denunciari faciendo, expensis, fecit & obtinuit, vt ipsi Traditores concordia medio per Capitulum inito, Castrum ipsum vacuum, & turpiter spoliatum, de omni iniuriâ, transgressionem, & damnis illatis, in antea plenè quietati, Capitulo restituerent. Anno Domini M. CD. LXI. die primâ Ianuarij, Domino Magistro, Commendatore *Elbingense*, cum certis alijs Commendatoribus, & Ordinis Fratribus, solenni manuum stipulatione, bonâ fide promittentibus, Capitulum & personas Capituli singulares, in dicto spolio damnificatas, plenius velle contentare, patentes quoq; literas sigillatas de super se concedere asserentibus, quas tamen sapius requisiti, non absq; graui doli suspicionem, tradere distulerunt sed nec tradiderunt. Præfato Castro *Allenstein* vacuo, & Oppido recuperatis, totoque attinenti

Territo-



Territorio, tyrannide dictorum Traditorum, exhausto, ac hominibus Incolis Vacuato, nihilominus Canonici præfati, ad se in dictum Castrum quendam Ordinis Fratrem, nomine *Helfferich de Sebolt*, Commendatorem de *Ragnite* receperunt, eidemq; de paupertate sua, prouisionem faciendo, sperantes se exinde, Magistri & Ordinis Fratrum Protectionem, & maiorem promereri fauorem, cuius tamen contrarium detexit euentus: nam quamuis idem *Helfferich* probus foret reputatus, nihilominus auaritiâ inflammatus pauperum exactiõibus nimis intendebat, ac valdè rapinis inferuiens, diuersas dictis Canonicis Capituliq; subditis, persecutiones, & grauissima damna inferri, per spolia sua procurabat, & ad omnia profutura omninò inutilis, solius afflictionis fuit occasio. Sed abyssum animi metiri, non est hominis, nisi verò prodeat in lucem sine factò. Conferens beneficia obsequiaq; singula, per Ecclesiam *Varmiensem*, Ordini in extremâ angustia suâ, impensa, qualis modo fuerit recompensatio facta, liquidè deprehendet. Etsi obsequium Amicos pariat, tam inscrutabiles tamen ac profundæ sunt, ipsorum Fratrum Ordinis pectorum cauernæ, tamq; Venenosi & inhumani ipsorum animi, vt nullam pio affectui vicem reddere sciant; quòd nec belluis quidem nisi atrocissimis accidit. Exasperantur obsequio, & si credi potest, amore ad odium irritantur, quod periculosissimum est, & inter vitæ mala, grauissimum humana simplicitas experitur.

Iterum Canonici admittunt Crucigeros Alensteinum.

Anno Domini M. CD. LX. Eodem videlicet anno, quo Dominus *Paulus* electus & confirmatus Episcopus, Ecclesiæ *Varmiensis* Dominium ingressus, *Oppidi Wormditt* possessionem habuit, in Oppidum *Heilsberg* se transtulit, ac per Ciues inibi, eâ quâ decuit reuerentiâ receptus, & in Curiam Parochialem introductus est. In omnibus quoq; ministerijs toto inibi suæ tempore residentia, mensibus quinque, honesta sibi exitit prouisio facta, ultra hoc, pulchris eundem donatiuis honorârunt; homagium ac honorem debitum eidem facientes, eumq; cum Militibus Domini Regis, qui Castrum *Heilsberg*, eisdem per Vasallos & Communitates Confæderationis, pro suo stipendio obligatum occupabant, super eiusdem dimissione foret in tractatu; Milites quidam tam de Regis parte, quàm Magistri, vnanimis in perfidiâ, in principio Mensis Septembris, noctis tempore, clam oppidum, *Wormditt* transcens muris, intrando, propter incautam & remissam Ciuium custodiam, id vincentes occupabant. In quo Dominus electus præfatus, in Auro, Argento, Clenodijsq; ac

Episcopus Paulus in Heilsberg receptus.

Tractat de restitutione artibus.

Interi Wormdittum occupatur a Regis & fratribus Ordinis.



Ciuium negli-  
gentiâ.

Qui bonis o-  
mnibus spolia-  
ti eijciuntur.

Gutstatenses  
Regio milite  
pulso.

Episcopum re-  
cipiunt.

Qui Oppidum  
Scheburg Va-  
fallorum ope  
obsidet.

Capitulo quo-  
que iunante.

vestibus plusquam in tribus millibus florenorum, de Came-  
ra, sustinuit damna. Erant namq; Ciues ipsi in culpa latissima, ex  
nimiâ enim superbiâ, & fatuâ præsumptione, Domini sui Electi,  
ipsis super his auisamenta in antea facta, temerè spreuerunt, ni-  
miùm de suâ arrogantia præsumentes. Oppido sic obtento,  
Ciues bonis omnibus spoliati, nudi & vacui fugerunt, meritam-  
que præsumptionis luunt pœnam, quia nec se prout decuit, er-  
ga Dominum suum Electum, in eiusdem susceptione, & prouisio-  
ne, facienda exhibuerunt. Et sic quod honori detraxerunt, tur-  
pitudini celsit, Omnipotentis DEI permissione.

His sic actis, dum ipse Dominus Electus, cum Castrum *Heils-  
berg* occupantibus, super eiusdem dimissione, staret in tractatu,  
Ciues Oppidi *Gutstadt*, nutu Diuinæ pietatis, Regis Milites, qui  
oppidum ipsum occupauerant, Capitaneo eorum, *Refsko* nomi-  
ne, tunc apud eundem Regem constituto, residuos omnes virili-  
ter expulerunt: ac pro Domino Electo mittentes, venienti q; in-  
tromisso, solenniter homagij & Fidelitatis præstiterunt iuramen-  
tum Anno Domini M. CD. LXI. ipsiusq; luctum consolator O-  
ptimus Deus, in gaudium conuertit. De Militum enim expul-  
sorum relictis, in Equis, Armis, clenodijs, vestibus, ac Victuali-  
bus, bonam satis reperit prouisionem, in consolationem non  
modicam sui & suorum. Paucis postea diebus reuolutis *Refske*  
expulсорum Capitaneus, à Rege rediens, cum aliquibus de suis  
sic exclusis, ad Castrum & Oppidum *Scheburg*, quod tunc etiam  
Milites Regis occupabant se transferens, præfatum Dominum  
Electum & suos statim diffidauit. Ipse quoq; Dominus Electus,  
assumptis Ecclesiæ subditis, *Heilsberg* videlicet *Ressel*, *Gutstat*,  
*Vartemburg*, & *Bischoffstein*, Sculterisque Villarum aliquibus, ac  
paucis Vafallis Ecclesiæ eidem adhærentibus, in *Scheburg* vadens,  
fuit per Ciues in Oppidum intromissus, eundem quoq; *Refske*  
cum suis satellitibus, in dictum castrum ex Oppido fugientibus,  
potenter obsedit, septimanis viginti tribus; in quâ quidem ob-  
sidione, Capitulum vnâ cum Ciuibus Oppidi *Allenstein*, Domino  
Electo memorato, magnam assistentiam faciebat, vltra marcas  
centum, bonæ monetæ exponendo. Quâ quidem durante ob-  
sidione, cum militibus Castrum *Heilsberg* occupantibus, tali fi-  
ne conclusit, vt eisdem decem millibus florenis vngaricalibus,  
in auro, argento & monetâ Pruthenicali persolutis, idem Ca-  
strum cum suis attinentijs, Domino Electo spontè traderent, ac  
dimitterent recedendo; summâq; comportatâ, juxta præmissam  
conventionem, & solutâ, dicti Castri obtinuit Possessionem An-



no Domini M. CD. LXI. die verò penultimâ mensis Augusti, quam pecuniæ summam pro majori parte; Ecclesiæ subditorum, contributione, & mutuò, & de Parochialium Ecclesiarum Clenodijs, comportauit, pro residuo, Pontificalibus Ecclesiæ impignoratis; statimque post dicti Castri *Heilsberg* adeptam possessionem, in festo videlicet S. Michaëlis, obfessi in Castro *Scheburg* Milites de hoc certificati, præmissis tractatu & concluso, vt cum rebus suis liberè possent abire, Castrum ipsum præfato Domino Electo tradiderunt, ab inde recedentes.

Scheburgum  
per deijctionem  
recepit.

Anno Domini M. CD. LXI. die decimâ Mensis Septembris, in Oppido *Braunsberg*, Ciues quidam & Mechanici, pauci quidem numero, communiterq; Pauperes, plus DEI Omnipotentis ordinatione, quàm humanâ ratione, rusticis aliquibus de villis adjacentibus, in domibus suis, succelsiuè diebus præcedentibus, clam absconsis, iustitiæ zelo præcinctis, in *Bohemos* Regis Milites, qui dictum Oppidum vnâ cum Castro adjecenti, per intro-missionem & traditionem cuiusdam Ciuis, occupabant, animosè irruerunt, interfectis quibusdam, nonnullis transmuros salientibus, residuos numerò quasi centum captiuarunt, dictorum Militum Capitaneo *Ioanne Schalski*, tunc apud Regem existente; Quibusdam etiam de Consulatu, qui parti fauebant *Bohemorum* domus suas pro carcere deputantes, eisdemq; mandantes sub poenâ Capitis, ne illas quouis modo egrederentur. Mitrentes insuper pro Domino Electo, venientem in octauâ Natiuitatis B. M. V. introducentes, ac solenniter Homagij & Fidelitatis, præstito eidem juramento, omnes præfatos captiuos, necnon, Equos, Arma, Vestes, Resq; diuersas, eorundem Capitanei & captiuorum, ipsi Domino Electo tradiderunt; habuitq; equos bonos vltra centum, Armaq; Vestes, & aliàs res pretiosas, æstimationis non modicæ, absq; rebus non vilioribus clam per Ciues retentis. Aliquos etiam de Consulatu, communi populo plus exosos, ac in eorundem *Bohemorum* intromissione plus culpabiles, Dominus Electus inde relegauit. Postea verò Domino Electo inibi adhuc manente, turbataq; & effrenatas Ciuium mentes, ad limites reducere rationis, Oppidiq; regimen stabilire cupiente, *Ioannes Schalski*, Expulsum ac Captiuorum Capitaneus, qui Oppidum ipsum, quorundam Ciuium adhærentiâ, hæreditario jure cogitabat occupare, de suâ spe frustratum, ac de suorum dolens captiuitate, coadunatis sibi quibusdam Militibus, de parte Regis numerò sexcentis oppidum ipsum, noctis

Braunsbergen-  
ses Mechanici,  
Bohemos Ci-  
uitate eiiciunt  
& captiuant.

Consulib<sup>9</sup> do-  
mum pro car-  
cere assignant.

Episcopum ad-  
uocât, ei Ciui-  
tatem cum Ar-  
ce tradunt, &  
homagium  
præstant.

Bohemorum  
bona eidem  
tradunt.

Episcopus Co-  
sules rebelles  
in exilium  
pellit.

Ioannes Schal-  
ski Braunsber-  
gam recupera-  
re nititur.



Noctu trecentis viris per muros immissis.

Sed profligantur à Ciuibus.

Multi interficiuntur.

Plures capiuntur.

Reliqui fugâ elapsi.

Comendator obsidet Castrum Morung.

Capituli auxilio illud recuperat.

Capitaneum hominem ingrattissimum præficit.

Qui Allenstein territorium vastat.

Totum se eversum minatur. Capitulo frustra intercedente.

Commendatorem frustra promittente.

tempore, furtiuè recuperare nitebatur, inque nocte B. Andreæ Apostoli, de mane, horâ quasi quartâ, propter incautam & remissam Ciuium Custodiam & Vigiliam, cum propter maximam ventorum turbinem, pluuiamq; continuam, tenebræ forent, nimix, dictus *Ioannes* cum Viris trecentis, muros clam transcendentes, pro maiori parte jam occupabat, multisq; militibus, intra Oppidum de muro jam dimissis, præsumebat se jam de victoriâ securum; sed non ita visum est Diuinæ pietati: nam ingenti tonitruu ictu, ciues excitati, validis Viribus, Manu Domini præcedente, in præfatos Milites maledictionis, animosè irruerunt, *Petrum Nossal* in *Wormditt* Capitaneum, hominem crudelissimum & iniquum, cum alijs viginti occidentes, vltra quinquaginta captiuarunt, residui verò non per scalas, sed per casus transfremos festinantes, euaserunt fugiendo. In quo quidem conflictu Diuinæ pietatis auxilium, meritis & intercessione B. Andreæ Apostoli apparuit euidenter. Non enim humana dicta fuit expulsio, sed Diuina.

Anno Domini M. CD. LXI. in Mense Augusto, Frater *Henricus* de *Plauen* Commendator *Elbingensis*, Castrum & Oppidum *Morung* obsedit, in quâ quidem obsidione, Canonici in Castro *Allenstein* tunc existentes, eidem non modicum in hominibus & pecunijs, ab ipsorum subditis contributis, succursum faciebant, tam diu vt Castrum & Oppidum ipsa, ab obtinentibus, per pacta dimissa obtinerent, quibus sic obtentis, præfecit ibidem in Capitaneum quendam *Extmannum* de *Kirchberg* assertum Comitem, Ordinis sui Fratrem, hominem iniquissimum, tyrannum, inhumanum; qui pro gratitudinis Vice, totum territorium *Allenstein*, quod fuerat reparatû, miserabiliter vastauit, fuitq; Capituli subditis crudelior, quàm aliquis vnquâ inimicus, & ad omnium Canonicoꝝ humilia scripta, nihil aliud respondere didicit, quàm se velle occidere, deprædari captiuare, & villas concremare, ita vt cum Scopis totum territorium *Allenstein* deberet comportari: quod vt dixit ita fecit. Post diuersa insuper scripta & quærelas Domino Magistro & Commendatori *Elbingensi* factas, nulla fuit dictis Pauperibus data securitas. Tandem ipse Commendator Anno Domini M. CD. LXII. feriâ quintâ post Dominicam *Lætare*, in Castro *Heilsberg*, inq; præsentia Domini Electi *Varmiensis*, promisit Decano Ecclesiæ Capituli nomine, ore & manu stipulatâ, sub bonâ Fide, se disponere velle, ne dictus suus Capitaneus, vltcrius Capituli subditos, quouis modo damnificare seu molestare deberet; & hoc etiam scripsit



die insequenti de *Morung* suo sub sigillo, prout promiserat ordinasse. Sed nihil omnino fuit de præmissis observatum: nam proximâ feriâ sextâ, post Dominicam Palmarum, spoliavit idem Capitaneus Villas Capituli quatuor, & vnam concremavit, in quibus Villis recepit Equos XXV. quia dicti pauperes plures non habebant. Scripserunt Canonici Commendatori & rescripserunt, eundem sapissimè super promissis suis requirentes, sed nullam dicti Pauperes restitutionem sunt assequuti, sed sine intermissione idem Capitaneus, Commendatore ipso in perfidiæ suæ testimonium minimè prohibente, villas Capituli concremavit & destruxit, pauperesq; spoliavit, ac inhumaniter pertractavit. Et dum Anno M. CD. LXII. in mense Septembri Capituli subditi; à præfato Capitaneo maledicto spoliati, cum Canonicorum literis, apud Commendatorem *Elbingensem* essent in *Morung*, & equos quibus fuerant spoliati, in Castro ipso, & in curribus Commendatoris repertos repetijssent; Commendator idem ipsis Pauperibus respondit, animo furioso, Etsi equi fuerunt vestri, nunc sunt mei; recedatis ab hinc in malâ horâ, Attendat quiuis, quàm fuerit hæc honesta responsio! immò iniquissima, attentis suis promissis, literisq; suo sub sigillo sigillatis! & quia iuxta tenorem suorum Privilegiorum, tenentur Fratres ipsi, Ecclesiam cum suis subditis, ab injurijs & violentijs defendere. Et quamvis sine intermissione dicti Pauperes, Capituli subditi territorij *Allenstein*, eiusdem Capitanei continuis depredationibus, & incendijs vexarentur, ipsiq; Canonici in Castro *Allenstein* existentes, Dño Magistro & Commendatori præfato scriberent vicibus iteratis, nunquam tamen fuit aliqua restitutio facta, nec aliqua data securitas, facta sed Verbo sufficiens, seu promissa, immò quantò plus scriberent, tantò peiora & crudeliora, idem Capitaneus diabolicus, pusillanimis & effæminatus nimis contra Ordinis sui Inimicos, dictis Capituli subditis, sine cuiusvis prohibitione, nequiter inferebat. Et Anno Domini M. CD. LXIII. In Vigilia Assumptionis Dei Genitricis Virginis gloriosæ, in Castro *Heilsberg*, ac in præsentia Domini Electi Ecclesiæ *Varmiensis*, dum Decanus Ecclesiæ præfatæ, cum Commendatore *Elbingen*: ibidem præsentem, super promissis & literis suis, per ipsius Capitaneum & Ordinis Fratrem, temerè eo dissimulante violentis, ac territorij *Allenstein*: tam crudeli Vastatione verba miscuisset, & Dominus Electus diceret, se multum admirari, quòd talem tyrannum pro Capitaneo sustineret; Respondit Commendator, quia multum benè scit Castro

Villas spoliavit & vnam concretulit.

Et alias plures postea,

Subditi spoliati, sua à Commendatore sibi reddi petunt.

Commendator inlunarie respondet.

Contra fidem datam & Privilegia Ordinis,

Canonici frustra intercedunt.

Decanus & ipse Episcopus apud Commendatorem instant.



Responsum  
indignum.

Commédator  
de nouo Inde-  
mitatem pro-  
mittit.

Sed horum  
nihil.

Territoriū Al-  
lenstein vāsta-  
tum,

Domino Epi-  
scopo in Gut-  
stadt.

Capitulo in  
Melsag, da-  
mna infert.

Magister cum  
auxilio Brauns-  
bergenſi ob-  
ſidet Eccleſiā  
Varmienſem.

Intentione  
peruerſa.

prouidere, Responsio sibi utilis, sed non honesta, ut locupletetur cum iacturā Pauperum, quos iniquus suis depradationibus cogit fame interire. Idem tunc etiam Commendator, sponſiones suas & promissa, in antea verbo & scriptis sapissimè factas, innouauit, firmiter promittens disponere velle, ne Capituli subditi, jam omninò destructi, plūs damnificari deberent. Sed nec istud, nec aliud vnquam Ecclesiæ à se promissum, curauit opere adimplere. Sed qui fregit fidem, facile redibit in idem: Nam nihilominus dictus suus Capitaneus, suam dictam exercet crudelitatem, spoliando Pauperes Capituli subditos occidendo, villasque comburendo; Et ut breuiter dicam, totum territorium *Allenstein* adeò destruxit & deuastauit, ut Anno Domini, M. CD. LIII. non possent Canonici, de eodem territorio habere de censibus, vltra quatuor marcas; nec adhuc eiusdem Capitanei furiae finis est: nam multa damna dictis Canonicis ingerit, quæ singula cum in dies fiant, enumerari non possunt; Fecit etiam idem Capitaneus maxima damna Domino Episcopo in Dominio suo, & signanter in *Gutſtad*, & Capitulo in territorio *Melsag*, uti multas bonas villas spoliavit & concremauit, & in dies adhuc suam tyrannidem exercet, sine cuiusquam prohibitione, Commendatore præfato dissimulante, seu verius ea fieri ordinante. Magister præterea sapius nuntiis & scriptis requisitus, nullam vnquam effectualement, pro emendatione, fecit diligentiam. Dura erunt hæc ad audiendum apud posteros, & ad credendum difficilia; sed pro dolor, nimis vera.

Anno Domini M. CD. LXII. In Mense Iulio, Dominus Magister cum Militibus suis, & Ordinis sui Fratribus, adiunctis eisdem aliquibus Ecclesiæ subditis, & signanter de *Braunsberg* Viris trecentis, Ecclesiam Cathedralem *Varmienſem*, in honorem Virginis *MARIÆ* consecratam, per *Bohemos* Regis milites, per *Braunsbergenses* inibi introductos, incastratam, in stabulum bestiarum, coquinariumq; ac lupanar ignominiosè redactam, potenter obsedit, eā (ut asseruit) præcipuā intentione, ut illam ab omni spurcitiā emundatam, cultui Diuino restituerent; Quam quidem Ecclesiam, Diuinā suffragante pietate, interuentu Virginis gloriosæ, Patronæ Ecclesiæ memoratæ, leniter obtinuisset, si ipse & qui secum erant Fratres & milites, sinceram intentionem, & firmum ad Diuini Cultus augmentum zelum in Domino habuissent. Sed cognouit Scrutator cordium non sinceram obsidentium voluntatem, qui ipsam Ecclesiam obtentam, pro-

ponebant



ponebant rursus incastrare, & in eadem peiora fortassis prioribus perpetrare; Quare misit Dominus dissensionis spiritum in eosdem, ut inter se super Capitaneatu Ecclesiae ipsius, nondum obtentæ, disceptarent, & sic subortâ discordiâ, Commendator *Elbingen.* sæpius memoratus, discordiæ eiusdem origo, primò, deinde residui omnes, vnâ cum Domino Magistro, non absque verecundiâ, & sequenti iacturâ non modicâ, nemine fugante, recesserunt sine ordine. Et post dictam obsidionem dissolutam Vassali, Communitas, & Milites, Regis partem confouentes, magnam audaciam & prosperitatem, in factis suis receperunt, Pars autem Magistri & Ordinis sui effæminata & deses, nihil boni faciebat, peruersæ suæ voluntatis condignam luens ultionem.

Ut potitâ Ecclesia commodum habeat.

Ante obtentam Capitaneum destinat.

Soluitur obsidio Ecclesiae.

Anno Domini M. CD. LXIII. die decimâ tertiâ Mensis Februarij, quæ fuit dies Veneris ante Dominicam, Esto mihi. Reuerendissimus Pater Dominus *Hieronymus* Archiepiscopus Cretensis, per Sanctissimum Dominum Pium Papam secundum, cum potestate Legati de Latere, ad Pacem inter Dominum *Poloniae Regem*, Vassallosque ac Communitates Confæderationis terræ *Prussiae* parte ex vnâ, Magistrumque & Ordinem suum partibus ex alterâ reformandam, & differentias Confæderationis occasione subortas sopiendas, ad partes præfatas destinatus, per *Regnum Poloniae*, iter suum dirigendo, venit in Castrum *Allenstein*, ibidemque honestè prout decuit susceptus, & die sequenti in *Heilsberg* conductus est; ubi per Dominum *Paulum* Electum Episcopum honorificè susceptus, & diebus aliquot splendide conuiatus pretiosis donis honoratus est, in valore centum florenorum: qui consequenter Dominum Magistrum in *Königsberg* visitauit, ac suis cum eodem finitis colloquijs, ad Dominum Electum in Castrum *Heilsberg* remeavit; indeque progrediens, venit in *Allenstein* die decimâ quintâ Aprilis, vterius ad Conuentionem, Prælatorum, & Consiliariorum Dominorum Regis & Magistri, Vassallorumque ac Communitatum Confæderationis præmissorum, in Oppido *Brzeg* Regni *Poloniae*, ad festum S. Georgij præfixum, profectus est. In quâ quidem Conuentione, idem Dominus Legatus, inconsultè, durè nimis contra Regni *Poloniae* Prælatos & Confæderationes Communitatis inuehendo, tractatus Pacis, adeò perturbauit. ut postea Dominus Rex cum suis, & Confæderati, præfatum Dominum Legatum ad tractandam Pacem, tanquam vehementer suspectum, admittere omninò recusarent; Si in primo mansuetè procedens, paci congruos tractatus habuisset, spes erat, communiter vtriusque partis, omni-

Archiepiscopus Cretensis Nuntius Apostolicus venit in Prussiam.

Propter componendas differentias.

Allensteinum venit. Heilsbergam.

Regiomotem.

Redit Allensteinum.

Postea Brigam ad conuentum deputatorum.

Vbi se partialè declarat.

Eum Rex ad tractatus amplius non admittit.



Vratislaviam  
concedens se  
admitti frustra  
petit.

Episcopus à  
Magistro Bart-  
steinum ad di-  
etam vocatur.

Magister instat  
vt Episcopus  
declaret se pro  
parte sua in  
Bello.

Episcopus di-  
lationem ad  
deliberandum  
postulat.

Quòd se decla-  
rare non possit  
probat ratio-  
nibus.

Primò

Secundò

Tertiò

bus discordiis sopitis, ipsum pacis sibi Auctore assistente, in-  
dubiè Pacem reformasse. Et sic rebus infectis recedere coa-  
ctus est, iuitque in Ciuitatem *Vratislauensem*, magnam apud  
Regem, Regniq̃ Prælatos instantiam faciens, vt ad Tracta-  
tus Pacis posset admitti, quod tamen suspicionum objectu, mi-  
nimè potuit obtinere.

Anno Domini M. CD. LXIII. in festo *S. Ioannis Baptista*  
Dominus Magister Stipendiariis suis (vt asseruit) sollicitantibus,  
Dominum *Paulum* electum & confirmatum Episcopum Ecclesiæ  
*Varmien.* in Oppidum *Bartstein* vocando ad dietam, sollicitè in-  
stitit apud eundem, vt neutralitati, quam ex *Domini Papæ* Com-  
missione, ac vtriusq̃ partis contendenti, Regis videlicet & Ma-  
gistri consensu, tam diu tenuit abjecta seu remota, partem Ma-  
gistri assumere vellet; subiungens quòd Stipendiarii sui, omni-  
nò conclusissent, dictam à modo neutralitatem nolle tolerare,  
sed aut expressus esset Inimicus, aut Amicus. Erant enim o-  
mnes Milites præfati, concordēs & vnanimēs, prout ipse Domi-  
nus Electus secretè fuerat auisatus, quòd nisi se pro parte Do-  
mini Magistri declararet, ipsum omnes diffidare, ac Dominium  
Ecclesiæ inuadere, segetes in campis destruere, ac omnia vel-  
lent deuastare. Vnde Dominus Electus in validâ perplexitate  
constitutus, dilationem deliberationis, vsq̃ue ad festum *S. Iaco-  
bi* obtinuit postulatam. Quo quidem termino, iterum in *Bar-  
tstein* Dominis, Magistro & Electo constitutis, Dominus Magi-  
ster præpetitam declarationem, cum instantiâ postulauit; Do-  
minus verò Electus, vnâ cum aliquibus de Capitulo suo, non-  
nullisq̃; Vassallis ac Oppidanis suis, multas causas rationabiles, &  
validissimas, quare neutralitas sibi suisq̃ue expediret, impedi-  
menta etiam, quare se declarare non posset allegauit.

*Primò*, Quòd Sanctissimus Dominus Papa *Pius II.* in suo à  
Curiâ recessu, seriò ei commisisset, vt in Dominio Ecclesiæ suæ  
residens, nullatenus faceret se in Bello partialem, cui commis-  
sioni contrauenire non posset ne de inobedientiâ notaretur.

*Secundò*, Quòd vti ex Legati Sedis Apostolicæ, ad Pacem re-  
formandam, inter Dominos, *Regem Poloniae*, & Magistrum, per  
Dominum Papam ad has partes destinati, relationem percepisset,  
idem Dominus Papa dicto Legato commisit, vt in Tractatu Pa-  
cis, sibi Dominum Electum haberet adiunctum, ipsius quoque  
consilio potiretur, quod post factam declarationem, cum se fe-  
cisset Partialem, fieri non posset.

*Tertiò*, Quòd Dominus Rex, Sanctissimi Domini Papæ, au-

dita



data Domino Electo de Neutralitate seruanda, factâ Commis-  
sione, de eadem contentus, eidem Domino Electo, ad partes *Prus-*  
*sia* & Dominium Ecclesiæ fauisset ingressum; Quoddq; idem Do-  
minus Electus, Domino Regi, in dicto suo ingressu promississet,  
quod de Castris & oppidis Ecclesiæ Varmiensis, tunc Domini  
Regis partem fouentibus, recuperatis, eidem Bellum mouere  
non sineret.

*Quarto*, Quod Dominus Magister, in primo ingressu, Domi-  
nium Ecclesiæ, Domini Electi præfati; ac auditâ Domini Sanctif-  
simi Papæ *Pij II.* sibi factâ Commisssione, de dictâ Neutralita-  
te fuit contentus.

*Quinto*, Quod sub eiusdem Neutralitatis contextu, Castra  
& Oppida Ecclesiæ omnia, per partem Domini Regis occupata,  
recuperasset, de quibus Domino Magistro & suis, nullum Bel-  
lum, nec pericula prouenirent.

*Sexto*, Quod pretiosiora Ecclesiæ Clenodia, nec non Ponti-  
ficalia, Libri resq; diuersæ, essent in Oppidis *Gdansk* & *Elbing*,  
quæ Domini Regis fouerent partem, quæ omnia in euentum  
declarationis præfatæ, in Ecclesiæ notabile damnum, perditio-  
nis periculo subjacerent.

*Septimo*, Quod Ecclesiæ Dominium, inter terras quas Domi-  
nus Magister recuperasset, & eas quas adhuc Domini Regis pars  
occupabat, consisteret in medio, casu ergo quo se Dominus E-  
lectus, pro parte Domini Magistri & Ordinis sui declararet, to-  
tum Belli pondus, sibi & Ecclesiæ suæ subditis immineret, ad  
quod pondus sufferendum, ipse cum suis non sufficeret.

Sed præmissis omnibus, aliisq; vrgentibus causis allegatis,  
minimè suffragantibus, seu admissis; coactus fuit Dominus Ele-  
ctus, vt maiora proximè imminencia pericula euitaret, pro par-  
te Domini Magistri se declarare. Et vt ita fieret, Ecclesiæ Op-  
pida voluerunt, & signanter *Braunsberg*, postea *Heilsberg*; *Res-*  
*sel*, *Gutstadt*, *Scheburg*, *Wartemburg*, *Bischoffstein*, maximè hoc  
attento, quod per Domini Regis Milites, intollerabilia dietim  
damna sustinerent, & præcipuè *Braunsbergenses* à *Ioanne Schal-*  
*ski*, qui in animæ suæ dispendium, Ecclesiam *Varmiensem* inca-  
stratam occupabat; Nec eosdem iustissimæ, ac multiplices de-  
stando juri, coram Domino Rege, scriptis & Nuntiis, per Domi-  
num Electum factæ accusationes, potuissent in aliquo releuare;  
Fueruntq; super præmissis, Declaratione & Concordia, Pactif-  
que literæ conceptæ, quibus fuit competenter Ecclesiæ, de in-  
demnitate prouisum, si saltè fuissent firmiter obseruata. Quas

Quarta.

Quinta.

Sexta.

Septima.

Coitur Episco-  
pus se pro par-  
te Magistri de-  
clarare.

Incitantibus  
Ciuitatibus.

Conficiuntur  
diplomata qui-  
bus indemni-  
tati Ecclesiæ  
cauebatur.

quidem



quidem Literas, Dominus Magister, Commendator *Elbingenses*, & certi alij Commendatores & Ordinis Fratres, in Concordia nominati, Militumq; Capitanei, quilibet cum tribus suæ Legionis Senioribus juxta compactata, deberent Sigillare. Promisit insuper idem Dominus Magister, omnibus præsentibus, in dictâ Conuentione annuentibus, se immediatè post declarationem eandem, suis cum Fratribus & Militibus, campum facere velle, aliquas inimicorum munitiones obsidere, & Ecclesiæ terras fideliter defensare.

*Hucusq; Historia suæ seriem perduxit Ioannes Platsuig, Decanus & Canonicus Varmiensis: quæ verò sequuntur, sunt annotata per Reëndum Dñum Ioannem Cretzmerum Decanum ibidem & Canonicum Varmiensensem.*

## Decimus Quintus EPISCOPVS NICOLAUS de TVNGEN.

**P**Aulo de *Legendorff* vitâ functo, nondum compositis rebus, *Nicolaus* de *Tüngen* à Capitulo *Varmien*si eligitur. Sub hoc Pontifice, Bellum cum *Serenissimo Rege Poloniae Casimiro* instauratur, ob Ecclesiæ libertatem defendendam; *Regius Exercitus Prussiam* ingressus, *Wormdidi* & *Gutstadt* interceptit, & Oppidum *Heilsberg* Anno M. CD. LXXIX. in Septembre obsidione cinxit, sed frustra: Multis enim æquis pacis conditionibus, bellum pace mutatur; *Nicolao* Ecclesiam reliquo tempore, optimè gubernante. Obiit autem hic, in Arce *Heilsberg*, 14. die, Mensis Februarij, quæ est dies *D. Valentini*, Anno Domini M. CD. LXXXIX. Sepultus *Frauenburgi* quiescit,

## Decimus Sextus EPISCOPVS LVCAS WEISSELROT.

**N**Icolao demortuo *Lucas Weisselrod*, alias dictus de *Allen Thoruniensis*, in Episcopatum succedit, legitimè à Canonicis electus, & à Pontifice confirmatus, qui multa cum laude dùm viueret administravit. Defunctus est *Thorunia* in Patriâ suâ, Dominicâ Iudicâ Anno Domini M. D. XII. Corpus Sepulturæ apud Ecclesiam *Varmien*sem traditum,

Decimus



Decimus Septimus EPISCOPVS  
FABIANVS de LV-  
SIANIS.

**L** Vcam Weiffelrod, sequitur in eadem dignitate, *Fabianus de Lusianis*, Vir non indoctus. Sub hoc Episcopo bellum inter Serenissimum *Sigismundum Poloniae Regem*, & *Albertum Marchionem Brandenburgicum*, Magnum Ordinis tunc *Teutonicorum Magistrum*, cum magnâ huius terræ, & præcipuè Episcopatus deuastatione geritur; Anno M. D. XX. Fractis rebus Ordinis, fiunt Induciæ ad quadriennium, vt interim comparato belli neruo, & collectis militibus Ordinis, bellum renouetur. Hoc vbi parùm juxta voluntatem procedit, interueniunt *Traſtari*. *Albertus* hortatu suorum, Crucem nigram, Ordinis sui insigne, cum ipsâ Religione, deposuit, & ditionem Fratrum, in Feudum, à Serenissimo *Sigismundo Rege* accepit, ejusq; fidem & obedientiam, *Cracouia*, in Celeberrimo totius Regni Conuentu, confirmauit, interponens Iusjurandum. Hæc in eâ Vrbe gesta sunt *Sabbatho* Vigiliæ *Palmarum*, quæ dies octaua fuit Mensis Aprilis. Anno M. L. XX. V. Cæterùm *Fabianus* Episcopus, de quo supra dictum est, cùm hæc fierent, è viuis sublatus erat. Mortuus est enim in Arce *Heilsberg* 30. Mensis Febr: Horâ II. Diei Anno M. L. XX. III. Ecclesiam Orbatam post tot belli inceptions, in magnis periculis relinquens. Tumulatus in Ecclesia *Varmienſi*.

Decimus Octauus EPISCOPVS  
MAVRITIVS FERBER.

**P** Ost obitum *Feliciani*, Capituli consensu, ad eum dignitatis gradum, *Mauritius Ferber* *Gedanens*. prouectus videtur in quo constitutus, multis curis & sollicitudinibus Ecclesiæ vi ablata bona recuperare, desolata nouis Agricolis locare, diligens fuit. Cùm verò inter *Polonos* & *Pruthenos*, depositis semper nouorum armorum terroribus, Pax firma constituta foret, sub hoc Pontifice, de innouanda Mōneta agi coeptum est; vt æquabilis in toto Regno cuderetur. Hic an sua quenquam commoda damnaue promouerint; ignoro. Dum hæc geruntur, quæ ad Publicam vtilitatem pertinere videntur, *Sambienſes*



Rustici cum nonnullis aliis rebellare cæperunt, quorum motus facile *D. Marchio Albertus Dux in Prussia* compressit, duci iussis ad supplicia Authoribus, sequuta est festa tranquillitas in aliquot Annos sequentes, quibus *D. Mauritius* Ecclesiæ suæ Bonus Pastor præfuit. Hic migravit à sæculo Die I. Iulij. Horâ tertiâ Matutinâ Anno 1537. Appositus est ad Prædecessores suos in Ecclesia *Varmienfi*.

## Decimus Nonus EPISCOPVS IOANNES de CVRIIS.

**I**oannes de Curijs, prius Episcopus *Culmenfis*, *Dantiscus* à Patriâ Vocatus, I. V. D. Canonicus *Varmienfis* & *Alexandri*, *Ioannis Alberti*, & *Sigismundi Polonia Regum*, Secretarius & Orator ad *Maximilianum Tertium*, *Carolus V.* Imperatores, *Ferdinandum Bohemiæ Regem*, *Venetos*, Pontificem *Maximum*, ijsq; tam claris Legationibus per multos Annos, & cum laude perfunctus, Orator & Poëta præstans, post *Mauritium*, ab Episcopatu *Culmeni* Anno 1537. ad *Varmiensem* postulatur: Quem cum annis vndecim administrasset, Anno Christi 1540. Vitâ functus, & in Cathedrali Ecclesiâ sepultus est.

## Vigefimus EPISCOPVS TIDEMANVS GISIVS.

**T**idemanus Gisius *Gedanensis*, Custos & Canonicus *Varmienfis*, Parochus *Gedanensis*, cum prius ipse quoq; fuisset per aliquot Annos *Culmenfis* Episcopus, Homo literatus, disertus, & doctus. sed non vsquequaque in Religione Catholicâ sincerus, quod scripta eius demonstrant, quæ tamen in lucem edita non sunt, ad Episcopatum *Varmiensem* prouectus est, cui præfuit non totos duos Annos, Septuagenarius mortuus est Apoplexiâ, Anno 1550. die 4. Octobris.

## Vigefimus Primus EPISCOPVS STANISLAVS HOSIVS.

**S**tanislaus Hosius postea Sacræ Ecclesiæ Romanæ Cardinalis, *Patre Vlricho consule*, apud Regem *Sigismundum* honorato & gratioso



gratioſo *Cracouiæ* ortus, & in Acad: *Crac:* educatus, I. V. D. & Secretarius Regius: Cùm in Căcellaria & in cōſeſſu Iudicū Regiæ Curia, aliquot annis honorato ſtipendio conductus conſediſſet laudabiliterq; ſe geſiſſet; Legationes ad Carolum & Ferdinandum Fratres, Culmenſis Episcopus designatus dextrè obiit. Inde ad Varmienſem Episcopatum tranſſatus, & à Pontifice Maximo Paulo IV. euocatus, in Aula Pontificia vitam egit. Adextremum à Pio IV. inuitus factus Cardinalis S. R. E. Sacro Concilio Tridentino, nec non Pœnitentiæ Apoſtolicæ præfuit. Extant ejus nonnulla Opuscula, inter quæ præcipuum eſt, Fidei Catholicæ Cōfeſſio, vicies plus minùs diuerſis locis edita, & per totum Orbem Chriſtianum cum ſumma laude diuulgata. Obiit in Caſtello Capranica febri grauiſſimâ eneſtus; Funus ejus Romam deportatum, in Templo *Sanctæ MARIAE trans-Tyberiana* (cujus titulum ad extremum obtinebat) ſepultum eſt Anno 1579. die 5ta Menſis Auguſti. Episcopatu partim ſolus, partim cum Coadiutore Reuerendiſſimo Dño Martino Cromero præfuit Annis 37. Vir Piſſimus Caſtiſſimus & egenorum Pater.

Vigefimus Secundus EPISCOPVS  
MARTINVS CROMERVS.  
M E R V S.

Martinus Cromerus Biecenſis I. V. D. & Theologus excellens, nec non Cracouienſis Canonicus, Cantor Varmienſis, à Cardinali Hoſio cum quo familiariffimè vixit, Coadiutor expetiſtus, ſingulari Sigismundi Auguſti Regis ſtudio prouectus, & ſummâ Pontificis Maximi, & Cardinalium conſenſione renunciatus, Episcopatum compluribus Annis adminiſtrauit. Deinde Anno Dñi 1579 Hoſio vitâ functo, in Episcopatum ſucceſſit, Paſtor non indiligens. Iuuenis ſtipendio Regis conductus, iſſdem quibus Hoſius in Aula muneribus functus. Inde apud Pontificem Maximum Paulum III. publicè Obedientiam nomine Regio detulit. Apud Ferdinandum autem Caſarem, decies interpolita, ac deinde Vndecimam perpetuâ in Septimum Annum Legatione perfunctus; gratioſus apud eum & Liberos ejus fuit. Inter Pacificatores Sueciæ ac Dania Regum, Regis Poloniae nomine, Principem locum tenuit. Nihilominùs in illis Peregrinationibus & Actionibus ſuis publicis, ſtudia



doctrinæ & Theologiæ non post habuit. Extat Opus Dialogorum eius, de vera & falsa Religione, Catecheses Latine Polonice & Germanice editæ. Itemq; Libri Triginta de Origine & Rebus gestis Polonorum, & Duo Descriptionis Poloniæ, Morumq; Magistratuum & Institutorum latine, præter alia quædam minutiora. Obiit assumpto Coadiutore *Andreas Bathoreo Transyluano, Stephani Regis ex Fratre Nepote, S. R. E. Cardinali.* Anno Domini 1589. 23. Martij. Ætatis suæ 77.

Vigefimus Tertius EPISCOPVS  
ANDREAS BATHOREVS.

**A**ndreas Bathoreus S. R. E. Tituli Sancti Angeli Diaconus Cardinalis, Laudatissimi *Stephani Poloniæ Regis*, ex Fratre Nepos, egregiis animi & corporis dotibus præditus, mortuo Episcopo Cromero, Ecclesiæ Varmienfi feliciter præfuit: & gloriose mortalem vitam in immortalem commutauit.

F I N I S.

*Incidit in manus nostras antiquissimus Liber M. S. De Officialibus Curia Reuerendissimorum Dominorū Episcoporum Varmiensium: in cuius calce adiecta erat sequens Historia: quæ quoniam ad seriem Episcoporum pertinere videtur; eam in gratiam Lectoris hic inferendam putauimus.*

NICOLAUS HOGENBERG,  
Nominatus Episcopus Varmienfis.

**P**ost obitum Reuerendissimi Patris Domini *Hermani* piæ memoriæ, Dominus *Ioannes Streiffrock* qui fuit suus Vicarius ad Viginti Annos, ad Vltimum Canonicus Ecclesiæ fuit electus Iuridicè; qui transiens cum duobus Canonicis ad Curiam Romanam, assumens secum tres Familiares pro nutu suo, inter quos erat *Nicolaus*, qui fuit Camerarius suus, filius cuiusdam Militis nomine *Gerke Prutheni*, de allodio Hogenberg. Qui cum venientes ad Curiam pararent se cum literis Electionis, & cum aliquibus muneribus, Idem *Nicolaus* qui fuit

studens.



studens *Pragensis*, munera portauit ad Palatium Papæ, offerens sanctissimo. Præsentatis Literis & inuestigatâ causâ, Dominus Sanctissimus fecit verbum Electo dicens; Iste Puer cuius idiomatis est? Electus respondit, *Pruthenus*, Papa immediatè protulit hæc verba; ô Sanctissime Deus, sunt isti *Prutheni* tam benè dispositi! Nobis autem dictum est, quòd est Populus deformis & indispositus. Scitne puer iste Literas? adiecitque Papa. Fili scis literas & immò Sanctissime. Afferatur Liber. Fili lege: Intelligis tenorem scripti? respondit immò, & exposuit. Modico interuallo interposito, Papa loquebatur Electo; Domine Electe, scitis vos linguagium istius terræ? Qui respondit Non. Papa. Et quomodo potestis intelligere Populum? Tum respondit. Per Interpretem. Papa. Durum est informare Populum per Interpretem. Est noua plantatio, recessse est, vt haberetis plures in suo linguagio, Dominus DEVS omnipotens misit Discipulos suos in vniuersum Mundum, instinctos Spiritu Sancto, scientes omnia genera linguarum, qui multum fructum attulerunt. Post paululum dixit Papa Electo; Iste puer ex parte Idiomatis, dignus est istâ Ecclesiâ, & dixit Fili istam Ecclesiam conferimus tibi, & committimus populum eiusdem in animam tuam. Et recesserunt de Palatio. Idem Nicolaus videns Dominum suum tribulatum & angustiatum, dùm esset in Hospitio, dixit hilari vultu, Domine Venerabilis nolite tristari ad verba hæc. Quamuis Dominus Optimus respexit me, & Sanctissimus Papa, cum ista Ecclesia, quâ ego non sum dignus. Ergo resigno Vestræ Paternitati. Spero in Deum, quòd Paternitas Vestra, meam humilitatem & voluntatem non obliuiscetur. Qui respondit humilitatis & voluntatis tuæ memor ero diebus vitæ meæ. Alterâ die redierunt ad Palatium Papæ, vbi Nicolaus flexis genibus, & cancellatis manibus, retulit grates Sanctissimo, & resignauit sibi Ecclesiam collatam, petens humiliter, quatenus Dominus Electus suus confirmaretur. Sic Dominus Sanctissimus annuit, & confirmauit Electum, juxta Electionem Literarum. Et ibi tunc temporis fecit Sanctissimus & dedit Statutum & mandatum Ecclesiæ *Varmiensis*. Quòd Ordinarius Duodecim *Pruthenos* iuuenes, deberet educare in suo Castro *Heilsberg*, sub suo stipendio eos prouidere & promouere, & de subsequentibus curam de super habere, vt Populus habeat aliquot Clericos in fide informatos. Et idem Dominus *Streiffrock* mandatum prædictum, in sua reuersione de facto



compleuit, in rei indicium *Castrum Heilsberg* exponens, fundavit Scholas in fossa vel in celario coquinæ, vbi adhuc apparent ostia & fenestræ, fideliter continuans diebus vitæ suæ. Similiter Dominus Successor suus *Henricus Sorbom*, & *Henricus Heilsberg* & *D. Ioannes Abesier*, vsq; ad mortem eorum fideliter continuauerunt. Similiter & Canonici tunc temporis. Sed Dominus *Franciscus* dissipauit, volens *Pruthenis* aliter subuenire, Impetravit quandam gratiam à Sanctissimo Papa Martino amoris dati pro *Pruthenis*, vt omnes Ecclesiæ vbi essent *Prutheni*, deberent conferri linguagio *Pruthenicali*; Et cessauit istud Mandatum quasi ad quinquaginta Annos, vnâ cum Canonicis vsque ad præsens tempus.

## SCHOLIUM.

Quicunq; est narrationis huius Scriptor, post *Hermannum*, *Ioannem Striffrock* ponens, à verò aberrauit: quandoquidem ex Annalibus euidentissimè comprobatur, *Ioannem Misnensem*, non *Ioannem Striffrockium*, *Hermano* in Episcopatu successisse: Aut si errorem scriptoris excusare volumus, in librarium culpa reiicienda erit, qui *Ioannis* nomini inhærens, in cognomine lapsus, pro *Misnensi*, *Striffrockium* posuit. Vel certè *Historiæ* fides vacillat. Nec enim probabile est *Innocentium VI. Pontificem* Viro maturæ ætatis à Capitulo legitime electo, Iuuenem laicum præponere, & ad Ecclesiæ gubernacula admittere voluisse; solius Idiomatis intuitu; qui non potuit ignorare, ad plantandam in *Prussia Christi Fidem*, Episcopos etiam ex ipsa Pontificum Aula, diuersæ nationis & linguæ, per suos Prædecessores missos antea in *Prussiam* fuisse. Sed & illud non quadrat *Ioannem Striffrockium Hermani Episcopi* ad viginti annos Vicarium fuisse: quandoquidem *Hermannus* duodecim tantum annis in Episcopatu vixit, quibus etiam si addantur quinque, quibus *Ioannes Misnensis*, *Hermani* Successor Ecclesiæ præfuit, neq; tamen numerus hic Viginti annorum constabit. Curia etiam Romana, ad quam *Striffrockium* profectum scribit, non *Romæ* sed *Auenione* tunc fuit. Verùm tamen horum omnium fides penes Auctorem esto.



VITA SANCTI  
ADALBERTI II. PRA-  
GENSIS EPISCOPI,

Et postea

ARCHIEPISCOPI GNESNENSIS,

*Ex monumentis & annalibus Archiui Sedis Episcopalis Varmiensis,  
atq; ex Majorum traditione.*



**S**anctus Adalbertus natione Bohemus, cum generis splendo-  
re, tum vitæ sanctitate, atque doctrinâ (Diuinitus tamen  
infusâ magis, quàm labore acquisitâ) nobilissimus Pra-  
gensis Episcopus, & Gnesnensis Archiepiscopus à primis pue-  
ritiæ Annis, Diuinum Numen ardenti coluit animo. Ad E-  
piscopatum inde promotus, in cuius administratione ita se  
geffit, vt nullum Vigilantis Pastoris officium, in se desidera-  
ri pate-



ri pateretur. Sed quia acris fuit, tùm criminum censor, tum Cleri reformatore, tantum contra, se Nobilitatis nimium licenter vivere assuetæ, & Cleri concitauit odium, ut truci contumaciâ, ipsius præceptis, se palam opponerent, eoq; suâ proteruiâ Virum Sanctissimum impellerent, ut ad extremum cum docendo, monendo, castigando nihil proficeret, Populi concione publicè conuocatâ, Episcopatum spontè deponeret, Romamq; secederet, vbi in Monasterio Sancti Gregorii monasticam viuens vitam, Septennium transegit. Verùm crescente interim in Bohemia summa omnium licentiâ, à Bohemis ipsis per Legatos, à Pontifice Maximo (is tùm fuit Gregorius V.) repetitur: Pontifex facillè annuit. At verò Vir Sanctus memor peruiaciæ, quam ante fuerat expertus, antequam remitteretur, illud primùm à Pontifice & petiit & impetrauit, ut si duræ ceruicis *Bohemi*, spretis pij *Pastoris* monitis, ad ingenium rediret, in iisdemq; sceleribus quibus prius incorrigibiles permanerent, liceret sibi circumuicinis Infidelibus Populis, Euangelium Christi prædicare. His ita gestis *Pragam* reuersus honorificentissimè excipitur. At non multò post, cum eadem diligentia, quâ prius vitia publicè redargueret, pertinaci genti exosior etiam quàm antea factus, iterùm Clero rebeli, & Populo inobedienti & contaminato nuntium remittit, Bohemiamq; deserit: & ut erat propagandæ fidei Christianæ studiosus, in Vngariam primùm abiit: vbi *Stephanum* Regem cum multis Vngaris, ad fidem Christianam conuertit. Inde *Poloniam* peragruit, & veluti inuictus belli Dux, omnibus factus omnia, non ita multò ante ad Christum conuersos, passim confirmauit, & ad constantiam hortatus est. Interim in amicitiam *Boleslai Chabri Polonorum Ducis* venit, ab eoq; tanquam Vir Deo charus, & multâ pietate, multâque doctrinâ præditus, in magno habitus, est honore, eiusq; monitu cepit consilium in *Prussiam* eundi, ad submittendum Euangelio barbaram, plenamq; inimicorum Christi, regionem. Dicitur promississe *Boleslao*, de suo ad ipsum reditu, se omninò siue viuum siue mortuum, Gnesnam (ea illis temporibus Ducum Poloniae sedes communis fuit) ex *Prussia* reuersurum. Itaq; nihil moratus, primùm *Gedanum* in *Pomeraniam* contendit: vbi plerosq; reperit Christianam profiteri Religionem, vacillantes in fide ad constantiam inuitauit. Inde per maritimam peninsulam *Neringam* profectus Anno Domini 997. principiò in eam Prussiae partem appulit, quæ *Sambia* vocatur, quæque *Luxeto* tunc *Prussorum Sambienfium Ducis*, (quem Patriâ linguâ *Kongen* Vulgò vocabant) parebat.

Hic



Hic varia agitât consilia vt *Prussos* à Daemonum culturâ ad fidem Christianam traducat, tentauitq; omnia, vt quod conabatur efficeret. Primùm *Luxetum* adit, comitatus duobus sui Ordinis Monachis *Benedicto* & *Gaudentio*, indiuiduis suæ peregrinationis comitibus, Viris & ipsius vitæ Sanctitate & doctrinâ admirandis. Illi aperit aduentûs sui causam, petitq; facultatem sibi dari, *Prussis* verum Deum Deiq; Filium prædicandi : graui etiam oratione conatur *Luxeto* ipsi persuadere, vt & ipse nomen det Christo. *Luxetus Princeps* alioqui minimè malus, nec ciuiler omninò imprudens, *Sanctum Adalbertum* de Christo perorantem, non inuitus audiuit: Verùm ei respondit; vnicus sum homo. Si tibi potestatem facerem in Ditione mea, contra sacrosanctam Deorum immortalium religionem prædicandi Christum, non tantùm Rempubicam totam perturbarem, verùm etiam & me, & Te, magno capitis periculo inuoluerem. Nihilominus tamen, se primùm omnium ad *Kirwaidum* ( ita enim *Kryue/fo* supremum suorum sacrorum Antistitem, cuius summa apud *Prussos* gentiles erat Auctoritas, appellârunt ) relaturum, ac de eius consilio & sententiâ se id tandem facturum, quod è Republica esse videretur. Interea in suâ Ditione vbicunq; vellet commoraretur. Sic *Sanctus Adalbertus* à *Luxeto* digressus, in vicinam Syluam quercinam, ad littus *Maris Baltici* concessit, ibique cum Fratribus Comitibus suis, quotidie preces horarias religiosè recitauit, & sacrificium Missæ deuotè peregit.

Non multis interiectis diebus, venit responsum à *Kirwaido* ad *Luxetum* in eam sententiam scriptum; Non esse adeò se mucosis naribus vt non olfaciat, quorsum tendat ista noua Crucifixi Dei prædicatio, nimirum, vt Poloni perpetui Prussici nominis hostes, cum aliâ non possint, vel hac ratione, Republicâ Nostrâ perturbatâ, Nos in perpetuam seruitutem redigant. Quare si saperet, non permissurum illis, vllam in Prussia, vel prædicandi vel commorandi facultatem. Insuper idem *Kirwaidus* submiserat Primarios quosdam *Waydelottos* ( nomen id erat Sacrificulorum Gentium ) magnâ stipatos famulorum turbâ, vt *Sanctum Adalbertum* cum socijs, vel inuitum ex Prussia pellerent.

*Luxetus* igitur curat *Sanctum Adalbertum*, de tam duro *Kirwaidi* responso certiolem fieri, simulq; mandat, vt sibi à Concionibus temperet, ac Ditionis suæ finibus, primo quoq; tempore excedat. *Sanctus Adalbertus* gemebundus promittit se imperata facturum; atq; ita reuertitur in locum pristinum Diuersorij. Postero die summo mane parat abitionem, prius tamen



Missam sub dio celebrat; conuenerant eò non pauci ex circumvicinis agricolis, qui eis tanquam Viris bonis necessaria ministrabant, & tum abituris valedicere cupiebant.

Et iam *Sanctus Adalbertus* sarcinulas colligebat, cùm ecce de improviso adsunt *Wardelotti* cum non contemnenda armatorum manu, furenti impetu eum inuadunt, strictisque gladijs primum illi caput amputant, mox corpus eius audaci furore pleni, frustatim concidunt: Fratres verò eius, metu perculsi, in fugam se dederunt. Insequuntur barbari, *Gaudentium* assequuntur, ac crudelem in modum, ferro in viscera eius adacto contrucidant. *Benedictus* trepidâ fugâ intactus euasit.

Sequenti die Rustici quidam tanti Viri necem miserati, collegerunt omnia frustra cadaueris *Sancti Adalberti*, & in subiectam planitiem (vbi ad perpetuam rei memoriam, Ecclesia eius nomini sacra erecta visitur) comportarunt vt sepelirent. Et ecce ineffabili quadam Diuinæ prouidentiae vi, Venerandum Martyris Corpus, præter omnium opinionem redintegratum surgit, induit se sacris illis vestibus, in quibus paulò ante Domino DEO sacrificium Missæ obtulerat: sumit caput, à corpore ferro præcisum, ante pectus; eadem viâ quâ in *Prussiam* venerat per terras, per aquas, præcedente lucidâ columnâ cælitus demissâ, regreditur: atque inde iuit, multis sequentibus & rem cum admiratione spectantibus, quindecim milliaria Germanica, ad Capellam quandam Ruralem penes fluuium Rudanam, vno circiter milliario à *Gedano* non procul à villa Prust sitam, nunc ad *Sanctum Adalbertum* nuncupatam. In ea Capella fuit Altare formam arcæ habens, in illud igitur (mirabile dictu) se ipsum vnâ cum capite, multis adstantibus & admirantibus, recondidit, jacuitq; ibi sine honore totos tres annos.

Tribus post annis accidit, vt quidam Vector *Masouita* Gedano proficiscens, penes dictam Capellam Ruralem (vt fit) sub dio pernoctaret. Ad eum venit *Sanctus Adalbertus*, postulat vt se *Gnesnam in Poloniam* veheret, iustum Vecturæ pretium, se vbi eò perueniret, accepturum promittit, indicatq; locum vbi Corpus eius jaceret. Promittit Vector se quod postularet, haud grauatè facturum. Igitur cùm diluxisset, Corpus Sancti Martyris, ex arca illa Altaris acceptum, à corruptione integrum, gratumq; odorem spirans, lodicibus inuoluit, & in suum currum imponit; atq; sic proficiscitur. At in itinere cogitationem suscepit, contra fidem Sancto Martyri datam, tùm sacrum pondus præclarumq; thesaurum, ad suos in *Masouiam* deuehendi. Et

cùm



cùm viam quæ *Gnesnam* ducit præterijisset, quatuor dierum iter *Masouiam* versùs, frustrà fecisse dicitur. Vespere autem quodam, in *Pomesania*, magno cuidam *Pago Prussico* appropinquat, animaduertitq; in eo *Prussicos Agricolas* ebrios esse, vociferari, & choreas ducere; ideòq; metuit in Villam cum Sancti Viri Corpore proficisci, ne fortè ab ebriosis ferisq; Idololatræ, currus excuteretur, & deprehenso quòd Cadauer humanum veheret, pœnas ab eo sumerent: Sancto Martyri ne qua injuria inferretur, timuit. Itaq; cùm varias curas in animo ipse suo, vt corpus in tuto seruaretur, voluasset; fortè ante pagum in syluula quadam, tandem reperit cauam quandam quercum, habentem foramen, cuius altitudo à terrâ ferè superabat proceri Viri altitudinem, in ea Sancti Viri reliquias occultauit, & cum curru vacuo venit in Villam. Eâ autem nocte euenit, quòd *Vector* ille Hospitam suam compressit, & cum ea carnaliter peccauit. Manè vixdum diluxerat, cùm ad repetendum *Sanctum Martyris Corpus* ad quercum properat. Hic Deus iterùm rem fecit, quæ vix vllâ ex parte miraculis antea supra naturâ captum, editis, cedat: Nam Corpus adeò immobile reperit, vt ne digitum quidem mouere *Vector* fornicarius posset. Tum ille securi acceptâ, foramen per quod Corpus immiserat in quercum, magis dilatauit, eo consilio vt omnes Vires ad illud mouendum adhiberet. At nihilò magis loco moueri potuit. Interea dum ita ad quercum hæret, superueniunt Prussi, indignabundi interrogant, quid homo peregrinus rerum ibi agat? quid in aliena terrâ quærat? cur arborem dissecuerit? quid moliatur? Ille feritate Barbarorum perterritus, rem omnem vt gesta erat, narrat. Statim hominem in vincula conijciunt, remque totam ad *Kongen* suum, id est, Dominum & Principem *Pomesaniæ* (qui vocabatur *Misloius*) deferunt. Ille iubet *Masouitam* dimitti, Corpus verò *Sancti Adalberti* retineri ac diligenter asseruari.

*Masouita* pristinæ libertati restitutus, *Gnesnam* properat, & *Boleslao Polonorum* Duci, omnia quæ cum Sancti Martyris Corpore acta gestaq; sunt narrat. *Boleslaus* propter nouitatem miraculi, inter spem & gaudium suspensus, ablegat suos Oratores in *Pomesaniam* ad *Kongen* siue Principem *Misloium*, vt suo nomine ab eo postulent Corpus *Sancti Adalberti*: Quibus *Misloius* respondit: Si *Boleslaus* habet pecuniam, ego habeo Corpus, Tum illi; quantum pro eo (inquiunt) poscis? Tantùm ait æris signati, quantum Corpus ipsum ponderabit. Oratores hæc referunt *Boleslao*. Is mox remittit *Borziuoium*, cum tantâ pecuniæ vi, quanta verisimiliter satis futura videbatur. Euntem comitata est ma-



gna hominum vtriûsq; sexûs multitudo, eo consilio, vt sacrosanctas Reliquias ex *Prussia*, eâ quâ par est reuerentiâ, *Gnesnam* deducerent. Vbi ad locum destinatû ventum est, producitur libra, in alteram lancem Corpus, in alteram magnum auri pondus à *Borziuoio* allatum. Verûm tantû abfuit, vt aurum, grauitate suâ Corpus, præponderaret, vt etiam illud cum lance, ne tantillum quidem mouere posset. *Borziuius* sollicitus, pecuniam à lance recepit, & iam cogitabat ad *Boleslaum* ablegare certos homines, qui plûs pecuniæ ab eo poscerent, cûm ecce commodum à suis monetur, vt eos quos secum ex *Polonia* in suo Comitatu adduxisset, hortetur, vt conferrent ad Corpus redimendum quantum quisq; posset. Paritum est libenter. Primò omnium inops quædam vidua, duos obolos imposuit in vacuam lancem, & ecce de repente, occultâ quâdam Diuinæ prouidentix vi, pondere suo duo illi oboli, longè superabant grauitatem *Corporis Sancti Adalberti*: quòd videns *Misloius* grauitèr commouebatur, ægrè etiam ceteri Idololatrx. *Misloius* tamen quia ita cum Polonorum Principe pactus erat, Corpus *Borziuoio* tandem in Poloniam deferendum tradidit. Denarios autem *Prussi* ex Lance arreptos, in terram projectos, indignabundi pedibus conculcârunt, *Polonicus* tamen Orator vt *Misloij* animum quoquo modo placaret, antequam in Poloniam, cum Corpore *Sancti Adalberti* lætus rediret, non Vulgare illi auri pondus dono dedit. *Gnesnam* cûm ventum esset, *Dux ipse Boleslaus* cûm nobilitate, cûm Clero, & vniuerso populo, extra Oppidum processit obuiam, Mortuo redeunti *Sancto Adalberto*: & sic fidem suam, quam Principi in Prussiam discendens de reditu suo vniuerso dederat, Mortuus liberauit: Sacrumq; Corpus eius, cûm maxima veneratione, & celebri Pompâ deduxit in Ecclesiam Cathedralem, & inter illius adita, splendide & religiosè, perindè atq; magnum *Reipublicæ Thesaurum*, reponi curauit. Vbi multis postea claruit Miraculis. *Prussi* verò non multis post Annis, Diuinâ vindictâ ( vt creditum est ) ab Exteris Nationibus & Cruciferis mirabili strage sapiùs fusi victique, ac tandem omni suâ Ditione exuri sunt, quòd tantopere in Sanctos Martyres sauiuerunt.



BIBLIOTH. UNIV.



JAGELLONICAE



